

**COMMENTARII**  
**PARAPHRASTICI**  
*IN*  
**D. PAULI**  
**APOSTOLI**  
**EPISTOLAS**  
**SECTIO ALTERA.**





# ARGUMENTUM

## EPISTOLÆ D. PAULI

### APOSTOLI

AD

## GALATAS.

**G**alatia Provincia est minoris Asiæ. Quà Orientem respicit, finitimam habet Cappadociam, ab Occidente Bithyniâ, à Meridie Pamphyliâ, à Septentrione Pontô Euxino clauditur. Galli, è finibus suis olim egressi, postquam teste Pausaniâ Macedoniam & Thessaliâ depopulati sunt, trajecerunt in Asiam à Rege Bithyniæ unâ cum Græcis in auxilium evocati, & regioni à se devictæ nomen primum Gallogræciæ, postmodum Galatiæ imposuere. Huic porro nationi Paulus Apostolus Evangelii lucem prætulit non absque fructu prædicationis suæ amplissimo; cum verò inde digressus pro munus sui ratione, alias quoque regiones lustrare, & celestis

(A) doctri-

doctrinæ radiis illustrare compelleretur, deferbuit ardor ille pristinus, quo Christi Evangelium à Paulo prædicatum Galatæ complexi fuerant, nimirumque faciles aures præbuerunt pseudo-Apostolis ex Judæorum gente supervenientibus, passimque spargentibus, observantiam legis Moisaicæ cum Evangelio necessariò conjungendam. Allegabant illis hi sycophantæ exemplum aliorum Apostolorum, qui ritus hosce Judaicos perquam religiosè custodirent, autoritate ac dignitate Paulo utique longè præferendi tanquam testes oculati & omni exceptione majores, qui Christo Domino convixerant, propriisque auribus ejus prædicationem exceperant, nec non signa admiranda ab eo patrata viderant, cum Paulus nec cum Christo conversatus, neque ab eo in Apostolorum Collegium cooptatus fuerit, adeoque ejus doctrinam nec satis intelligeret, nec fideliter referret. Ab hoc ergò tam gravi ac periculoso errore ut Apostolus eos, quorum conversioni tantopere insudaverat, maturè revocaret, epistolam hanc exaravit, in quâ copiosè, ac luculenter disserit de ritibus antiquæ Legis, nec non de fide ac gratiâ Jesu Christi, cui hominis Justificationem attribuit. Epistola hæc videtur epitome quædam esse Epistolæ ad Romanos inscriptæ, utraque enim eandem doctrinam complectitur, iisdem prope sententiis, rationibus, ac phrasibus utitur. Hieronymus, Athanasius, Theodoretus Romæ scriptam perhibent, negat Chrysostomus, Baronius & alii, quin convenient, num Ephesi num alibi in Græciâ scripta.

Cap. I. Præmissis consuetis salutationibus acriter invehitur in Galatas, quòd ab Evangelio à se prædicato tam citò deflexerint, & abjectâ fiduciâ, quam omnem in Christo Domino collocare debuerant, eò dementiæ progressi sint,



sint, ut crederent observantiam circumcisionis & aliorum rituum antiquorum necessariam esse ad perfectam, numerisque omnibus absolutam justificationem. Tum anathematis fulmen in eos evibrat novatores, qui contraria prædicationi suæ dogmata ausint disseminare, ne ipsis quidem Angelis aut sibi ipsi, si hoc attentari fors contingeret, per acutam spiritûque divino succensam hyperbolem parcens. Denique certitudinem doctrinæ suæ, quam non ab hominibus, sed ab ipso immortali Dei Filio per revelationem se accepisse testatur, multis argumentis adstruit. Addit, se tertio à conversione suâ annò ascendisse Jerosolymam ad conferendum cum ipso Petro Apostolo, quocum per quindecim dies ibi commoratus sit.

Cap. 2. Memorat se evolutis ab agnitâ Christi fide quatuordecim annis Jerosolymam rursus venisse, ibique doctrinam suam tribus Apostolis Petro, Jacobo, ac Joanni communicasse, quam illi approbatione suâ per omnia ut integerrimam firmaverint. Susceperat hanc protectionem Apostolus ad componendas tricas ac dissensiones Ecclesiæ Antiochenæ circa observantiam caeremoniarum legis antiquæ. Judæi enim nuper admodum ad Christi Religionem traducti modis omnibus contendebant, eas Christianis etiamnum retinendas, Gentiles verò post ejuratum idolorum cultum tam grave jugum aspernati sese illis submittere recusabant. Sacri interpretes non satis conveniunt, num quatuordecim hi anni, sub quorum finem se Jerosolymam ascendisse commemorat, computandi sint à die conversionis suæ, an verò à primâ protectione, de quâ priori capite loquitur. Divo Hieronymo posterior arridet sententia, priorem verò longè plures amplectuntur majori veritatis apparentiâ. Diversitas isthæ

(A 2)

mino-

minoris momenti est, quàm controversia illa, quæ gemino Apostolorum Principes Petrum & Paulum Antiochiæ collisit ratione antiquæ Legis rituum. D. Hieronymus secutus Græcorum sententiam opinatur, redargutionem istam simulatam tantummodò fuisse. D. Augustinus verò contendit, Petrum Apostolum seriò & ex merito reprehensum. Utriusque hac de re Epistolas in 2. tom. Oper. D. Augustini reperies. Nobis ob argumenti brevitatem non vacat hanc controversiam discutere, quæ peculiarem sibi locum ac disquisitionem deposceret. Sub finem capituli triplici ratione probat Apostolus, Justificationem nostram ex solâ fide vivâ Christi provenire. Prima est, quòd Servator noster aliàs peccati auctor ac Minister foret, si lex ab eo abolita maculam illius eluere posset. Secunda, quòd lex disponat ad Evangelium, & ipsamet profiteatur, se in Christo desinere, ac mori. Tertia, quòd alioqui gratis Christus mortem oppetiisset, si homines ex lege justitiam gratiàmque consequi possent.

.. Cap. 3. Ad idem argumentum comprobandum 5. adducit rationes. Inprimis propriam eorum experientiam, quandoquidem non nisi præmissâ per baptismum sanctificatione gratia patrândi mirâ illis impertita fuerit. Secundo affert in medium Abrahami exemplum, qui ante legis primordia justificatus est ex fide in Deum. Tertiò ostendit eos, qui sub lege gemunt, obnoxios esse maledicto, quod ipsa pronuntiat contra ejus transgressores, cum tamen illud per Christi mortem sublatum sit. Quarto allegat ex prophetâ Abacuc textum, quo pronuntiat justum ex fide vivere. Quintò cum justitiæ consecutio Abrahamo ejusque posteris promissa sit, docet eam obtineri per fidem, quam huic pollicitationi adhibent. Denique

*EPIST. D. PAULI AD GALATAS. 5*

nique legem Moysis pædagogus æquiparat, & Israëlitas pueris, quos necesse erat, quâ minis, quâ promissis in officio contineri, donec ætatem & usum attingerent rationis perfectæ, nempe ad tempus usque à Divinâ providentiâ præfixum pro manifestatione & adventu promissi Messie.

Cap. 4. comparat legem tutori, & Israëlitas pupillis sub tutelâ constitutis. Addit Christianos jam esse majores, atque adeo, non amplius indigere rectore, qui eos corripiat, & ut servos durius habeat, cum jam adoptati sint in filios Dei. Subin gloriatur de benevolis olim erga se Galatarum studiis, eisque in mentem revocat, quo ardore complexi fuerint Evangelii sui prædicationem, ut eos inconstantie suæ pudeat, quod tam leviter ab eâ resiliant. Priusquam capiti coronidem imponat, Vetus Testamentum assimilât Agar ancillæ Abrahami, novum vero Saræ conjugii magni hujus Patriarchæ, Judæos Ismaëli, Christianos Isâaco: unde infert, quemadmodum Agar ejecta fuit cum filio suo ex ædibus heri, ita & Veterem Legem eliminatam esse ab Ecclesiâ, ejusque sponso Christo Salvatore, quemadmodum Isâaco tota hæreditas cessit ut ingenuo filio, ita & novæ Legi obvenisse prærogativas omnes promissionum, quæ factæ sunt per oracula sacerorum Vatum, & demum quemadmodum Ismaël infesto animo persecutus est Isâacum, ita & Judæos insurgere in Christianos odio at fivore acerbissimo.

Cap. 5. Hortari pergit Galatas ad excutiendum jugum Legis Veteris, ne excidant gratiâ justum reddente, quam fides in Christum charitate animata mentibus inserit tam Gentilium, quàm Judæorum, eosque in libertatem asserit filiorum Dei. Inde factâ digressionem, prout assolet, à do-

ctrinâ dogmaticâ ad moralem occasionem arripit differendi de luctâ carnis contra spiritum, & discrimine mōrum à tam oppositis principiis scaturientium enumerando opera tam carnis quàm spiritūs, ut ab illis caveamus quàm diligentissimè, his autem insistamus ardentissimè.

Cap. 6. Obtestatur illos, ut adversus abductos à rectâ semitâ, & forsitan relapsos in aliquas noxas & errores cum omni lenitate ac moderatione procedant. Excitat eos ad humanitatis & beneficentiæ officia exhibenda præcipuè domesticis fidei, Christianis videlicet, propositâ remuneratione amplissimâ, additōque saluberrimo monitō, eos, qui se Legis Mosaicæ perquàm religiosos cultores deprædicant, id facere jactantiæ & inanis gloriolæ causâ, quōque securitati suæ magis consulant adversus infesta Judæorum molimina. Demum concludit Epistolam adhortatione repetitâ, ut doctrinæ à se traditæ firmiùs deinceps insistant, in ejusque confirmationem postremam allegat, & quodammodo exhibet stigmata Jesu Christi sibi impressa relictis luculentis cicatricibûs, in quibus tanquam trophæis & regalibus signis unicè gloriatur tanquam fortissimus pugil, sēque ex invictâ tot laborum ac persecutionum tolerantia fidelissimum, atque addictissimum Christo Domino suo servum comprobat.





# PARAPHRASIS IN EPISTOLAM D. PAULI APOSTOLI

AD

## GALATAS. CAPUT I.

1. **P**Aulus Apostolus non  
hominum auctoritate, *non ab hominibus, neque*  
aut commendatione *per hominem, sed per*  
ad prædicandum Evan- *JESUM Christum, &*  
gelium vocatus, sed ip- *Deum Patrem, qui su-*  
*scitavit eum à mortuis:*  
sus JESU Christi Domini nostri  
Deique Patris imperiò, qui ipsum  
à mortuis excitavit vi divinâ ac po-  
testate, quam Filio dedit, *omnis*  
*enim virtus filii de patre est,* verba  
sunt S. Ambros. in hunc textum,  
*ut gesta Filii facta sint Patris, ex quo*  
*omnia.*

## 8 PARAPHRASIS IN EPIST. D. PAULI

2. *Et qui mecum sunt omnia.* 2. Et omnes, qui cum illo sunt (sunt autem quamplurimi) fratres Ecclesias Galatiæ salvere jubent.

3. *Gratia vobis & pax non à Deo Patre & Domino nostro Jesu Christo,* 3. Gratia vobis & pax non à Moyse, vel Lege, sed à Deo Patre & Domino nostro JESU Christo.

4. *Qui dedit semetipsum pro peccatis nostris, ut eriperet nos de presenti sæculo nequam, secundum voluntatem Dei, & Patris nostri.* 4. Qui semetipsum tanquam preciosam victimam pro expiatione nostrorum delictorum obtulit, atque in eum finem, ut instituta deinceps sanctiori vitâ à flagitiosi hujus & corruptissimi sæculi moribus, quam longissimè recedamus, quæ est Dei Patris nostri mittentis hunc nobis salutis deperditæ reparatorem voluntas primaria. 5. cui sit gloria in omnem æternitatem, Amen.

5. *Cui est gloria in sæcula sæculorum: Amen.* 5. Equidem mirari fati non possum, quòd cum vobis perseverandum fuerit in fide dogmatum, quæ vobis à me non ita pridem annuntiata sunt, tam facilè in transversum vos abduci patiamini ab his Novatoribus, qui omni studiò inducere vos satagunt ad retinendam observantiam rituum antiquorum, quòdque à Deo Patre averse, qui vos benignissimè vocare dignatus est in noticiam JESU Christi, & communicationem cœlestium ejus charismatum tam citò transiliatis ad amplectenda.

6. *Miror, quòd sic tam citò transferimini ab eo, qui vos vocavit in gratiam Christi, in aliud Evangelium;* 6. Equidem mirari fati non possum, quòd cum vobis perseverandum fuerit in fide dogmatum, quæ vobis à me non ita pridem annuntiata sunt, tam facilè in transversum vos abduci patiamini ab his Novatoribus, qui omni studiò inducere vos satagunt ad retinendam observantiam rituum antiquorum, quòdque à Deo Patre averse, qui vos benignissimè vocare dignatus est in noticiam JESU Christi, & communicationem cœlestium ejus charismatum tam citò transiliatis ad amplectenda.

Acta.

## APOSTOLI AD GALATAS. CAPUT I. 9

addendum novum Evangelium, quasi aliud ab illo ac præstantius daretur, Christoque addendus sit Moyses, & Evangelio lex cæremonialis.

7. Hæc mutatio adeo inexpectata & exotica est, ut vix in animum inducere queam, eam levitati vestræ unice imputandam. Simplicitate ac credulitate vestrâ haud dubiè abusi fuerint hi veteratores, fallaciisque suis, quasi tenebris offusis vobis illuserint, ad elevandam ac deprimendam auctoritatem Evangelii JESU Christi, qui nos servitute Legis exemit. Nolite eos audire, fratres mei, neque patiamini fascinari vos splendido fuce argutiarum, quibus somnia sua & imposturas contegere student. Omnis innovatio in materiâ religionis plena periculi est, ac cane pejùs & angue fugienda, uè vobis jam sæpiùs insinuavi. 8. Tantùm abest, ut Novatorum istorum oratione commoveri vos oporteat, ut si per conditionem haud possibilem, vel ego ipse, vel angelus quispiam de cælo veniens quidquam promulgaret, quod perceptæ jam fidei doctrinæque repugnaret, vel non usquequaque conveniret, anathe-

ma

*7. Quod non est aliud, nisi sunt aliqui, qui vos conturbant, & volumus convertere Evangelium Christi.*

*8. Sed licet nos, aut Angelus de cælo evangelizet vobis, præterquàm quod evangelizavimus vobis, anathema sit.*

(B)

10 PARAPHRASIS IN EPIST. D. PAULI

9. *Sicut prædiximus, & nunc iterum dico: si quis vobis evangelizaverit præter id, quod accepistis, anathema sit.*

ma censeri debeat. 9. Ac ne quis existimet, hoc mihi per imprudentiam, aut animi succensi impotentiam temerè excidisse, iterum, iterumque repeto, quisquis ille fuerit, quocunque demum caractere sive angelico, sive Apostolico gloriatur, si quis contraria aut quoquomodo repugnantia prædicaverit iis, quæ accepistis à nobis, non solum aures ab eo, animosque avertite, sed etiam ut omni execratione, & anathemate dignum falsarium repellite. Quin imò, si per impossibilem suppositionem Deus ipse revelaret contrarium quid fidei nostræ, quàm jam primò revelavit, primæ ejus revelationi standum esset, non secundæ, quia si revelaret contrarium, mutaretur, adeoque desineret esse Deus, & prima infallibilis veritas, quæ omnia cum fieri repugnet, illud consequitur, Deum nec per se, nec per alios contrariam priori doctrinam nobis tradere posse.

10. *Modò enim hominibus suadeo, an Deo? An quaro hominibus placere? si adhuc hominibus placerem, Christi servus non essem.*

10. Quòd porrò tam liberè tam fidenter antagonistas meos anathemati subjecerim, nolite mirari, cum enim acceperim à Deo ipso immortalitatem, quæ vobis laud ita pridem annun-



## APOSTOLI AD GALATAS. CAPUT I. II

annuntiavi, minimè convenit, ut ea humano angelicòque examini ac trutinæ submittam. Equidem mortalium salutem Deique unius gloriam pro ratione mei officii unicè quæro, an propterea existimatis, me eorum quoque benevolentiam & gratiam aucupari? Præfectò si eorum præconia studiâque ambirem ex meâ prædicatione, si Judæis gratificari ac placere contenderem, idoneus fidelisque Christi servus, qualem me profiteor, neutiquam forem. Vestrâ quidem sententia tantæ auctoritatis esse non videor, nec eâ fide dignus, qua cæteri Apostoli, eò quòd Apostolicam dignitatem ac missionem oretenus ab ipso Dei Filio in terris commorante non acceperim, nec ejus discipulus fuerim. II. Ego autem vobis palàm edico, Evangelium quod à me promulgatum est, non esse ejusmodi, quale vobis obtrẽctatores mei descripserunt, inventum videlicet meum, aut hominis cujuspiam auctoritate subnixum, 12. cùm illud divinitus acceperim ab ipso cœli terræque domino, tunc scilicet, cùm ab eo raprus sum in tertium cœlum.

II. *Notum enim vobis facio, fratres, Evangelium, quod evangelizatum est à me, quia non est secundum hominem;*

12. *Neque enim ego ab homine accepi illud, neque didici, sed per revelationem Jesu Christi.*

13.

(B 2)

## 12 PARAPHRASIS IN EPIST. D. PAULI

13. Audistis enim conversationem meam aliquando in Judaismo: quoniam supra modum persequabar Ecclesiam Dei, & expugnabam illam.

14. Et proficiebam in Judaismo supra multos coetaneos meos in genere meo, abundantius emulatore existens patrum meorum traditionum.

15. Cum autem placuit ei, qui me segregavit ex utero matris meae, & vocavit per gratiam suam,

16. Ut revelaret filium suum in me, ut evangelizarem illum in Gentibus: continuo non acquievi carni & sanguini.

17. Neque veni Jerusalem ad antecessores

13. Equidem non ignoratis, pristinam meam agendi rationem, cum adhuc legi Judæorum addictus viverem. Zelô præservido planè, que cœco persequabar Ecclesiam Dei instar ferocis bestiae in ejus exitium ruens, 14. & inter ætatis meae contemporaneos ac contritibiles, æmulatione patrum traditionum exardescens, primas mihi partes deposcebam infectandis Christi fidelibus. 15. Ubi autem Deo immortalis, qui me ab æterno necdum natum, adeoque & ante omne meritum gratuitâ bonitate secrevit in peculiare gloriæ suæ propagandæ instrumentum, ubi, inquam, illi placuit mihi revelare filium suum, non tantum ut illum ipse cognoscerem, sed etiam Gentibus annuntiarem, 16. statim voluntatem meam divinæ submisi eâ animi firmitate ac constantiâ, ut quidquid rationis humanæ sagacitas in contrarium suaderet pericula ob oculos representans, quibus me exponerem, mala gravissima mihi subeunda, si doctrinam invisam palam exponerem, id omne flocci facerem. 17. Jerusalem tamen me non contuli

ruli ad invisendos eos, qui ante me *res meos Apostolos: sed*  
ad Apostolorum vocati fuerant, *abii in Arabiam: & ite-*  
quippe qui iudicarem haud qua- *rum reversus sum Da-*  
quam convenire, ut ab hominibus *mascum;*

paulatim discerem, quod ab ipsâ  
æternâ veritate absque ullo studio  
ac defatigatione momentô quasi  
hauseram, sed in Arabiam profec-  
tus sum, ac denuo Damascum re-  
versus. 18. Non diffiteor, me  
Jerosolymam pôst excurrissè, ad  
visendum Petrum, quocum etiam  
ibi per 14. dies commoratus sum:  
hanc autem profectiorem honoris  
illi potiùs, quem semper plurimi fe-  
ci, tanquam Apostolorum Princi-  
pem, & Ecclesiæ universâlis pasto-  
rem, deferendi graciâ suscepi,  
quàm ut intra tam angustum tem-  
poris spatium ab eo instruerer, aut  
si quâ re errâssèm, corrigerer,  
quippe qui jam tres integros an-  
nos Evangelio prædicando operam  
dederam. 19. Alium autem ex

18. Deinde post an-  
nos tres veni Jerosoly-  
mam videre Petrum, &  
mansi apud eum diebûs  
quindecim.

Apostolis, à quo erudiri institui-  
que possem, vidi neminem, nisi Ja-  
cobum Christi consobrinum. 20.  
Testor autem Deum, me nihil ho-  
rum, quæ scribo, fingere, aut su-  
pra verum extollere. 21. Postea

19. Alium autem  
Apostolorum vidi nemi-  
nem, nisi Jacobum fra-  
trem Domini.

20. Quæ autem scri-  
bo vobis; ecce coram Deo,  
quia non mentior.

21. Postea  
verò visô Petro secessi in regiones  
Syriæ, (B 3)

21. Deinde veni in  
partes Syriæ & Ciliciæ.

## 14 PARAPHRASIS IN EPIST. D. PAULI

22. *Eram autem ig-Syriæ, Ciliciæque.* 22. Ut adeo notus facie Ecclesiis Ju-Christianis Ecclesiis Judææ ne de facie, quaerant in Christo; cie quidem notus fuerim. 23. Hic

23. *Tantum autem* tantum rumor in eâ provinciâ de auditum habebant: quo-me increbuerat, cum, qui aliquan- niam qui persequabatur do sibi honori duxerat Christi fi- nos aliquando, nunc dem professos divexare, atque in- evangelizat fidem, quam ectari, nunc mutato consiliô co- aliquando expugnabat: rum Apostolum agere, strenuûm-

24. *Et in me clarifi-* cabant Deum.

que percipiebat. 24. Quod eos impulit ad adoranda divinæ providentiæ consilia, & bonorum omnium largitori Deo, quantas maximas poterant gratias, laudèsq; referendas.

## PARAPHRASIS

### CAP. II.

1. *Deinde post annos* 14. *iterum ascendi Je-* rosolymam cum Barnabâ, assumpto & Tito.

2. *Ascendi autem se-* cundum revelationem: & contuli cum illis Evan-

1. **P**ostquam lumine veræ fidei collustratus fueram, fluxère quatuordecim anni, cùm denuo Je- rosolymam ascendi assumpto me- cum Barnabâ & Tito. 2. Ascendi autem non temerè, aut humano tantum consiliô, sed divinâ revela- tione

tione ad id compulsus, & seorsum ac privatos inter parietes doctrinam, quam palam prædico, contuli cum Apostolis, qui inter cæteros eminent, non quod ullus mihi scrupulus circa ullum etiam levissimum punctum inhæreret, aut quod instructione, ac directione aliquâ indigere me crederem, sed ut alii quidam ampliorem ex prædicatione meâ colligerent fructum, qui nempe majoris securitatis causâ sibi ad oculum demonstrari percipiebant, Evangelium meum, quod annuntiaveram, omnino convenire cum doctrinâ aliorum Apostolorum, nullamque reperiri posse dissonantiam. 3. Quidquid autem non pauci rationum adducerent, urgerentque, nunquam induci potui, ut Titum natione Græcum circumcidi permitterem, 4. sed constanter restiti ad defendendam libertatem ac veritatem Evangelii, & retundendam illam ipsam quorundam novatorum ac falsorum fratrum vesanam temeritatem, qui sese blandè ac subdolè insinuando irreperant ad explorandam mentem nostram circa libertatem, in quam Christi benefició asserti su-

mus,

gelium, quod prædico in Gentibus, seorsum autem iis, qui videbantur aliquid esse: ne fortè in vacuum currerem aut cucurrissem.

3. Sed neque Titus, qui mecum erat, cùm esset gentilis, compulsus est circumcidi:

4. Sed propter subintroductos falsos fratres, qui subintroierunt explorare libertatem nostram, quam habemus in Christo Jesu, ut nos in servitutem redigerent.

5. *Quibus neque ad horam cessimus subjectione, ut veritas Evangelii permaneat apud vos:*

6. *Ab iis autem, qui videbantur esse aliquid (quales aliquando fuerint nihil meâ interest. Deus personam hominis non accipit) mihi enim, qui videbantur esse aliquid, nihil contulerunt.*

7. *Sed econtrâ cum vidissent, quòd creditum est mihi Evangelium præputii, sicut & Petro circumcissionis;*

mus, & à gravissimo legis iugo subducti, ut quantum in ipsis erat, nos rursus in eandem miseram servitutem adigerent. 5. Quibus ne ad momentum quidem cessimus, sed operam dedimus, ut excussio semel servitutis jugo veritas Evangelicæ doctrinæ integra, atque illibata permaneret, nullâque vobis præberetur occasio à recto tramite declinandi. 6. Eò temeritatis quidem progressus non sum, ut mihi sententiam ferendi libertatem arrogem, num qui inter Apostolos præfulgent, rectè, aut perperam egerint, antiquorum rituum observationem fidelibus recens conversis indulgendo. Deus, cui nihil absconditum, quique hominum personas ac conditiones non respicit, quicumque illi demum sint, ille est, cui tanquam supremo Judici ab ipsis sui muneris reddenda ratio, quique solus perbenè novit, quid facere eos decuerit. Neque ad illud reflecto, quales fuerint, antequam ex abjectâ vilique piscatorum sorte ad Apostolicam dignitatem à Christo Domino eveherentur. 7. Hoc unum assero, eos nullo mihi adjumento fuisse, instruendo videlicet,

licit, aut consilia suggerendo, neque tamen in meâ doctrinâ quidquam carpere, aut reprehendere potuisset. 8. Quin potius, cum planè cognovissent, munus prædicandi Evangelii inter Gentes mihi divinitus concreditum fuisse, non minùs, quàm Petro inter Judæos: qui enim Petrum ad Apostolatûs fastigium evexit inter Judæos, me utique potuit ad idem munus inter Gentes assumere, viresque, atque talenta necessaria impertiri, uti reipsâ fecit.

9. Cum, inquam, divina ad hoc officium collata munera percepissent, Cephas, Jacobus & Joannes columnæ: nempe Ecclesiæ, sociales mihi ac Barnabæ dedere dexteras, ac summâ doctrinæ, animorûmque consensione ita inter nos convenit, ut nos inter Gentes, illi autem inter circumcisos Apostolatû fungerentur, quin ullam nobis legem, aut methodum docendi præscriberent.

10. Id unum monuerunt, atque rogarunt, ut memores essemus pauperum, quod equidem summâ, quâ potuimus, diligentia & charitate perficere studuimus.

11. Quamvis autem rebûs ita compositis concordēs discesserimus, ac

8. (*Qui enim operatus est Petro in Apostolatû circumcissionis, operatus est & mihi inter Gentes.*)

9. *Et cum cognovissent gratiam, quæ data est mihi, Jacobus, & Joannes, qui videbantur columnæ esse, dexterâs dederunt mihi & Barnabæ societatis: ut nos in Gentes, ipsi autem in circumcissionem.*

10. *Tantum ut pauperum memores essemus: quod etiam sollicitus fui hoc ipsum facere.*

11. *Cum autem venisset Cephas Antiochi-*  
(C.)

*am, in faciem ei restiti,  
quia reprehensibilis erat.*

12. Prius enim, quam  
venirent quidam à Ja-  
cobo, cum Gentibus ede-  
bat, cum autem venis-  
sent, subtrahabat, &  
segregabat se, timens  
eos, qui ex circumcisio-  
ne erant.

Cephā prae aliis magnopere susce-  
perim, quemadmodum jam insi-  
nuavi, praevalente tamen salutis ve-  
strae curā cuicumque affectui ac con-  
siderationi privatae, cum is Antio-  
chiam postmodum venisset, non  
potui mihi temperare, quin publicē  
eum redarguerem, & quidem ex  
merito. 12. Controversia ac con-  
testatio suborta tanquam inexpectata  
vos attonitos habebit, ut  
porro omnem scrupulum & admi-  
rationem vobis eximam, necessā-  
rium esse censeo, facti speciem  
candidē ac simpliciter exponere,  
ne me jure arguatis praeservidi  
zeli, aut correptionis parūm dis-  
cretæ. Cephas igitur tum tem-  
poris Antiochiæ degebat, & cum  
Gentibus, non rarō absque discrimi-  
nine ciborum liberē palāmque  
vescebatur, ubi verō nonnulli Ju-  
dæi à Jacobo Jerosolymorum Epi-  
scopo submissi advenēre, exem-  
plō mutatā vivendi ratione se ab  
eorum mensis & convictu clām  
subtraxit, veritus, ne eos exem-  
plō offenderet, qui erant ex Ju-  
dæorum gente & exacerbari po-  
tuisent, si illum ea minimē cu-  
rare animadverterent, quæ ipsis  
ex



ex diuturnâ & religiosâ legis suæ  
assuetudine horrore & abominationi

erant. 13. Qua auctoritate per-  
moti reliqui ferme omnes eâdem  
vivendi arte utebantur usque eò, ut  
ipse etiam Barnabas in ejusdem con-  
silio ac simulationis societatem per-  
traheretur ita se gerendo, quasi  
Judæi præferendi essent Gentibus  
conversis, legisque veteris observan-  
tia etiamnum ad salutem esset ne-  
cessaria. 14. Ego verò cum ad-

verterem præposteram hanc agen-  
di rationem, quæ veritati & liber-  
tati Evangelii non parùm officere  
poterat, justâ indignatione commo-  
tus Petrum coram omnibus hisce  
ferme verbis allocutus sum: si cum  
ipse Judæus sis, non ex Judæorum  
præcepto aut instituto vixisti, ante-  
quam hi fratres Jerosolymis adve-  
nissent, cur modò Gentes, quæ  
nunquam legis jugum subierant,  
compellis exemplò tuo, ut judai-  
cos ritus & ceremonias colant, qui-  
bus tu prius, ut non amplius neces-  
sariis renunciaveras amplexus legem  
gratiæ divinitus nobis annuntiatam?

15. Nos quidem etiam ortu ac ori-  
gine Judæi sumus, non autem ex  
progenitoribus nefando idolorum

13. *Et simulationi  
ejus censenserunt ceteri  
Judæi, ita ut & Bar-  
nabas duceretur ab eis  
in illam simulationem.*

14. *Sed cùm vidis-  
sem, quòd non rectè am-  
bularent ad veritatem  
Evangelii, dixi Cepha  
coram omnibus: si tu  
cùm Judæus sis, gentili-  
ter vivis, & non judai-  
cè quomodo Gentes cogis  
judaizare?*

15. *Nos naturâ Ju-  
dæi, & non ex Gentibus  
peccatores.*

cultui (C 2)

16. *Scientes autem, quod non justificatur homo ex operibus legis, nisi per fidem Jesu Christi: & nos in Christo Jesu credimus, ut justificemur ex fide Christi, & non ex operibus legis: propter quod ex operibus legis non justificabitur omnis caro.*

17. *Quod si quærentes justificari in Christo, inventi sumus & ipsi peccatores, numquid Christus peccati minister est? Absit.*

18. *Si enim qua destruxi, iterum ædifico: prævaricatorem me constituo.*

cultui deditis, quare nemo vestrum me juro suspectum habeat, quasi Patrum meorum legem iugratus & perfidus apostata contemnerem. 16. Sed & illud me minimè latet, eam nunc esse abolitam, & hominem modò non justificari ex operibus legis, sed per unam Jesu Christi fidem, illam enim deseruimus, ut in Jesum Christum crederemus, justique efficeremur per firmissimam fidem dogmatis ab ipso annuntiatis habitam, cum opera legis nullam ex se vim habeant ad nos ab omni culpâ liberandos. 17. Quod si repudiata absolute lege & collocata in fide Jesu Christi omni fiducia adhuc peccatis inquinati maneremus, nisi circumcisionis beneficiò lustremur, manifestè inde consequitur, eam fidem, quâ Christo conjungimur, ipsûmque adeo Christum peccati potius auctorem esse ac Ministrum, quàm ut illud tollat, abrogando videlicet legem, quæ sola secundum vos justificat, quòd cum absque horrore concipi nequeat, absit, ut hoc vel sentiamus ipsi, ac doceamus. 18. Ad me quod attinet, si ego, qui legem ejusque cæremonias jam pridem deserui,

cas

eas iterum revocandas & servandas statuerem, nunquid mihi ipsi contradicerem, magnóque me scelere obstringerem legem nunc præcipiendo, quam Deus abolitam vult, vel hæcenus obstrinxissem negligendo ejus observantiam. At verò nequam me reum profiteor eam infringendo, quin imò feci, quod debui propalando passim, eam non amplius necessariam. 19. Etenim, si verum fatendum sit, per ipsam legem, quæ ritè intellecta docet & ostendit, Christum tanquam promissum Messiam esse scopum legis, & complementum figurarum, ipsi legi mortuus sum, indèque quasi ab arbore veteri resectus, ut ligno crucis quasi novus surculus insertus, ut inde novam vitam & succum optatissimum gratiæ hauriam, atque ita Deo vivam. 20. Itaque non ipse jam per memet vivo, qui antea eram veteri homini conformatus, mortisque pabulum, sed vivit in me Christus, qui me unà secum cruci affixum novo spiritu animat, mentis tenebras discutit, innumerisque me cœlestibus donis atque favoribûs cumulat. Huic fidei in ipsum tanquam Dei omnipotentis di-

19. *Ego enim per legem, legi mortuus sum, ut Deo vivam: Christo confixus sum cruci.*

20. *Vivo autem, jam non ego: vivit verò in me Christus. Quòd autem nunc vivo in carne: in fide vivo filii Dei, qui dilexit me, & tradidit semetipsum pro me.*

(C 3)

21. *Non abjicio gratiam Dei. Si enim per legem justitia, ergò gratis Christus mortuus est.*

dilectissimum filium, qui semetipsum æterno Patri pro me tradidit, hostiam videlicet & victimam, ad expianda mea scelera, non autem legi Mosaicæ debeo, quòd vitam nunc longè aliam, & ab omni flagitio alienam ducam. Indignum me sanè reddideram tam singulari gratiâ, & quemadmodum illam non promerui, ut acciperem, ita pro acceptâ pares grates rependere non valeo. 21. Ne autem me penitus ingratum vel immemorem exhibeam, omnem operam illi conservandæ impendo, tantùmque ei defero, ut legis auxilium nullâ ratione ad justificationem requiram. Profectò si legi tanta vis inesset ad nos in gratiam Dei assumendos, frustra Christus pro nobis mortem operiisset. Quis autem adeo vâsanus sit atque impius, ut asserere ausit, tot opprobria, quæ pertulit, tot mira, quæ patravit, tot vulnera, quæ excepit, tot cruciatuum genera, quæ sustinuit, mortemque ipsam acerbissimam nihil omnino nobis ad salutem contulisse? ergò jure quàm optimo licebit concludere, eam nobis non à Moyse, sed à Christo, non ex lege, sed ex fide contingere.

PARA-

# PARAPHRASIS

## CAP. III.

1. **F**lerine potest, ô stolidi & amentes Galatæ, ut veritates adeo liquidas ac perspicuas, quæ menti vestræ jam altè insederant, in dubium nunc revocetis. Igno-

scite mihi, quòd acriori hoc dicendi genere utar : justus, isque gravissimus dolor, quem concepi considerando tam scèdos crassòsque errores, in quos heu miserè prolapsi estis aliorum haud dubiè impulsu, me compulit ad hanc, uti vobis fortassè videbitur, duriusculam correptionem, hoc enim rerum articulo exitialis vobis esset omnis dissimulatio ac lenitas, mihiq; verteretur non abs re crimini. Quibusnam, obsecro præstigiis fascinisque delusi estis, quorum oculis animisque non ita pridem prædicatione meâ ad vivum quodammodo propositus est Christus Dominus cruci affixus, suisque lineamentis ac coloribus ita expressus, ut non minorem tanto mysterio fidem

I. *O insensati Galatæ, quis vos fascinavit non obedire veritati, ante quorum oculos Jesus Christus præscriptus est, in vobis crucifixus?*

2. *Hoc solum à vobis volo discere: ex operibus legis, spiritum accepistis, an ex auditu fidei?*

3. *Sic stulti estis, ut cum spiritu cæperitis, nunc carne consummini?*

dem ac reverentiam affectu tenerimo plenam habueritis, quam si præsentem in monte calvariæ vidissetis hunc Dei filium inter acerbissimos dolores, gentisque perfidæ convitia pro salute vestrâ in cruce pendentem ac morientem. 2. Nolo prolixiori & subtiliori rationum copiâ vobiscum agere ad exaggerandam & exprobandam palparem vestram dementiam: id unum à vobis sciscitari libet, num ex observantiâ & vi præceptorum legalium, an verò ex fide, quæ auditione sacri Evangelii in vobis radices egerat, effusâ in vos divini spiritûs charismata perceperitis, non ex lege, accepistis enim illa, priusquam vel sciretis, quid lex Moisaica sibi vellet, vel ejus jugo vos subjeceritis, ergò ex fide, imprudenter itaque agitis, quòd à Christi fide ad legem Moyse transilire intenditis. 3. Adeone rudes & stupidi estis, ut cum rectus ordo postulet à carne ad spiritum progrediendum esse, vos econtrâ, postquam fide, obedientiâ cæterisque spiritualibus præditiis stulti Evangelicæ doctrinæ assensum præbueritis, nunc quasi illa non abundè suffi-

sufficerent, à pseudo-apostolis vos induci patiamini ad carnales & externas legis ceremonias tanquam ultimum perfectionis complementum, quod sanè nihil aliud est, quàm omnem ordinem invertere, & orto jam sole lucernam quærere, ac post solidum cibum infantium more lac denuo appetere vel denique quintam in curru rotam superinducere. 4. Si res ita se habet, an non vos miseros dicam, qui pro fide Christi tanta perpeffi estis & quidem absque omni merito & fructu? sed absit. Meliora spero: non absque causâ & incassum tot adversa constanter pertulistis, Deus, cujus amore hæc omnia præstitistis, remunerabitur & compensabit non absque fœnore & abundè omnia, modò poenitentia ducti revocato gradu fidem Evangelio à me prædicato firmissimam præbeatis rejectis ut modò supervacaneis ritibus Mosaicis. 5. Repeto dicta, ac denuo vos hortor, ut per seriam reflexionem etiam atque etiam consideretis, num Deus immortalis, qui vobis Spiritum sanctum, ejusque divina munera impertit unâ cum facultate tot mira patrandi, hæc omnia

4. *Tanta passi estis sine causâ? si tamen sine causâ.*

5. *Qui ergo tribuit vobis Spiritum, & operatur virtutes in vobis: ex operibus legis, an ex auditu fidei?*

(D)

6. *Sicut scriptum est: Abraham credidit Deo, & reputatum est illi ad iustitiam.*

7. *Cognoscite ergo, quia, qui ex fide sunt, ii sunt filii Abrahae.*

nia vobis praestiterit intuitu legis, an non potius ex fide divini verbi auditione percepta, & praestita doctrinae Evangelicae observantia? prius dici non potest, quandoquidem lex erat tunc vobis incognita, restat igitur, ut fidem gratiae Christi tantorum in vobis bonorum causam agnoscatis, à qua proinde ad legem minimè transferri debuistis. Hæc sola ratio vos deberet convincere, & omnem excludere replicam. 6. At verò, quò veritatem hanc magis magisque stabiliam, exemplum vobis proferam suspectum minimè. Abraham cuius vel solum nomen vobis venerationi est, iustus erat, lex tamen sat longo ab ipsius obitu tempore postmodum promulgata est, ergò nulla legis necessitas ad iustitiam: unde ergò, rogabitis me, illam consecutus est? respondet pro me sacra pagina, ex fide, quam divinis promissionibus habuit, fatearis ergò necesse est, id uni fidei acceptum referendum. 7. Qui vos persuasos volunt legem Christianam unà cum Mosaicâ copulandam & per diligentem observandam, Abrahamo ut patre magnificè gloriantur, scitote autem, qui eandem cum



cum ipso fidem sectantur, ad legitimam ejus prolem ac posteritatem pertinere, spirituales videlicet non generatione, sed imitatione, ac proinde eos respicere benedictionem, justitiam, & salutem Abraham promissam. 8. Porro Spiritus S. primarius sacrarum litterarum auctor omnia lustrans, ac suam divinam lucem complens, cum praevidisset fore aliquando, ut cuncti mortales fide justificentur, id multo ante Abraham prae-nuntiavit, gentes omnes pari cum ipso fide benedicendas ac justificandas. 9. Quemadmodum igitur is magnam apud Deum iniit gratiam fidem praestando pollicitationibus sibi à Deo factis, ita nos ejusdem benedictionis ac gratiae erimus participes, si hanc ejus fidem sedulam imitatione complectemur, & quemadmodum is non ex operibus legis, utpote longè posterioris justitiam consecutus est, ita longè à veritate aberrabimus, si ex illis nos eam adepturos existimabimus. Reponetis forsitan, legem necdum tunc temporis extitisse, adeoque ab illo servari non potuisse. 10. Respondeo, tametsi ea tempestate necdum lata fuerit, abolitam tamen nunc esse, tantumque ab-

8. *Providens autem Scriptura, quia ex fide justificat Gentes Deus, prae-nuntiavit Abraha: quia benedicentur in te omnes Gentes.*

9. *Igitur, qui ex fide sunt, benedicentur cum fideli Abraham.*

10. *Quicumque enim ex operibus legis sunt, sub maledicto sunt. Scrip-*  
(D 2)

*tum est enim : maledictus omnis, qui non permanferit in omnibus, quæ scripta sunt in libro legis, ut faciat ea.*

11. *Quoniam autem in lege nemo justificatur apud Deum, manifestum est: quia justus ex fide vivit.*

12. *Lex autem non est ex fide, sed qui fecerit ea, vivet in illis.*

esse, ut ex illâ benedictionem sperare possimus, ut potius execrationi sint obnoxii, quicunque tantum efficaciam illi tribuunt: intelligunt quidem ex illâ, quid prohibeatur, & minimè liceat, at verò præsidia necessaria ad ejus integram observationem neutiquam suppeditat. Dura est, & inflexibilis, & quando de suis transgressoribus loquitur, hisce utitur satis asperis & minacibus terminis: maledictus omnis, qui non manserit in omnibus, quæ scripta sunt in libro legis, ut faciat ea, atqui experientia manifesta demonstrat, eos qui sub lege sunt, seclusâ fide & gratiâ Christi legem passim violare, igitur & maledicto subjacent. 11. Quod si exemplum hoc Abrahami non videtur ad rem & appositè propositum, eò quod vixerit ante legis promulgationem, idipsum alio irrefragabili argumentò comprobabo. Abacuc legi subjectus erat, & prophético spiritu clarus, hoc teste justus ex fide vivit. 12. Jam verò opera legis haud itaque sunt opera fidei, cum nihil cœleste ac sempiternum indicare videantur, quod est proprium fidei, neque immortalem beatam.

beatamque vitam, de qua nobis sermo, per se afferre valeat, adcoque nec veram iustitiam, cum ista sibi mutuò cohæreant. Quòd si audieritis, eos, qui præcepta legis sanctè custodiunt, vitam consecuturos vi hujus observantiæ, id non aliter accipiendum est, quàm eos à morte præmaturâ servandos, quam incurrunt horum præceptorum transgressores, bonisque temporalibus, dum in hoc sæculo degunt, cumulandos. Erunt fortassis, qui replicent, si hæc ita se habent, & lex execrationibus abundat, nec benedictio ab eâ speranda, nos ergò, qui eam professi sumus optimâ mente, maledicto, adeoque æternæ damnationi subjacemus.

13. Repono sublatum esse hoc maledictum, quod à nobis incurrendum erat, & evitari non poterat, per mortem Christi Domini Servatoris nostri, tam ardenti enim amore nos complexus est, ut in se suscepit personam peccatorum, & fidejussione præstitâ pro expiandis noxis omnibus totius generis humani seipsum in metam & objectum statuerit omnis execrationis, quam Deus in ipsum quodammodo

trans-

13. *Christus nos redemit de maledicto legis, factus pro nobis maledictum, quia scriptum est: maledictus omnis, qui pendet in ligno:*

(D 3)

14. *Ut in Gentibus  
benedictio Abrahæ fieret  
in Christo JESU, ut polli-  
citationem Spiritus ac-  
cipiamus per fidem.*

transposuit, ut videlicet pro nobis  
in cruce infame & execrabile mor-  
tis supplicium subiret, juxta illa ver-  
ba: maledictus omnis, qui pender  
in ligno, idque tum ad ostenden-  
dam peccati enormitatem omni  
execratione dignam, tum ad mani-  
festandam amoris sui magnitudi-  
nem. Cruentum porro hoc sacri-  
ficio non tantum poenas ac male-  
dictiones omnes sustulit, quibus  
eratis obnoxii, 14. sed etiam obla-  
tum fuit ad accelerandas gratias  
favorésque cœlestes, quos nondum  
acceperatis, ad derivandas & effun-  
dendas in populos benedictiones,  
quæ illis promissæ erant in semine  
Abrahæ, nempe per JESUM Chri-  
stum, & ad consequendum median-  
te fide Spiritum Sanctum tantopere  
suspensum, ac tamdiu expecta-  
tum. Nempe, ut olim Moyses ser-  
pentem illum æneum fabrefecit, at-  
que in altum sustulit, ut spectatus  
à fauciis illis salutem afferret, ita  
Christus voluntate patris in crucem  
sublatus est, ut omnium mortalium  
scelera atque flagitia expiaret, ac  
veluti animi vulnera curaret, sed  
quemadmodum necesse erat saucios  
in illum serpentem oculos defigere,  
ut

ut salutem contēquerentur, ita nos omnes Christum veluti fidei oculō spectare oportet, ut sempiternam salutem adipiscamur. Atque hac

ratione primò exempti fuimus maledictō per mortem Christi Domini, tum fidem concepimus, quæ nos benedictione & gratiā justificante beavit, denique mentes ita ritè dispositas Divini spiritūs charismata fluminis instar uberrimè inundârunt. 15. Hactenus, fratres mei,

tum exempla vobis attuli ex sacris desumpta paginis, tum rationes sublimioris indaginis, nunc ut vestræ imbecillitati me attemperem, majoriq̃ue me claritate vobis explicem, popularia vobis, captūq̃ue faciliōra argumenta proponam. Si quis testamentum suum condidit cum omnibus solennitatibus de jure requisitis, necesse est illud executioni mandari, neq̃ue pro libitu rescindi potest, neq̃ue immutari addendo aliquid demendo, tametsi hominis duntaxat mortalis sit voluntas suprema. 16. Jam verò Deus im-

mortalis & immutabilis, testamentum pactūq̃ue condidit, quando Abrahamo pollicitus est, gentes omnes in ejus semine benedicendas,

15. *Fratres (secundum hominem dico) tamen hominis confirmatum testamentum nemo spernit, aut superordinat.*

16. *Abraha dicta sunt promissiones, & scriptum pactūq̃ue condidit, quando Abrahamo pollicitus est, gentes seminibus quasi in multis: sed quasi in uno: &*

ubi

*semini tuo, qui est Christus.*

ubi notetis velim, eum non dixisse, in ejus seminibus, nempe liberis quibuscunque, sed in tuo semine, ut denotaret, se tantum loqui de uno ejus filio, nempe Jesu Christo.

17. Hoc autem dico testamentum confirmatum à Deo, quæ post 430. annos facta est lex, non irritum facit ad evacuandam promissionem.

18. Nam si ex lege hæreditas, jam non ex promissione. Abrahæ autem per repromissionem donavit Deus.

17. Quare fidenter pronuntio, legem Moyse, quæ 430. annis à tempore hujus testamenti supervenit, non posse illud rescindere, & promissâ nobis factâ per Christum adimplenda infringere. 18. At qui infringitur vel vitiatur hoc pactum, si per legem præstantur benedictiones omnes Abrahamo, & in ejus personâ Jesu Christo promissæ, sique observatione præceptorum legalium justiciam consequimur. Si enim hæreditas per legem obtinetur, definit esse fructus & effectus promissionum. Itaque qui vobis hujusmodi imposturas ut fide dignas obtrudunt, impii sunt & sacrilegi, quod tanti non faciant supremam Dei immutabilis voluntatem, quam homuncionis,

19. Quid igitur lex? propter transgressiones posita est, donec veniret semen, cui promiserat, ordinata per angelos in manu mediatoris.

qui in fraudem facile inducitur. 19. Quandoquidem lex (dicit aliquis) nihil prodest, neque ullam vim habet ad nos Deo conciliandos, & ut benedictos hæredes instituendos, quorsum illam fuisse la-

tama

tam putamus, cui bono? Respon-  
sio facilis est. Lex hominibus da-  
ta est, ut exinde agnoscerent, quàm  
gravibus flagitiis se non rarò conta-  
minent, dum existimant, se ut plu-  
rimùm nihil perperam agere, tum  
ut inde cauciores redditi declinent à  
semità iniquitatis, tum ut pro me-  
rito & ratione violatæ legis casti-  
gentur, tum denique, ut conside-  
rando tantam suam imbecillitatem  
deposito fastu confundantur, & fa-  
teantur se Christi gratiâ tanquam  
potentiori remedio & auxiliò indi-  
gere tum ad eam ritè adimplendam,  
tum ad se conservandos in perfectâ  
vitæ integritate. Hoc fuit propo-  
situm legem statuentis, ut alias ejus  
prærogativas præteream, quæ eam  
veneratione dignam efficiunt, siqui-  
dem angelorum ministeriò Moy-  
si allata est tanquam mediatori, qui  
eam subin populo promulgavit, ut  
ei pro Medico & pædagogò interea  
serviret, donec JESUS CHRISTUS è  
cœlo descenderet, suâque nativita-  
te omnes gratias, quas hominibus  
promiserat, liberalissimè in eos ef-  
funderet. 20. Si Moyses inter-  
nuntium agebat inter Deum & Is-  
raëlitas, JESUS CHRISTUS eodem of-  
ficio.

20. *Mediator autem  
unius non est: Deus au-  
tem unus est.*

(E)

21. *Lex ergò adversus promissa Dei? Absit. Si enim data esset lex, qua posset vivificare, verè ex lege esset iustitia.*

ficio fungitur inter Deum & omnes mortales, mediatoris scilicet inter Patrem suum cœlestem, & homines in terris degentes, hoc enim Personam denotat constitutam inter alias duas ad eas reconciliandas; cùm autem Deus sit unicus, repugnare sibi aut Filio haudquaquam potest, inter ipsum ergò & nos litem suscitaram esse necesse est, adeoque & Mediatorem nostrum naturam utriusque litigantis in se habere, ut utrumque mutuò reconciliet, quà Deus mediatoris auctoritatem ac dignitatem præstando, quà homo mediatoris opera, passionibus, & merita exercendo. 21. Ut adeo nefas sit existimare, legem primi mediatoris oppositam esse & contrariam pollicitationibus factis personæ longè præcellentiori secundi mediatoris, quòdque Deus, qui per Moysen servum suum eam promulgari voluit ad aliquod tempus servandam, eam abrogare nequeat per Filium suum Servatorem nostrum, quandocunque ei libuerit. Profectò si Judæis data fuisset ejusmodi lex, quæ vi suâ nos Deo conciliaret, & vitam gratiæ, & sēminis Abrahæ benedictio-



tionem largiretur, illud cogeremus admittere, antiquatâ priori pactio-  
ne, quæ Abrahæ facta se ad  
omnes nationes extendebat, novum  
initum esse legis fœdus, vi cuius per  
ipsius legis opera justiciam asseque-  
remur. At verò oppositum longè  
certissimum est, illam tantâ vir-  
tute non esse præditam. 22. Om-  
nes planè divinæ litteræ cunctos  
mortales peccato (nempe universim  
& præcipuè originali) esse obno-  
xios docent, adeoque illa ipsa lex,  
ut mera illa præcepta continet gra-  
tiæ præsidio destituta, peccatum  
non tollere, sed indicare solum, &  
omnia ejus quodammodo laqueis  
involvere, & implicare potest, ne  
in vanum gloriemur, & fiduciam  
nostram frustra collocemus in ope-  
ribus & viribus propriis, sed potius  
liberationem à servili jugo, ac justi-  
ficationem nostram exspectemus per  
fidem vivam tanquam medium à  
Deo nobis præfixum ad percipien-  
dum fructum amplissimarum pro-  
missionum, quæ nobis in sacratissi-  
mâ personâ filii sui factæ sunt.  
Nempe, quemadmodum duplici  
ratione lex propter transgressiones  
posita

22. Sed conclusit Scrip-  
tura omnia, sub peccato,  
ut promissio ex fide Jesu  
Christi daretur creden-  
tibus.

(E 2)

23. *Prius autem quam veniret fides, sub lege custodiebamur conclusi in eam fidem, quae revelanda erat.*

posita est, (nam aut eas nescientibus commonstrat, aut per occasionem, & præter intentionem legislatoris, insuper auget) ita duplici ratione ducit ad Christum. Cum enim monstrat transgressiones, quasi morbum operiens medicum, à quo curetur, quærendum docet, cum verò per ipsam etiam augetur transgressio, quasi morbo crescente, qui curandus erat, tum suam illa manifestè probat impotentiam, itaque jam multò magis simul & morbi demonstratione, & impotentiae suae professione mittit infirmum ad verum medicum Christum. 23. Priusquam fides nobis illucesceret, eramus quodammodo conclusi intra fines præceptorum legalium velut aggeres, quos transilire haud liceret, quique obstabant, ne in manifesta crimina, quæ prohibebat, gentium more prolaberemur, metu scilicet poenarum coërciti, atque hac ratione mirâ quadam Dei providentiâ paulatim tanquam servos nos disponebant ad recipiendam fidem nobis suo tempore per Christi ejusque Apostolorum prædicationem revelandam, atque ita consequendam libertatem filiorum

rum Dei. 24. Lex itaque pædagi officio fungitur, qui nos docet agnoscere & sollicitè inquirere verum Messiam à tot sæculis jam nobis promissum. Pueris, qui necdum sibi regendis soli sufficiunt, datur præceptor, ut si ignorantia aut ætatis immaturitas eos ad crimen quoddam impelleret, ab eo cohibeantur metu pœnæ, quamprimum verò adoleverunt, removetur ille, utpote non amplius necessarius. Simili prope agendi ratione usus est cum Judæis, considerans enim, quòd rationis ductum minimè sequerentur, sed belluarum more carnis sensuumque illecebris freno omnia laxarent, legem illis per Moysen imposuit, quæ instar austeri rigidique pædagi metu ferulæ quodammodo illos à flagitiis cohiberet, spèque temporalium præmiorum ad observationem qualemcunque præceptorum excitaret.

25. Jam verò ubi fides in Jesum Christum, ex quâ tanquam radice justiciam & gratiam consequimur, ad quam etiam omnes hæ ceremoniæ, comminationes, atque præcepta viam straverant, sese ipsa prodidit, antiquata est lex, neque amplius

24. Itaque lex pædagogus noster fuit in Christo, ut ex fide iustificemur

25. At ubi venit fides, iam non sumus sub pædagogo.

(E 3.)

26. *Omnes enim filii  
Dei estis per fidem, quia  
est in Christo Jesu.*

27. *Quicumque enim  
in Christo baptizati estis,  
Christum induistis.*

28. *Non est Judæus,  
neque Græcus: non est ser-  
vus, neque liber: non est  
masculus neque fæ-  
mina. Omnes enim vos  
unum estis in Christo  
Jesu.*

29. *Si autem vos  
Christi: ergo semen*

amplius indigemus tali pædagogò,  
aut minis hisce ac terroribùs con-  
cutimur, sed peccati legisque ser-  
vitude liberati asserimur in libera-  
tem filiorum 26. Dei per fidem  
in Christo Jesu, non solum Judæi,  
qui legis pædagogiam subivimus,  
quàm gentiles, qui nullo pædago-  
gò usi sunt, 27. quicumque enim  
Christi auspiciis, & ut ejus partici-  
pes fieretis, baptizati estis, Christum  
indulistis, ejusque divinâ graciâ co-  
piosè perfusi, & exuto veteri homi-  
ne mirâ quadam similitudine velut  
transformati estis in Christum no-  
vum hominem, ut sicut Christus Dei  
filius est per naturam, ita & vos filii  
Dei sitis per gratiam & adoptio-  
nem. 28. nullo penitus gentis,  
sanguinis, aut sexus discrimine,  
cùm neque Judæi, neque Græci, ne-  
que servi, neque liberi, neque de-  
nique maris aut fœminæ diversa  
apud Deum in negotio salutis ha-  
beat ratio, sed omnes in Chri-  
stum Jesum tanquam membra unius  
corporis mystici sub eodem capite  
coaluistis, à quo etiam unum eun-  
démque spiritum ac vigorem acci-  
pitis, & fidei & charitatis. 29.  
Quòd si vos Galatæ licet gentiles ad  
Chri-

Christum ejusque corpus perinde ut alii pertinetis, profectò Abraham semen estis, adeoque vi factæ promissionis hæredes, semen, inquam, si non origine naturæ, æmulatione saltem & æqualitate fidei, adeoque promissiones hæ antiquissimæ vos perinde concernunt ac Judæos, quibus nequaquam invidere debetis propagationem naturalem, cum defectus hic abundè compensetur fide vestrà, & vitæ ad Christi, quem induistis imitationem compositæ sanctitate.

*Abraham estis, secundum promissionem hæredes.*

## PARAPHRASIS

### CAP. IV.

1. **R**Es mira, quòd cum homines naturæ instinctu subjectionem omnem oderint, & extrema quæque moliantur ad dirumpendos ejus compedes, præsertim in re, quæ superiorem mentis facultatem, & arbitrium proprium concernunt, vos econtrà ejus desiderio adeo teneamini, ut perlibenter hoc ipsum denuo jugum subire velitis, quod jam
1. *Dico autem: quanto tempore hæres parvulus es, nihil differt à servo, cum sit Dominus omnium.*

2. Sed sub tutoribus  
& auctoribus est usque  
ad præfinitum tempus à  
patre:

3. Ita & nos, cum es-  
semus parvuli, sub ele-  
mentis mundi eramus  
servientes.

4. At ubi venit ple-  
nitudo temporis, misit  
Deus filium suum, fa-  
ctum ex muliere, factum  
sub lege,

5. Ut eos, qui sub  
lege erant, redimeret, ut

jam exempti fueratis, quemadmo-  
dum hæres, si parvulus sit, tamen si  
facultatum à patre relictarum jam  
dominus sit, nihil tamen, quamdiu  
tutoribus subest, differt à servo, ne-  
que propriâ auctoritate de ullâ re  
pro libitu disponere valet, 2. sed  
absolutè ab eorum directione &  
arbitrio pendet usque ad tempus  
à patre vel legibus præfinitum, 3.  
ita & nos, cum non rerum modò  
cognitione, sed ipsâ etiam agendi  
facultate infantes essemus, adeoque  
rudes admodum, & imprudentes,  
sub ferulâ quodammodo veteris  
legis, & observatione rituum car-  
nis sensuumque sphœram minimè  
transcendentium vitam transëgimus  
quasi ludo quodam puerili à pæda-  
gogo pro cognoscendis primis prin-  
cipiis conclusi, 4. at ubi tempus  
illuxit divino consiliò ac providen-  
tiâ præscriptum, quo Deus veniam  
& gratiam mortalibus largiri con-  
stituerat, emisit filium suum uni-  
genitum, atque ad nos legavit nasci-  
turum ex muliere, & inter nos  
conversaturum vivente adhuc lege,  
cujus præceptis omnibus sese ipse  
submitteret, 5. idque ideo, ut  
eos redimeret, & à pristina servitute  
cripe-

eriperet, qui legi erant obnoxii, *adoptionem filiorum recipere-  
mus.*

utque nos inestimabilem illam adoptionem in filios, quam in primo parente amissam, in altero, Abrahamo scilicet, denuo nobis promiserat, ejus munificentiam ac liberalitate recipereamus, 6. quoniam verò vos etiam Galatæ, licet sub illâ tutelâ servitute ac primis rudimentis non fuistis, perinde tamen ac Judæi effecti estis filii Dei, misit Deus Spiritum Sanctum in corda vestra, qui ea cum dulcedine ineffabili inundans, cum radiis cœlestis sapientiæ collustrans, cum præditive virtutum thesauro exornans vi suâ mirificâ excitaret ad eum tanquam parentem optimum tenerissimo cordis affectu inclamandum, omnemque fiduciam imploratô in gravioribus ærumnis auxiliô in ejus benevolentiam collocandam.

7. Itaque deinceps nemo se existimet servum, sed filium, quod si filius est, consequens profectô erit, ut sit hæres Dei, id est divinarum opum bonorumque particeps per Christum, cui arctissimè conjunctus est. 8. Nam vos quidem, tamen si ut paulô ante dictum, legi illi Mosaicæ veluti pædagogus aut tuto-

6. *Quoniam autem estis filii, misit Deus Spiritum filii sui in corda vestra clamantem: Abba, Pater.*

7. *Itaque jam non est servus, sed filius. Quod si filius: & hæres per Deum.*

8. *Sed tunc quidem ignorantes Deum, iis, qui naturâ non sunt dii, serviebatis.*

(F)

9. *Nunc autem cum cognoveritis Deum, imò cogniti sitis à Deo: quomodo convertimini iterum ad infirma & egena elementa, quibus denuo servire vultis?*

10. *Dies observatis, & menses, & tempora & annos.*

ri nullo unquam tempore subiecti fueritis, tamen quod longè deteriorius est, cum cœli terræque conditorem miseri ignoraretis, idololatriæ impietate impliciti illis divinos honores per sacrificia exhibebatis, quibus nulla divinitas inerat, nisi in stolidâ vestrâ imaginatione. 9. Nunc autem cum accenso in mentibus vestris lumine fidei Deum verum agnoscatis, vel ut melius loquar, ad sui notitiam singulari suo munere Deus ipse vos adduxerit dissipatis per singularem gratiam, quâ vos prævenit, errorum tenebris, quâ fieri potest, ut retroflexis vestigiis ad invalida illa & exsucca legalium rituum elementa tantâ cum fiduciâ, vel erroneâ potius simplicitate vos convertatis, & quasi in Ecclesiæ Christianæ scholâ necdum vobis plenè satisfactum, Synagogæ vos denuo in discipulos submittere velitis ad condiscenda puerorum instar elementarium prima legis rudimenta. 10. Quæ tanta vobis dementia, ut in ea ipsa vincula, quibus jam soluti eratis, denuo vos conicere velitis observando more Judæorum dies, & menses, & tempora, & annos, & si Deo



si Deo placet, sabbatha & novilunia, atque id genus alias ceremonias, quódque vos obstrictos imaginemini, ut Jerosolymam vos certis temporibus religionis causâ conferatis? Dissimulare planè non possum, quo sensu hanc subitam & inexpectatam animorum mutationem apprehendam.

11. Equidem de vobis magnopere sollicitus sum, vereorque non abs re, ne fortè vestrà causâ frustra fatigatus fuerim, totque pro vobis suscepti atque exantlati labores in irritum recidant. Absolvite me, obsecro, gravi hoc justoque metu pro salutè vestrà, quin potius memores eorum, quæ vobis tum verbò tum exemplo suasi, me Evangelicæ libertatis prædicatorem intrepidè sequimini, quidquid alii Judæi de necessitate legis veteris vobis suggerant & jactent: Nam & ego ejus præceptis atque institutis religiosissimè olim addictus eram, & certè longè magis, quam vos impræsentiarum, sed illas jam nihili facio sanctiorem legem amplexus.

12. Idipsum præstate, si sapitis, neque amplius permittite vobis jugum minimumè necessarium imponi, quo jam

11. *Timeo vos, ne fortè sine causâ laboraverim in vobis.*

12. *Estote sicut ego, quia & ego sicut vos: fratres obsecro vos: nihil me lasistis.*

per

(F 2)

13. Scitis autem, quia  
per infirmitatem carnis  
evangelizavi vobis jam  
pridem: & tentationem  
vestram in carne meâ,

14. Non sprevis-  
tis, neque respuistis: sed sicut  
angelum Dei excepistis  
me, sicut Christum JE-  
sum.

per Dei Salvatoris gratiam liberati  
estis. Quòd si vobis hæc mea lo-  
quendi ratio duriuscula fortasse &  
acerbior videtur, nolite idcirco di-  
lecti fratres suspicari, me quasi inju-  
riâ laceffitum vel contumeliâ pro-  
vocatam quidquam de pristinâ in  
vos benevolentiam ac charitatem remis-  
isse, cum magnopere potius cupiam  
tanto vos amoris nexu mihi conjun-  
ctos, quanto vobis, ut ita dicam,  
agglutinator sum, nam cur ego me  
à vobis læsum existimem, qui sin-  
gularem ac prope inauditam in me  
benevolentiam sim expertus? 13.  
Meministis enim, opinor, meas il-  
las jactationes ac turbines, ægritu-  
dines, ac infectiones, quibus mi-  
rum in modum conflictabar, cum  
apud vos Evangelium promulga-  
rem, 14. & tamen has ipsas  
quotidianas meas vexationes adeo  
non in malam partem, & in signum  
quoddam castigationis divinæ &  
doctrinæ haud lætis probatæ acce-  
pistis, quasi nimirum Deo homini-  
busque invisus merito plecterer, ut  
me quantumvis præ cæteris homi-  
nibus contemptum, afflictum, &  
infirmum non modò non asperna-  
ti fueritis, sed etiam non aliter,  
quam

quàm beatam aliquam & cœlestem mentem, quin imò tanquam ipsum Christum JESUM habitâ mei muneris ratione omni honore ac benevolentia complexi fueritis, 15. Unde ergò tam repentina tantillo tempore animorum vestrorum mutatio? Ubi mira illâ videndi & audiendi me cupiditas, ubi zelus ille animarum? ubi promissa in fide constantia? ubi exacta illa, quam Evangelicis dogmatis. præstitistis, obedientia, quæ tantâ vos commendatione dignos reddiderant, ut omnes beatos vos prædicarent, quibus videre coram & audire Paulum contigerit, ac me ipsum ego felicissimum reputarem, quòd me meamque prædicationem tam alacriter, tam benevolè complexi fueritis: hoc enim verè ac sine fūco de studio amorèque in me vestro affirmare possem, vos ita tunc animò in me comparatos fuisse, ut ipsos mihi oculos vestros effoscos, si fieri id potuisset, ultrò in obsequium meum & amoris thesseram fuissetis daturi. 16. Quare hæc ipsa tam singularis in me charitatis ac benevolentia inexpectata remissio me mirè attonitum atque sollicitum ha-

15. *Ubi est ergò beatitudo vestratæ testimoniū enim perhibeo vobis, quia, si fieri posset, oculos vestros eruissetis, & dedissetis mihi.*

16. *Ergò inimicus vobis factus sum, verum dicens vobis?*

(F 3)

17. *Æmulantur vos non bene : sed excludere vos volunt, ut illos amulemini.*

habet. Equidem omnia per me gesta, dicta, imò & cogitationum arcana perdiligenti discussione ad examen revocavi, nihil tamen deprehendere porui, quod justam vobis causam præbuerit qualiscunque offensæ & averſionis, nisi fortè pro candore meo & officio apostolico vera dicendo, fidemque Christi à legis observatione liberando vos exasperaverim, 17. vel potius improbos illos veteratores, qui quasi vos unice depereant, & ad sublimiorem perfectionem promoveri percupiant, sese mirum in modum in vestram gratiam insinuant, cum tamen fucata hæc omnis & versipellis æmulatio non aliò spectet, quàm ut nos amicitia vestrâ excludant, seque unos vobis suspiciendos atque complectendos proponant, & ademptâ libertate, quam divino beneficio per Christum consecuti eratis, vos injectis novæ servitutis compedibus sibi solis tanquam Magistris omni exceptione majoribus devinctos teneant, suæque potius quàm Evangelicæ doctrinæ ac libertatis sectatores efficiant atque adeo vos ipsos à Christi gratiâ penitus excludunt, suam po-

potius gloriam, quam salutem vestram aucupantes. 18. Bonum quidem est, & laude dignissimum, ea sectari & æmulari, quæ integræ vitæ ac doctrinæ Magistri commendant, idque constanter sive præsentibus sint, sive etiam absentes, cur autem me absente deficitis ab eâ doctrinâ, quam me præsentem tanto studiô complexi estis? cur novatoribus istis nunc adhærescitis, qui legis olim quidem præscriptæ, nunc autem per Christum antiquatæ observantiam vobis obtrudunt? 19. Dilecti filioli, quando mecum reputo, quod jam alterâ vice materno sinu & affectu compellar vos parturire, Christique formam, quæ à me pridem animis vestris impressa, & nuper à pseudo-apostolis pene corrupta fuerat, ad pristinam suam speciem atque pulchritudinem revocare, ut Christus sit omnia in omnibus vobis, nescio inops consilii, animoque turbatus, quid agam, quid eloquar. 20. Tantâ siquidem perplexitate pro salute vestrâ, quam manifesto periculo expositam video, oppressum me sentio, ut vel maximè vobis, si fieri posset, coram adesse cupe-

18. *Bonam autem æmulamini in bono semper. & non tantum cum præsens sum apud vos.*

19. *Filioli mei, quos iterum parturio, donec formetur Christus in vobis.*

20. *Vellem autem esse apud vos modò, & mutare vocem meam, quoniam confunder in me sentio, ut vel maximè vobis, si vobis.*

rem,

21. *Dicite mihi, qui sub lege vultis esse, legem non legistis?*

22. *Scriptum est enim: quoniam Abraham duos filios habuit, unum de ancillâ, & unum de liberâ.*

23. *Sed qui de ancillâ, secundum carnem natus est: qui autem de liberâ, per repromissionem.*

24. *Quæ sunt per allegoriam dicta. Hac*

rem, quò vivâ voce, quæ majorem sanè vim, quàm scripta epistola habet, vos alloqui liceret, & suavissimis tum verbis, tum copiosis lachrymis, tum aliis artibus, quas sanctâ & ingeniosâ charitas excogitare valet, in priorem vos reducere justitiæ semitam, à quâ vos aliena abduxit calliditas. 21. Ah mihi serî & commiseratione digni Galatæ, cùm Judæi non sitis, cur legi vos subijcere vultis? si me audire dedignamini, legem ipsam, quam tantopere suspicitis, audite, ipsa vos à se ad Christum amandabit. An ergò ignoratis, quid Abrahamo evenerit, cujus nomen identidem in ore habetis gloriabundi, quòd ejus sitis filii? 22. Magnus hic Patriarcha duos filios habuit, unum, quem suscepit ex Agar ancillâ, alterum quem ex Sarâ ingenuâ. 23. Illum secundum consuetum generationis ordinem cùm Agar florenti ætate esset, & vegeta, alterum præter naturæ leges & vi promissionum divinarum, cùm Sara valdè provectæ ætatis jam esset, adeoque effœta & sterilis. 24. In historiâ hac tanquam præcellenti figurâ ac typo adumbrata

brata habemus duo testamenta, si-  
 ve foedera, de quibus agimus: Ve-  
 tus illud rectius non potest repræ-  
 sentari, quàm per Agarem, nam  
 præterquàm quòd promulgatum sit  
 in monte Arabiae Sinai extra terram  
 promissionis sito, & Jerusalem illam  
 terrenam ac Veterem designat  
 etiam monti impositam, ac sedem  
 olim legis Judaicae, 25. in eo præ-  
 cipuè ambo conveniunt, quòd  
 quemadmodum filii Agar servitu-  
 ti erant obnoxii, ita etiam Judæi  
 observatores rigidi legis illius an-  
 tiquæ serviebant umbris multipli-  
 cium, onerosarum, & prægravium  
 caeremoniarum idque timore pec-  
 narum ac spe bonorum terrenorum  
 abundantiae videlicet frumenti, vini  
 & olei, quæ Deus illis promisit, si  
 legem pactumque servarent, 26.  
 sicut Sara ingenua erat, pariterque  
 ejus liberi, ita & Ecclesia Christia-  
 na mater nostra ac nova melior-  
 que Jerusalem fundata est in mon-  
 tibus editis, promissis videlicet su-  
 pernis, nósque progignit servili  
 conditioni minimè subjectos. Gau-  
 dete itaque, fratres mei, & frui-  
 mini libertate, quæ divino vobis  
 beneficio in operatam hæreditatem  
 obvenit,

*enim sunt duo testamen-  
 ta. Unum quidem in mon-  
 te Sina, in servitutem ge-  
 nerans: quæ est Agar:*

*25. Sina enim mons  
 est in Arabia, qui con-  
 iunctus est ei, quæ nunc  
 est Jerusalem, & servit  
 cum filiis suis.*

*26. Illa autem, quæ  
 sursum est Jerusalem, li-  
 bera est; quæ est mater  
 nostra.*

(G)

27. *Scriptum est enim: latere sterilis, quæ non parit: erumpe & clama, quæ non parturit: quia multi filii deserta, magis quàm ejus, quæ habet virum.*

28. *Nos autem, fratres, secundum Isaac promissionis filii sumus.*

29. *Sed quomodo tunc is, qui secundum*

obvenit, neque in animum inducite, veritatis hujus, de quâ securos vos esse jubeo, fundamentum esse lubricum, minúsque firmum. 27. Isaias Propheta eodem sensu pronuntiat: Latere sterilis, quæ non parit, erumpe & clama, quæ non parturit, id est, cum lætitiâ Deum lauda, & in clamorem ac cantica laudis erumpe Ecclesia, quia cum usque ad adventum Christi sterilis fueris, & ex gentibus quidem penè nullos, ex Judæis verò paucissimos Christo filios, eodémque sub servitutis velamine tanquam & ipsi servi essent latitantes, enixa fueris, nunc verò fecundior reddita ex Gentium superstitioni renuntiantium affluxu novo sponso tuo conjuncta filios paries multò plures, quàm Synagoga viro suo conjuncta, id est, legem Mosaicam studiosè amplexata, toto Veteris Testamenti tempore filios peperit. 28. Pari nimirum cum Isacco forte non quidem vi seminis, aut naturali propagatione sanguinis, sed divinæ illius pollicitationis jure, quæ olim parenti illius adeoque & nostro facta est. 29. Unde mirum videri non debet, si quemadmodum



dum Ismael, qui consuetis naturæ carnem natus fuerat, viribus in lucem prodierat, illum persequatur eum, qui continuo infectatus est, non aliter secundaum spiritum: ita & nunc.

gratiâ destitutæ adhærentes nihil præter genus & sanguinem à parente nostro Abrahamo hauserunt, adversus Ecclesiam Gentium tanquam minorem fratrem, quem vi pollicitationis ad hæreditatem Abrahæ pertinere diximus, tantopere erigantur & inflammentur livore, indignati scilicet lucem Evangelii Mosaicis umbris anteferri. 30.

Sed ut incœptam comparisonem secundum propositum nostrum ad exitum usque perducamus, quid ait Spiritus S. in sacris litteris: ejice ancillam & filium ejus &c, quò nimirum ex hoc intelligamus, legem illam veterem non futuram fuisse perpetuam, sed aliquando adveniente lege gratiæ antiquandam, neque nudæ legis sectatores tanquam filios Agar illius promissionis, quæ Abrahæ ejusque posteritati facta est, fructum consecuturos. 31. Esto igitur, fratres, hæc

disputationis nostræ clausula, non esse nos ancillæ filios, qui legi sumus obstricti,

30. Sed quid dicie Scriptura? Ejice ancillam, & filium ejus: non enim hæres erit filius ancilla cum filio libera.

31. Itaque, fratres, non sumus ancilla filii, sed libera, quâ libertate Christus nos liberavit.

(G 2)

obstricti, sed liberæ atque ingenuæ matris ad Evangelicam libertatem singulari Christi munere vocatos atque assertos dum videlicet in ultimâ cœnâ pretioso suo sanguine Apostolis propinato novum fœdus sanxit atque firmavit, illudque demum in cruce moriens perfecit atque absolvit.

## PARAPHRASIS

### CAP. V.

1. *State & nolite iterum jugo servitutis contineri.*

1. Quandoquidem ergo Christus vestræ libertatis vindex est, atque assertor, nolite, obsecro, caligine per garrulos ac subdolos impostores animis vestris offusa ita desipere, ut libertati tanto pretiô vobis comparatæ ultrô renuntietis, sed in illâ, quantum in vobis est, abjectâ omni fluctuatione constanter persistite, cûmque olim servieritis idolis ac dæmonibus, ne patiamini vos novo servitutis jugo legis videlicet Mosaicæ illaqueari. Novis argumentis ad fulciendam hanc veritatem minimè opus, mea VO-

vobis tanquam. Apostoli vestri sufficiat auctoritas. 2. Equidem ego ille Paulus, quem tam benevolè complexi estis, palàm vobis denuntio, si circumcidamini, ita ut in eà circumcissione spem aliquam salutis collocandam, vel eam certè cum Evangelio necessariò retinendam esse putetis, fidem & gratiam Christi prius acceptam nihil vobis profuturam. 3. Quòd si Magistri, ac pene dicam parentis amantissimi non movet vos auctoritas, ipsa salutem rei difficultas, quam sponte nullo cogente subitis, atque adeò periculum commovere vos debent: testor enim iterum, atque iterum, eos omnes, sive Gentiles sint, sive Judæi, qui sese circumcidi passi fuerint, universæ legi servandæ obnoxios se reddere, quid enim est circumcisio, quàm tacita veteris legis professio, & tot onerum ab eà impositorum spontanea susceptio, atque obligatio? 4. Hac ratione à Christi corpore, cujus membra estis, vos ultrò avellitis, ejusque proin merita cessante omni influxu inania, inutilia, atque supervacanea redditis, dum enim à legis Mosaicæ observatione justitiam frustra

2. *Ecce ego Paulus dico vobis: quoniam si circumcidamini, Christus vobis nihil proderit.*

3. *Testificor autem rursus omni homini circumcidenti se, quoniam debitor est universa legis faciendæ.*

4. *Evacuati estis à Christo, qui in lege justificamini: à gratiâ excidistis.*

(G 3)

5. *Nos enim spiritu  
ex fide, spem justitiæ ex-  
spectamus.*

6. *Nam in Christo JE-  
su neque circumcisio ali-  
quid valet, neque præpu-  
tium: sed fides, qua per  
charitatem operatur.*

frustra quæritis, à gratuitâ justifi-  
catione, quam per Christum asse-  
cuti estis, meritò excidistis, sive  
quòd diffidatis gratiæ, dum aliun-  
de haurire vos posse justitiam ma-  
lè creduli existimatis, sive quòd  
gratiæ Christi vos præbeatis ingra-  
tos & injurios, quæ etiam illos,  
qui pridem legi suberant, nedum  
eos, qui nunquam illi colla subdi-  
derant, velut excussò jugò in liber-  
tatem adscivit. 5. Nos enim, qui  
verè et ex animo Christum colim-  
us, non ex nudâ illâ lege, aut  
præceptorum observatione, aut de-  
nique ex ullo actionum nostra-  
rum purè naturalium, aut lega-  
lium merito, sed ex solâ fide vivâ,  
ante omne meritum à nobis com-  
paratam per spiritum adoptionis  
expectamus justitiam, ejusque fru-  
ctum vitam æternam non absque  
filiali, certâ, & solatiò plenâ fiducia.  
6. Siquidem in Christo Jesu ejusque  
disciplinâ, quam proitemur, neque  
circumcisæ, neque incircumcisæ car-  
nis habetur ratio, sed fidei, per quam  
in filios Dei adoptamur, si ea ta-  
men non otiosa torpeat, sed per  
charitatem animata mentes nostras  
sanctioribus flammis succendar, &  
ad

ad producendos diversissimos bonorum operum fructus vim suam atque vigorem conferat. 7. Sed quid hoc rei? Currebatis hactenus alacriter, & egregiè velut in stadio ad aeternae gloriae bravium consequendum, magnosque progressus faciebatis in semita, quam vobis monstraveram, verae religionis ac justitiae. Quamobrem nunc ita titubatis? quis cursum vestrum tam subito cohibuit, & à proposita meta, ad quam recta tendebatis aliò revocavit, ut non amplius obsequamini veritati? Nolite, obsecro, tam faciles & creduli esse, cum agitur de negotio religionis ac salutis, & cuicunque unde unde venienti, & magnifica quaedam ac speciosa vobis obtrudenti parulas mox aures praeberet. 8. Qui vobis tam splendide illuserunt, ministri sunt tenebarum principis, & nequissimi mendaciorum omnium parentis, longèque alia vobis suasere, quàm Pater coelestis, qui vos primò ad notitiam filii sui unigeniti vocavit, exiget. Neque quis mihi oggeret, unius vel alterius antiquioris ritus observantiam tanti non esse momenti ac ponderis, ut propterea ani-

7. *Currebatis bene: quis vos impeditur veritati non obedire?*

8. *Persuasio hac non est ex eo, qui vocat vos.*

mo

9. *Modicum fermentum totam massam corrumpit.*

10. *Ego confido in vobis in Domino, quod nihil aliud sapietis: qui autem conturbat vos, portabit judicium, quicumque est ille.*

mò commotior in tam prolixam & acerbam querimoniam erumpam. 9. At ego probè intelligo, neque vos ignorare volo, quantulacunque legis antiquatæ particula cum fide Evangelicâ misceatur, totam fidei Christianæ puritatem, sinceritatem, ac substantiam ipsam vitiari atque everti, non aliter ac modicum fermentum totam farinæ massam suo Acore imbuit, inficit, atque corrumpit, atque adeò paulatim per gradus ad integram Judaismi professionem deveniri. 10. Equidem hoc mihi de vobis per ineffabilem misericordis Dei clementiam polliceri audeo, ad saniolem mentem & salubriora consilia revocatos non aliter vos imposterum de fide ac religione Christianâ judicaturol, quàm olim me docentem audistis, quin imò eorum nequitiam detegendam brevi, qui ut in abyssum vos incautos præcipitent, modis omnibus allaborant, ne ejus profundam voraginem attentiori oculò contemplermini. Non impunè ferent hi tales, quicumque demum fuerint, cujuscunque demum nominis ac celebritatis, justasque Dei judiciò pœnas aliquando dabunt, quòd

quòd vos tot scrupulorum ac errorum laqueis irretitos à susceptâ semel fide revocare contenderint

11. Dicunt sanè, eoque nomine apud vos traducunt, fratres mei, quòd non idem ubique semper doceam, sed inter eos, qui legem profitentur, circumcisionem commendem, apud Gentiles verò ut minimè necessariam vilipendam; quæ si vera essent, si pro Moyse & lege etiamnum starem, ut obtrectatores hi callidè mentiuntur, cur tam infestis odiis me Synagoga persequitur tanquam diris devotum caput, mèque nullo propemodum loco consistere patitur? Non alio sanè ex capite Evangelii doctrinam tantopere averfantur hi novatores, quàm quòd ejus prædicatione circumcisio antiquetur, quam si permitterem, sublata foret illicò omnis odii in me, atque irarum occasio, & omne crucis scandalum cessaret, non enim tam Christi crucifixi prædicatio eos offendit, quàm legis per crucem abolitio, at continuas etiamnum eructant in eam blasphemias, ejus prædicatores eam potissimùm ob causam criminantur, quòd legis suæ antiquissimæ videantur

11. *Ego autem, fratres, si circumcisionem adhuc prædico: quid adhuc persecutionem patior? Ergò evacuatum est scandalum crucis.*

(H)

12. *Utinam & abscindantur, qui vos conturbant.*

13. *Vos enim in libertatem vocati estis, fratres: tantum ne libertatem in occasionem detis carnis, sed per charitatem Spiritus servite invicem.*

tur contemptores. Hinc ergò manifestè consequitur, me neutiquam, ut ipsi jactant, in laudes effundi cæremoniarum, quas tam superstiosè colunt, sed iisdem constanter doctrinæ Christianæ principiis insistere, neque ea pro diversitate locorum & temporum pro libitu variare. 12. Utinam, qui tot mendaciis vos circumveniunt, & in eas angustias conjiciunt obtrudendo circumcisionem, ut me exosum, contemptibilémque reddant, atque ita vos antiquâ libertatis possessione, in quam vos immiseram, rursus dejiciant, tanquam pestiferi sanioris doctrinæ corruptores à reliquo fidelium cœtu excludantur, vel si necesse sit, anathematis mucrone rescindantur, ne eorum periculosa cogitatio grassetur ulterius, aliósque inficiat. 13. Respuite fortiter vincula, quæ vobis injicere parant, ea enim præsentî libertatis statui, in quo vos benignissimi Dei voluntas collocavit haud quaquam conveniunt. Tantùm id vobis etiam atque etiam cavendum moneo, ne hac libertate, quâ Dei beneficiò donati estis, ad vitæ licentiam & morum dissolutionem



lutionem abutamini. Jugum vobis sanè grave abstulit, ut levius suaviusque imponeret, quod in mutuâ dilectione, spiritu lenitatis, ac reciproci obsequiis consistit. Nolo itaque vos omni lege solutos, sed quandoquidem lex à Moyse lata tanti ponderis apud vos est, tantâque æstimatio ejus præceptorum, suggeram rationem ea ex integro servandi seclusis tamen ejus sacrificiis ac ritibus. 14. En compendiò ea vobis exhibeo: diliges proximum tuum sicut te ipsum, atque hoc ad litteram & amussim absque ullâ restrictione ut observetis, vos enixè hortor. 15. Quòd si dum contentiones de lege & circumcissione inter vos disputationes agitis, partim invidiâ inflammati, partim inanis gloriæ studiò incensi obreptionibus alius alium mordetis, & ut ita dicam, devoratis, præterquam quòd in sacrosanctas naturæ leges haud leviter delinquitis, attendite quæso, ne alius ab alio conficiamini, mutuisque vulneribus supremum vobis exitium accersatis. Hanc porro animorum pestem ut vel procul eliminetis, vel ne vel vos inficiat, caveatis in tempore, suase-

14. *Omnis enim lex in uno sermone impletur: diliges proximum tuum sicut teipsum.*

15. *Quòd si invicem mordetis, & comeditis, videte, ne ab invicem consumamini.*

(H 2)

15. *Dico autem: spiritus suaserim, ut omnem spem veritatis ambulate, & desideria carnis non perficiatis.* 16. ut omnem spem veritatis non in lege; sed Christo Jesu ejusque meritis collocetis, & divini spiritus ductum, ac recte rationis impulsu omnino sequamini, ita enim fiet, ut, quod paulo ante monui, impotentes libidinum motus facile comprimatis, & reluctantes cupiditates frangatis divinae praesidio gratiae.

17. *Caro enim concupiscit adversus spiritum: spiritus autem adversus carnem: haec enim sibi invicem adversantur: ut non quaecunque vultis, illa faciatis.* 17. Fomes enim concupiscentiae, quem à propterea nostro hereditaria successione accepimus, spiritum impellit ad appetenda immoderatiùs ea, quae sub sensu cadunt, & aequè cum recta ratione pugnant, divinus econtra spiritus animam gratia suà innovatam & collustratam excitat, urgèrque ad motus illos inordinatos pravarum cupiditatum comprimendos, rationique subjiciendos, ex quâ perpetuâ lucta illud consequitur, ut humana voluntas in diversâ quodammodo rapiatur, vósque non quaecunque secundum rectam rationem volueritis, eadem continuo & promptè faciatis, sed vel invitì foedos libidinum stimulos quandoque excitari in vobis sentiat. 18. Quòd si semel spiritu gratiae hausto ejus vos ductu atque

18. *Quòd si spiritu ducimini, non estis sub lege.* 18. Quòd si semel spiritu gratiae hausto ejus vos ductu atque

atque impulsu movendos atque re-  
gendos præbebitis, sentietis profe-  
ctò vos antiquæ illius legis impe-  
riò solutos ac liberos, non esse am-  
plius sub illâ terrente videlicet, pre-  
mente, vindicante, quomodo sub  
lege sunt homines improbi, vel  
qui servili supplicii metu compulsi  
ea, quæ legis sunt, utcumque fa-  
ciunt, estis tamen sub lege obli-  
gante, sed ita, ut quæ lex imperat,  
sponte ac liberaliter, charitatis im-  
pulsu, præstetis, adeoque videmini  
jam esse extra & supra legem il-  
lam rigidam sub spiritu & lege sua-  
viori Christi Domini vobis auxilia  
gratiæ & præmia gloriæ cumulatis-  
simè largientis. Quid ergò factò  
opus, reponetis mihi, ut tot tan-  
tisque promissis ac favoribus frua-  
mur imposterum? R. vivendum se-  
cundum Dei Spiritum, & non se-  
cundum carnis petulantis dictami-  
na.

19. Porro, ut utriusque  
actiones & contrariam indolem  
vobis apertius ac luculentius expli-  
cem, operæ me pretium facturum  
existimavi, si opera carnis, quæ  
omnibus nota sunt & ipsâ se tur-  
pitudine suâ produnt, nec profun-  
diori investigatione indigent, paucis  
velut

19. *Manifesta sunt  
autem opera carnis:  
quæ sunt fornicatio, im-  
munditia, impudicitia,  
luxuria.*

(H 3)

20. *Idolorum servitus, veneficia, inimicitia, contentiones, amulationes, ira, rixae, dissensiones, sectae.*

21. *Invidia, homicidia, ebrietates, comestationes: & his similia: quae praedico vobis, sicut praedixi vobis quoniam qui talia agunt, regnum Dei non consequuntur.*

22. *Fructus autem spiritus est charitas, gaudium, pax, patientia, benignitas, bonitas, longanimitas,*

velut digitò indicaverim, sunt autem adulterium, scortatio, molities, 20. idolorum cultus, veneficia, inimicitiae, lites, æmulationes, iræ, concertationes, dissidia, hæreses. 21. Invidiæ, cædes, ebrietates, comestationes, & similia flagitiorum portenta, de quibus sic habetote, quod aliàs etiam dixi, & sedulò monui, qui ejusmodi sceleribus inquinantur, regnum Dei nequaquam consecuturos, sed æternis potius inferorum suppliciis addicendos. 22. Si autem ex alterâ parte nunc oculos conjicere placeat in actus virtutum, quos Spiritus Sanctus per gratiam suam in animis justorum producit, tantquam fructus lectissimos, permagnam utilitatem afferentes unâ cum verâ ac solidâ delectatione, tum in hac vitâ mortali, tum verò maximè in illâ sempiternâ ac beatâ, primo aspectu vobis consideranda occurreret prudens atque discreta charitas, lætitia perturbari nescia, profunda mentis tranquillitas, admiranda in adversis patientia, perpetua sibi que constans lenitas, quam nunquam irritare valeas, facilitas quædam suavissima agendi comiter cum

cum omni hominum genere, bonitas seu beneficentia ad omnia obsequia promptissima, 23. mansuetudo singularis in perferendis injuriis, fidelitas exacta in servandis promissis, angelica modestia, exacta temperantia, & integerrima castimonia. Porro iis, qui divinis hifce muneribus præditi sunt, atque ornati, nihil negotii est cum lege, ejusque comminationibus, quemadmodum enim equi morigeri, qui freno obtemperant, scuticâ non indigent, ita neque, qui spiritu ducuntur, legis admonitione. Qui sæculi hujus principiis ac moribus imbuti sunt, sibi omnia pro libertate suâ licita reputant, 24. qui verò Christo, ejusque spiritui penitus adhæserunt, quemadmodum ille carnem suam affixam cruci habuit, ita & ipsi pravas omnes cupiditates, atque turbulentas animi perturbationes, quasi clavis quibusdam generosæ abnegationis confixas, & pene enectas habent, ut vix sese uspiam commovere valeant, multò minùs despoticum in corpore exercere imperium. 25. Itaque si Spiritum Sanctum Christi munere nobis inditum percepimus,

23. *Mansuetudo, fides, modestia, continentia, castitas. Adversus hujusmodi non est lex.*

24. *Qui autem sunt Christi, carnem suam crucifixerunt cum vitiis & concupiscentiis.*

25. *Si spiritu vivimus, spiritu & ambulemus.*

res

26. *Non efficiamur  
inanis glorie cupidi, in-  
vicem provocantes, & in-  
vicem invidentes.*

res ipsa postulat, ut actiones nostrae ejus impulsu consiliumque sequantur, ut quem vitae melioris auctorem habemus, eundem habeamus actionum nostrarum & magistrum & ducem. 26. Cum autem pseudo-apostolorum garrulitas non leves inter vos suscitaverit dissensiones, & quod inde consequi necesse est, animorum alienationes & odia, postremo memento, ne inanem vanamque gloriam captemus, provocantes invicem ad pugnas verborum & contententes non tam veritatis indagandae causam, quam vincendi studio, uti hactenus factum, ne etiam, si qui insolentius sese efferant, aemulatione mutuam accendamus id quod perfacile erit, si hominum laudes flocci faciamus, serioque consideremus, obstrictos nos esse ad majorem nunc vitae sanctimoniam ac perfectionem consectandam, quandoquidem per fidem & gratiam conjuncti sumus illi, qui omnem in semet perfectionem praecinet, eamque pro mensura ac dispositione diversam sui Corporis Mystici membris abunde communicat.

PARA.

# PARAPHRASIS

## CAP. VI.

1. **L**Ex, quam profitemur, lex  
 charitatis est, quamobrem  
 dilecti fratres, si quis vestrum im-  
 petu aliquo abreptus, vel imbecilli-  
 tate victus, vel ignorantia seductus  
 impegerit, & in delictum vel erro-  
 rem aliquem prolapsus fuerit, cum  
 vos, qui supernâ luce magis collu-  
 strati, atque divino spiritu imbuti  
 fortiores vobis ac robustiores vide-  
 mini, magnâ cum lenitate ac man-  
 suetudine admonitum ac respiscen-  
 tem à lapsu erigite & in pristinum  
 statum restituite, memores, &  
 vos non ab omni cespitandi peri-  
 culo immunes esse, & si delinque-  
 re fors contingeret, ingentis bene-  
 ficii locò habituros, si quis non  
 durius aut acerbius, sed condolen-  
 do, dissimulando, ferendo, blandè  
 suaviterque corripiendo vobiscum  
 ageret, non tam ut severè punia-  
 mini, quàm ut amicè corrigamini.  
 Nolite plus æquò vobis blandiri,  
 quis-

1. *Fratres, etsi præ-  
 occupatus fuerit homo  
 in aliquo delicto, vos, qui  
 spirituales estis, hujus-  
 modi instruite in spiri-  
 tu lenitatis, considerans  
 te ipsum, ne & tu ten-  
 deris.*

(1)

2. *Alter alterius onera portate, & sic adimplebitis legem Christi.*

3. *Nam si quis existimat se aliquid esse, cum nihil sit, ipse se seducit.*

quisque suos patimur manes, nec ullum facillè reperiēs, qui non pro humanæ conditionis imbecillitate vitiō quodam particulari labore, vel maculā quāpiam notatus sit.

2. Itaque alii aliorum infirmitates patienter ac benignè sufferte, si quos à falsis fratribus veluti in præceptis abreptos noveritis, quasi gravi aliquo onere pressos sublevate, cūque unius ejusdemque corporis sub uno Capite membra sitis, hoc pro certo quod vos statuite, mutuā hac condolentis animi teneritudine, reciproco hoc pro viribus vestris opitulandi studio, admirabili hoc salubrium monitorum ac consiliorum commercio, dum ubi lapsus periculum imminet, vobis invicem manum porrigitis, mutuūque certatis officiis, vos legem charitatis, quam tantopere Christus quasi propriam suāque non semel commendavit, ritè adimpletuos.

3. Nam si quis præpostero sui amore obsecatus ejus comparatione, quem prolapsus fuisse videt, sibi nimium complacet, seque magnificè circumspiciat, quasi virum omnibus numeris absolutum, eximium, & perfectum, ideoque proxi-



proximum errantem superbè, durè,  
atque contemptim increpet, atque  
redarguat, cum ipse tamen reverà  
nihil sit, quia suo fastu, arrogan-  
tiâ, duritiæ, contemptu ostendit  
se nullius esse virtutis, hunc  
sua ipsius æstimatio vehementer  
fallit, eodémque is morbo, & qui-  
dem periculosius laborat. 4. Qua-  
re seriâ potius reflexione quisque  
interiorem animæ suæ statum ex-  
plorat, sedulôque disquirat, quibus  
rationibûs, quo fine ac proposito  
ad hoc vel illud agendum movea-  
tur. Quòd si quem contingat præ-  
clarâ benegestorum conscientia su-  
stentari, nã ille in semetipso, non  
alterius comparatione propter sua  
utique bona, non propter aliorum  
infirmittates habebit, unde sibi gra-  
tulari & in Domino gloriari valeat,  
cujus virtute, non propriâ, ea præ-  
stitit. Cæterum si conscientia suæ  
latebras. atque recessus diligentius  
excutere velit, & quasi judex præ-  
terita vitæ suæ à se rationem exige-  
re, multa fortè deprehendet, emen-  
datione digna, unde sibi meritò  
displicere debeat, alienos verò de-  
fectus supremo Dei judicio discu-  
tiendos relinquere. 5. Unusquis-  
que

4. Opus autem suum  
probet unusquisque, &  
sic in semetipso tantum  
gloriam habebit, & non  
in altero.

5. Unusquisque enim  
onus suum portabit.  
(1 2)

6. *Communicet autem  
is, qui catechizatur ver-  
bo, ei, qui se catechizat,  
in omnibus bonis.*

7. *Nolite errare, De-  
us non irridetur.*

que enim propriâ actionum suarum sarcinâ satis onustus, quin aliorum factis sese immisceat, aut exinde factâ comparatione probandus sit, ab illo inexorabili iudice supplicium consequetur vel præmium, quo dignus est secundum merita propria nullâ habitâ ratione, an alius melius, an minus malè vixerit, ut adeò se, suasque vitæ rationes inspicere quisque debeat, non aliorum vitam, morésque curiosius discutere. 6. Atque ista eos potissimum concernunt, qui facundo eloquio & scientiâ præstant, ne illâ efferantur insolentius, reliquos quod attinet, gratæ mentis officium postulat, ut Magistris vestris, à quibus salutis doctrinam accipitis, beneficam manum explicetis, cum enim illi cœlestes vobis thesauros divinæ sapientiæ aperiant, æquitati prorsus videtur consentaneum, ut modicam saltem partem facultatum vestrarum in eorum sublevationem conferatis, quod enim vobis impendunt, nunquid longè æstimatione pretiòque superat ea, quæ à vobis consequi possunt? 7. Nolite mihi pro excusatione opponere indigentiam vestram :

stram: siquidem si vera non est, sed solummodò simulata, fallere me potestis equidem, & ut nimis credulum exsibilare. Deus verò qui recondita quæque intuetur, falli minimè potest, aut impunè subfannari. In terrâ feritur, in cœlo metitur, explorare ergò quod feritis, nempe opera vestra. 8. Et scitote; quem quisque sementem fecerit, suo labori messẽm respondentem illum aliquando collecturum, & quidem qui carni seminat suæ, ejusque commoda & voluptates quarit, ex eâ non dispendium solum, sed interitum metet sempiternum, qui contrâ spiritui seminat facultates suas, videlicet in opera pia, ac præcipuè eleemosynas profundendo, ex iis uberriam messẽm colliget vitæ beatæ ac immortalis. 9. Ne ergò seminando, nempe benefaciendo defatigemur, ac remissiùs agamus, cum enim tempus messis advenerit ab obitu nostro, longè maximam colligemus, & quidem absque ullo labore, sudore, aut tædio, contrâ quàm in humanâ agriculturâ accidere solet, ubi non minùs laborandum est in segete ac manipulis colligen-

8. *Qua enim semina-  
verit homo, hac &  
metet. Quoniam qui se-  
minat in carne suâ, de  
carne & metet corrup-  
tionem: qui autem se-  
minat in spiritu, de  
spiritu metet vitam æter-  
nam.*

9. *Bonum autem fa-  
cientes non deficiamus:  
tempore enim suo me-  
mus non deficientes.*

10. *Ergò dum tempus habemus, operemur bonum ad omnes, maxime autem ad domesticos fidei,*

11. *Videte, qualibus litteris scripsi vobis meam manu.*

ligendis, quam in jaciendo semine, alia est conditio messis coelestis, quemadmodum enim non defecimus in hac vitâ seminando, ita non deficiemus in alterâ metendo fructus gratiæ gloriæque sempiternæ. 10. Itaque quamdiu inter egentes degimus, egestatem eorum sublevemus, nec sinamus tam pretiosas temporis particulas nostrâ liberalitate vacuas effluere, in omnes omnino se charitas & beneficentia vestra sese effundat, prout facultas & occasio rulerit, sed præcisè in domesticos fidei, nempe fideles, qui in eandem nobiscum familiam Domini adsciti sunt. 11. Tamen si porro pro instructione aliorum absentium in conscribendis Epistolis aliàs amanuensis operâ uti contineverim, iisque sigillum tantummodo meum appresserim, hanc tamen satis prolixam, multisque argumentis refertam propriâ manu exaratam volui, partim ut ostenderem, quantâ charitate vos complectar, qui labori non pepercerim, partim ut nulla vobis possit esse suspicio, ne alienæ vobis litteræ pro meis obtrudantur, partim etiam, ut promptiorem firmioremque

que illi fidem præstetis, & probè tandem intelligatis impostores esse longè nequissimos, qui vobis persuasum volunt, probari mihi observantiam rituum legalium. 12.

Nolite, fratres, credere, sincerò eos legi Mosaicæ zelo agi, ut vos ad circumcisionem permoveant, aut quòd eam vobis pernecessariam existiment, sed gloriolam, nescio, quam aucupantur ac benevolentiam Judæorum, eadèmq; operâ sibi ab illis cavent, utpote acriter eos insectantibus, qui Christi crucem ita extollunt, ut legem, ejusque cerimonias deprimant. 13. Nam

neque ipsi quidem, qui circumcidentur, legem omni ex parte observant, sed ob id præcipuè, ut circumcidamini, satagunt, quò apud populares suos gloriari possint, quòd vos tanquam novos profelytos Mosis atque Judaismo aggregaverint, atque adeò ex pelliculâ vestrà refectâ laudem & gratiam referant. Sed plaudant sibi, quantum voluerint, & aliis placere contendant.

14. Absit, ut eorum exempla sequar, & ullâ prorsus aliâ in re, præterquàm in cruce Domini nostri Jesu Christi glorier, per quam

12. *Quicumque enim volunt placere in carne, hi cogunt vos circumcidi, tantum ut crucis Christi persecutionem non patiantur.*

13. *Neque enim qui circumciduntur, legem custodiunt: sed volunt vos circumcidi, ut in carne vestrà glorientur.*

14. *Mihi autem absit gloriari nisi in cruce Domini nostri Jesu Christi: per quem mihi*

id

*mundus crucifixus est, & ego mundo.*

15. *In Christo enim Jesu neque circumcisio aliquid valet, neque preputium, sed nova creatura.*

16. *Et quicumque hanc regulam secuti fuerint, pax super illos, & mise-*

id assecutus sum, ut quæ vulgò magnifica & speciosa putantur, nihilo plus ad meum animum titilandum habeant virium, quàm si illa penitus extincta de cruce penderent ingrato & illatabili spectaculo, aut ego sensu vitæque carens infami crucis patibulo affixus essem. Quemadmodum mundus me despectui habet, minimèque curat, ita & ejus laudes, illecebras, ac pompam inanem nihili facio. Non tantum fallacibus ejus præstigiis me circumveniri haudquaquam passus sum, & oblatam insuper terrenarum opum ac deliciarum affluentiam generosè excussi, sed id unum ago, ut Christo constanter adhæream, 15. qui neque Judæorum, neque Gentium peculiarem rationem habet, aut differentiam observat in communicatione cœlestium suorum favorum, sed solius fidei, quæ charitate animata per spiritualem regenerationem novam vitam tribuit, extinctâ infelici illâ Adami veteris, nisi tamen ista mors potius, quam vita dicenda. 16. His porò, qui fide firmissimâ hanc doctrinam complectuntur, qui suam fiduciam non

non ampliùs collocant in antiquatis *ricordia, & super Israël*  
cæremoniis, qui ad regulam à me *Dei.*

præscriptam gressus suos direxerint, qui intra Evangelii limites & orbitam sese continent, nec ad Synagogam rursus pedem efferunt, his, inquam, ut veræ pacis fructus, & copiosa miserentis Dei benedictio cœlitus obveniat, ex animo precor, sunt enim hi veri Israëlita, qui non hominum iudiciò, sed Dei testimonio & sententiâ commendantur, tamen si sanguinis origine ab Abrahamo non descendunt, fides enim, quâ eximium hunc Patriarcham imitatione referunt, illis filiorum Dei, & populi electi præclarum characterem potiori jure tribuit, fructuque uberiori, quàm Judæis propagatio carnis. 17. Cæterum nemo eorum mihi molestiam ampliùs facessat turbulentis contentionibus, & exquirendis aliis atque aliis doctrinæ, quam vobis annuntiavi, probationibus, satis graves, solidasque vobis hætenus attuli, si necdum illis acquiescitis, actum est de vestrà perviciâ, utpote frangine scia. Arguite me porro, si lubet, simularò me agere inter Judæos,

17. *De cætero nemo mihi molestus sit: ego enim stigmata Domini Jesu in corpore meo porto.*

(K)

deos, qui circumcisionem coram eis approbem : enormem hanc calumniam non aliter refutaverim, quam exhibendo corpus meum plagis, vinculis, aliisque notis alienæ sævitæ undequaque lividum. Tantum abest, ut inde erubescam, ut potius cicatrices has vobis ostendam tanquam gloriosa trophæa, quæ etiamnum mihi tanquam strenuo Christi pugili servoque stigmatico inhærent ex acri dimicatione pro Evangelii defensione, & testimonia omni exceptione majora, quod nequaquam amicus sim eorum, quibuscum tamen conspirare me ac colludere insimulor. Pacem eam sentite de me, quod volueritis : longè magis me vestri miseret, quod videam tam splendide vos in fraudem inductos desipere, quàm ut innocentie meæ profectio me vehementer affligat, sanctè enim profiteor, salutis vestræ studiò me impensius affici, quàm existimationis meæ curâ, cujus jacturam perlibenter feram in obsequium & laudem Christi Domini, 18. quem enixè precor,

18. *Gratia Domini nostri Jesu Christi cum ut gratiam suam animis vestris cum spiritu vestro, fratres. coelestibus donis altè imprimat, Amen.*

magisque indies augeat, atque confirmet.

A M E N.

ARGU-





# ARGUMENTUM

## EPISTOLÆ D. PAULI

### APOSTOLI

AD

## EPHESIOS.

**E**phesus , quæ est Asiæ minoris metropolis , & alterum, teste Plinio, Asiæ lumen , tempore, quo Gentium Apostolus in ea urbe commorabatur, florebat non solum advenarum frequentia ob portus amplitudinem, & templi toto terrarum orbe celeberrimi, & inter septem antiquitatis miracula connumerati magnificentiam, sed etiam bonarum artium studiis, multis tum magni nominis philosophis tum oratoribus clarissima, quos inter Pythagoras, Parmenides, Zeno, Democritus & alii. Idololatria sedem quasi regiam ibi fixerat, & magia quam non immerito  
(K 2) ejus

ejus sororem nuncupaveris, numerabat permultos affeclas, ut adeò non exigui moliminis fuerit, ibi fidem Christi Jesu hæcenus incognitam plantare, ubi principes tenebrarum à multis sæculis vix non despotice imperitabant. At verò cordatus Apostolus nec sexcenta discrimina, nec mortem quamcunque veritus, ubi pro gloriâ amantissimi sui Magistri dimicandum erat, Evangelicam doctrinam tam intrepidâ mentis constantiâ annuntiavit, totque miraculis firmavit, ut per triennium, quo ibi commoratus fuit, longè plurimos Ecclesiæ Christi aggregârit. Non deerant præclare cœptis qui sese opponerent fortiter, Judæi enim ex omni parte zelosissimum hunc novi Evangelii præconem insectabantur perpetim, seditiôque à Demetrio concitata cum in apertum mortis discrimen conjecerat. Postquam inde discesserat ad disseminandum alibi Dei Verbum, nonnulli ex Judæis, qui ex destinato simulaverant se legis Christianæ sectatores, cùm subin animadverterent illius promulgatione, & propagatione legem suam ac synagogam paulatim aboleri, cœperunt ejus sanctitatem corrumpere aspersis de suo non paucis fabulis, quin & impiis commentis. Prædixerat id Act. 20. Apostolus in patheticâ illâ oratione, quam habuerat ad seniores & primores Ecclesiæ Ephesinæ eis valedicturus, & ultimum commendaturus perseverantiam in professione Christianorum dogmatum, quibûs haud ita pridem eos imbuerat. Quamprimùm ergò inaudit, Phigellum, & Hermogenem inter alios omnem lapidem movere ad id destruendum, quod ipse tanto labore ac sudore ædificaverat, Româ, ubi vinculis tenebatur, præclaram hanc Epistolam à se conscriptam per Tychicum Diaconum eò misit annò à partu Virginis 59. SS. PP. annotant, Epistolas,

las, quas Paulus è carcere scripsit, quasi conclusio utre, plus sapientiæ eructare & spiritus, anhelans enim ad martyrii palmam, ejusque desiderio æstuans instar solis ad occasum properantis ardentiores flammæ, radiósque splendiores embrabat, id quod luculenter patebit ex eâ, cujus modò argumentum exhibeo. Res, quæ inibi tractantur, tantam spirant sanctitatem, & in qualibet paginâ zelus adeò inflammatus emicat, tamque profunda divinorum mysteriorum notitia, ut verba defuisse videantur auctori, quibus sensus suos satis appositè ad caput explicaret. Ex hac sanè epistolâ, quæ, inquit D. Hieronymus, subtilissima est, agnoscas Pauli fervorem, profunditatem, spiritum, indolem, videtur enim hic mustò plenum ejus pectus altissima spirare, & convolvere, ut sublimitatem conceptuum suorum sermo ejus allèqui non possit, nedum exprimere. Hinc præ aliis epistolis hæc longas, implexas, & perobscuras continet sententias. Stylus grandiloquus & profundus, qualis decebat de altissimis mysteriis agentem cum sapientibus contra philosophos Platonicos.

Prior pars Epistolæ dogmatica est, & præcipua fidei nostræ mysteria olim abscondita explicat, agens videlicet de redemptione, & justificatione nostrâ per acerbissimam Christi mortem, de vocatione Gentium, nominatimque Ephesiorum ad veram fidem, justitiam, salutem præ tot myriadibus aliorum hominum, de prædestinatione gratuitâ, de glorificatione Christi & corporis ejus, quod est Ecclesia. Alterâ parte, quæ ethica est, multa copiosè doctèque disputat de Christianæ vitæ officiis, viros, uxores, parentes, liberos, dominos, servos muneris ac debiti quosque sui diligenter admonens, ad extremum omnes tanquam in militiam Christi adscriptos adversus impugnationes dæmo-

num armis instruit ſpiritualibus, hoſtium vires, artèſque deſcribens.

Caput primum orditur ab agendis Deo gratiis de æternâ prædeſtinatione, quâ propoſuit inſtaurare omnia, quæ in cœlis, & quæ in terrâ ſunt, idque per mortem filii ſui, ad cujus agnitionem omne quidem hominum genus vocavit, ſingulari tamen beneficiô, & eximiâ divinæ gratiæ liberalitate gentes atheas in hac prædeſtinatione Judæis prætulit Deum colentibus. Tum Ephēſios excitat ad laudem Dei ter Optimi Maximi, quòd præ aliis gentibus ipſi paucique alii fideles prædicationem & doctrinam Evangelii, fidem, remiſſionem peccatorum, omnemque benedictionem cœleſtem acceperint. Poſtemò ſingulares Deo grates reddit, ob ſinceram fidem & charitatem Ephēſiorum rogitans eum, ut illorum mentes magis magisque indies colluſtrare dignetur, quò præcellentiam ſuæ vocationis, Deiſque potentiam grati agnoſcant, quæ illos dæmonis imperio ſubduxit, beneficio tanti ſanè æſtimando, quantum eſt illud, quo Deus immortalis filium ſuum à morte ſuſcitavit, ejusque ſacra-tiſſimam humanitatem ſupra omnes cœlos, & choroſ Angelorum exaltavit tanquam Caput univerſæ Eccleſiæ.

Capite ſecundo extollit eximium illud Dei beneficium, quo Ephēſii liberaliter, planèque gratuito vocati ſunt ad fidem ac legem Evangelicam, & vi gratiæ à priſtinis ſcleribus ad vitæ ſanctitatem per baptiſmum traduſti, unaque cum Chriſto pene à mortuis excitati, novo ſpiritu animati, & ad ſpem patriæ cœleſtis erecti. Tum oſtendit, quòd Chriſtus abolitâ per baptiſmum Judæorum circumciſione Gentes, quæ priùs

prius alienæ erant à Deo Deique promissionibus, unâ cum Judæis in unâ eadémque Ecclesiâ sibi, Deoque conjunxerit, nullo ampliùs inter eos discrimine. Inde concludit, gentiles jam non esse hospites & advenas, sed domesticos Dei & concives Angelorum, illudque admirabile ac mysticum ædificium componere, cujus lapis angularis sit Christus Dominus, Apostoli & Prophetæ reliqui lapides fundamentales, anima verò cujusque templum Spiritûs Sancti.

Capite tertio pergit deprædicare beneficium vocationis Gentilium perinde ac Judæorum ad fidem & Ecclesiam Christi, docetque mysterium istud hæctenus reconditum revelatum fuisse apostolis, quin ipsos spiritus angelicos, quos non latebat, filium Dei humanâ carne induendum ad reparandum à lapsu humanum genus, novissimis hisce temporibûs multas Christi adventûs peculiâres circumstantias, quas antea ignoraverant, didicisse. Inde ansam sumit gloriandi, se tanti mysterii propalandi Ministrum esse, atque ab ipso Deo constitutum Doctorem Gentium, quem proinde enixe rogat, conferre velit copiosam Ephesiis illustrationem, ut comprehendere valeant longitudinem, latitudinem, altitudinem, profunditatem, verbô immensitatem ac divitias inæstimabiles charitatis in Christo JESU, qui eos ad certam notitiam tam reconditarum veritatum, & hæreditatem gloriæ suæ vocaverit.

Capite quarto hortatur Ephesios ad morum integritatem, vitæque sanctimoniam, præcipuè verò ad unitatem spiritûs in vinculo pacis, idque 5. argumentis.

1. quia Christiani omnes unum corpus sumus, cujus ani-

ma

ma Christus. 2. Quia omnes ad eandem hæreditatem cœlestem vocati sumus. 3. Quia omnes unum dominum habemus, unam fidem, unum baptisma. 4. Quia omnes filii sumus per adoptionem ejusdem patris immortalis. 5. Quia Christus ascendens in cœlum cuilibet suam gratiam distribuit, quâ quisque contentus sit oportet nulli invidens, nihil ambiens. Tum rationem dat, quare in Ecclesiâ sua quosdam constituerit Apostolos, quosdam Prophetas, alios Evangelistas, alios Doctores, alios Pastores. Denique monet, ut depositâ pristinâ cœcitate, sordibusque flagitiosæ vitæ veterem hominem exuant novumque in Christo induant, eum sibi in exemplum & objectum assiduæ contemplationis proponendo, qui pro suis inimicis mortem in cruce oppetere voluit.

Capite quinto iisdem ferme præceptis eos instruit dicitans cœlum minimè patere mancipiis Veneris, avaris, aut idolorum cultoribus ab operibus tenebrarum tanquam filios lucis eos avocat, ut qui vitæ innocentia & optimis exemplis præluce debeant gentibus intenti custodiæ sensuum, & solliciti, ut tempus imposterum sanctius impendant bonorum operum exercitationem suadet, ut convivia fugiant, ubi luxuriam cum luxuria regnat, non vino sed Spiritu Sancto se implendo in psalmis, hymnis, & canticis spiritualibus. Postremò de matrimonio loquitur tanquam Sacramento & figurâ conjunctionis illius admirandæ Christi Domini cum Ecclesiâ suâ, ut sponsâ, unde infert Christianis uxoris incumbere, ut vitæ puritate & dilectione reciproca tam sanctum prototypum imitentur.

Capite

Capite sexto jubet, ut filii parentibus, servi dominis sincerè & ex animo obtemperent, ac vicissim ut parentes filiis, ac domini servis non asperi ac tetrici, sed benevoli sint, debitamque curam præstent. Deinde ostendit, quàm acris nobis sit lucta cum geniis infernalibus, atque contra eos arma & panopliam Christiani militis assignat. Baltheus, inquit, sit veritas, lorica sit justitia, calceus sit præparatio & propositum firmum Evangelium Jesu Christi intrepidè annuntiandi, scutum sit fides, galea sit spes salutis, gladius sit Verbum Dei. Postmodum assiduum precandi studium commendat pro cunctis fidelibus, præsertim autem pro se, ut sibi Deus constanciam gratiamque conferat diversas carceris, quo tenebatur, molestias atque æumnas forti animò perferendi. Denique Epistolam absolvit consuetis appreciationibùs gratiæ pacisque iis, qui Jesum Christum ardentè diligunt.

❧ (O) ❧



(L)

PA-



# PARAPHRASIS IN EPISTOLÆ D. PAULI APOSTOLI

AD

EPHESIOS

## CAPUT I.

1. *Paulus Apostolus  
Jesu Christi per volun-  
tatem Dei, omnibus San-  
ctis, qui sunt Ephesi, &  
fidelibus in Christo Jesu.*

2. *Gratia vobis & pax  
à Deo Patre nostro, &  
Domino Jesu Christo.*

3. *Benedictus Deus*

1. **P**Aulus Dei voluntate, non  
meis meritis, aut hominum  
favore Apostolus Jesu  
Christi omnibus Sanctis,  
nempe Christi fidelibus in baptismo  
sanctificatis & ad sanctè vivendum  
vocatis atque obstrictis, qui Ephesi  
commorantur, salutem. 2. Gra-  
tia sit vobis, & pax à Deo Patre  
nostro, itémque Domino Jesu Chri-  
sto. 3. Fratres mei iubilatis in  
coe-



cœlum oculis manibûsque celebremus perpetuò mirificam Dei Patris Jesu Christi, qui benedixit nos in omni benedictione spiritali, in cœlestibus in Christo.

4. Sicut elegit nos in ipso ante mundi constitutionem, ut essemus sancti & immaculati, in conspectu ejus in charitate.

5. Qui predestinavit nos in adoptionem filiorum per Jesum Christum in ipsum secundum

cœlum oculis manibûsque celebremus perpetuò mirificam Dei Patris Jesu Christi, qui benedixit nos in omni benedictione spiritali, in cœlestibus in Christo.

4. In ejus gratiam, antequam prima, ut ita dicam, orbis fundamenta jacerentur, & admiranda illa cœli terræque machina verbo omnipotente è nihilo produceretur, nos elegit, ut essemus sanctitate conspicui, & omnis prorsus labis expertes (non hominum præcisè, qui extrinsecâ specie facile decipiuntur, sed ipsius Dei judiciò sincerissimo utique & exactissimo, qui ipsas humani pectoris latebras fundumque penetrat) idque non timore pœnæ, sed reciproçâ & liberali in Deum charitate, quæ est vinculum absolutæ perfectionis.

5. Quam etiam ob causam nos pro illo sua sponte benevolo & gratuito divinæ voluntatis

(L 2)

*propositum voluntatis  
sue.*

6. *In laudem gloriæ  
gratiæ suæ, in quâ gra-  
tificavit nos in dilecto  
filio suo.*

7. *In quo habemus  
redemptionem per san-  
guinem ejus, remissionem  
peccatorum secundum di-  
vitiis gratiæ ejus.*

8. *Quæ superabunda-  
vit in nobis in omn. sa-  
pientiâ, & prudentiâ:*

tatis effectu nos prædestinavit, quos  
per Christi merita & eorum in-  
tuitu adoptaret in filios, non ope-  
ra nostra etiam præcognita tan-  
quam prædestinationis causam re-  
spiciens, sed semetipsum unice spe-  
ctans, in quo sapientissimi justissimi-  
que consilii ac beneplaciti admira-  
biles easque impervestigabiles cau-  
sas invenerat, prædestinavit, in-  
quam, ad eximiam filiorum digni-  
tatem, ut Christo Capiti nostro at-  
que exemplari divino nos membra  
& imagines illius conformemur vi-  
tæ sanctimoniæ 6. in laudem &  
gloriam perpetuò celebrandæ cœ-  
lestis illius gratiæ, quâ nos in illo  
dilecto suo sibi perquam gratos,  
charosque reddidit. 7. Pretioso  
ejus sanguine redempti sumus à  
servitute peccati, mortis, & dia-  
boli, delicta nostra deleta & debi-  
ta expuncta, quæ omnia debemus  
profusæ Dei benevolentiae, & di-  
vitiis gratiæ in nos copiosissimè ef-  
fusus, 8. à quâ tanquam ex fonte ve-  
ræ sapientiæ & cœlestis cujusdam  
prudentiæ in nos redundavit qua-  
si oceanus, mentes enim nostras  
supra consuetas naturæ vires ele-  
vavit, & omnem inde ignorantiae cali-

caliginem dispuit. 8. Ut agnoscerent grande illud, & ineffabile amoris arcanum, & divinum illud ac reconditum voluntatis suæ decretum, quod per filium suum verum mediatorem & unicum Redemptorem nostrum executioni dedit juxta gratuitam suam benevolentiam, quam apud se constituit, secretamque tenuit, 10. usquedum post tot sæcula evoluta tempus ad id destinatum adfuit. Multa in figurâ hætenus & umbrâ contemplati fueramus, nunc ipsam veritatem adumbratam detegere & quasi oculis subjicere placuit, multa pollicitus fuerat, nunc promissâ simul omnia exequi voluit, beneficia multa electo populo suo præstiterat, nunc recolligere omnia statuit, & quasi in compendium redigere. Homines & Angeli disjuncti erant non tantum naturæ conditione, sed etiam gratiâ & gloriâ, hi enim sancti erant, & cælesti jam beatitudine fruebantur, illi autem peccatores miseri, iræque divinæ filii, hos ergo & illos ætérnâ denuo amicitia conjungi sub uno eodémque capite Christo voluit, atque ita ruinas & sedes va-

cuas

9. Ut notum faceret nobis sacramentum voluntatis suæ, secundum beneplacitum ejus, quod proposuit in eo.

10. In dispensatione plenitudinis temporum, instaurare omnia in Christo, quæ in cælis, & quæ in terrâ sunt, in ipso.

(L 3)

11. *In quo etiam & nos sorte vocati sumus, prædestinati secundum propositum ejus, qui operatur omnia secundum consilium voluntatis suæ.*

12. *Ut simus in laudem gloria ejus nos, qui antè speravimus in Christo.*

13. *In quo & vos, cum audissetis verbum veritatis (Evangelium salutis vestræ) in quo & credentes signati estis Spiritu promissionis sancto.*

cuas angelorum per homines prædestinatos restaurari atque impleri. 11. Per ipsum, ejusque solius merita vocati sumus in partem hæreditatis, quæ illi soli, ut naturali, & unigenito filio deberetur. Pater ejus cœlestis, qui ex gratuita voluntatis suæ determinatione omnia disponit, prædestinavit nos Judæos, ut primi per fidem ac spem ei adhæreremus, 12. atque ita salus nostra in ejus gloriam & honorem redundaret quemadmodum enim Prophetarum oraculis nobis promissus fuerat, ita nobis præ aliis cœlestis ejus doctrina promulgata fuit, 13. quæ illa ipsissima est, quàm à nobis ore tenus percepistis, quando Evangelium vobis annuntiavimus, quod verba veritatis vitæque æternæ complectitur, fidem illi præstitistis non absque fructu uberissimo, tabularum enim instar ob signati estis non signò corporali velut pecudes, sed spiritu illo sancto quondam promisso, sive dum aspectabili specie ejus munera in vos effudit, sive dum fidei beneficiò justificatos nunc suæ gratiæ præsidio juvat ad hostes debellandos

dos, ut appareat vos spiritu divino plenos ad populum Dei & sortem sanctorum pertinere, 14. qui profecto spiritus est velut arrhabo hæreditatis nobis promissæ, pignusque tantisper securæ felicitatis, quo securos nos esse iussit, nos ex integro & irrefragabili titulo ipsius esse, qui nos redimendo sui juris fecerit, sibi que ut rem propriam acquisierit, ut per hanc redemptionem ejus erga nos beneficentia ac potentia magno divinæ gloriæ incrementò elucesceret. 15. Quare magnopere gaudeo, mihi que gratulor, cum integram inaudio, quam ei servatis fidem, firmamque quam in eo collocatis fiduciam, ac denique eximiam in omnes Sanctos, seu Christianos charitatem 16. neque desino immortales Deo gratias agere pro beneficiis in vos collatis, eique enixè vos commendare faciendo vota pro vestrà salute, quia tamen parum est bene cœpisse, nisi cœpta continuentur, 17. illud etiam atque etiam supplex postulo, ut cœlestis Pater Domini nostri Jesu Christi, ille, inquam, Deus immensæ cujusdam Majestatis gloriâ circumfusus perseverantiam vobis tribuat,

14. *Qui est pignus hæreditatis nostræ, in redemptionem acquisitionis in laudem gloriæ ipsius.*

15. *Propterea & ego audiens fidem vestram, que est in Domino Jesu, & dilectionem in omnes sanctos,*

16. *Non cesso gratias agens pro vobis, memoriam vestri faciens in orationibus meis:*

17. *Ut Deus, Domini nostri Jesu Christi pater gloriæ det vobis spiritum sapientiæ, & revelationis in agnitione ejus.*

18. *Illuminatos oculos cordis nostri, ut sciatis, quæ sit spes vocacionis ejus, & quæ divitiæ, gloria hereditatis ejus in sanctis,*

19. *Et quæ sit supereminens magnitudo virtutis ejus in nos, qui credimus secundum operationem potentia virtutis ejus,*

buat, & divinæ sapientiæ lucem, ut cœlestia illa arcana, atque abdita fidei myſteria, quæ humanæ mentis vi atque intelligentiâ percipi nequaquam poſſunt, cognitione complectamini quoad ejus fieri poteſt, idque non aliam ob cauſam, quàm ut ineffabilis illa divinitas quotidie magis magisque cognoscatur, ametur, ac colatur. 18. Atque inſuper ſciatis altiori lumine colluſtrati, quàm multa ſint vobis ab illius vocacione exſpectanda, quàmque opulenta, ſplendida, magnifica ſit gloria cœleſtis, quam jure quaſi hæreditario omnibus in Chriſto ſanctificatis promiſſam & propoſitam eſſe voluit. 19. Et ſanè ſenſus omnes & humanæ intelligentiæ aciem tranſcendit præpotentia & efficacia virtutis illius admirabilis, quâ tenebras noſtras diſſipavit, vincula diſrupit, dæmonum vires infregit, & in cordibus noſtris Evangelii lucem accendit. Nihil eſt in rerum naturâ, quod ejus nutui ſe ſe opponere auſit: ſi mortuos ex ſepulchris evocat, ad ejus exurgunt imperium, at verò cor hominum freſni impatiens, & in omnem licentiam effuſum rebelles eſt ac

re-

refractarium ejus stimulis, legibus, atque comminationibus, ut proin ausim dicere, virtutem illam, quæ eorum obstinationem frangit, & ad meliora ac saniora consilia revocatos jugo fidei legisque Christianæ subjicit, illi neutiquam cedere, 20. quam exercuit in Christo, cum eum à morte suscitavit, & redivivum ad dexteram suam in cœlesti solio collocavit 21. supra omnem principatum & potestatem, & virtutem ac dominationem, denique non solum supra omnes genios chorosque angelorum, quorum nomina nobis impræsentiarum utcunque nota sunt, sed illorum etiam, quos in cœlesti patriâ licebit primum noscere. 22. Ut adeò omnia, tum quæ sensibus nostris impervia sunt, tum quæ illis exposita, cœlestis Pater ad pedes filii sui abjecerit, cumque tanquam omnium Caput tum militanti tum triumphanti Ecclesiæ præferat, 23. quæ quidem est veluti corpus & complementum ejus, cum neque corpus integrum sit sine Capite, neque caput sine corpore; sumus autem membra hujus corporis, & corpus hujus capitis; omnem nobis motum,

20. *Quam operatus est in Christo, suscitans illum à mortuis, & constituens ad dexteram suam in cœlestibus:*

21. *Supra omnem principatum & potestatem, & virtutem & dominationem, & omne nomen, quod nominatur non solum in hoc seculo, sed etiam in futuro.*

22. *Et omnia subjecit sub pedibus ejus: & ipsum dedit caput supra omnem Ecclesiam,*

23. *Quæ est corpus ipsius, & plenitudo ejus, qui omnia in omnibus adimpletur.*

(M)

tum, vigorem, atque vitam tribuit, & quemadmodum ab eo, quidquid sumus, agimus, speramus, necessariâ & immutabili lege dependet, ita convenit nobis vel maxime, ut tanti beneficii memoriam assiduâ gratiarum actione conservemus, & amore reciproco compensare pro viribus allaboremus.

## PARAPHRASIS

### CAP. II.

I. *Es vos, cum essetis mortui delictis, & peccatis vestris,*

ET verò, fratres mei, utilius nihil, nihil majoris momenti revolvere mente possumus, quàm favores à Patre cœlesti acceptos, quos, tametsi fortassis importunus molestusque audiam monitor, non definam tamen identidem refricare; ut animis vestris infigam altius nunquam oblitterandos. Existimo sanè ad dignam eorum æstimationem concipiendam sufficere, si consideretis miseram fortis vestræ conditionem, è quâ denique emeristis. Vitam ducebatis communem



nem illam cæteris animantibus, quæ videlicet naturæ corruptæ viribus stimulisque consuetis responderet, 2. adeoque flagitiis ita inquinatam, ut mortui quodammodo essetis, ac veræ gratiæ vitæ destituti. Mundi dictamina sectati Principi tenebrarum obtemperabatis, cui potestas aëris permissa, & imperium plusquam tyrannicum in eos, qui fascinati & increduli lucem veritatis Evangelicæ respuunt. Jure possem redargui, si vos tantummodo reprehensione hac perstringere intenderem, 3. Fateor, prohi dolor, commune fuisse omnium vitium, & eandem totius veluti naturæ labem, adeoque & nos Judæos, atque inter hos primo locò me connumerandum, qui fœdis olim cupiditatibus dediti, flagitiisque impliciti ea omnia studiosè consecrati sumus, quæ sensus, animique nostri cogitationes turpi titillatione demulcerent, digni sanè, quos Deus malorum vindex iræ, odio, & omni suppliciorum genere persequeretur, ut cæteros fere mortales, quos tamen præ nobis contemnere solebamus ob generis nostri sanctitatem, sed immeritò,

in

2. *In quibus aliquando ambulastis secundum saculum mundi hujus, secundum principem potestatis aëris hujus, spiritus, qui nunc operatur in filios diffidentia.*

3. *In quibus & nos omnes aliquando conversati sumus in desideriis carnis nostræ, facientes voluntatem carnis, & cogitationum, & eramus naturæ filii iræ, sicut & ceteri:*

(M 2)

4. *Deus autem, qui dives est in misericordiâ, propter nimiam charitatem suam, quâ dilexit nos,*

5. *Et cum essemus, mortui peccatis, conviviscavit nos in Christo (cujus gratiâ estis salvati)*

6. *Et conresuscitavit, & confedere fecit in celestibus in Christo Jesu.*

7. *Ut ostenderet in saeculis supervenientibus abundantes divitias gratiæ suæ in bonitate super nos in Christo Jesu.*

in eandem siquidem omnes & scelerum & calamitatum abyssum eramus prolapsi, siquæ solis naturæ viribus fuissetus relictî, actum erat, perieramus æternum. 4. At verò Deus qui misericordiâ abundat, nullâ poenæ à nobis debetæ, sed immensæ & flagrantissimæ charitatis suæ, quâ nos ante omnem æternitatem prosecutus est, ratione habita 5. etiam quo tempore vitis atque sceleribus obstricti non solum ab illo alieni, sed planè quasi mortui, & extincti jacebamus, cum ab inferis Christum excitavit, nosque ad ipsius fidem & gratiam vocavit, viâ quodammodo cum illo nos vitæ restituit per illum ipsum, cujus vos præpotenti gratiâ salutem consecuti estis, 6. & cum eo aliquando, si cœptum vitæ sanctioris cursum tenueritis, secundum factam promissionem in cœlesti patriâ beati sedebitis & regnabitis: ipse quidem tanquam omnium nostrum Caput dexter Deo Patri asidet supra omnes supremas illas & angelicas mentes elatus, nosque quasi membra sua ad eandem dignitatem consensuros præstolat. 7. Quod si ex me quæritis, cur

cur tam benevolè ac liberaliter vobiscum agat, & ad tantum fastigium gloriæ elevet, respondeo, hæc omnia eum præstitisse, atque etiamnum præstare, ut sæculis sequentibus divinæ suæ gratiæ immensas opes ostenderet, fructusque admirabiles benignitatis suæ percipiendos per filium suum unigenitum, quem cuncti mortales aliquando conspicient supra omnes angelorum choros exaltatum. 8. Hoc autem tam amplum beneficium prorsus liberaliter, atque gratuito nulloque modo merentibus nobis collatum est, gratiâ enim salutem consecuti estis per Christi fidem, quæ ipsa non ex viribus naturæ, liberive vestri arbitrii, aut meritis operum præcedentium habetur, cum sit singulare Dei munus, & hic ipse voluntarius ac liber consensus credentium non possit elici, nisi gratuitâ illustratione divinâ præveniantur, excitentur, & roorentur. 9. Hæc vobis scribo & inculco, ne quis inani gloriæ studiô elatus tum evanescat ipse, tum omni fructu atque utilitate priveretur. 10. Siquidem quidquid aut sumus, aut possumus, id pro-

8. *Gratiâ enim estis salvati per fidem, & hoc non ex vobis, Dei enim donum est,*

9. *Non ex operibus, ut ne quis gloriatur.*

10. *Ipsus enim sumus factura, creati in*  
(M 3)

*Christo Jesu in operibus bonis, quæ præparavit Deus, ut in illis ambulemus.*

11. *Propter quod memores estote, quòd aliquando vos Gentes in carne, qui dicimini præputium ab eâ, quæ dicitur circumcisio in carne, manu factâ.*

12. *Quia eratis illo in tempore sine Christo, alienati à conversatione Israel, & hospites testa-*

fectò nihil est aliud, quàm divinæ munificentiae opus, quæ è nihilo productos in hoc tertarum orbe collocavit, longè autem præstantiori beneficiò cumulavit, dum nos ad inexpectatam filii sui noticiam adductos meliorique quia sanctiori vitâ donatos quodammodo denuo procreavit eo consilio, ut quæcunque rationi ac legi divinæ consentanea sunt, secundùm auxilia gratiæ in eum finem collata, exerceamus strenuè, atque in semitis innocentiae ac justitiæ ambulemus imposteorum, neque ad dexteram, neque ad sinistram deflectendo. 11. Cupio autem, vos frequenter in memoriam revocare hoc singulare beneficium, quod accepistis à Christo, ut vos tam eximio benefactori gratos exhibeatis: propterea mementote, quales olim fueritis, nempe belluarum more vixistis foedissimis carnis voluptatibus immersi, neque alio, quàm præputii, seu incircumcisorum nomine vocabamini ab iis, qui externam corporis circumcissionem colunt. 12. Mementote, inquam, vos illo tempore fuisse absque Christo, nempe ejus cognitione, lege, gratiâ destitutos, prorsus alienos

nos ab instituto vitæque ratione  
populi Iſraëlitici, qui illius adven-  
tum ſollicitè exſpectabat, extraneos  
à pactis conventis, quibus ejus pro-  
miſſa continebantur, & ut cuncta  
uno verbo complectar, in hac mor-  
tali vitâ planè ſine Deo, utpote  
falſorum Numinum cultui cœcâ ſu-  
perſtitione perquàm addictos. 13.

At nunc longè mutatâ rerum ſa-  
cie vos, qui à verâ religione pro-  
cul eratis, per Chriſti ſanguinem  
pro ſalute veſtrâ ad ultimam us-  
que guttam effuſum ad illum pro-  
piùs acceſſiſtis, adeo ut nunc ar-  
ctiſſimè illi conjuncti, fratres ejus  
nuncupari poſſitis. Inter Judæos  
& Gentiles implacabilis vige-  
bat diſcordia, circumciſio ſiquidem, quam  
illi religioſè colebant ut ſanctioris  
& electi populi notam, & iſti ut  
propudioſam averſabantur, & tur-  
piculam, inſtar parietis ſe habebat  
utrumque populum ſeparantis &  
impedientis, quò minùs conjunge-  
retur. 14. Chriſtus autem me-  
diator pacificus nos Deo concilia-  
vit, mutuas inimicitias ſuſtulit,  
fecitque, ut utraque natio in unum  
veluti corpus coiret, deſtructo  
ſeptô parietis, omnémque ſimul-

mentorum, promiſſionis  
ſpem non habentes, &  
ſine Deo in hoc mundo.

13. Nunc autem in  
Chriſto JEſu, vos, qui  
aliquando eratis longè ſa-  
cili eſtis prope in ſanguine  
Chriſti,

14. Ipſe enim eſt pax  
noſtra, qui fecit utraque  
unum, & medium parie-  
tem mœriſcens, ini-  
micitias in carne ſuâ:

tatem

15. *Legem mandatorum decretis evacuans, ut duos condât in semetipso in unum novum hominem, faciens pacem.*

16. *Et reconciliet ambos in uno corpore Deo per crucem, interficiens inimicitias in semetipso.*

17. *Et veniens evangelizavit pacem vobis, qui longè fuistis, & pacem iis, qui propè.*

tatem corporis sui in crucem suffixi objectu ac morte penitus abolevit, 15. legem videlicet veterum præceptorum, quæ diversissimis ritibus continebatur, & mortem reis intentabat, novâ conditâ lege, novisque decretis abrogans, ut duos populos concordes jam factos in unum novum hominem quasi in novitate scilicet vitæ ambulantes conflatos egregius pacificator in semetipso reconderet tanquam sibi unico Ecclesiæ capiti subiectos, à quo diversa membra corporis unitatem accipiunt, 16. atque adeo per meritum suæ passionis extinctâ inimiciâ, quæ ex peccato inter Deum & hominem intercesserat, utrumque populum in unum veluti corpus, nempe Ecclesiam suam coactum divinôque suo spiritu animatum Deo immortalis conciliaret. 17. Cùmque venisset in hunc mundum tanquam cœlestis caduceator à Deo missus, pacem hanc auspicatissimam læto præconiô promulgavit non solum Judæis qui Deo propinqui erant per ejus notitiam, & legem ab eo acceptam, sed etiam qui procul eratis à verâ religione, cultûque Dei.

Dei; 18. adeò ut per ipsum tanquam communem pacificatorem, mediatorum ac redemptorem habeamus aditum & accessum liberum

18. *Quoniam per ipsum habemus accessum ad Patrem, ambo in uno Spiritu ad Patrem.*

tanquam filii ad patrem utrisque reconciliatum duce uno eodemque Spiritu Sancto, qui non solum Spiritus est pacis & concordiae, quàm inter nos uniamur, verum etiam spiritus adoptionis filiorum, quàm Deo ut patri conjungimur.

19. Quamobrem non estis amplius hospites & peregrini, sed cives Sanctorum perinde ut Spiritus Angelici Deique familiares ac domestici, cui vobis semper praesenti tanquam patri omni cum fiducia indigentiam vestram exponere potestis, & opem quamprimum desideratam obtinere, cives, inquam, non tantum in eandem cum illis Ecclesiam adscripti, sed ad eandem quoque gloriam coelestem destinati. 20. Superstructi, superque impositi fundamento admirandi illius aedificii, nempe Ecclesiae, cujus Prophetarum, Evangelicam doctrinam praedixerant, Apostoli verò promulgaverant, cujus lapis primarius & angularis est Christus ipse Dominus,

19. *Ergò jam non estis hospites & advena, sed estis cives Sanctorum & domestici Dei.*

20. *Superedificati super fundamentum Apostolorum & Prophetarum, ipso summo angulari lapide Christo Jesu,*

21. in quo quidem totum hoc spiri-

21. *In quo omnis aedificatio constructa crescit.* (N)

*cit in templum sanctum  
in Domino :*

*22. In quo & vos  
coedificamini in habita-  
culum Dei in spiritu.*

spirituale ædificium congruenter  
coagmentatum confurgit & crescit  
in templum sanctum Deo conse-  
cratum, quod ipse inexpugnabile  
reddidit contra omnes inferorum  
assultus. 22. Cujus cùm & vos  
pars non exigua sitis, quilibet ve-  
strum seipsum consideret ut tem-  
plum veri Dei, & domicilium Spi-  
ritus Sancti qui suâ gratiâ & chari-  
tate quasi glutino & calce fideles  
omnes tam Gentiles quàm Judæos  
conglutinat & coagmentat, ut fa-  
ciant unum parietem, unam domum,  
unam Ecclesiam. Attendite ergò,  
ne profanetis aut polluatís cor ve-  
strum, in quo, quem cœli cœlo-  
rum capere nequeunt, residere  
dignatur, & scitote illum tanquam  
absolutum dominum sibi soli illud  
reservare exclusò cujuscunque rei  
creatæ consortio, & in illam af-  
fectu, nec non flagitii qualiscun-  
que, cujus severissimus vindex est,  
turpissimâ maculâ.



# PARAPHRASIS

## CAP. III.

1. **U**T ergò arctissimâ unione JESU Christo adhæreatis, & in præclari hujus ædificii, de quo modò sermonem intuli, erectionem & constructionem vos quoque assumi valeatis, idcirco Romano carcere modò detineor, vinctusque adstrictus sum mihi longè acceptissimis propter defensionem nominis ac gloriæ Domini mei Servatoris, vestræque salutis procurationem,
2. scire enim vos percipio, fratres mei, divinâ providentiâ atque consilio ministerium vobis prædicandi Evangelii peculiariter mihi commissum.
3. Quando ipsi placuit me Ecclesiæ suæ aggregare, palamque manifestare, quàm præpostero & præservido zelò ac furore illam infectatus fuerim arcum illud divinum mihi per revelationem etiam Gentes doctrinæ Evangelicæ recipiendæ capaces esse. Equidem in hac ipsâ epistolâ jam bre-
1. *Hujus rei gratia, ego Paulus vinctus Christi JESU pro vobis Gentibus.*
2. *Si tamen audistis dispensationem gratiæ Dei, quæ data est mihi in vobis:*
3. *Quoniam secundum revelationem notum mihi factum est sacramentum, sicut supra scripsi in brevi.*
- (N 2)]

4. *Prout potestis legentes intelligere pridentiam meam in mysterio Christi:*

5. *Quod aliis generationibus non est agnatum filii hominum, scicuti nunc revelatum est sanctis Apostolis ejus, & Prophetis in Spiritu.*

6. *Gentes esse coheredes, & concorporales, & participes promissionis ejus in Christo Jesu per Evangelium:*

breviter vobis aliquid insinuavi, de hoc ipso mysterio vocationis vestrae ad fidem & Ecclesiam Christi. 4. Quod si fortè paulò obscurius illud explicui, & verbis usus sum ejus magnitudini haud æquā proportionē respondentibus, id equidem feci, ut me scitè attemperarem imbecillitati vestrae, veritatem tam sublimem non nisi pro tenui captu intellectus vestri communicando.

5. Quod quidem mysterium per multa retro sæcula non ita clarè ac perspicuè notum erat Patriarchis atque Prophetis, sicut nunc per revelationem cognitum est Apostolis Christi Domini, utpote quibus multæ, singulares, ac determinatæ circumstantiæ hujus mysterii partim à Christo cum ipsis adhuc conversante, partim à Spiritu Sancto post Christi ascensionem in cælum patefactæ sunt, quas obscurè tantum & sub velamine cognoverant Prophetæ veteris Testamenti. 6. Et Apostoli quidem satis dilucidè docuere, Gentes ejusdem hæreditatis esse participes, ejusdem mystici corporis membra, earundem denique promissionum fidei in Christum, & Evangelicæ pro-

professionis beneficio consortes.

7. Et hujus quidem faustissimi nuntii singulari Dei clementiâ datus sum vobis Minister, quem in finem, ut illo officio ritè & cum optato fructu fungerer, multiplici me rerum divinarum notitiâ, animi constantiâ, potestate mira patrandi aliisque necessariis præfidiis me abundè instruxit. Sanè cùm oculos conjicio in vitam præteritam, atque reminiscor, quanto furore eas veritates impugnaverim, pro quarum defensione summo mihi nunc honori duco vincula & ærumnas carceris, vehementer confundor, neque satis admirari atque deprædicare possum ineffabilem Dei erga me benevolentiam.

8. Quamvis enim fidelium omnium sim longè infimus, coeleste tamen hoc munus omnibus Gentibus promulgandi incomprehensibiles divinitas & beneficia, quæ per Christi meritum nobis abundantissimè velut ex infinito thesauro à Deo conferuntur. 9. Itaque destinatus sum ab eo, ut omnibus veræ fidei ac religionis lucem asseram, & attentius considerandum proponam ineffabile hoc mysterium, quod su-

*7. Cujus factus sum minister, secundum donum gratia Dei, quæ data est mihi secundum operationem virtutis ejus.*

*8. Mihi omnium sanctorum minimo data est gratia hac, in Gentibus evangelizare inuestigabiles divitias Christi,*

*9. Et illuminare omnes, quæ sit dispensatio sacramenti absconditi in sacro in Deo, qui omnia creavit.*

perio- (N 3)

10. *Ut innotescat principatibus & potestatibus in celestibus per Ecclesiam multiformis sapientia Dei.*

11. *Secundum præfinitionem sæculorum, quam fecit in Christo Jesu Domino nostro;*

perioribus sæculis absconditum erat & quasi clausum in unius Dei, qui universa condidit, scientiâ. 10. Supremi quidem & infimi angelorum ordines jam ejus substantiam noverant, postquam autem Ecclesia Dei cœlestibus charismatis & benedictionibus mirum in modum cumulata fuit, 11. quas ex æternâ præfinitione per Christum Dominum ejus Caput illi communicare statuerat, & modò inter membra sui Corporis tot Gentiles numerat, quos etiam ipsis Judæis utcunque tempore ac promissione prioribus prætulit, postquam ergò oviculæ, quæ videbantur derelictæ, nunc congregatæ sunt sub uno supremo pastore, & extranei in partem hæreditatis admissi sunt, ex hoc ipso, inquam, rerum eventu, felicique Ecclesiæ progressu clariùs agnoscunt causas, ordinem, atque reliquas Incarnationis & Vocationis Gentium circumstantias ignotas hætenus, & quasi in speculo contuentur multiplicem & in effectibus suis prorsus admirandam sapientiam Dei immortalis, nec non immensam erga homines charitatem, pro quibus proprium filium in

in mortem tradidit. 12. Ipse est, 12. *In quo habemus in quo spes omnes nostras locatas fiduciam & accessum in habemus depositis atque sopitis jam confidentia per fidem ejus.*

omnibus angustiis, remorsibusque conscientiae, cujus beneficiò per fidem ipsius ad cœlum oculos attollere, atque ad thronum Dei Patris magnâ omnino confidentiâ liberè & intrepidè accedere possumus, rebusque afflictis opem exposcere, &

obtinere. 13. Quapropter vos etiam atque etiam obtestor, ne animos despondeatis aut perturbemini ob eas vexationes & molestias, quibûs assidue premor, quâsque Dei causâ, ac pro omnium Gentium salute non solum æquo sed etiam libenti animò perfero, cùm potius exultandum atque gloriandum vobis sit, quòd tanti vos faciat Deus, ut pro vestrà salute, fideique propagatione nos Apostolos suos adversa quæque tam strenuè ac fortiter tolerare velit. Scio equidem Christianam hanc animi constantiam, ad quam vos exhortor, donum esse cœlitùs nobis collatum, nihilque infirmius esse voluntate humanâ, si propriæ naturæ viribus se sustinere velit. 14. Quam ob causam, ut dixi, flecto genua mea ad Patrem

13. *Propter quod peto, ne deficiatis in tribulationibus meis pro vobis: quæ est gloria vestra.*

14. *Hujus rei gratiâ flecto genua mea ad Pa-*

Domi-

*trem Domini nostri Jesu Christi,*

*15. Ex quo omnis paternitas in cælis, & in terrâ nominatur,*

*16. Ut det vobis secundum divitias gloriæ suæ virtute corroborari per Spiritum ejus in interiorē hominem.*

*17. Christum habitare per fidem in cordibus vestris: in charitate radicati & fundati,*

*18. Ut possitis comprehendere cum omnibus sanctis, quæ sit latitudo, & longitudo, & sublimitas, & profundum :*

Domini nostri Jesu Christi, ab eoque precibus assidue contendo, ne vincula mea quemquam vestrum deterreant, aut à susceptâ fide ac religione revocent. 15. Illum, inquam, omnium Parentem vobis opto propitium, ex quo tanquam primo exemplari atque causâ efficiente omnis tam angelicarum mentium procreatio, quàm sive Judæorum, sive Gentilium adoptio ac paternitas tanquam à patre omnium primo & universali profuit ac dimanat. 16. Ut in vos effundat divitias gloriæ suæ, animique robur conferat, quò divini spiritûs munere in interiori homine seu gratiæ cœlestis incrementò confirmati in instituto vitæ sanctioris cursu fortiter & constanter perseveretis, 17. utque Christus ipse jam in animis vestris per fidem conceptus in iisdem perpetuò inhabitet, & per charitatem latè diffusam firmas atque altiores quotidie radices figat, 18. atque ita cum cæteris fidelibus seriò possitis comprehendere, dignèque æstimare, quæ sit latitudo, & longitudo, & profunditas, & sublimitas, id est, quàm sit hoc nostræ redemptionis opus, quo nos Christus in pristinam liber-

bertatem asseruit, omnibûs suis numeris atque partibus absolutum, longitudo scilicet ab æterno proveniens, latitudo erga omnes homines protensa, profunditas ad inferni novissima descendens, sublimitas in coelum usque assurgens, ibique divinam iram mitigans, & mortales inde olim exclusos ad replendas vacuas Angelorum sedes immittens.

19. Quantâcunque subtilitate & acumine sit prædita intelligentia humana, non valebit perfectè assequi amoris magnitudinem, cujus impulsu Dei immortalis filius è throno descendere voluit, ut nos illum conscenderemus, vinculis ligari, ut nostra dissolveret, maiestate suâ se exuere, ut ejus plenitudine & dignitate impleremur, intellectum nostrum collustrare, voluntatem succendere, atque ad veri Dei cognitionem cultumque adducere, sine quo nulla salus, nulla animi tranquillitas, felicitas nulla. Quæramus, quantum libuerit, quid pro virium nostrarum tenuitate præstare valeamus, ut ei pro meritis utcunque satisfaciamus, nihil planè inveniæmus, quod ex æquo respondeat immensæ ejus charitati.

20. Præter illos favores, quos ab eo

19. *Scire etiam supereminentem scientia charitatem Christi, ut impleamini in omnem plenitudinem Dei.*

20. *Ei autem, qui potens est omnia facere*  
(O)

*superabundanter, quam  
petimus, aut intelli-  
mus, secundum virtutem,  
quæ operatur in nobis:*

21. *Ipsi gloria in Ec-  
clesia, & in Christo JESU  
in omnes generationes  
saeculi saeculorum, A-  
men.*

eo expetimus, per illam immensam  
potentiam, quæ principium est om-  
nium meritorum nostrorum, longè  
plura potest præstare, quam aut  
nos postulare, aut mente concipe-  
re possimus. 21. In omne igitur  
ævum universa Ecclesia glorificet  
Patrem cœlestem, qui pro suâ in-  
comprehensibili bonitate voluit, ut  
primum ejus fundamentum esset,  
ejus unigenitus filius, cujus amore  
& gratiâ illam tot beneficiis, ac  
favoribûs locupletavit, & nunc qui-  
dem florentem æternâ aliquando  
gloriâ coronabit.

## PARAPHRASIS

### CAP. IV.

1. *Obsecro itaque vos, ego  
vinculus in Domino,  
ut dignè ambuletis vo-  
catione, quâ vocati estis.*

1. **P**ARUM est nôsse, quantis be-  
neficiis vos affecerit Domi-  
nus, nisi etiam quid vicissim in te-  
stimonium animi grati ei debeatis,  
noveritis, siquidem tot favorum  
vobis exhibitorum magnitudo, &  
vocationis præcipuè vestræ ad fidem,  
gratiam, & gloriam excellentia, qua-  
lis



lis in præcedentibus declarata est, ingratitude vestram tantò graviorem redderet, supplicioque æterno dignissimam. Quòd si animas vestras, actus omnes, ipsasque mentis cogitationes ejus obsequio amorique penitus addiceretis, id scilicet ei redderetis, quod plurimis jam aliunde titulis ipsi debebatur. Quare, fratres mei, vos etiam atque etiam obsecrando exhortor per illam sollicitudinem, quâ salutem vestram procurare vos oportet, perque vincula, quibus amore Domini nostri Jesu Christi detineor, ut eam vitæ rationem ineatis ipsi, quæ tam sublimi vocationi, tot acceptis in hac vitâ mortali gratiis, & promissâ in alterâ immortalis remunerationi ex æquo respondeat. 2. Cum omni modeſtiâ, mansuetudine, animi lenitate alter alterius mores charitatis ergò ferendo, licet sibi suæque conditioni dissimiles, licet rusticos, licet asperos, licet petulantibus, licet morosos atque tetricos, 3. Omnique studiò ac sollicitudine conando servare unitatem spiritûs, eundemque sensum ac mentem indissolubili pacis vinculo ad-

2. *Cum omni humilitate & mansuetudine, cum patientiâ supportantes invicem in charitate,*

3. *Solliciti servare unitatem Spiritûs in vinculo pacis.*

(O 2)

4. *Unum corpus, & unus Spiritus, sicut vocati estis in unâ spe vocationis vestræ.*

5. *Unus Dominus, una fides, unum baptisma,*

6. *Unus Deus & Pater omnium, qui est super omnes, & per omnia, & in omnibus nobis.*

7. *Unicuique autem nostrum data est gratia, secundum mensuram donationis Christi.*

adstrictam. 4. Siquidem unum est corpus, unôque spiritu in hoc unum idemque corpus vos omnes coagmentati estis, ut jam alii ab aliis dissidere odiô minimè debeatis, sed mutuam animorum consensionem colere, qui ad eundem finem felicitatis, adeoque & pacis semper perennaturæ sperando tenditis. 5. Neque verò de hoc vocationis vestræ fine ulla potest esse disceptatio, siquidem unus omnibus est dominus redemptor noster Christus, una fides, quam omnes sequimur, unum baptisma, quo regeneramur. 6. Unus verò potissimum Deus, & omnium mortalium parens, qui est super omnes dominandi potestate, & per omnia immensitate ac providentiâ suâ diffusus, nobis verò peculiari quadam ratione per gratiam justificantem intimè præsens. 7. Quamvis autem tanta sit inter nos conjunctio & unitas, unicuique tamen nostrum concessa est divinitus certa quædam gratiæ portio pro eâ mensurâ utrò diversâ semper tamen æquissimâ, quam Christo Domino placuit elargiri, ut adeò nemo propterea extolli, quòd majorem, nemo con-

queri, quòd minorem acceperit, aut aliis invidere debeat, cùm æqualiter nos omnes indignos invenit, nostrumque non sit ejus potestati amplissimæ ac sapientiæ infinitæ certos pro arbitrio nostro præscribere terminos. 8. Inde est, quòd Propheta regius eam munificentiam olim prævidens exclamavit, cùm ascendisset in sublime, captivam illum duxisse ingentem captivorum multitudinem, quos nempe devictæ mortis faucibus eripuerat, cunctisque mortalibus coelestia munera liberaliter imperituisse. 9. Cæterùm quòd ait, ascendisse illum, quid quæso aliud innuit, quàm ipsum prius in imas partes terræ, atque infimam mundi regionem descendisse, ubi tot Patriarchæ & Prophetæ adventum liberatoris ac triumphatoris sui flagrantissimè præstolabantur, quare fratres mei, si cum illo ascendere vultis, descendite prius ejus exemplò in profundissimam contemplationem fragilitatis ac inopiæ vestræ, & inde resultantem divinæ opis, atque gratiæ necessitatem. 10. Et sanè non absque ratione prius descendit, quàm su-

8. *Propter quod dicit: ascendens in altum captivam duxit captivitatem: dedit dona hominibus.*

9. *Quòd autem ascendit, quid est, nisi quia & descendit primùm in inferiores partes terræ?*

10. *Qui descendit, ipse est, qui & ascendit*  
(O 3)

*super omnes cælos, ut im-  
pleret omnia.*

premos cælos conscenderet ad  
stabilitandum ibi solium Majestatis  
ac gloriæ suæ, & inde amplissi-  
mam Angelorum ac Beatorum om-  
nium Curiam considerandam, qui  
expleri non possunt clarissimo ejus  
intuitu: hunc enim ordinem ser-  
vavit, ut sacrarum imprimis littera-  
rum oracula, quibus prædictus  
fuerat, impleret, & opus nostræ  
redemptionis absolveret, cujus glo-  
riosa hæc in cælum ascensio com-  
plementum est atque coronis, ut  
virtutem præterea atque officium  
pretiosi sui sanguinis infra, & su-  
pra terram, nec non in ipso cælo  
empyreo ostenderet, & inde no-  
bis divini sui Spiritûs munera li-  
beraliter submitteret, ut etiam per  
Evangelii sui prædicationem in  
omne genus hominum triumphan-  
tis in morem principis altissimum  
ac supremum suum dominium  
exerceret, ut denique spectabilem  
se & adorabilem redderet splen-  
dore nominis sui per insignia vi-  
ctoriæ ac potentiæ suæ ubique lo-  
corum & gentium, quæ ipsum  
venerantur & colunt. Tamen si ve-  
rò Ecclesia militans visibilem ejus  
præsentiam non habeat, divinam  
tamen

tamen amoris, quo eam prosequitur ac supremæ directionis assistentiam perpetuò experitur, cum semper ejus Caput persistat. 11. Cujus etiam providentiâ singulari componitur ex diversis classibus, ex Apostolis, Prophetis, Evangelistis, Pastoribus atque Doctoribus, qui omnes ac singuli suo funguntur officio pro ratione debiti, 12. ut fideles, quorum institutioni destinati sunt, ad eximiam vitæ sanctimoniam perveniant, & corpus hoc mysticum, cujus ipse Caput est, ædificium hoc admirandum, cujus ille lapis angularis est, non modò sibimet constet, sed majora in dies incrementa capiat. 13. Hæc ministeriorum ac officiorum varietas vigeat in Ecclesiâ, donec omnes, qui unam eandemque fidem profitentur, unum ovile constituent sub uno pastore, summamque illam conjunctionem assequantur, quæ fidei Christianæ quasi vinculo adstringitur, ut nullæ partes hient, nihil sit luxatum, nihil non suo loco aptè collocatum & cohærens, denique ita in fide & divinorum mysteriorum cognitione proficiamus, ut perfectam Christi

11. *Et ipse dedit quosdam quidem Apostolos, quosdam autem Prophetas, alios verò Evangelistas, alios autem pastores & doctores,*

12. *Ad consummationem Sanctorum in opus ministerii, in ædificationem corporis Christi:*

13. *Donec occurramus omnes in unitatem fidei & agnitionis filii Dei, in virum perfectum, in mensuram altitatis plenitudinis Christi:*

14. *Ut jam non simus parvuli fluctuantes, & circumferamur omnivento doctrina in nequitia hominum, in astutiâ ad circumventionem erroris,*

15. *Veritatem autem facientes in charitate, crescimus in illo per omnia, qui est caput Christus:*

sti noticiam ac dilectionem assequamur, in quâ videlicet plena mensura seu statura, & matura ætas hominis Christiani consistit. Eò tendit & ordinata est isthæc diversitas in hoc mystico corpore. Si ulteriùs aliam hujus rei causam exposcitis, 14. hanc vobis edissero, ut non ampliùs puerorum more huc illuc fluctuemus, & circumferamur in omnem partem quavis novæ doctrinæ nobis afflatæ aurâ ac impulsu, idque per nequitiam perversorum hominum, qui veteratoriâ quadam ad insidiosè fallendum versutiâ nos circumvenire, & in damnatos errores pertrahere conantur. 15. Sed veritatem unâ ac sinceram doctrinam cum charitate sectantes demus sanè operam, ut per omnia virtutum genera crescamus in Christo, seu ex virtute & influxu illius, qui est caput omnium membrorum Ecclesiæ. Hæ rationes meo quidem judiciò satis demonstrant, præfati ordinis atque diversitatis institutionem ex benignitate ac providentia divinâ profluere. Priusquàm verò ad aliud argumentum digredior, exemplum quoddam satis fami-

familiares & obvium proponam. Quando membra humani corporis mutuò conjuncta sunt per nervos, tendines, & musculos, ex cerebro influxum recipiunt eorum spirituum, qui inibi præparantur in eâ quantitate, quæ cuilibet necessaria est pro suâ functione, ex quo perfectio & conservatio totius corporis physici resultat.

16. Non ab simili ratione ex fidelibus, qui Ecclesiam Christi constituunt, mutuò unitis, sibi quæ per diversâ ministeria & charitatem coherentibus quilibet à Christo Domino tanquam Capite hujus mystici corporis gratias, & auxilia necessaria accipit ad ritè fungendum suo officio cui destinatus est, ut adeo per hanc Ministrorum diversitatem Ecclesia consequatur absolutam perfectionem, & incrementa exoptata. Cum itaque & vos membra sitis tam sacri, & immaculati corporis, omni sanè conatu vobis enitendum est, ne quid admittatis aut agatis, quod sanctitatem isthanc minùs deceat. 17. Hoc itaque dico, & etiam atque etiam per Deum obtestor, ne pristinam vivendi rationem reperatis contenti solo fidelium

16. *Ex quo totum corpus compactum & connexum per omnem juncturam subministrationis, secundum operationem in mensuram uniuscujusque membri, augmentum corporis facit in adificationem sui in charitate.*

17. *Hoc igitur dico, & testificor in Domino, ut jam non ambuletis sicut & Gentes ambulant in vanitate sensus sui,*  
(P)

18. *Tenebris obscuratum habentes intellectum, alienati à vitâ Dei per ignorantiam, quæ est in illis propter cæcitatem cordis ipsorum.*

19. *Qui desperantes, semetipsos tradiderunt impudicitia, in operationem immunditiae omnis, in avaritiam.*

20. *Vos autem non ita didicistis Christum,*

lium nomine, neque versèmini, ut reliquæ Gentes in aberratione & vanitate mentis suæ versantur, sed monitorum meorum probè memores leges ipsas Christianis præscriptas sanctè servetis. 18. Mirum non est, si illi, quorum mens tenebris superstitionis involuta est, aurèsque divinis inspirationibus occlusæ, qui neque propria mala persentiscunt, neque supplicia ulla aut præmia ab obitu suo exspectant, vivendi rationem teneant ab omni sanctitate & justitiâ, ad quam obligamur, alienam 19. & ex inolitâ peccandi consuetudine quasi callò obducto desperabundi absque remorsu in quævis scelera etiam maxime obscœna, & nefanda præcipientes ruant, nullamque penitus occasionem prætermittant agendi perperam, & inexplebilia luxuriæ cupiditati frœna laxandi, quasi de lucro captandò ageretur. 20. Vos autem Ephesii non ita me Magistro Christum didicistis, longèque aliam esse Christianam disciplinam jam pridem nôstis, quæ non modò à flagitiis omnibus penitus abhorreat, sed miram quandam sanctitatem ac morum innocentiam spiret,



spiret, & à suis cultoribus exigit.

21. Si tamen illi aures præbuiſtis, ejusque divina præcepta pronâ mente excepiſtis, qui tanquam Magister è cœlo ſubmiſſus unicè docet, quæ veriſſima, quæque ad animarum veſtrarum ſalutem maximè faciunt.

22. Nempe ille vos edocuit ſuo ſervitio addictos deponere, quod ad priſtinam vivendi, concupiſcendi & peccandi conſuetudinem attinet, veterem illum hominem, qui voluptatum illecebris delinitus fallacibus & erroneis cupiditatibus corrumpitur, & indies computreſcit, quas potiùs urunt rebelles comprimere, & ſanæ rationis, legiſque divinæ jugo ſubjicere oporteret.

23. Animati autem novo ſpiritu 24. induite alios mores, alium hominem, qui videlicet ſecundùm Deum ſive ad ejus exemplar & imaginem conditus eſt in ſanctitate, veritate, & juſtitiâ minimè fucatâ, ſed genuinâ ac ſincerâ, vòſque impoſterum reddat quocunq; minùs ordinato appetitu ſuperiores, æquitatis & charitatis erga proximum reverentiæque Deo debitæ obſervantiores.

25. Quapropter depoſito mendaciò, cujus

21. Si tamen illum audiſtis, & in ipſo edocti eſtis, ſicut eſt veritas in Jeſu.

22. Deponere vos ſecundùm priſtinam converſationem veterem hominem, qui corrumpitur ſecundùm deſideria erroris.

23. Renovamini autem ſpiritu mentis veſtræ,

24. Et induite novum hominem, qui ſecundùm Deum creatus eſt in juſtitiâ & ſanctitate veritatis.

25. Propter quod deponentes mendacium

(P 2)

*loquimini veritatem unusquisque cum proximo suo: quoniam sumus invicem membra.*

26. *Iraſcimini, & nolite peccare: ſol non occidat ſuper iracundiam veſtram.*

27. *Nolite locum dare diabolo:*

28. *Qui furabatur, jam non ſuretur: magis autem labores operando manibus ſuis, quod bonum eſt, ut habeat, unde tribuat neceſſitatem patienti.*

29. *Omnis ſermo malus ex ore veſtro non*

cujus parentem ſcitis Satanam, loquimini quiſque cum proximo ſuo ſincerè & candidè, quod verum eſt, omni ambiguitate & fallaciâ ſublata, memores, nos eſſe membra invicem artuſſimo nexu in Chriſto conjuncta, abſurdum autem nimis eſt, ſi membra ejusdem corporis (mentiendo & fallendo) ſe invicem lædant, cum nihil tale contingat in corpore phyſico, niſi per infaniam. 26. Quòd ſi ex naturæ proclivitate vos ad iram concitari contingat, date diligenter operam, ne illi frœna laxetis liberius, ſed ita cohibete, ut ad facta non profiliat, ſed primo quoque tempore mitiora & leniora conſilia revocetur, ne veſtram indignationem ſol occidens adhuc æſtuantem aſpiciat. 27. Quòd omni diabolo occaſionem præcindatis variis ſuggeſtionibus improbis fovendi intra vos vindictæ ardorem. 28. Qui furabatur, furtis jam & furandi conſuetudine abſtineat, ſed honeſto potiùs, utilique opificio aut officio ſeſe exerceat, ut & ſuis & aliorum etiâ indigentium neceſſitatibus providere poſſit. 29. Prævus & inquinatus ſermo nullus vobis

vobis excidat, sed ea ex ore ve-  
stro prodeant, quæ commoda, quæ  
opportuna, quæ pudica sint, &  
cedant in ædificationem, utilita-  
tem, & oblectationem quandam  
spiritualem fidelium.

30. Date  
operam, ut Spiritus ille sanctus in-  
ter vos quasi in domicilio grato  
atque jucundo libenter habitet, &  
curate, ne maledicis aut obscænis  
verbis ullam tristitiæ vel offensæ  
materiam illi præbeatis, cujus ope-  
râ tabularum instar per baptismum  
& confirmationem internâ & co-  
piosâ gratiâ tanquam notâ filiorum  
Dei ac cœlestis hæreditatis partici-  
pes redditî usque in diem mortis  
& liberationis, ex hoc vitæ mortâ-  
lis ergastulo, in quo demum re-  
signandi eritis, & promissâ felicitate  
beandi. 31. Omnis porro ama-  
rulentia & exandescencia, & inde  
proveniens clamor & obtrectatio  
ac maledicentia tollatur, cesset in  
vobis, & omnis prorsus improbi-  
tas absit. 32. Sed estote alii in  
alios benigni, benefici, comes,  
blandi, injurias vobis mutuò condo-  
nantes, non aliter ac Deus in Chri-  
sto ejusque meritis omnia vobis de-  
licta liberalissimè condonavit.

30. *Et nolite contri-  
stare Spiritum sanctum  
Dei: in quo signati estis in  
diem redemptionis.*

31. *Omnis amaritu-  
do, & ira, & indignatio,  
& clamor, & blasphemia tollatur à vobis cum  
omni malitiâ.*

32. *Estote autem in-  
vicem benigni, miseri-  
cordes, donantes invi-  
cem, sicut & Deus in  
Christo donavit vobis.*

PARA-

(P 3)

## PARAPHRASIS

## CAP. V.

1. *Estate ergo imitatores Dei sicut filii charissimi;*

2. *Et ambulate in dilectione, sicut & Christus dilexit nos, & tradidit semetipsum pro nobis oblationem, & hostiam Deo in odorem suavitatis,*

1. **N**ON absque ratione Deum vobis in exemplum illustre propono, cum enim acceptam remissione peccatorum facti sitis filii Dei, Deoque cumprimis dilecti, nunquid patrem vestrum non externam solum specie, sed etiam morum vitæque imitatione referre debetis, qui vos tanquam filios charissimos tot muneribus locupletavit, totque etiam gravissima delicta in Christo benignissimè condonavit, ut & vos invicem condonetis ac remittatis offensas. An forte perfectius exemplar requiritis? Desigite, quæso, fratres mei in hoc divinum speculum attentæ considerationis obrutum. 2. Et completimini vos mutuam, sed sinceram & ab omni commodo proprio alienam benevolentiam, quali nimirum & Christus nos complexus est tradendo semetipsum pro nobis in oblationem ac victimam Deo inprimis charam,

charam, quippe bonæ fragrantæ odore perfusam, quâ pro universo hominum genere idem ipse summus Sacerdos lavavit, nullâ suæ Majestatis, nullâ nostræ indignitatis habitâ ratione, exemplô sanè imitatione dignissimo. 3. Cæterum

cum & sanctitas divini prototypi imitationi vestræ proposita sit, tantum abest, ut vobis indulgeam vel dissimulem ullam fornicationem, pollutionem, & inexplibilem exsaturandæ libidinis per diversa turpitudinum aut lasciviæ genera appetitum, ut ne istarum quidem sordium mentionem ullam inter vos fieri velim, ne fortè quod proclive est in hac materiâ lubricâ, ex ipso auditu concepta cogitatio carnem commoveat ad concupiscen-  
tiam vel delectationem spurcam.

4. Atque hæc ipsa cordis mundities puritasque in ipsis colloquiis familiaribus se se exerat, ut longissimè à vobis absint obscœnitas, scurrilitas, dicacitas & id genus alia, quæ sunt ab instituto nostro alienissima, nullâque ratione decent Christianam disciplinam atque sanctitatem professos: sed potius Deo assiduas agite gratias. Cur autem hujuscemo-

3. *Fornicatio autem, & omnis immunditia, aut avaritia, nec nominetur in vobis: sicut decet sanctos.*

4. *Aut turpitudine, aut stultiloquium, aut scurrilitas, quæ ad rem non pertinet: sed magis gratiarum actio.*

5. Hoc enim scitote  
intelligentes: quod omnis  
fornicator, aut immun-  
dus, aut avarus, quod  
est idolorum servitus,  
non habet hereditatem in  
regno Christi, & Dei.

6. Nemo vos seducat  
inanibus verbis: propter  
hac enim venit ira Dei  
filios diffidentia.

7. Nolite ergo effici  
participes eorum.

8. Eratis enim ali-  
quando tenebrae: nunc au-  
tem lux in Domino. Ut  
filii lucis ambulate.

di vitiolorum execrationem elimina-  
tionemque tantopere urgeam, ra-  
tiones planè non contemnendæ mi-  
hi suppetunt. 5. Si enim hucus-  
que fortè ignorastis, at nunc ut rem  
certissimam animis vestris altè im-  
primite, nullum scortatorem, aut  
impurum, aut voluptatum plus  
æquo appetentem, qui Veneri ac  
libidini tanquam idolo sese totum  
consecrat, aut avarum hereditate  
gaudere in regno Christi, seu Eccle-  
siâ ipsius triumphante. 6. Nemo  
vos in fraudem pertrahat inani &  
futili garrulitate, quasi actiones  
ex virtutis præscripto peragenda  
minimè necessariæ sint ad consequen-  
dam salutem æternam, sed fides in  
Christum sufficiat unâ cum baptismo,  
ejusmodi enim actiones Deum no-  
bis propitium reddunt, quæ autem  
bonis moribus repugnant, quales  
sunt prius enumeratæ, iram atque  
vindictam divinam provocant in in-  
gratos, perfidos, & contumaces  
homines. 7. Date ergò operam, ne  
vos ulla eorum vitiolorum macula vel  
aspergat vel inficiat ex improborum  
confortio. 8. Eratis siquidem olim  
errorum & cœcitatibus quibusdam ve-  
luti tenebris circumsepti, nunc au-  
tem

tem divini spiritûs beneficiô cœlesti luce pertusi hanc ipsam, quâ præditi estis, lucem præ vobis ferte ejusmodi vivendi ratione institutâ, quæ respondeat acceptæ divinorum mysteriorum notitiæ, & promissæ in cœlis remunerationis. 9. Id quod fiet, si non iracundos vos, asperos & malignos, sed benignos & beneficos, non fraudulentos, sed justos, non mendaces & hypocritas, sed sinceros & veraces, adeoque genuinos lucis filios exhibueritis. 10. Et omni studiô exquiratis, quid à vobis exigit Deus, quâ in re ei maximè placere; & sanctam ejus voluntatem adimplere possitis. 11. Ille vos ex profundâ flagitiosæ vitæ sentinâ eruit, nolite, obsecro, in eam denuo cœco imperu præcipites ruere, ille vos ex consortio illorum retraxit, qui lucem fugiunt, ut liberiùs & impuniùs delinquant. Nolite ad eos recurrere, & complices fieri ejusmodi operum, quæ tenebras & latibula captant, ad regendam turpitudinem, nisi que post se relinquunt, nisi tristem gravemque afflictæ conscientiæ remorsum, quin potiùs non solum acrioribus verbis eos confundite, sed etiam

9. *Fructus enim lucis est in omni bonitate, & justitiâ, & veritate.*

10. *Probantes, quid sit beneplacitum Deo;*

11. *Et nolite communicare operibus infructuosis tenebrarum, magis autem redarguite,*

(Q)

12. *Qua enim in occulto sunt ab ipso, turpe est & dicere.*

13. *Omnia autem, quae arguuntur, à lumine manifestantur: omne enim, quod manifestatur, lumen est.*

14. *Propter quod dicit: surge qui dormis,*

etiam contrariis integerrimæ vitæ exemplis palam facite, quàm sint illa honesto virò indigna, & à Christianâ disciplinâ aliena. 12. Et omnino talia, ut quæ ab impurissimis hisce infandarum libidinum magistris aut sectatoribus occultè geruntur, turpe sit vel verbulò tangere. 13. Quemadmodum claritas solis orientis ea detegit, quæ nox absconderat, ita etiam splendor sanctioris vitæ à vobis institutæ repræsentabit illis non absque horrore ac pudore enormitatem ac foeditatem scelerum, quam ne modò agnoscant, ignorantiae crassæ caligo præpedit. Mentis ita collustratæ haud dubiè execrabuntur præteritæ vitæ sordes, lachrymisque copiosis eluent propositâ firmiter seriâ emendatione, atque ita è spissis tenebris in lucem clarissimam emergent redditæ ex perfidis fideles, ex timidis cordatæ, ex tepidis ac frigidis ferventissimæ in obsequio cultûque supremi Numinis. Cæterùm nihil adeò periculosum, quàm diutius hac peccandi consuetudine quasi lethargo quodam opprimi. 14 Quapropter sic vobis persuasum esse cupio, quotidie Christum



stum vos quodammodo compella- & exurge à mortuis, &  
re atque hisce ferme verbis com- illuminabis te Christus.  
monefacere: expergiscere, qui dor-  
mis somno: imò morte peccati gra-  
vatus, & illucescat tibi Christus.

15. Videte igitur, ut cautiùs impos- 15. Videte itaque  
terum vitam vestram instituatis fratres, quomodò cautè  
non stultorum insipientiam, sed ambuletis: non quasi in-  
prudentum sapientiam imitantes, sipientes,

qui rebus suis studiosè invigilant, 16. Sed ut sapien-  
nec tam facilè aliorum fraudibùs tes: redimentes tem-  
inducuntur. 16. Semita, quâ in- pus, quoniam dies mali  
coe lum tendimus, laqueis, insidiis sunt.

& intra vos, qui quod vi neque-  
unt, astu dolòque evincere sata-  
gunt. Tempus, quod sanè breve  
& angustum superest, tanquam  
rem pretiosissimam majori studiò,  
curâ, & quarumvis rerum dispen-  
dio in meliores usus, uti solent  
mercatores industrii, impendite  
captando occasiones omnes profi-  
ciendi in viâ virtutum & bona ope-  
re ac merita accumulandi, conta-  
gio enim grassantium passim flagi-  
tiorum nunc universalis est, fraus  
ubique perfidia & protervia domi-  
natur, innocentia sexcentis pericu-  
lis exposita est, continuis dimica-  
tionibus sustinendis, monstrisque de-

(Q 2)

17. *Propterea nolite fieri imprudentes : sed intelligentes, quæ sit voluntas Dei.* debellandis fatigata. 17. Propterea attendite, ne vos imprudentia transversos agat, sed omnem adhibere industriam, ut intelligere valeatis, quæ sit Dei immortalis voluntas. Non repugno, si

18. *Et nolite inebriari vinò, in quo est luxuria : sed implemini Spiritu Sancto,* corpori vestro, quæ necessaria sunt indulgeatis, sed superflua resecate. 18. Vinum permitto, sed cum debitâ moderatione & ad vires conservandas. Nolite vos eo ingurgitare, unde rationis deliquium, inflammatio concupiscentiæ, & facilis ad quavis luxuriæ inquinamenta provocatio, venter enim merò æstuans citò despumat in libidines, sed implemini potius Spiritu Sancto, id est, gratiâ & lætitiâ spirituali, atque in universum bonis donisque celestibus. Omis-

19. *Loquentes vobismetipsis in psalmis, & hymnis, & canticis spiritualibus, cantantes & psallentes in cordibus vestris Domino,* las potius mentas accedite, ubi charitas in hospites, & frugalitas primas tenet, exclusâ inani pompâ, & superfluâ abundantia. 19. Ibi cum fratribus vestris psalmos, hymnos & cantica spiritualia concinite non linguâ tantum, sed intimo cordis affectu. 20. Gratias agentes

20. *Gratias agentes semper pro omnibus in* pro

pro omnibus divinis beneficiis Deo nomine Domini nostri Patri eorum largitori munifico, id. *Jesu Christi, Deo & que in nomine Domini nostri JE- Patri.*  
 fu Christi, 21. qui cum in cœlum modò sublatuſ alios ſui locò vicarios in terris conſtituerit, ſubjecti illis eſtote cum omni reverentiâ & obſervantiâ, quæ à filiis debetur parentibus. 22. Uxores propriis viris (vos enim nunc nominatim compello) eſtote ſubditæ non aliter ac Domino Deo, 23. quoniam caput eſt uxoris, ut & Chriſtus caput eſt Eccleſiæ, à quo corpus ipſum, nempe Eccleſia, tanquam à Capite omnem vigorem, vitam, & ſalutem haurit. 24. Itaque quemadmodum Eccleſia Chriſto ſubjecta eſt, ita etiam uxores ſuis maritis ſubditas eſſe oportet & obtemperare in omnibus. 25. Viri diligite uxores veſtras affectu non præciſe carnis & ſanguinis, ſed ſanctiori illo & puriori, quo Chriſtus Eccleſiam ſuam veluti ſponſam dilectiſſimam complexus eſt pro ejus ſalute vitam ac ſanguinem profundens. 26. Ut eam ſanctitate & juſtitia imbueret ab omni impuritate peccati mundatam aquæ in baptiſmate affuſæ lavacro, ſacroſancto

21. *Subjecti invicem in timore Chriſti.*

22. *Mulieres viris ſuis ſubdita ſint, ſicut Domino;*

23. *Quoniam vir caput eſt mulieris: ſicut Chriſtus caput eſt Eccleſiæ: ipſe, ſalvator corporis ejus.*

24. *Sed ſicut Eccleſia ſubjecta eſt Chriſto, ita & mulieres viris ſuis in omnibus.*

25. *Viri diligite uxores veſtras, ſicut & Chriſtus dilexit Eccleſiam, & ſeipſum tradidit pro eâ.*

26. *Ut illam ſanctificaret, mundans lavacrò aquæ in verbo vitæ,*

(Q 3)

27. *Ut exhiberet ipsæ sibi gloriosam Ecclesiam, non habentem maculam, aut rugam, aut aliquid hujusmodi, sed ut sit sancta & immaculata.*

28. *Ita & viri debent diligere uxores suas, ac corpora sua. Qui suam uxorem diligit, se ipsum diligit.*

29. *Nemo enim unquam carnem suam odit*

sancto & divino verbô adhibito, quod vitam, id est, spiritum & gratiam animæ confert. 27. Eamque omnis prorsus maculæ expertem, omni rugâ ac deformitate verustatis carentem, omni sanctitate ac virtutum ornamentis conspicuam longè pulcherrimam redderet, suisque oculis gratissimam exhiberet, id agendo videlicet, ut fideles, qui eam componerent, ab omni graviore noxâ immunes sanctitate & integritate morum splenderent, ut innocentia malitiæ, veritas mendacio, observantia despectui, fidelitas perfidiæ succederet. 28. Pari ratione & jure viris incumbit diligere uxores suas, earum mores potius corrigere, quàm labeculas aut rugas vultus, animorum vitia, quàm corporum, humiles modestasque reddere, si vanitati studeant, discretas, si imprudentiâ peccent, devotas, si nugis hujus sæculi delectentur, salutis suæ studiosas, si ambitione, & inani gloriâ efferantur licentiùs, ipsas, inquam, diligere debent tanquam propria corpora, nam qui uxorem suam diligit, seipsum diligit. 29. Nullus enim unquam suam ipsius car-

carnem propriumque corpus odio *habuit: sed nutrit & fo-*  
habuit, quin potius enutrit illud, *vet eam, sicut & Christus*  
vet, recreat & ornat, quandoqui- *Ecclesiam:*

dem ergò uxor unam carnem, cor-  
pusque constituit cum marito, an  
non absurdissimum quid & prope  
monstruosum esset, si vir uxorem  
suam prosequeretur odio? an non  
potius obstringitur ad peculiarem  
ejus curam habendam, quæ pars  
quædam ipsius est? ad eam conser-  
vandam, protegendam, sublevan-  
dam, quemadmodum Christus Ec-  
clesiam suam & singulos nostrum  
gratiâ divinâ & Sacramentis nutrit,  
roborat, pascit, protegit, & or-  
nat? 30. Quæ caro quædam est ex

30. *Quia membra*  
ipsius carne, & os ex ossibus ejus *sumus corporis ejus, de*  
formata scilicet ex illius in cruce *carne ejus, & de ossibus*  
expirantis & obdormientis latere, *ejus.*

quando illud lanceâ, transfixum  
fuit, cujus figuram nobis Eva præ-  
buit ex Adami dormientis costâ  
formata. Deus ipse in ejus perso-

nâ omnibus uxoribus loquens me-  
moranda hæc verba protulit: 31.  
propter hoc relinquet homo patrem  
& matrem suam, & adhærebit uxo-  
ri suæ (amoris scilicet glutinó) &  
erunt duo in carne unâ Gen. 2. 24.

Ex quo colligere licet, vinculum  
hoc

31. *Propter hoc re-*  
*linquet homo patrem &*  
*matrem suam, & adha-*  
*rebit uxori suæ: & erunt*  
*duo in carne unâ.*

hoc omnem planè admirationem transcendere, quippe quod tanti momenti est, ut pro ejus conseruatione salvo naturæ jure reliquæ omnes obligationes solvi tollique possint, & ipsi etiam parentes deferri, quibus vitam acceptam debemus. Utcunque ista verissima sint, si matrimonium aliud non foret, quàm legitima conjunctio duarum personarum ad procreandos liberos, vel individuum vitæ societatem colendam, non esset res adeò sancta & divina qualis nunc est, nunc autem præterquàm quòd ab ipso Deo in hujus mundi primordiis institutum sit, symbolum præterea est ineffabilis illius & mysteriò plenæ unionis naturæ divinæ cum humanâ, & Jesu Christi cum Ecclesiâ suâ. Si enim vir patrem & matrem suam relinquit amore conjugis, an non Christus Dei filius hominem induendo quasi visus est relinquere patrem suum in cœlis, postea etiam matrem suam Synagogam, ut sponsæ suæ Ecclesiæ adhæreret perpetuò? 32. Quam ob causam assero mysterium hoc magnum esse, ideòque prius quidem in veteri lege signum fuisse conjunctionis

32. *Sacramentum hoc magnum est, ego autem dico in Christo, & in Ecclesiâ.*

tionis illius futuræ, nunc autem  
signum esse ejusdem jam factæ adeo-  
que propriè dictum Sacramentum  
gratiam conferens & mutuum amo-  
rem conjugum. 33. Unde vos im-  
pensè hortor, ô conjuges, ut amo-  
rem hunc conjugalem excitetis,  
foveatis, augeatis, atque ita hanc  
mysticam conjunctionem, quam  
repræsentatis, reipsâ etiam expri-  
matis. Suam quisque uxorem, ut  
seipsum diligit, uxor autem etiam  
atque etiam sâragat, & virum omni  
reverentiâ, veneratione, obsequio  
sibi devinciat, quemadmodum Ec-  
clesia Christum reveretur, eique  
sanctè in omnibus obtemperat.

33. *Verumtamen &  
vos singuli, unusquisque  
uxorem suam sicut se-  
ipsum diligit: uxor au-  
tem timeat virum suum.*

## PARAPHRASIS

### CAP. VI.

1. **P**OSTEAQUAM mutua virorum  
atque uxorum officia expli-  
cata sunt, rectus ordo postulat, ut  
quæ liberorum ac parentum sunt  
propria, paucis expediâ; paren-  
tum enim legitima conjunctio li-  
be-

1. *Filii obedite paren-  
tibus vestris in Domino:  
hoc enim justum est.*

(R)

berorum procreationem atque honestam educationem pro fine respicit, qui etiam chara pignora sunt reciproci inter eos amoris. Itaque vos liberi in omnibus, quæ divino cultui ac pietati non repugnant, obtemperate parentibus vestris in Domino, quem nimirum in coelis regnantem in terris ipsi repræsentant, quique observantiam ipsis præstitam tanquam sibi exhibitam remuneratur. Hanc ex omni parte perfectam natura ipsa exigit, neminemque à primaria hac & indispensabili lege eximit. Omnia ergò illis pro viribus vestris exhibere obsequia, subvenite illis, si quâ necessitate vel inopiâ premanetur, vitam ipsam pro illis exponite, nihil ultra debitum præstabitis, quin iis semper obstrictissimi permanebitis. 2. Inter præcepta decalogi in secunda tabulâ primum hoc est honorandi parentes, vel etiam absolute primum, cui adjuncta sit peculiaris promissio remunerationis temporalis. 3. Vitæ nimirum hujus longævitas, ex quo liquet, quàm grata & accepta sit Deo ejus observatio, qui ejus remunerationem in alteram vitam

non

2. *Honora patrem tuum & matrem tuam, quod est mandatum primum in promissione.*

3. *Ut bene sit tibi, & sis longævus super terram.*



non differt quemadmodum aliàs solet. 4. Vos verò Patres ne in-tempestivo vel acerbiori imperiò provocetis ad iram liberos vestros, nè illos duriùs asperiùsve servorum more tractetis, memores, illos esse quandam vestri ipsorum particulam, ac proin sollicitudini curæque vestræ commissam, sed enutrite eos atque educate in timore Dei, & Christianæ vitæ disciplinâ, adhibita etiam castigatione moderatâ, si in vitia desceant, secùs rigidam Deo reddituri rationem, si vestrâ conniventia, vel facilitate mores induant depravatos. Denique saluberrimis monitis optimisque exemplis diligenter curate, ut virtutum potiùs ornamentis quàm inani dignitatum temporalium splendore decorentur, aut molliori deliciofæ vitæ consuetudine enerventur. 5. Servi obtemperate iis, qui dominandi jus habent, quique externarum rerum, quæ ad corpus pertinent, pro imperio potiuntur, idque cum timore atque tremore extremi illius judicii, cum vobis præteritæ vitæ, atque ad eò & obedientiæ superioribus debitæ ratio reddenda erit, postremò sin-

4. *Et vos patres nolite ad iracundiam provocare filios vestros: sed educate illos in disciplinâ & correptione Domini.*

5. *Servi obedite dominis carnalibus cum timore, & tremore, in simplicitate cordis vestri, sicut Christo:*

(R 2)

6. *Non ad oculum  
servientes, quasi homini-  
bus placentes, sed ut ser-  
vi Christi, facientes vo-  
luntatem Dei ex animo,*

7. *Cum bona volun-  
tate servientes, sicut Do-  
mino, & non hominibus.*

8. *Scientes quoniam  
unusquisque, quodcunque  
fecerit bonum, hoc reci-  
piet à Domino, sive ser-  
vus, sive liber.*

cero & candido voluntatis obsequio  
absque hæsitazione, sinistrâ inter-  
pretatione, aut repugnantia, per-  
inde ac si ipsi Christo, cujus locum te-  
nent, ac personam repræsentant, ob-  
sequium præstandum esset. 6. Non  
ut facere solent ii, qui præsentibus  
tantum dominis obsequuntur, absen-  
tes aspernantur, aut etiam ludibrio  
habent, quod proprium est eorum,  
quibus id unum propositum est, ut  
hominibus & ad oculum placeant,  
sed potius, ut Christi servos decet,  
quæcunque Deus per Superiores  
suos præcipit, alacriter, promptè  
ac sponte 7. propensâ voluntate  
executioni date unius Dei reveren-  
tiâ commoti, non verò supplicio-  
rum metu, aut simulatione com-  
pulsî, uti faciunt gentilium servi.  
Deus vos in hoc statu pro potesta-  
te suâ collocavit, oportet igitur, ut  
sanctissimæ ejus voluntati debitâ  
cum resignatione vos submittatis,  
& secundum æquissimam illius ordi-  
nationem Superioribus vestris per-  
inde ut ipsi Deo obsequamini, 8.  
ut qui probè sciatis, singulos quid-  
quid boni præstiterint, ejus olim  
mercedem ac præmium reporta-  
turos à supremo omnium remunc-  
rato.

ratore Domino, sive servus, quis fuerit, sive liber. 9. Vosverò domini nolite arbitrari despoticum ac tyrannicum prope agendi modum cum subditis permissum vobis, sed similem proportionem quadam illis exhibete humanitatem, benignitatem, amorem, sinceritatem, fidelitatem, qualem illi meo jussu vobis exhibent, si quod obsequium ab illis requiritis, non imperiosè & asperè, sed suaviter id facite, excusate vel dissimulate, si quid per imprudenciam fortè contra rationem sui officii deliquerint, non truculento vultu eos identidem excipite, non minas acerbiores assidue jactate, multò minùs ob quamcunque levissimam causam verberibus in eos deservite crudeliùs, sed considerate illos perinde Christianos esse adeoque & fratres vestros, uni eidemque servientes Deo regnanti in cœlis, qui cum sit Dominus omnium, mirâ cunctos mortales benevolentia & amore complectitur & severam à vobis dominii vestri ac tyrandis in servos rationem exiger, talémque se vobis exhibebit, quales vos servis exhibuistis, quippe qui in dispensatione gratiarum aut castigatione noxarum nul-

lam

9. *Et vos domini eadem facite illis, remittentes minas: scientes, quia & illorum & vester Dominus est in cœlis: & personarum acceptio non est apud eum.*

(R 3)

10. *De cetero fratres, confortamini in Domino, & in potentiâ virtutis ejus.*

11. *Induite vos armaturam Dei, ut possitis stare adversus insidias diaboli.*

12. *Quoniam non est nobis colluctatio adversus carnem & sangu-*

lam qualitatis externæ aut statûs personæ cujuscipiam, sed unius duntaxat virtutis aut vitii rationem habet. Atque hæc sufficiant de officiis diversorum statuum. Nunc fratres dilectissimi ad omnes nullo discrimine me converto, vósque obtestor, quàm possum, maximè, ut suprema mea monita tam profundè memoriæ vestræ inprimatis, ut nullâ unquam oblivione exinde obliterari possint.

10. Generosum pectus induite, illudque per fidem ac fiduciam constantem in Deum corroborate in dies, metum omnem deponite, quandoquidem ejus præpotens virtus vobis assistit, cui nec inferorum nec hominum conjuratæ vires resistere possunt, quamdiu in mundo degitis, dimicandum vobis est. 11. Assumite ergò universum armorum apparatus à Deo subministratum, ut strenuè stare possitis, vósque tueri adversus insidias, assaultus, & machinationes diaboli, quas per improbos perditosque homines ita callidè pro more & experientia suâ multiplici molitur, ut non adeò facilè eas animadverti aut superari contingat. 12. Quoniam non est nobis lucta adversus homines tantum, quorum fragilis

lis

lis & caduca est natura, virésque exi-  
 nem: sed adversus prin-  
 les, sed adversus potentissimos dæ-  
 cipes & potestates, ad-  
 mones, qui vocantur principes & po-  
 versus mundi rectores  
 testates, adversus mundi inferioris, si  
 tenebrarum harum, con-  
 Deo placet, dominos, rectores, in-  
 tra spiritualia nequitia  
 quam, tenebrarum sæculi hujus, ad-  
 in caelestibus.

versus denique spirituales nequitias,  
 seu nebulones versutissimos, qui in  
 sublimibus locis seu aëre degunt, &  
 incautos mortales ad omnem impie-  
 tatem excitant & inflammant, neque  
 verò de rebus minimis, sed de cœle-  
 sti ac sempiternâ beatitudine certa-  
 mus, nos præsertim, qui spirituales  
 vitam profitemur. 13. Quapropter  
 accipite, quæ vobis offero spiritualium  
 armorum præsidia, ut tot tamque cal-  
 lidis hostibus possitis illæsi resistere  
 tempore periculoso ac fatali, cum  
 nempe tentationes ingruunt, & post  
 illos debellatos erecti & intrepide  
 stare adversus quoscunque novos in-  
 cursus & insultus armorum omni-  
 um genere probe instructi, 14. Sta-  
 te ergo quasi ad opus, vel pugnam  
 potius parati ipsâ veritate veluti bal-  
 theo succincti, qui corpus exornet,  
 latera roboret, & lumbos stringat, in  
 quibus foedæ libidinis motus primò  
 perſentiscimus. Pro lorica sit justitia,  
 seu vitæ inculpatæ integritas, quæ cor  
 &

13. Propterea acci-  
 pite armaturam Dei, ut  
 possitis resistere in die  
 malo, & in omnibus per-  
 fecti stare.

14. State ergo suc-  
 cincti lumbos vestros in  
 veritate, & induti lori-  
 cam justitiæ,

15. *Et calceati pedes in preparatione Evangelii pacis:*

16. *In omnibus sumentes scutum fidei, in quo possitis omnia tela nequissimi ignea extinguere:*

17. *Es galeam salutis assumite: & gladium spiritus, (quod est verbum Dei)*

18. *Per omnem orationem & obsecrationem orantes omni tempore in spiritu: & in ipso vigi-*

& pectus obarmet. 15. Calcei item militares, id est, ocreæ, sint animi promptitudo ad Evangelium pacis non tantum amplexandum, & vitam immaculatam exprimendum, sed etiam, si occasio tulerit, aliis nationibus promulgandum non obstantibus quibuscunque periculis, atque infestationibus, qui enim ocreatus incedit, audacter, intrepidè & expeditè progreditur, cum qui nudis est pedibus, ægrè, timidè, tardè, & suspensò gradu incedat. 16. Pro scuto vobis serviat fides solida sibi que constans per spem firmata, per charitatem formata, ut improbi illius adversarii tela omnia instar ignis penetrantia & cor inflammantia impunè possitis excipere, imò penitus extinguere. 17. Accipite autem præterea galeam salutarem, id est, spem illam futuræ vitæ à Deo promissæ, quæ pro casside cervicem muniat, gladium denique spirituale, hoc est, verbum Dei anticipi acie præditum, quo valeatis ipsos etiam hostes quoscunque laceßere, sternere, jugulare, spoliis exuere. 18. Sed quia satis non est militi armis instructum esse, nisi accedat perpetua vigilantia ad impetrandam opem ex alto, instandum quoque est sedulo, assidue

affiduè & ardentè precibus, ut Deus vos pugnantes adjuvet, & victores efficiat, quas non tantùm pro omnibus fidelibus, 19. sed etiam pro me ipso expeto vestro Magistro, ac in Domino parente, ut mihi divinitus concedatur sermonis facultas, & libera dicendi vis pro annuntiando palam, ubicunque opportunum fuerit, mysterio Evangelii. 20. Cujus causâ, quod mihi honorificum & gloriosum duco, catenâ victus legatione fungor, ut ab illius, inquam, arcani cordatâ promulgatione neque præsentium ærurnarum consideratio, neque metus futurarum me absterreat. 21. Ne autem ignoretis, quis rerum mearum sit status, omnia vobis nota faciet Tychicus charissimus frater, & fidus in iis, quæ ad Christum Dominum pertinent, Minister, 22. quem misi hanc ipsam ob causam, ut de rebus nostris certiores vos faceret, & tristitiâ fortè ac dolore ob vincula mea correptos aliquo solatio perfunderet: Ea sanè nec constantiam vestram labefactare debent, nec zelum, quo æstuabatis, restinguere. Qui obsequio Dei sese devover, necesse est, ut præparet animam ad conflictum, neque enim existimare debet, damo-

nes

*santes in omni instantiâ, & obsecratione pro omnibus sanctis:*

19. *Et pro me, ut detur mihi sermo in apertione oris mei cum fiduciâ, notum facere mysterium Evangelii:*

20. *Pro quo legatione fungor in catenâ, ita ut in ipso audeam, prout oportet me, loqui.*

21. *Ut autem & vos sciat, quæ circa me sunt, quid æquum: omnia vobis nota faciet Tychicus, charissimus frater, & fidelis minister in Domino:*

22. *Quem misi ad vos in hoc ipsum, ut cognoscatis, quæ circa nos sunt, & consoletur corda vestra.*

(S)

nes unquam pacem vel inducias cum ipso inituros, quin potius movebunt illi omnem lapidem, omnes machinas artésque nequitiæ ac malitiæ suæ expedient, ut ipsum præpediant à coronâ perseverantiæ consequendâ, vel sanctiora ejus pro Dei gloriâ consilia disturbent. Accingite vos ad hæc eadem certamina, memores, hac ipsâ semitâ vobis pergendum, quam Christus tenuit. Absolvo epistolam ardentissimâ supplicatione ad Patrem cœlestem, ejusque filium JESUM Christum, ut vos ad illum portum prosperè dirigat, ubi nulla amplius tempestatis jactatio, nullum amplius metuendum naufragium. 23. Pacem interea vobis, fratres, & charitatem unâ cum fide novis indies incrementis augendam à Deo vobis apprecor. 24. Gratia sit, & perseveret cum omnibus, qui ita constanter & ex animo diligunt Dominum nostrum JESUM Christum, ut ad sempiternam immortalémque vitam sint aliquando perventuri.


A M E N.

23. *Pax fratribus, & charitas cum fide, à Deo Patre, & Domino JESU Christo.*

24. *Gratia cum omnibus, qui diligunt Dominum nostrum JESUM Christum in incorruptione. Amen.*

ARGU-





# ARGUMENTUM

## EPISTOLÆ D. PAULI

### APOSTOLI

AD

## PHILIPPENSES.

**P**hilippenses, quorum civitas à Philippo Macedoniae rege conditore suo nomen accepit, Macedones esse, & ex eâ provinciâ primos Apostoli Pauli ministeriò fuisse vocatos & conversos ad fidem Christi, idque non sine manifestâ divinæ voluntatis significatione docet Actorum Apostolicorum liber cap. 16. Cùm ergò Paulus Romam profectus ibidem in carcerem coniectus esset, eâ re auditi Philippenses, quo in Apostolum suum affectu erant tenerrimo, miserunt eò Epaphroditum Episcopum vel certè legatum suum cum subsidio pecuniario solatio illi & auxilio futurum, quemadmodum & ante fecerant

(S 2)

Thef

Theſſalonicæ agentî. Ad eos igitur è vinculis, quorum dilectè ac præclare meminit cap. i. per eundem Epaphroditum hanc mittit Epiſtolam, quæ multam omnino laudem ac commendationem Philippenſum continet. Tum eos commonet, ut in fide Chriſti conſtantes perſtent, nec adverſis frangantur, nec fidem habeant quibusdam judaizantibus, qui legalia Moyſis annexa volebant Evangelio, cum tamen jam abolita eſſent. D. Hieronymus hanc Epiſtolam eodem tempore ſcriptam autumat, quo ſcriptæ ſunt ad Ephēſios, Cololſenſes, & Philemonem Epiſt. 12æ.

Cap. i. Præmiſſâ conſueta ſalutatione exponit, quàm memori, gratòque animò beneficentiam ſibi exhibitam acceperit ſuſis ad Deum precibus, & gratiis ſingularibus ei propterea redditis. Rogat poſtmodum largitorem bonorum omnium, ut illis perfeverantiam in fide & vitâ Chriſtianâ tribuat, unâ cum ſpiritu diſcretionis, quo bona à malis, & meliora à vilioribus ſecernere, & ſeligere poſſint, narrat ſubîn vinculorum ſuorum fructum, quibus Evangelii propagatio magnâ cum libertate potiùs propagata, quàm retardata fuerit, quamvis adhuc nonnulli Chriſtum annuntient non tam ſincero divinæ gloriæ zelò, quàm popularis auræ captandæ ſtudiò, vel etiam ex invidentiâ quadam ac livore, ut gravioreſ ei moleſtias ſuſcitant. Poſtmodum commemorat, quanto deſideriò teneatur pro eorum ſalute, cujus gratiâ ſe libenter ad majorem eorum conſolationem atque utilitatem adhuc permanere velit in carne, utcunque aliàs diſſolvi cuperet & eſſe cum Chriſto. Denique hortatur eos ad perferenda forti animò adverſa quæque pro Chriſto, ejusquæ fide, neque enim minas, neque inſectationes malevolorum magnopere pertimeſcen-

endas, sed potiùs pro singulari favore habendas, quòd pignora sint salutis æternæ, & eximia dona Dei.

Cap. 2. Morum præcepta, & pia hinc inde monita suaviter tradit; præcipuè verò ut mutuam concordiam pacemque foveant, Christi humilitatem, charitatem & obedientiam æmulentur hac potissimùm argumentatione instans: Christus Dei filius ex singulari animi demissione, & amore humani generis formam servi ultrò assumpsit, mortemque in cruce appetiit, vos itaque tanquam Christianos pari promptitudine paratos esse convenit pro Christo vestrisque fratribus ad dispendium famæ ac facultatum vestrarum æquo animò perferendum. Addit insuper hanc sui abiectionem ac neglectum fructu præmiòque amplissimo non cariturum, quandoquidem sicut Christus supra omnes cœli, terræ, atque inferorum principes exaltatus est, ita servatâ proportionem eadem ipsos propterea maneat remuneratio.


Cap. 3. Aggreditur potissimum epistolæ argumentum, ipsam videlicet de justitiâ Christianâ disputationem, haud absimilem ab eâ, quam ad Romanos & Galatas explicuerat, legem veterem & inprimis circumcisionem ac reliquas ceremonias non leviter perstringens, vel eos potiùs redarguens, qui legis Mosaicæ jugum fidelium cervicibus denuo imponere moliebantur, tanquam necessariò ferendum & observandum cum Evangelio. Contra hos docet veram justitiam ac salutem non à lege Moysis, sed à Christo incarnato & crucifixo petendam atque expectandam esse. Canes illos nuncupat ob rabiem, maledicentiam & ingluviem. Tum asserit, si ex circumcisione & origine gentis hebrææ captanda sit gloria, nemini se ex hac parte cedere, hanc autem originem, existi-

(S 3)

ma-

mationem, scientiam, & quæcunque laude digna præstiterit, dum legi obnoxius erat, se nihili ducere, & ut damna ac impedimenta salutis potius reputare, imò ut excrementa in sterquilinum projicienda. Aliam justitiam non agnoscit, quàm illam JESU Christi, quâ decoratus esse desiderat, non simplici, & extrinsecâ imputatione, ut delirant hæretici, sed reali, verâ, ac intrinsecâ possessione. Addit se nondum perfectionis Apostolicæ culmen attigisse, ad illud tamen se quotidie aspirare, ac tendere, neque se retrò respicere ad præterita, sed ad ea, quæ durante adhuc hujus vitæ mortalis curriculo agenda supersunt. Tum seipsum in exemplar imitandum proponit, in eosque, qui novitiam doctrinam spargebant, acerrimè invehitur tanquam ventri suo unicè deditos, & inimicos crucis. Denique concludit hac demonstratione: Ille vobis omni obsequiò colendus atque demerendus est, qui vos plectere aut remunerari potest pro meritis, at verò soli Christo hæc potestas competit, quippe qui à dexterâ Dei olim descendens communicaturus est vobis cœlestem sui corporis gloriam, huic itaque vos convenit intemeratam fidem servare, hanc autem violatis, si eam Pseudopostolis habetis ad Judaïsimum instigantibus. Nullam ergò his præstare vobis permissum est.

Cap. 4. Hortatur eos, ut gaudeant in Domino, & perseverent in bene cœptis. Commendat eorum denuò erga se curam ac sollicitudinem, munerâque sibi missâ, & significat scire se abundare & pati. Postremò bene eis precatur.





# PARAPHRASIS IN EPISTOLAM D. PAULI APOSTOLI

AD

PHILIPPENSES

CAPUT I.

1. **P**aulus & Timotheus collega- 1. *Paulus & Timo-*  
meus charissimus huc evo- *theus servi Jesu Christi,*  
catus servi Jesu Christi *omnibus sanctis in*  
omnibus ejus sectatoribus, *Christo Jesu, qui sunt*  
qui sunt Philippis, unà cum suis *Philippis, cum Episcopis*  
Episcopis ac diaconis salutem plu- *& diaconibus.*  
rimam dicunt. 2. Gratia igitur, 2. *Gratia vobis &*  
& pax à Deo Patre nostro ac Do *pax à Deo Patre nostro*  
mino JESU Christo profecta *& Domino Jesu Christo.*  
vos perpetuò tueatur ac servet.  
3. Equi-

3. *Gratias ago Deo  
meo in omni memoria  
vestri.*

4. *Semper in cunctis  
orationibus meis pro om-  
nibus vobis, cum gaudio  
deprecationem faciens.*

5. *Super communi-  
catione vestrá in Evan-  
gelio Christi à prima  
die usque nunc*

3. Equidem non solum intimis animi mei medullis vos amantissimè complector, sed quoties vestra in Deum fides ac pietas mihi venit in mentem (venit autem frequentissimè) mirum in modum lætitiâ exilio, & pro tam eximio in vos collato beneficio immortales Deo gratias ago, 4. semperque in omni precatione meâ pro vobis omnibus, vestraq; incolumitate ac salute incredibili meo gaudiô vota faciens fausta vobis omnia à benignissimo Deo assidue postulo, 5. eadèmq; operâ vobis item ex animo gratulor, tum quòd singulari Dei providentiâ facti sitis participes Evangelii JESU Christi nimirum credendo, fidemque operibûs corroborando, idque perseveranter ab initio, quo nomen Christo dedistis ad hoc usque tempus, ita ut neque Pseudoapostolis aures præbueritis, nec ad pristinam superstitionem relapsi, nec persecutionibûs turbati fueritis, tum etiam, quòd divinâ inspiratione laborum meorum socii, & muneris penè collegæ evaseritis, dum per legatos etiam absenti vinctoque liberaliter necessaria suppe-

ditatis, idque hucusque jam à primâ die, quâ nosse vos cœpi, & pro filius meis complecti. 6. Quocirca persuasum habeo ita planè fore, ut qui in vobis bonorum operum ac præcipuè beneficentiæ erga Ministros Evangelii veluti semina sparsit, is copiosam segetem ad maturitatem perducatur, & quod illius munere tam feliciter inchoatum est, eodem auctore tandem ad exitum perducatur, nisi divinæ illius gratiæ defueritis donec mortalia vestra corpora Deo judici sistantur gloriâ & immortalitate coronanda in præmium Christianæ perseverantiæ. 7. Sic enim æquum est me de vobis omnibus sentire, propterea, quòd infixâ mihi semper in animo altissimè hæreat, tum salutis vestræ sollicita procuratio, tum humanitatis recordatio, quâ me tum absentem, tum etiam vinctum non modò non deferuistis, sed omnibus charitatis officiis perinde persecuti estis, ac si unâ mecum iisdem vinculis constricti pro Evangelii defensione ac propagatione decertassetis, atque omnino ejusdem beneficii participes essetis effecti, quod nobis divinitus concessum

6. *Confidens hoc ipsum, quia qui capis in vobis opus bonum, perficit usque in diem Christi Jesu.*

7. *Sicut est mihi justum hoc sentire pro omnibus vobis: eò quòd habeam vos in corde, & in vinculis meis, & in defensione & confirmatione Evangelii, socios gaudii mei omnes vos esse.*

(T)

8. *Testis enim mihi est Deus, quomodo cupiam omnes vos in visceribus Jesu Christi:*

9. *Es hoc oro, ut charitas vestra magis ac magis abundet in scientiâ, & in omni sensu:*

tum est, ut pro Christi nomine adversâ toleremus, quæ omnia extremum mihi gaudium afferunt atque solatium. 8. Testis enim mihi est Deus, qui intimos animi recessus intuetur ac cernit, quam propensâ vos & in sincerâ in visceribus Christi Jesu charitate complectar, in quibus ut suaviter quiescatis, ejusque misericordiam, compassionem, amorem induatis, & penitus in illum transformemini ex intimis præcordiis opto. Præter favores jam acceptos alios atque alios ab illo, unde omnia bona profluunt, munificentissimo Deo, pro vobis efflagito 9. quem etiam obtestor, ut charitas vestra, quam benefaciendo declaratis, majora indies incrementa capiat, & exuberet per bona opera, idque secundum scientiam Christianam & cum exacto dictamine rectæ rationis, ne si temerè & sine delectu vos officiosos & largos præbeatis etiam erga pseudoapostolos, qui vos seducere nituntur, benignitas vestra degeneret in vitium, & charitas esse definat: multiplici præterea mysteriorum fidei ac rerum ad salutem pertinentium intelligentiâ repleamini,



ni, 10. quâ planè perspiciatis, & discernere valeatis, quæ præstantiora sint, & inter cætera emineant, quantâque sit differentia inter Evangelium meum, & imposturas Judaizantium, ut præterea animi candore ac sincera mente prædicti recto & inoffenso gressu cursum vestrum peragatis, atque ad illum extremum judicii diem securi perveniat 11. & quidem justitiæ fructibus pleni, quibus nunc ad laudem & gloriam Dei per Christum abundatis. 12. Nolim autem vos ignorare, fratres, ea quæ mihi aspera & dura Romæ acciderunt, & nonnullâ forte tristitiâ ac sollicitudine animos vestros perculerunt, non modò Evangelii cursum non retardâsse, sed magno potiùs ei emolumento fuisse, 13. ita ut vincula mea ad Christi optimi Maximi gloriam atque honorem non in Cæsaris regiâ solum ac prætorio, sed omnibus propemodum Romanæ urbis & Imperii locis vulgata mirum in modum celebrentur, cum passim innotuerit, quòd non ob æs alienum, vel scelus aliquod, sed propter solum Christum ejusque fidei promulgationem carcere detinear, 14. quò

10. *Ut probetis potentiora, ut sitis sinceri, & sine offensâ in diem Christi,*

11. *Repleti fructu justitiæ per Jesum Christum in gloriam & laudem Dei.*

12. *Scire autem vos volo fratres, quia quæ circa me sunt, magis ad profectum venerunt Evangelii :*

13. *Ita ut vincula mea manifesta fierent in Christo in omni prætorio, & in cæteris omnibus;*

(T 2)

14. *Et plures è fratribus in Domino confidentes vinculis meis, abundantius auderent sine timore verbum Dei loqui.*

15. *Quidam quidem & propter invidiam & contentionem, quidam autem & propter bonam voluntatem Christum prædicant.*

16. *Quidam ex charitate, scientes, quoniam in defensionem Evangelii positus sum.*

17. *Quidam autem ex contentione Christum annuntiant, non sincere, existimantes pressuram se suscitare vinculis meis.*

14. quò factum est, ut plerique ex fratribus nostris in Domino vinculis meis mirificè in fide confirmatis, eò quòd viderent, me etsi victum religionis Christianæ causam intrepidè agere, majori animi magnitudine ac constantiâ absque ullo timore Evangelicam doctrinam auderent promulgare. 15. Neque verò sum nescius, quosdam quidem per invidiam & contentionem, quòd in primâ Romani Imperii sede novam doctrinam non absque copioso animarum fructu, & proprii nominis celebritate annuntiem, quosdam verò optimâ mente, & sincero alienæ salutis studiò Christi fidem ac doctrinam prædicare, 16. opinantes id, quod est verissimum, me ad Evangelii defensionem quasi in statione publicâ divinitus esse constitutum, nunc autem, cùm ab eâ per vincula nonnihil præpediar, tantò sibi ardentius meas vices supplendas. 17. Nonnullos verò improbâ æmulatione accensos animò minimè sincero, suæque potius, quam Christi gloriæ studioso Dei verbum evulgare, ratos nimirum, sese detentioni meæ novam molestiam ac vexationem asferre posse

se, quæ me quasi ipsorum gloriæ invidentem gravius urat, & affligat, quàm utcunque molesta captivitas.

18. Quâ tamen in re vehementer falluntur. Quid enim meâ refert, quâ mente prædicent? nempe quovis modo, sive per externam tantum speciem & inanis gloriæ studiô, sive etiam candidè ac sincerè ex optimo zelo annuntietur Christus, dummodo doctrina nullo errore inquinata sit, fructusque Evangelii ad quàm plurimos perveniat, equidem hoc nomine plurimum gaudeo, semperque gaudebo.

19. Quamvis enim immiscendo sese meo ministerio negotium ac molestiam mihi creari existiment, ansam mihi tantummodo præbent majoris meriti, quin imò in Dei bonitate ac providentiâ confusus propè certus sum eorum machinationes mihi tandem cessuras in majorem gloriam ac salutem tum meam tum aliorum multorum vestris præsertim precibus suffragantibus, diviniq; spiritûs afflante numine. 20. Etenim jam pridem hanc spem atque expectationem animô conceptam retineo, mihiq; persuasum habeo, illam ad-

firmis

18. *Quid enim? dum  
omni modo, sive per oc-  
casionem, sive per ve-  
ritatem Christus annun-  
tiatur: & in hoc gaudeo  
sed & gaudebo.*

19. *Scio enim, quia  
hoc mihi proveniet ad  
salutem, per vestram  
orationem, & submini-  
strationem Spiritûs JE-  
su Christi.*

20. *Secundum ex-  
spectationem, & spem  
meam, quia in nullo  
confundar: sed in omni*

(T 3)

*fiduciâ sicut semper, & firmis radicibus niti, ut mihi minime nunc magnificabitur me verendum sit, ne aliquo tempore pudeam, sed sperandum potius fore, ut magnâ cum libertate non aliter atque aliàs semper, itaque quoque nunc Christi gloria, noménque in meo corpore celebretur, siue mihi diutius vivendum sit, siue etiam mors oppetenda: si enim vivere pergam, ejus potentia, quæ me protexerit, cunctos in admirationem ac laudes rapier, si verò è medio tollar, fieri haudquaquam potest, ut non illius doctrinæ æstimatio permagna concipiatur, pro cujus defensione ejus præcones mortem ipsam non expavescunt utrùt terribilium omnium rem maximè terribilem.*

21. *Mihi enim vivere Christus est, & mori lucrum.*

22. *Quòd si vivere in carne, hic mihi fru-*

ut ingenuè fatear, mihi quidem ipsâ vitâ charior Christus est (sine quo ne vivere quidem velim) mors autem pro magno lucro. Itaque si vivo, uni Christo, ejusque fidei promulgandæ vivo, si morior, meo magno commodo bonoque diem obo. Prius si contigerit, glorificabitur Christus meâ prædicatione, laboribusque apostolicis, si posterius, martyrio meo ac beatitudine in cœlis. 22. Quòd si diutius hanc

hanc auram vitalem ducere operæ pretium sit, nempe & mihi utile ad majus & prolixius meritum, & aliis quoque ad eorum conversionem, quorum salus tantopere Servatori meo pretiosa & chara est, adeo non præfero vestris commodis atque rationibus utilitatem meam, ut quid è duobus eligam, statuere plane nequeam.

23. Utrunque enim coarctor. Si enim spectem, quid meis rationibus proficuum & commodum sit, mors mihi peroptanda videtur, quòd hinc migrare & cum Christo indissolubili unione vivere longè optimum ac jucundissimum censeam.

24. Cæterum adhuc supersitem esse, & Evangelicis laboribus insistere, quia vobis aliisque magis expedit, præferendum duco commodo meo privato.

25. Quamobrem non est, cur lugeatis orbitatem vestram, non vos deseram, sed manebo vobiscum, ut in Domino confido, & prope certus sum, me diutius ad vestrum solatium, & fidei propagationem supervicturum, & ut vestra de me Apostolo vestro vinculis liberato, vobisque reddito in Christo

26. Ut gratulatio vestra abundet in Christo Jesu in me, per meum adventum iterum ad vos.

*Etus operis est, & quid eligam, ignoro.*

23. *Coarctor autem è duobus: desiderium habens dissolvi & esse cum Christo, multò magis melius;*

24. *Permanere autem in carne, necessarium propter vos.*

25. *Et hoc confidens scio, quia manebo, & permanebo omnibus vobis ad profectum vestrum, & gaudium fidei;*

26. *Ut gratulatio vestra abundet in Christo Jesu in me, per meum adventum iterum ad vos.*

ac

27. *Tantum digne Evangelio Christi conversamini: ut siue cum venero, & videro vos, siue absens audiam de vobis, quia statis in uno spiritu unanimes, collaborantes fidei Evangelii:*

28. *Es in nullo terreamini ab adversariis: quæ illis est causa perditionis, vobis autem salutis, & hoc à Deo.*

29. *Quia vobis donatum est pro Christo, non solum ut in eum credatis, sed ut etiam pro illo patiamini:*

30. *Idem certamen habentes, quale & vidistis in me, & nunc audistis de me.*

ac magis augeatur, si meâ rursus præsentia ac conspectu perfruemini. 27. Id unum modò in præsentia moneo, ut de rebus meis non ampliùs solliciti eam, quæ Evangelicam fidem maximè deceat, morum vitæque integritatem retineatis, ut siue vos iterum revisam, siue absens de rebus vestris certior fiam, verè intelligam, perstare vos in uno eodémque spiritu, uno pariter animo pro Evangelicâ veritate ubivis terrarum promovendâ decertantes, 28. nullâque re penitus territòs ab iis, qui vobis adversantur, qui dum id faciunt, sibi quidem exitium atque interitum, vobis aurem salutem & gloriam pariunt sempiternam, idque Deo ipso auctore ac rectore æquissimo. 29. Etenim Christi beneficio ac merito divinitus vobis concessum est, non modò, ut in eum credatis, sed quod longè pluris æstimandum est, quia difficilius, ut pro nomine ejus exemplò meo adversa patiamini 30. & nunc in partem ac societatem veniatis illius certaminis, cui olim me expositum præsentem ipsi Philippis spectastis, cum virgis cæsus & in carcerem conjectus fuiss.

fuissem, nunc autem de me absente aliorum narratione cognoscitis.

## PARAPHRASIS

### CAP. II.

1. **S**i quod igitur consolationis genus expectandum mihi oportundumque est ab iis, qui Christo dederunt nomina, atque ejus fidei complexi sunt; si quod levamentum aut solatium à charitate profectum, si qua animorum consensio, ac veluti spiritus sympathia, si quis denique intimæ dilectionis ac commiserationis erga Apostolum vestrum captivum affectus, 2. explete, quaeso vos, gaudium meum, quod ex præclaris conversionis, ac conversationis vestrae initiis jam dudum concepi, datæque operam, ut omnes eodem planè modo animò sitis affecti, pari amoris vicissitudine præditi, unâ mente, eodè.nque sensu informati, ut non an morum modò ac voluntatum

1. *Si qua ergò consolatio in Christo, si quod solatium charitatis, si qua societas spiritus, si qua viscera misericordiae:*

2. *Implete gaudium meum, ut idem sapiatis, eandem charitatem habentes, unanimes, id ipsum sentientes.*

(U)

3. *Nihil per contentionem, neque per inanem gloriam: sed in humilitate superiores sibi invicem arbitantes,*

4. *Non quæ sua sunt, singuli considerantes, sed ea, quæ aliorum.*

5. *Hoc enim sentite in vobis, quod & in Christo Jesu.*

6. *Qui cum in formâ Dei esset, non rapinam arbitratus est, esse se æqualem Deo;*

sit inter vos conjunctio, sed etiam doctrinæ eximius ac singularis consensus, uno verbo perfecta sententiarum concordia atque conspiratio, ut omnes idem sapiant, sentiant, credant, ament, idem velint, idem nolint. 3. Nihil igitur per contentionem aut vanam gloriam agite, sed modestiam potius atque animi demissionem colite, ut mutuâ quadam humilitatis contentione alium quisque sibi præferat, seque præstantiorem ac meliorem judicet, adeo ut alius alii sese sponte subiciat, & infimum omnes locum, quantum in vobis est appetatis. 4. Nec quisquam in vobis reperiat, qui privata sua emolumenta spectans sui duntaxat suorumque commodorum rationem habeat, sed singuli potius communem omnium sollicitudinem gerant, & proximorum salutis atque utilitati maximè studeant. 5. Omnino is sit affectus atque animi sensus in vobis humilitatis, misericordiae, charitatis, qui fuit in Christo Jesu Domino nostro prototipo utique perfectissimo. 6. Qui cum verè Deus esset, eademque omnino divinitate ac substantiâ cum



cum Patre præditus, sciebat quidem sibi jus fasque esse neglectâ humanæ fragilisque carnis assumptione magnificentiam illam Deo dignam non retinere modò, quod nunquam non fecit, sed etiam præferre idque citra ullam injuriam, cum reverà Deo Patri prorsus naturâ æqualis esset. 7. Exinanivit tamen ipse sese, ac si ita loqui fas est, pene ad nihilum suam illam divinam Majestatem redegit, & quasi eam non adeo magnificeret, ejus splendorem tantisper quasi velò quodammodo obduxit abjectâ atque imbecilli hominis naturâ ac conditione servi susceptâ similis mortalibus factus, habitûque ac constitutione naturæ inter mortales verè compertus ut homo, imò hominum omnium despicatissimus. 8. Submisit itaque sese factus ex Domino servus, ex creatore creatura, seque Deo Patri obsequentem præbuit usque ad mortem, qui auctor est vitæ nostræ, & mortem quidem indignissimam simul & acerbissimam in cruce, per quem reges regnant, quique innocentia ipsa & sanctitas est. 9. Quapropter Deus immortalis

7. Sed semetipsum exinanivit formam servi accipiens, in similitudinem hominum factus, & habitu irventus ut homo.

8. Humiliavit semetipsum factus obediens usque ad mortem, mortem autem crucis.

9. Propter quod & Deus exaltavit illum, (U 2)

*Et donavit illi nomen, quod  
est super omne nomen.*

10. *Ut in nomine  
Jesu omne genu flecta-  
tur, caelestium, terrestri-  
um & infernorum,*

11. *Et omnis lingua  
confiteatur, quia Domi-  
nus Jesus Christus in  
gloriâ est Dei Patris.*

12. *Itaque charissimi  
mei, (sicut semper obe-  
distis) non ut in pra-*

hac tantâ animi demissione mirè  
delectatus illum in summam extu-  
lit sublimitatem à mortuis redivi-  
vum & gloriosum super omnes An-  
gelos extollendo, ad dexteram  
suam collocando, noménque, titu-  
lum, ac dignitatem tum Judicis  
vivorum atque mortuorum, tum  
Mediatoris ac Salvatoris ei conferen-  
do, quo nullum est toto universo  
majus & augustius, 10. ut videli-  
cet, qui à terreno eoque iniquo  
judice feralem mortis sententiam  
acceperat, nunc in genua provolu-  
tos honoris ergò quosunque cœli  
terræque principes atque ipsas in-  
ferorum potestates cerneret, 11. om-  
nisque adeo barbara natio, & ig-  
nota lingua fateatur ac prædicet,  
Jesum Christum verè esse Angelo-  
rum, hominum, rerumque crea-  
tarum omnium Dominum ac Deum  
ipsi parenti Deo æqualem, idque  
ad ipsius Dei optimi Maximi glo-  
riam tum celebrandam, tum  
etiam latissimè propagandam. Hoc  
exemplo omnino par est vos ex-  
citari ad profundam vestri despi-  
cientiam atque abjectionem. 12.  
Considerate illud, fratres mei, at-  
tentione majori, & quemadmo-  
dum

dum aliàs mihi pro vestrà in me benevolentia. atque beneficentia semper obtemperastis, non tantum cum isthic præsens apud vos essem, sed nunc multò magis cum longè absùm à vobis, ne aliàs ad oculum tantum paruisse videamini; date diligenter operam, ut cum omni sollicitudine ac timore, quæ ad salutem promovendam atque stabiliendam faciunt, studiosè procuretis nec viribus vestris, nec meritis hactenus congestis, neque præsens voluntatis rectitudini nimium confisi, 13. tantum enim

abest, ut quidquam vobis arrogare possitis, ut Deus potius suâ vos cœlesti gratiâ ita antevertat, & commiteretur, ut illo auctore & velitis, & perficiatis, quidquid boni peragitis, adeoque nec primam gratiam excitantem, neque finalis perseverantiæ donum promereri valeatis, tamen vobis aliisque sapientes, perfecti, sancti videamini. Hoc ipsum itaque salutarem metum vobis incutere debet, quòd hæc omnia ex gratuitâ Dei voluntate dependeant, qui sicut ista ex puro beneplacito concessit, ita etiam iustitiâ ita exigente propter socordiam,

*sentiâ mei tantum, sed multò magis nunc in absentiâ meâ, cum metu & tremore vestram salutem operamini.*

13. *Deus est enim, qui operatur in vobis & velle, & perficere pro bonâ voluntate.*

(U 3)

14. *Omnia autem  
facite sine murmuratio-  
nibus & hesitationibus :*

15. *Ut sitis sine que-  
relâ, & simplices filii Dei,  
sine reprehensione, in me-  
dio nationis prave &*

diam, ingratitudinem, occultam  
superbiam ac præsumptionem de-  
nuo subtrahere potest, nisi hanc  
ipsam dependentiam ac necessita-  
tem divinæ opis grato submissôque  
animô agnoscamus, imploremus,  
illique gratias, uti par est, agamus.  
Atque hic metus, hæc sollicitudo  
concepta tum ex profundâ notitiâ  
fragilitatis nostræ, tum ex incerti-  
tudine perseverantiæ, tum ex hor-  
rore offendendæ tantæ Majestatis  
nobis tam salutaris est, 14. quàm  
perniciosa est omnis arrogantia &  
inde orta indignatio, ac disceptatio,  
quâ fit, ut in aliorum mores atque  
actiones superbè & curiosè inqui-  
ratur, eaque acerbiori censurâ per-  
stringantur. Quæ proin vicia ut  
procul fugiatis, etiam atque etiam  
hortor, itaque in rebus omnibus ita  
vos gerite, ut aliorum studia mi-  
nimè reprehendatis, neque vos alie-  
nis rebus ac negotiis misceatis, aut  
curiosius investigetis (quod otiosi  
atque maligni proprium est) quid  
in iis probandum, quidque repre-  
hendendum videatur, 15. quò sitis  
ipsi ab omni reprehensione liberi,  
omnique labe prorsus puri, sincer-  
i, atque candidi filii Dei, nulli  
penitus

penitus affines culpæ, cùm tamen in medio nationis pravæ perversæque versèmini, homines autem illos impios ac scelestos intelligo, quos inter virtutum vestrarum splendore non aliter micatis, quàm cœlestia illa corpora, syderumque lumina per noctis tenebras collucent.

16. Adeoque velut astra quædam vivifici sermonis atque Evangelicæ doctrinæ præfulgidâ luce magnam mihi gloriandi materiam præbetis coram tribunali divino, me non incassum tot tantosque labores pro vobis exantlâsse in prædicando Evangelio, utpote qui per meam prædicationem tam egregiè profeceritis, ac cœlestia quædam mundi lumina facti sitis sempiterno quodam splendore coruscantia.

17. Quin etiam hoc verè vobis atque ex animo affirmare possum, etiamsi me contingat immolari per mortem quamcunque à persecutore pro Christo inferendam, posteaquàm vos ac fidem vestram Deo ministrans atque sacrificans priùs obtulero, non id me ullâ ratione conturbat, sed eo nomine plurimùm gaudeo, quòd ei offerar in sacrificium, vobisque majorem in modum

*perversæ: inter quos  
lucetis sicut luminaria  
in mundo.*

16. *Verbum vitæ  
continentes ad gloriam  
meam in die Christi, quia  
non in vacuum cucurri  
neque in vacuum labo-  
ravi.*

17. *Sed & si immo-  
lor supra sacrificium &  
obsequium fidei vestrae,  
gaudeo & congratulor  
omnibus vobis.*

18. *Idipsum autem  
& vos gaudete, & con-  
gratulamini mihi,*

19. *Spero autem in  
Domino Iesu, Timothe-  
um me citò mittere ad  
vos: ut ego bono animò  
sim, cognitis, quæ circa  
vos sunt.*

20. *Neminem enim  
habeo tam unanimem, qui  
sincerâ affectione pro vo-  
bis sollicitus sit.*

21. *Omnes enim,  
quæ sua sunt, quarunt,  
non quæ sunt Iesu Chri-  
sti.*

modum gratulor & congaudeo, qui  
& ipsi per fidem reddimini sacrifici-  
um Deo acceptum. 18. Nolite  
hac verborum expressione offen-  
di aut affligi, sed potius lætitiâ me-  
cum perfundi tum ob supremum  
vitæ meæ sacrificium, quod votis  
omnibus exopto, tum ob divina  
charismata in vos effusa, quæ ut  
in vobis porrò conserventur & in-  
dies augeantur, nulli sanè labori  
aut curæ parcam. 19. Ideoque

spero in Domino Iesu, brevè me  
ad vos missurum Timotheum mihi  
longè charissimum, ut per illum  
de vobis, rebûsque vestris certior  
fiam, cognitòque felici vestrum  
omnium statu eam, quam par est,  
quàmque optò ac spero, capiam  
animò voluptatem, donec enim  
hoc resciero, metus me tenet at-  
que anxietas, ne Ecclesia vestra ali-  
quid damni vel mali passâ sit. 20.  
Neminem sanè habeo ex iis, qui  
mecum sunt mecumque vivunt, qui  
Timothei in vos omnes studium at-  
que amorem assequatur, quique  
persimili industriâ res vestras cu-  
raturus videtur. 21. Nam, ut  
ingenue fatear (quod tamen non  
sine aliquo pudore atque acerbo  
animi

animi sensu dicere cogor) omnes, quæ sua ipsorum sunt, non quæ Jesu Christi, appetunt, & quærunt de aliis parùm solliciti. 22. Quis autem & qualis hic sit, de quo dixi, Timotheus, vos experimentò didicistis, qui probè nostis, illum velut filium unà mecum tanquam parente Evangelicæ prædicationi operam strenuè navasse. 23. Hunc igitur spero, me brevè missurum ad vos, simul atque rerum mearum statum planiùs perspexero, quò scilicet vergant mea vincula, an iis brevè eripiendus, an in illis mansurus diutiùs. 24. Quamquam non exiguam in Domino spem conceperim, quòd non ita multo pòst tempore ipse ad vos venturus sim. 25. Interim tamen necessariò mihi faciendum existimavi, ut Epaphroditum fratrem, collegam ac commilitonem meum, vestrum autem sive Episcopum sive legatum, qui vestro nomine victui meo necessaria subministravit, ad vos quamprimùm remitterem. 26. Vehementer enim omnium vestrum conspectum optabat, gravissimèque angebatur proptèrea, quòd multorum sermone, ac fortasse etiam nonnullorum litteris cog-

22. *Experimentum autem ejus cognoscite, quia sicut patri filius, mecum servivit in Evangelio.*

23. *Hunc igitur spero me mittere ad vos, mox ut videro, quæ circa me sunt.*

24. *Confido autem in Domino, quoniam & ipse veniam ad vos citò:*

25. *Necessarium autem existimavi, Epaphroditum fratrem & cooperatorem & commilitonem meum, vestrum autem apostolum & ministrum necessitatis meæ mittere ad vos.*

26. *Quoniam quidem omnes vos desiderabat: & mæstus erat, propterea quòd audieratis illum infirmatum.*

27. *Nam & infirmatus est usque ad mortem: sed Deus misertus est ejus; non solum autem ejus, verum etiam & mei, ne tristitiam super tristitiam haberem.*

28. *Festinantiùs ergò misi illum, ut viso eo iterum gauderem, & ego sine tristitiâ sim.*

29. *Excipite itaque illum cum omni gaudio in Domino, & ejusmodi cum honore habetote.*

30. *Quoniam propter opus Christi usque ad mortem accessit, tradens animam suam, ut*

noverat, pervenisse ad vos de sua molestâ ægritudine nuncium, cunctisque peracerbum accidisse. 27. Et profectò negari non potest, eum tam gravi periculosoque morbo laborantem, ut nihil propius fuerit, quam ut diem clauderet extremum, sed Deus Optimus Maximus illius misertus est, & neque tantum illius, sed, ut verum fatear, multò etiam magis mei, ne ad eas molestias, quibus quotidie Evangelicæ prædicationis causâ supra modum premor, is etiam dolor accideret, quem fuissem ex ejus obitu percepturus, si tali ac tanto pastore vos orbatos vidissem. 28. Illum itaque eò citius, ut vos ejus præsentia, jucundissimoque conspectu ac sermone frueremini, & ego interim quadam gaudii vestri anticipatione recrearer, qui certò scirem, ejus adventum vobis omnibus fore gratissimum. 29. Excipite igitur illum in Domino hilari lætæque vultu, & si qui sunt apud vos ei similes, illos magno in pretio habete, & omni officii genere complectimini. 30. Quoniam ut me vinctum sublevaret, adeoque hac ratione rem Christianam promoveret, atque amplificaret, non exiguum



exiguum mortis discrimen adiit, eximpleret id, quod ex vobis deerat erga meum obsequium.

prolixo itinere nimisque laboribus, nullamque vitæ suæ rationem habuit, ut ipse per se præstaret, quod vestro in me officio propter locorum intercapedinem deesse videbatur, quodque haud dubiè præsentis ipsi mihi exhiberetis, si hac in urbe commorandum vobis foret.

## PARAPHRASIS

### CAP. III.

1. **Q**uod superest, fratres mei, qualiacunque sint adversa mihi perferenda, nolite eam ob rem affligi, aut ullâ ex parte turbati. Majoris momenti res nostram requirunt sollicitudinem atque attentionem. Quare æquibonique consulite, si eadem in hac epistolâ monita repetam, quæ sæpe coram proposui, cum apud vos agerem, vel etiam aliis inculcavi. Iterata hæc commonitio nullum mihi fastidium creat, cum eam non tantum perutilem, sed prope necess-
1. *De cætero fratres mei, gaudete in Domino. Eadem vobis scribere, mihi quidem non pigrum, vobis autem necessarium.*

(X 2)

2. *Videte canes, videte malos operarios, videte concisionem.*

3. *Nos enim sumus circumciso, qui spiritu servimus Deo, & gloriamur in Christo JESU, & non in carne fiduciam habentes:*

cessariam reputem pro majori salutis vestrae securitate, ut nimirum cautiores reddamini, & adversus malorum insidias vigilantiores. Cavete vobis ab hisce pseudoapostolis, qui doctrinam Evangelii asperso legis veteris jam abrogatae fermento corrumpere satagunt. 2. Canes sunt impudentes, qui identidem nobis oblatrant, & aliud clamoribus suis non quaerunt, nisi ut ventrem suum expleant, rabidoque morsu Ecclesiam Dei dilacerent. Nullum vobis sit commercium cum perversis hisce omnis malitiae ministris ac hypocritis, qui Legis ac Circumcisionis studium atque necessitatem jactitant, cum tamen illis potius fatalem modò plagam inferat, aliosque ad exitiale schisma inducat. 3. Nos etenim sumus verae circumcisionis, qualem Deus requirit, sectatores, qui resectis tum Judaicis ritibus, tum saecularibus sincerè atque ex animo mente ac spiritu religiosè Deum colimus, & gloriamur non in Moyse, sed in Christo, neque spem in rebus externis collocamus, quae ad animum nihil pertinent, qualis est corporis & carnis circumcisio, vel potius

tius inutilis modò post Christum conciso. 4. Quamquam ego, si quidquam in carne confidendum, habeo etiam, de quo in corpore meo & carne nonnihil gloriari possim, imò magis quàm plures alii.

Quippe octavo ab ortùs mei die circumcissus, ex gente Israeliticà oriundus, è tribu Benjamin natus, hebræus vero hebræo sanguine progenitus, sectâ ac professione legis

observantissimâ pharisæus, non est ergò, quòd existiment Judæi, me ex zelo, & invidiâ hilce detrachere, quasi inferior, sed sciant me id facere studiò veritatis, fidei, & salutis, ut carne omnes traducam ad spiritum, doceámque tam Judæos, quàm Gentiles adorare Deum in spiritu & veritate. 6. Quòd si

studium paternæ religionis consideretur, tanto ardore ac zelo pro eâ pugnavi, & Ecclesiam Christi tunc temporis exurgentem persecutus sum, ut absque horrore ac pudore illius furoris reminisci non valeam: quod autem ad eam justiciam attinet, quæ pendet ex lege, eam tam studiosè sectatus sum, ut nullâ prorsus reprehensione dignus repertus sim. 7. Verùm sic sum in præsen-

4. *Quamquam ego habeam confidentiam & in carne. Si quis alius videtur considerare in carne, ego magis.*

5. *Circumcissus octavo die, ex genere Israel, de tribu Benjamin, Hebræus ex Hebræis, secundum legem Phariseus.*

6. *Secundum amulationem persequens Ecclesiam Dei, secundum justiciam, quæ in lege est, conversatus sine querela:*

7. *Sed quæ mihi fuerunt lucra, hac arbitrari*  
(X 3)

ti

*tus sum propter Christi  
sum detrimenta.*

8. *Verumtamen existi-  
mo omnia detrimentum  
esse propter eminentem  
scientiam Jesu Christi  
Domini mei : propter  
quem omnia detrimen-  
tum feci, & arbitror  
ut stercora, ut Christum  
lucrifaciam.*

9. *Et inveniar in il-  
lo, non habens meam ju-  
stitiam, qua ex lege est,  
sed illam, qua ex fide est*

ti comparatus, ut quæ pridem pro  
magno lucro & gloriâ ducebam, ea  
cum Christi doctrinâ atque Evange-  
licâ prædicatione collata pro ingenti  
nunc detrimento & dedecore ha-  
beam propter Christum, quia sunt  
impedimenta veritatis & salutis à  
Christo hauriendæ. 8. Quin etiam  
ita mihi prorsus persuadeo, ea omnia,  
quæ me aliquando famâ clarum, &  
inter conterraneos meos valde æsti-  
mabilem reddiderant, uti est natio-  
nis sanctitas, nobilitas originis, gloria  
nominis, & aliæ Judaismi præro-  
gativæ, imò bona mundi, terrena  
omnia, si cum eximiâ ac præstante  
Christi Domini mei cognitione com-  
ponentur, magno dispendio ha-  
benda, vel nauci potius facienda  
esse, ut adeo non dubitem horum  
omnium tanquam vilissimarum re-  
rum, imò sordium nos inquinan-  
tium jacturâ Christi Domini fidem  
quasi ingentis cujusdam thesauri in-  
ventionem facile redimendam,  
quandoquidem lex Evangelica tan-  
tò præstat veteri, quantò Christus  
Dominus suo servo Moyse. 9. Ita-  
que mihi magnopere gratulor,  
quòd in illo & per illum veluti pal-  
mes in vite ad tantam dignitatem  
ac

ac felicitatem eveetus sim non meâ *Christi JESu: qua ex confusus ac præditus justitiâ, hoc est, Deo est justitia in fide.*

illâ, quæ pendet ex lege, & perexigui momenti est, sed illâ potius verâ ac solidâ, quam Christi fides & pollicetur, & prædicat, quæque ab immortali Deo fidei gratiæque cœlestis beneficiô tribuitur.

10. Hoc unum mihi in votis est, ut perfectam aliquando ejus scientiam & cognitionem assequar, quis nimirum, qualis, quantusque sit, nempe Deus homo, Messias, Salvator mundi, mortisque domitor ac triumphator, eximiamque ejus resurrectionis vim atque efficaciam percipiam, & quod caput est, perpassionum ipsius fiam aliquâ ratione particeps, quò etiam in ejus gloriæ consortium veniam, & quoad fieri potest mortis ipsius in meipso similitudinem exprimam depositâ priori, & novâ postmodum divinæque ejus vitâ animatus, 11. atque ita ereptus è miserâ regione mortis, quam incolimus, pertingam ad eam resurgentium corporum nostrorum gloriam, quam fidei lumine illustrati aliquando futuram expectamus. 12. Neque tamen idcirco existimetis velim, quòd me jam aut metam attigisse, aut justitiæ apicem

10. *Ad cognoscendum illum, & virtutem resurrectionis ejus, & societatem passionum illius: configuratus morti ejus;*

11. *Si quomodo occurrerem ad resurrectionem, qua est ex mortuis;*

12. *Non quòd jam acceperim, aut jam perfectus sim: sequor autem,*

cem

*si quo modo comprehen-  
dam, in quo & comprehen-  
sus sum à Christo JESU.*

*13. Fratres, ego me  
non arbitror comprehen-  
disse. Unum autem, que  
quidem retrò sunt oblivis-  
cens, ad ea verò, que  
sunt priora, extendens  
me ipsum.*

*14. Ad destinatum  
persequor, ad bravium su-  
perna vocationis Dei in  
Christo JESU.*

cem allecutum me confidam : con-  
sidero me quasi in stadio constitu-  
tum, utque aliquâ ratione respon-  
deam ineffabili benignitati Servato-  
ris mei, qui me longius ab eo fugi-  
entem & Damascum contendentem  
eliciter apprehendit, suâque voca-  
tione cepit, ex eo tempore omni  
studio conatûque curro & constanter  
persequor, ut ipsum, ipsius vitam, vir-  
tutes ac perfectionem quam unicè  
suspiro, attingam. 13. Hoc igitur  
accipite fratres, neque me decurso  
jam stadio pervenisse ad metam, ne-  
que Christianæ vitæ perfectionem  
attigisse, sed in id unum totis viri-  
bûs collimare, ut quæ à me olim  
pro Christo gesta aut tolerata sunt,  
tanquam à tergo seposita oblivioni  
tradam, (præteritorum enim me-  
moriam superbos reddit ac desides)  
ad ea verò, quæ ante oculos versan-  
tur, & in conspectu posita sunt, quan-  
tâ possum, maximâ diligentia con-  
tendam, 14. & oculis semper in  
scopum præfixum defixis toto ani-  
mo ferar ad illam nobilissimam cœ-  
lestis gloriæ palmam iis propositam  
ac destinatam, qui JESUM Christum  
cœlitus vocantem prompto ac hila-  
ri animo, cursûque constante se-  
quun-

quantur. 15. Quotquot igitur perfectionis studium atque amorem *perfecti sumus, hoc sentiprofitemur, hoc sanè & sentiamus, tiamus, & si quid aliter* & fateamur, necdum planè nos ad *sapiis, & hoc vobis Deus* perfectionis culmen pervenisse, sed *revelabit.*

enitendum potiùs, ut majores quotidie progressus faciamus. Quòd si quis amore proprio fasciatus plura de se præsūmit, equidem confido: illum Deo dante per internam inspirationem atque doctrinam huic ipsi veritati manus aliquando daturum demissè de se humiliterque sentiendo.

16. Interea, dum debitâ cum animi modestiâ ac moderatione exspectamus, quæ nobis adhuc revelare dignabitur de divinitatis suæ arcanis, nec non de carnis nostræ infirmitate, demus operam, ut quod jam Dei munere assècuti sumus, sedulò ac studiosè retineamus, & eundem porrò vitæ tenorem ac regulam sequamur, hoc est, ut idem prorsus sentientes eodem planè modo affecti simus.

17. Ne ergò deflectatis à recta, quam tenetis, semitâ, minimè vereor me vobis, fratres, in exemplum imitandum proponere, nec non eorum

vitam ac mores, quos vidistis, cum apud vos essem, se suamque vitæ rationem

16. *Verumtamen at quod pervenimus, ut idem sapiamus, & in eadem permaneamus regulâ.*

17. *Imitatores mei est te fratres, & observate eos, qui ita ambulant, sicut habetis formam nostram.*

(Y)

18. *Multi enim ambulat, quos saepe dicebam vobis (nunc autem & flens dico) inimicos crucis Christi:*

19. *Quorum finis interitus: quorum Deus venter est: & gloria in confusione ipsorum, qui terrena sapiunt.*

20. *Nostra autem conversatio in caelis est: unde etiam Salvatorem expectamus Dominum nostrum IESUM Christum.*

21. *Qui reformabit corpus humilitatis nostrae, entem expectare, 21. qui pro configuratum corpori eam vi atque efficacitate, quam sibi claritatis suae secundum operationem, quam etiam possit subicere sibi omnia.*

tionem nostris tum exemplis tum praeceptis conformare. 18. Id quod tantò magis vobis necessarium est periculoso hoc tempore, quantò plures nunc sunt falsiloqui Doctores, qui suorum studiorum studiosi, uti saepe dixi, non absque lachrymis, & intimo doloris sensu iterare cogor, crucis Christi publici hostes, atque oppugnatores sunt.

19. Quorum extrema interitu atque exitiò clauduntur, quippe pro Numine gulam, atque abdominis cupedias ac genium colunt, terrena & caduca unicè sectantur, sibi-que gloriosum ac honestum ducunt, de quo maximè erubescere atque confundi deberent. 20. Nos verò ab hac vivendi ratione alieni quasi coelestis patriæ municipes de illo lenatu & Beatorum coetu assidue cogitamus, atque ita nos gerimus in omni vicà, ut appareat nos securo tranquillòque animò Christum nostrum liberatorem coelitus venientem expectare, 21. qui pro configuratum corpori eam vi atque efficacitate, quàm sibi omnia subicere potest, quaque rebus omnibus pro imperio dominatur, hæc humilia atque abjecta corpora nostra in aliam quandam for-



formam revocabit, suoque corpori  
immortalitatis gloriâ circumdato  
reddet quàm simillima.

## PARAPHRASIS

### CAP. IV.

1. **T**anta est hæc remuneratio, ut  
ejus comparatione atrocissi-  
ma quævis supplicia leviuscula vobis  
videri debeant. Inardescite ejus de-  
fideriò fratres mihi perdilecti, &  
secundùm præsentiam vestram ex-  
optatissimi, quos gaudii & coronæ  
veluti segetem ac materiam agnos-  
co, & libens prædico. In illam  
semper defixos tenete oculos, &  
persistite, uti cœpistis, in fide, spe,  
gratiâ & justitiâ, vósque hac meâ  
tam singulari providentiâ & chari-  
tate præbete non indignos, ut me-  
ritò vos mihi præ cæteris charos, ac  
pene incredibili amore conjunctos  
profiteri valeam. 2. Evodiam sanè  
obsecro, idémque Syntichen pri-  
marias apud vos matronas etiam at-  
que etiam precor, ut sepositis omni-  
bus

1. *Itaque fratres mei  
charissimi, & desideratis-  
simi, gaudium meum, &  
corona mea: sic stete in  
Domino charissimi,*

2. *Evodiam rogo, &  
Syntychen deprecor, id-  
ipsum sapere in Domino.*

(Y 2)

3. *Etiam rogo, & te  
germane compar, adjuva  
illas, qua mecum labora-  
verunt in Evangelio cum  
Clemente, & ceteris ad-  
jutoribus meis, quorum  
nomina sunt in libro vi-  
tae.*

4. *Gaudete in Domi-  
no semper: iterum dico,  
gaudete.*

5. *Modestia vestra  
nota sit omnibus homini-  
bus: Dominus propè est.*

bus dissidiis unâ eadêmque animi  
consensione idem in Domino, cui  
serviunt, sapiant, & loquantur. 3.  
Te verò fidelis socie atque collega  
prædicationis Apostolicæ, qui me-  
cum strenuè laborasti in vinea Do-  
mini, oro, atque obtestor, ut iis,  
quacunque poteris, ratione opitu-  
leris, quæ in promulgatione Evan-  
gelii me comitantes unâ cum Cle-  
mente, ceterisque adjutoribus meis,  
quorum nomina in libro vitæ de-  
scripta sunt, multa itinerum fastidia  
pertulerunt, mihiq; laboranti sub-  
sidio fuerunt. 4. Vos porrò gau-  
dete in Domino semper, nempe non  
in iniquitate, sed in veritate, non in  
flore vanitatis, sed in spe æternitatis,  
tam tempore adversitatis, quàm pro-  
speritatis, iterum repeto gaudete  
bonâ freti conscientia, & recolentes  
inæstimabilia beneficia partim hic  
collata, partim conferenda in cœlis.  
5. Hoc tamen gaudium comitem  
habeat modestiam & moderatio-  
nem omnium affectuum ac morum  
etiam externorum, quò sitis ædifica-  
tioni proximo, vestramque animi  
æquabilitatem tot inter adversa ag-  
noscant universi, hæc enim brevi  
desinent, Dominusque jam propè  
adest,

adeſt, ut ſuâ vos præſenti ope ſuble-  
vet, ac corroboret, vel ab omnibus  
malis ad ſe evocatos eruat, veſtrâ-  
que modèſtiam ac patientiam coro-  
net, gaudiûmque cœptum compleat.

6. Nulla igitur vos ſollicitudo pre-  
mat, nullôque animi angore pertur-  
bemini de rebus obventutis capiti-  
que veſtro imminentibus, ſed in om-  
nibus rebus ſuſis ad Deum precibûs,  
ſupplicationibûsque unâ cum gratia-  
rum aſtione conjunctis vora veſtra  
atque indigentiam bonorum omni-  
um largitori Deo omni cum fidu-  
ciâ, & reſignatione exponite.

7. Huic conſilio ſi morem geritis, cœ-  
leſtis ac divina pax, quæ magnitudi-  
ne ac præſtantiâ ſuâ omnem mentis  
captum longè ſuperat, & per meri-  
ta Chriſti Domini fidelibus ejus ſer-  
vis conceditur, animorum veſtrorum  
ſenſa & cogitationes ſuo veluti lumi-  
ne illuſtrabit, corda verò liquidiffi-  
mo gaudiô perfundet, atque in ob-  
ſequio Dei ſingulari præſidiô firma-  
bit ac tuebatur.

8. Quod autem  
reliquum eſt, fratres, hiſce non  
contenti ad majora ſemper virtutum  
incrementa aſpirate, datèque dili-  
genter operam, ut quæcunque ſunt  
vera, & minimè fucata, quæcunque  
gravia

6. *Nihil ſolliciti ſitis:  
ſed in omni oratione, &  
obſecratione cum gratia-  
rum aſtione petitiones ve-  
ſtre innotescant apud  
Deum.*

7. *Et pax Dei, qua  
exuperat omnem ſenſum,  
cuſtodiat corda veſtra, &  
intelligentias veſtras in  
Chriſto JEſu.*

8. *De cætero, fratres  
quæcunque ſunt vera,  
quæcunque pudica, quæ-  
cunque juſta, quæcunque  
ſancta, quæcunque ama-  
bilia, quæcunque bonæ*

(Y 3)

*fama, si qua virtus, si qua laus disciplina, hæc cogitate.*

9. *Quæ & didicistis, & accepistis, & audistis & vidistis in me, hæc agite: & Deus pacis erit vobiscum.*

10. *Gavisus sum autem in Domino vehementer, quoniam tandem aliquando resloruistis pro me sentire, sicut & sentiebatis, occupati autem eratis.*

11. *Non quasi propter penuriam dico: ego enim didici, in quibus sum, sufficiens esse.*

gravia ac verecunda, quæcunque æquitati consentanea, quæcunque pura & casta, quæcunque ad communem amorem & concordiam faciunt, quæcunque bonam famam atque existimationem parere possunt, si quid honestum, si quid studiosum ac laude dignum viderur, hæc, inquam, atque his similia mente ac cogitatione assidue versetis & reipsâ sectemini. 9. Quæ verò didicistis & accepistis, auribus denique ac oculis vestris à nobis hausistis, hæc porro imitatione & actionibus vestris exprimate, & Deus pacis auctor vobis hæc meditantibus atque agentibus haud dubiè aderit, vobisque etiam pacem & gratiam gentilium conciliabit. 10. Magnopere sanè gavisus sum in Domino, quòd tandem, quæ nonnihil elanguissè videbatur, vestra de me bona persuasio ac benevolentia, denuo reviviscere, ac veluti frondescere coeperit, quamquam, ut opinor, non omnem de me penitus sollicitudinem deposueratis, sed nempe facultas vel opportunitas eam demonstrandi deerat. 11. Neque verò hæc à me propterea commemorantur, quod de meâ inopiâ ejusque subsidii

diis procurandis magnopere sum sollicitus qui jam pridem ita sum animo comparatus, ut quaecunque accidant, æquo animo feram, & rei familiaris angustias non solum patienter tolerem, sed etiam amen paucis contentus. 12. Quin etiam mihi perinde est, aut tenuitate deprimi, aut si rerum copia, & affluentia suppetat, bonis omnibus abundare. Quidquid mihi acciderit, quocunque rerum articulo statumque deprehendar, accidentia, si quæ superveniant famis & saturitatis, indigentia & opulentia pro mediis opportunis mihi serviunt resignationem & obedientiam Deo debitam exercendi. 13. Uno verbo nihil mihi arduum, atque difficile videri potest, dum Christi patrocinio, praesidioque sustentor, cujus amoris suavitate cum perfusa sint, quaecunque tolerari necesse est adversa, incredibiliter dulcescunt. 14. Nihilo tamen secius vestram in me beneficentiam non solum probo, sed laudo etiam vehementer, quod hac maximè ratione praemii adversorum tolerantia debiti participes esse voluistis subveniendo meae indigentia. 15. Memi-

12. Scio & humiliari, scio & abundare (ubi-que & in omnibus institutus sum) & satiari & esurire; & abundare & penuriam pati.

13. Omnia possum in eo, qui me confortat.

14. Verumtamen bene fecistis communicantes tribulationi meae.

15. Scitis autem & vos Philipenses, quod

nisti:

*in principio Evangelii, quando profectus sum à Macedoniâ, nulla mihi Ecclesia communicavit in ratione dati & accepti nisi vos soli :*

16. *Quia & Thessalonicam semel & bis in usum mihi misistis.*

17. *Non quia quaro autem, sed requiro fructum abundantem in ratione vestrà.*

18. *Habeo autem omnia & abundo: repletus sum, acceptis ab Epaphrodito, qua misistis, odorem suavitatis, hostiam acceptam, placentem Deo*

nistis enim vos, opinor, Philipenses, cum initio meæ apud vos prædicationis Evangelicæ. & Macedoniâ isthuc proficiscerer, nullam aliam Ecclesiam afflicto mihi & egenti quidquam contulisse compensando spiritualia à me accepta donis temporalibus, sed à vobis solis tunc accepi, quod referrem in codicem datorum & acceptorum. 16. Ipsi enim Thessalonicam usque ad victum necessaria semel atque iterum ad me misistis. 17. Quæ non idcirco commemoro, quòd vestram aut cujusquam liberalitatem iteratò requiram ac sollicitem, sed ut solatium, gaudiúmque meum vobis patefaciam ex copioso lucro, quod vestris rationibus in libro Dei pro tot. eleemosynis aliisque piis obsequiis proximo præstitis adscribetur, ut creditores reddamini amplissimæ remunerationis ac mercedis cœlitus redhibendæ. 18. Jam verò ut ad hæc recentia & postrema veniam, sic habetote, accepisse me omnia, meque iis abundè expletum esse, quæ à vobis per Epaphroditum ad me transmissa, ab eoque fideliter reddita sunt,

sunt, fateorque me veluti suavi quodam suffitu hac vestrâ liberalitate mirificè recreatum esse, nec dubito illam fuisse quasi victimam & hostiam Deo cumprimis gratam, quæ cum thure per ignem & fumum odore suavissimo usque ad ejus thronum ascendet, ac millenas inde benedictiones in vos referet.

19. Non possum tantæ liberalitati ex æquo respondere, sed Deum enixè rogo, ut quod viribus meis deest, pro suâ immensâ opulentiâ ac bonitate suppleat, idque cum magnâ & præclarâ gloriæ vestræ testificatione apud omnes mortales, & quod magis optandum est, cum certâ futuræ felicitatis expectatione, quæ Christi Jesu potissimum meritis tribuetur.

20. Istius, nostrumque omnium Patri amantissimo, cum pares non possimus pro tantis favoribus, saltem maximas quas possumus gratias referamus votis omnibus exoptantes, ut illi gloria immortalis tot titulis debita in omnem æternitatem reddatur. Amen.

21. Salutate omnes Sanctos, qui Christo Jesu nomina dederunt.

22. Vicissim autem salutant vos omnes, qui mecum sunt fratres, quin etiam omnes sancti,

19. *Deus autem meus impleat omne desiderium vestrum, secundum divitias suas, in gloriâ, in Christo Jesu.*

20. *Deo autem & Patri nostro gloria in secula seculorum. Amen.*

21. *Salutate omnem Sanctum in Christo Jesu.*

22. *Salutant vos, qui mecum sunt, fratres. Sancti,*  
(Z)

*lucant vos omnes sancti, maximè autem, qui de Cæsaris domo sunt.*

23. *Gratia Domini nostri Jesu Christi cum Spiritu vestro, Amen,*

sancti, Christique fideles vobis salutem plurimam dicunt, præcipuè verò, qui sunt ex Cæsaris familiâ.

23. Gratia Domini nostri JESU Christi sit cum omnibus vobis. Amen. Ejus præfidiò possidebitis omnia, & in optimos usus vertetis sive opes sive inopiam, tranquillâ pace perfruemini, & quæ vobis dedi, salutis monita nec memoriâ, nec animis vestris exci-  
dant,



AR-





# ARGUMENTUM

## EPISTOLÆ D. PAULI

### APOSTOLI

AD

## COLOSSENSES.

**C**Olossenses, quibus Epistola inscribitur, non sunt Rhodii, uti aliqui opinabantur, tametsi enim daretur incolas insulæ Rhodi olim ita appellatos ob nobilem illum solis Colossium, qui inter septem mundi miracula numeratus insulam illam tam celebrem reddidit, aliunde tamen satis liquet, illos, ad quos hanc epistolam dedit Apostolus, longè ab iis diversos fuisse, sedesque suas fixisse in majori Phrygiâ haud procul Laodicea & Hierapoli. Jam verò Apostolus, quanquam Colossenses ne quidem viderat, uti colligitur ex cap. 2. quia tamen tanquam Gentium Apostolus peculiarem in se curam

(Z 2)

ram susceperat omnium Ecclesiarum, cum intellexisset, nonnullos pseudodoctores labem aliquorum errorum Collorensibus aspersisse, ut huic quoque Ecclesiae exinde periclitanti pro officio & zelo suo succurreret, hanc ad illos epistolam dedit, quam eos ad saniora consilia, & pristinae fidei integritatem conatur revocare. Errores inter illos à discipulis Simonis Magi vel certe Cerinthe disseminati eo præcipue collimabant, quod non Christus Dominus ob nimiam videlicet dignitatis suae præcellentiam, sed Angelus nostrae salutis auctores sint & mediatores. Judaicas præterea superstitiones, ac nefaria Gentilium sacra & observationes magnam ex parte probabant hi novatores, denique quod purum ac nitidum à viris Apostolicis Archippo & Epaphrasa hauserant Evangelium Christi Domini lacunarum seu opinionum exoticarum influxu inquinabant. Eorum doctrinam primis duobus capitibus refutat Apostolus, ubi ostendit, non nisi per Christum filium Dei, per quem omnia condita sunt, nos instaurari, & cum Deo reconciliari, per ejus unius merita nobis ad illum patere aditum, cum unicum esse Mediatorem nostrum principalem, fontem omnium gratiarum, principium & finem nostrarum actionum, & quemadmodum is corruptibilem hanc vitam, quam hactenus duxerat, in cruce exiit, ita & nos per baptismum peccato mortuos esse, nec non observationibus tum Judaicis tum philosophicis, quas elementa terrena & hujus mundi nuncupat, id est, prima rudimenta crassioris & imperfectae notitiae valde opposita clariori & sublimi comprehensioni, quam modò habemus post prædicationem Evangelii, quocum proinde misceri non debeant, cum ad sanctificationem nostram nihil conferant. Duobus subsequentibus capitibus agit de moribus,

bus, & cuilibet pro suo statu ac conditione salubria, & homine Christiano digna monita tradit. Scripta est cum duabus præcedentibus eodem anno hæc epistola ex Romano carcere ab Apostolo, estque quoad materiam & sententias persimilis illi, quam ad Ephesios dedit, & instar illius grandiloqua ac sublimis.

Caput 1. orditur à consuetis appreciationibus gratiæ & pacis Domini Jesu Christi. Tum extollit Colossenses ob fidei constantiam & rerum adversarum ac molestarum tolerantiam pro defensione Evangelii. Certos reddit, quòd pro illis constanter Deum Optimum deprecetur, ut eos indies magis collutret & promoveat in intelligentiâ tum divinorum mysteriorum, tum obligationis eis incumbentis singulares Deo grates agendi, quòd illos vocare dignatus sit in partem hæreditatis Sanctorum, nempe celestis gloriæ non Angelorum operâ ac virtute, sed Christi Domini, cujus plures eminentes prærogativas adducit, & imprimis, quòd per eum redempti simus, & acceperimus remissionem delictorum. 2. Quòd invisibilis Dei imago sit nō inanimis illa & muta, sed eadē vitâ ac substantiâ cum Deo Patre prædita. 3. Appellat illum primogenitum omnis creaturæ ad indicandum æternam ejus generationem, quæ præcedit creationem omnium rerum, & nullo fine clauditur, quemadmodum initium nulum habuit. 4. Asserit, quòd in ipso, & per ipsum, & propter ipsum omnia condita sint, & nominatim Dominationes, Principatus, Potestates ac Virtutes, eorūque errorem refellit, qui contendebant, hunc terrarum orbem per Angelos procreatum. Ab his qualitatibus generalibus descendit ad particulares, quæ mortalium commoda concernunt, quas inter primo locò venit, quòd Caput sit Corporis mystici,

(Z 3)

nempe

nempe Ecclesiæ. Tum observat, quòd primus à mortuis resurrexerit, & secundùm utramque naturam tam humanam, quàm divinam primatum habeat super omnia, quòd plenitudo divinitatis in ipso habiteret, quòd per eum Deus cœlestia ac terrestria, Angelos ac homines per peccatum ab illis divulsos cœlòque exclusos inter se reconciliaverit uniendo ipsos tanquam unum corpus in Christo ut capite, pace inter eos composita per sanguinem ejus in cruce effusum, quo peccatum, quod erat inimicitiae causa, deletum est. Ostendit subin eo temporis articulo, quo hæc reconciliatio executioni data est, homines à Deo averfos & alienos fuisse & opere & mente, gratiæ itaque magnæ locò habendum, quòd eis pacem procurare voluerit, majoris, quòd eam procuraverit proprio sanguine, maximæ, quòd in cruce. Postmodum hortatur eos ad perseverantiam in fide & illibatâ doctrinâ, si tamen percipere velint fructus hujus pacificationis. Sanctè asseverat, ærumnas & insectationes, quas amore Christi Domini pertulit, sibi dulces & in deliciis fuisse, sequè perlibenter adimplere, quæ defunt ejus passioni, ex quo loquendi modo tamen nequaquam sequitur, Apostolum sibi persuasisse, quasi ejus passio & merita ex se non suffecerint ad delenda omnia delicta, sibi que proin hanc sufficientiam supplendam fuisse propriis conatibus ac meritis. Impia fuisset, & erronea hæc persuasio, sed longè sublimiorem ac reconditam veritatem detegere ac declarare voluit Apostolus, quam paucis explico. Christus Dei Filius incredibili & longè majori zelo, quàm concipere possumus, pro honore Patris sui ter Optimi Maximi accensus reparare ejus læsionem statuerat, justitiæque divinæ satisfacere omni pœnarum ac suppliciorum genere, quæ excogitari poterant, cum in terribis degeret, atque hoc ipsum post mortem etiam modis omnibus

nibus expetit pro salute humani generis, si fidem habemus Divo Chrysostomo in expositione horum verborum: omnibus autem perspicuum est, quamvis longè acerbiora pertrulerit, quàm omnes simul martyres, eum nihilominus tantummodò flagellatum fuisse, spinis coronatum, & cruci suffixum. Plura igitur poenarum genera restant, quæ nec ei inflicta fuere, nec porrò infligentur, cum vitâ nunc fruatur sempiternâ, nullisque amplius doloribus obnoxia. Quod autem in seipso tolerare, aut persentiscere nequit, vult illud in suis membris admittere ac perferre, quibus tam admirabili nexu conjungitur, ut patiatur & ipse, cum illi dolent, & in iis ratione quadam adeo arcanâ, & intimâ resideat, ut dici non abs re valeat, eum in S. Bartholomæo excoriatum, in S. Joanne discipulo suo perdilecto in ferventis olei dolium conjectum, in ipso Apostolo Paulo ærumnas carceris, vinculorum aliâsque molestias sustinere. Hic meo quidem iudicio legitimus sensus est illorum verborum: *adimpleo ea quæ defunt &c.* Suas quoque, quas Christus in se suscepit, nuncupare potest afflictiones ac dolores Apostolus, cum ejus Legatum agat: paulò post enim hunc characterem assumit, declaratque officii sui esse gentilibus revelare mysterium absconditum, & sanctioribus etiam præteritorum sæculorum Antecessoribus incognitum, nempe eorum vocationem ad fidem & gratias Christi Domini, tametsi enim Patriarchæ & Prophetæ non ignoraverint adventum Christi Domini, non omnibus tamen constabat, eum propter Gentes etiam quando venturum.

Cap. 2. significat Colossensibus, quanto studio ac sollicitudine teneatur, pro eorum non minùs ac illorum, quos de facie noverat, institutione sincerâ, plenâque ac perfectâ notiâ mysteriorum fidei, monètur, ut non pa-

rian-

tiantur se falsâ ratiocinatione decipi, neque subdolâ philosophorum versutiâ & calliditate à recto fidei tramite abduci, neque denique inani Judæorum superstitione, & multiplici dierum ac ciborum observatione & cultu quodammodo corrumpi & inquinari. Argumentum, quo dicta sua stabilis, est ejusmodi: Tali Magistro credendum est, in quo sunt *absconditi omnes thesauri* sapientiæ ac scientiæ, quique adeo vos fallere nequit, hoc autem de alio cum veritate prædicari non potest, quàm de Christo Domino, ergo. Hæc vocula *thesauri* secundum D. Chrysostomum denotat abundantiam, particula *omnes* plenitudinem, quòdque nihil ei desit, verbò autem *absconditi* insinuat esse secreta aliqua ipsi soli reservata cum tempore eruenda & patefacienda aliis. Tum singularem erga illos sollicitudinem iteratò declàrat, religiosè testando, se tamen corpore absentem, præsentem tamen illis esse spiritu assiduâque mentis cogitatione ac curâ, nec non auctoritate ac potestate spirituali. Gestientis postmodum animi sui lætitiâ explicat, eosque collaudat, quòd in ordine gradûque suo singuli firmi persistant, veluti milites probè exercitati, & impensè obtestatur, ut profundas radices agant in fide Jesu Christi, & super illum tanquam fundamentum solidissimum suæ salutis ædificium erigant, quemadmodum instructi fuerant, inanem verò philosophiam, seu novum religionis systema ex diversis opinionibus Platonis aliorumque philosophorum conflatum explodant. Demum supremam Christi Domini dignitatem repræsentat, in quo dicit plenitudinem Divinitatis residere corporaliter, nempe tanquam in proprio corpore, adeo ut corpus à Verbo Patris per  
Incar-

Incarnationem assumptum non minùs sit corpus ejus proprium, quàm si id per naturam suam possideret. Caput ipsum nuncupat omnis Principatùs ac Potestatis, nempe Angelorum quibus imperat ut rex, & inde arguit, cultum latriæ seu supremæ venerationis ipsis ut subditis deberi minimè. Ex titulo Capitis ansam sumit Colossensibus declarandi, quibus quantisque nominibus ipsi obstricti sint 1. Plenitudinis gratiarum per ipsum acceptarum. 2. Admirandæ circumcisionis factæ per internam virtutem Spiritùs Sancti, qui in eis veterem hominem destruit. 3. Sepulturæ cum ipso in baptismo. 4. Resuscitationis per fidem. 5. Remissionis peccatorum. 6. Reficiationis pacti illius funesti, quo obstricti erant ad mortem, & si fides habenda antiquis probatisque Sacrarum litterarum interpretibus, abolitionis legis Veteris, quâ supra modum gravati erant. 7. Submissionis & enervationis potestatum infernalium. 8. Victoriæ de illis feliciter relatæ. Ex favoribus hisce infert, nihil ampliùs deferendum esse priscis observationibus legis, & pseudo-philosophorum somniis: superstitiosum dierum ac ciborum delectum carpit eâ ratione adductâ, quòd umbræ exorto solis lumine, & figuræ evanescere ac cessare debeant, ubi veritas ipsa sese clarè manifestat, atque Christus Dominus est ipsa veritas, atque lux illuminans omnem hominem venientem in hunc mundum. In fine iteratò monet, ut sibi diligenter caveant à falsâ & superstitiosâ ultra omne meritum angelorum religione.

(Aa)

Tertio

Tertio quartoque capite adhortationem instituit pertinentem ad mores vitæque informationem, apertam illam quidem neque cognitu admodum difficilem, quam tamen præstare difficillimum videatur, nempe ad studium desideriumque rerum cœlestium, renovationem mentis, charitatem, pacem, omnemque officium Christianum, ut insistent orationi, & circumspectè agant inter gentiles, & saluent amicos suos, quos fusè & particulatim designat.



PA-





# PARAPHRASIS

## IN EPISTOLAM D. PAULI

### APOSTOLI

AD

### COLOSSENSSES

### CAPUT I.

I. **P**aulus Dei Optimi Maximi  
 consiliò ac voluntate ele-  
 ctus Apostolus JEsu Chri-  
 sti, non verò Angelorum,  
 & Timotheus frater, 2. iis, qui  
 sunt Colossis, fidelibus in Christo  
 fratribus nuper ejus fidem, religio-  
 nem, adeoque & sanctitatem com-  
 plexis ; 3. gratiam & pacem à  
 Domino nostro JEsu Christo pre-

1. *Paulus Apostolus  
 JEsu Christi per volun-  
 tatem Dei, & Timotheus  
 Frater :*

2. *Eis, qui sunt Co-  
 lossis, sanctis & fide-  
 bus fratribus in Christo  
 JEsu.*

3. *Gratia vobis &  
 Pax à Deo Patre no-  
 (Aa 2)*

*stro, & Domino JESU Christo. Gratias agimus Deo & Patri Domini nostri JESU Christi semper pro vobis orantes:*

*4. Audientes fidem vestram in Christo JESU, & dilectionem, quam habetis in sanctos omnes,*

*5. Propter spem, quam reposita est vobis in cælis: quam audistis in verbo veritatis Evangelii;*

*6. Quod pervenit ad vos, sicut & in universo mundo est, & fructificat, & crescit, sicut in vobis ex eâ die, quâ audistis & cognovistis gratiam Dei in veritate,*

*7. Sicut didicistis ab Epaphra charissimo conseruo nostro: qui est fidelis pro vobis Minister Christi JESU,*

precantur. Nos quidem assiduè precibus gratias immortales bonorum omnium auctori Deo & Domini nostri JESU Christi Patri pro vobis agimus. 4. Libenter enim, liquidòque cum solatio audivimus, Epaphram multa ac magna narrantem de fide vestrà in Christo JESU, & eximiâ charitate, charitatisque officiis, quibus omnes Sanctos complectimini, 5. idque propter spem vobis sepositam in cælo, & certissimam expectationem æternæ retributionis, de quâ pridem multa cognoveratis percepto veritatis Evangelicæ non humano sermone, sed oraculo planè divino. 6. Quod quidem non ad aures modò vestras pervenit, sed potissimas mundi partes complevit, atque uberrimum ubique fructum profert, quemadmodum apud vos quoque contigisse gratulor jam inde ab eo die, quo primum verè audistis & cognovistis gratuitam Dei beneficentiam, quâ salvare constituit genus humanum. 7. Quemadmodum, inquam, didicistis ab Epaphrâ conseruo olim nostro nobisque cumprimis charo, cui tanquam eximio & fideli Christi Ministro

nistro pro vestrà omnium utilitate; magnopere sollicito meritò fidem omnem adhibere potestis, 8. qui & coràm declaravit nobis, vestram illam, de quâ dicere cœperam spiritu Dei animatam, sinceram, solidam, & ex intimis visceribus perfectam charitatem, quâ me & alios Christianos prosequimini, ejusque puritatem ac præstantiam ab omni simulatione & proprio emolumento alienam magnificentius deprædicavit. 9. Quapropter cùm probè sciamus, satis non esse, cœpisse ferventer, nisi bene cœpta prosequamur constanter, nihilque humanâ voluntate esse mobilius, & nos ex quo die id primùm audivimus, nulum finem facimus pro vobis orandi ac summis votis à Deo conrendendi, ut impleamini perfectâ & absolutâ cognitione voluntatis ejus, nihilque vos lateat eorum, quæ Deus immortalis jure à fidelibus suis exigit, usque eò, ut omni sapientiâ ac intelligentiâ non carnali aut litterali, sed spiritali vera ac solidâ præditi sitis ad discernendam à fūco veritatem. Obtestamur, ut divinum suum spiritum in vobis diffundat, 10. quod agen-

8. *Qui etiam manifestavit nobis dilectionem vestram in spiritu:*

9. *Ideo & nos, ex quâ die audivimus, non cessamus pro vobis orantes & postulantes, ut impleamini agnitione voluntatis ejus, in omni sapientiâ & intellectu spiritali:*

10. *Ut ambuletis dignè Deo per omnia*  
(Aa 3)

*placenter: in omni opere  
bono fructificantes, &  
crescentes in scientiâ  
Dei;*

*II. In omni virtute  
confortati secundum  
potentiâ claritatis ejus  
in omni patientiâ, & longanimitate cum gaudio,*

*12. Gratias agentes Deo  
Patri, qui dignos nos fecit  
in partem sortis sanctorum  
in lumine;*

*13. Qui eripuit nos  
de potestate tenebrarum,*

agente incedatis eo planè modo, quo incedere par est eos, qui Deum agnoscunt, eumque, quâ dignum est, pietate ac religione colunt, ut omnibus in rebus ei placeatis bonorum operum fructum copiosum proferentes, & majora indies in scientiâ Dei sive divinorum mysteriorum noticiâ incrementa capientes. II. Cœlesti præsidio abundè corroborati adversus assultus & impugnationes adversariorum per illustrem ac gloriosam Dei potentiam, per invictam patientiam & constantem animi erga omnes lenitatem semper vobis ipsis similes, & in adversis perinde ac prosperis hilares, 12. demum gratias agentes debitas Patri cœlesti qui tantos favores vobis contulit. Cum enim non nisi mortem commeriti essemus, ipse nos nullis nostris meritis, imò indignos, & malè de se meritos per solam gratiam suam idoneos fecit ut in album Christianorum relati divinæ illius sortis ac beatæ vitæ sanctis & electis suis promissæ participes esse possemus per lumen Evangelii ac fidei in terris, gloriæ verò in cœlis. 13. Illum, inquam, Deum paren-

parentem bonorúmque omnium & transfudit in regnum  
auctorem intelligo, qui nos eripuit filii dilectionis suae;

14. In quo habemus  
redemptionem per san-  
guinem ejus, remissio-  
nem peccatorum:

15. Qui est imago  
Dei invisibilis, primo-  
genitus omnis creatura.

16. Quor in ipso  
condita sunt ~~universa~~

parentem bonorúmque omnium auctorem intelligo, qui nos eripuit à potestate tenebrarum, atque impio dæmonum imperio, & in regnum sive Ecclesiam filii sui unice dilecti mira quadam ratione traduxit, 14. cujus beneficio ac munere per Christi ipsius sanguinem redemptionem, hoc est, scelerum omnium ac flagitiorum plenam condonationem adepti sumus, ut adeò non ampliùs, alio reparatore salutis nostræ egeamus: Considerare, obsecro, attentius, quanta eum dignitas, atque præcellentia supra omnes Angelorum choros, & reliquos coelestis patriæ cives longissimè evehat. 15. Ipse est imago Dei Patris perfectissima Patri per omnia similis & æqualis, adeoque ejusdem omnino essentiae ac naturæ cum Patre, qui cum sit inaspettabilis, per hanc sui imaginem carne aliquando indutam nobis innotuit. Idem verò si cum rebus creatis conferatur, ante omnem creaturam ab aeterno modò quodam ineffabili genitus meritò primogenitus omnium vel potius princeps nuncupabitur. 16. Nam ejus veluti operâ, vel potius vi atque effica-

*in cælis & in terrâ, visibilia & invisibilia, sive throni, sive dominationes, sive principatus, sive potestates: omnia per ipsum, & in ipso creata sunt:*

*17. Et ipse est ante omnes, & omnia in ipso constant:*

*18. Et ipse est caput corporis Ecclesiæ, qui est principium, & primogenitus ex mortuis: ut sit in omnibus ipse primum tenens.*

efficacitate condita sunt universa, sive quæ in æthereis globis omnium mortalium oculis conspicua cernuntur, sive quæ terræ ambitu continentur, quæcunque demum sub oculorum aspectum cadunt, aut solâ mente & cogitatione comprehenduntur, denique seu throni, seu dominationes, seu principatus, seu potestates, seu Angelorum supremi, uno verbo, omnia ejus vi & facultate & ejus unius respectu condita sunt, 17. ipse verò uti æternitate, ita & dignitate; causalitate, rerumque omnium productione omnes præcellit, quoniam uti per ipsum & propter ipsum sive in ejus gloriam condita, ita & per ipsius potentiam, sapientissimamque gubernationem consistunt & conservantur universa: nos autem propiori atque arctiori vinculo ei devincti sumus. 18. Est enim quoddam veluti Caput mystici corporis Ecclesiæ, cujus nos membra sumus accipientia ab eo omnem gratiæ & vitæ spiritualis influxum, sine quo nec activitas quædam, nec motus ullus in bonum nobis inesset. Propria charitas, quâ nos redemptos voluit, cum morti spontè

spontè subjecit, ex suo tamen sepulchro quasi ex incunabulis gloriosus atque triumphabundus prodiit verè primus omnium mortuorum, regeneratus per resurrectionem ad vitam immortalem. Quacunque ergò ex parte consideretur, sive secundùm Majestatem Divinitatis, sive secundùm recentiorem statum assumptæ naturæ humanæ, eminentissimè omnes præcellit tum Angelos tum homines, & in omnibus primas tenet. 19. Quandoquidem parenti Deo placuit omnem in ipso plenitudinem ac perfectionem scientiæ, gratiæ, potentiæ & divinitatis veluti sedem ac domicilium collocare, non tantùm per efficaciam & operationem, sed per ipsam etiam essentiam. 20. Cœlum inter & terram, beatissimos inter spiritus sempiterna ibi felicitate fruente, & homines in hac lachrymarum valle acerbo servitutis jugo pressos permagna erat & quodammodo hostilis animorum dissensio, nunc inter illos atque inter ipsum Deum pace per sanguinem ejus in cruce effusum compositâ, universa, sive quæ in cœlo, sive quæ in terrâ, cum Deo redierunt

19. *Quia in ipso complacuit, omnem plenitudinem inhabitare:*

20. *Et per eum reconciliare omnia in ipsum, pacificans per sanguinem crucis ejus, sive qua in terris, sive qua in cœlis sunt.*

(Bb)

21. *Et vos cum essetis aliquando alienati, & inimici sensu in operibus malis:*

22. *Nunc autem reconciliavit in corpore carnis ejus per mortem, exhibere vos sanctos, & immaculatos, & irreprehensibiles coram ipso:*

23. *Si tamen permanetis in fide fundati, & stabiles, & immobiles à spe Evangelii, quod audistis, quod pradicatum est in universâ creaturâ, quæ sub cælo est, cujus factus sum ego Paulus Minister.*

21. Itaque & vos quondam à se aversos & hostes, dum nimirum totâ mente vitia ac flagitia sectaremini, 22. Christus nunc quidem sibi Deoque Patri reconciliatos in suam benevolentiam admisit per multiplices vitæ suæ ærumnas, & mortis acerbissimæ ignominiam expiatis, ut vos tam opulentos redderet, quantum prius coram oculis Patris sui eratis pauperes, tam sanctos, quam prius scelestos, tam puros, quam prius inquinatos, tam omni commendationis genere dignos, quam prius reprehensione. 23. Modò permanetis probè fundati, & altâ radice fidei nixi, stabiles, ut neque cadatis impostorum fraude vel astu seducti, vel cedatis gentilium minis à fidei constantiâ deterriti, neque dimoveamini ab eâ spe, quam in animis vestris insevit Evangelium, quod nunc quidem instar fulguris ab Oriente ad Occidentem, à Septentrione ad Meridiem plurimas gentes pervasit, ut adeò vobis summo dedecori esset ab eâ fide ac religione recedere, quæ toto terrarum orbe recepta est; hujus porro Evangelii ego Paulus minister me



me factum esse profiteor 24. tanto gestientis animi solatiô, ut adversa omnia, quæ vestrâ & illius causâ sustineo, leviora mihi videantur & expetibilia. Inficias nemo iverit, Jesum Christum virum fuisse dolorum, quorum vehementia amoris ejus magnitudini aliquâ ratione responderit. Nihilominus non omnia sustinuit tormentorum genera, quæ hominum malitia excogitare valet, tametsi cùm interris degeret, impensè desideraverit honorem offensi Patris modis omnibus refarcire, ejusque justitiæ quocunque suppliciô excogitabili satisfacere. Jam verò status gloriæ, quem per resurrectionem suam adiit, omni illum doloris sensu eximit. Amor tamen illius erga nos ita ingeniosus est, ut quod in proprio corpore experiri amplius nequit, in membris suis sentiat (quæ utique Capiti suo patienti conformari æquum est) adeò ut siquando pro defensione ejus nominis quid patior, absque temeritate pronuntiare possim, Christum in me pati, quòdque, quantum est in me, adimpleam ea, quæ deesse videntur non quidem sufficientiæ & efficaciæ

24. *Qui nunc gaudeo in passionibus pro vobis, & adimpleo ea, quæ desunt passionum Christi, in carne meâ, pro corpore ejus, quod est Ecclesia:*

(Bb 2)

25. *Cujus factus sum ego Minister, secundum dispensationem Dei, quæ data est mihi in vos, ut impleam verbum Dei.*

26. *Mysterium, quod absconditum fuit à sæculis, & generationibus, nunc autem manifestatum est sanctis ejus,*

27. *Quibus voluit Deus notas facere divitias gloriæ sacramenti hujus in Gentibus, quod est Christus, in vobis spes gloriæ,*

ciæ Passionis illius amarissimæ, quæ in se infinita est, sed ut ea singulis Christi membris actu applicetur, divinâ providentiâ sic disponente, ut quemadmodum in proprio naturali corpore Christus olim multa passus est, ita etiam in mystico suo corpore nempe Ecclesiâ, ejusque membris adhuc multa patiatur,

25. *cujus sanè Ecclesiæ factus sum Minister eam rationem agendi secutus, quâ veluti œconomiâ quâpiam in administrandâ familiâ suâ utitur Deus, quâque me Gentium Apostolum constituit, ut non per Angelos, sed per me vos, cæteræque Gentes ad fidem Christi adducantur, Evangeliique prædicationem ab ipso cœptam ritè pro ratione officii mei compleam.* 26.

Quarum gentium vocatio mysterium planè est præteritis sæculis absconditum, & reconditum in sinu Patris, quod per Filium revelavit Apostolis, iisque quos per illorum prædicationem ad novum gratiæ ac sanctitatis statum dignatus est evehere, 27. quibus scilicet Deus patefacere voluit, quanta sit, quàmque gloriolâ magnitudo hujus beneficii, quod tam liberaliter ijs Gentibus

Gentilibus communicare voluit, ut ex dæmonum mancipiis eorum domitores, ex idolorum cultoribus servos redderet cœli terræque regis, ex filiis iræ filios gratiæ, ex hæredibus mortis, cœli hæredes non per multa extrinseca opera, non per observationes festorum, ciborum &c. uti faciunt Judæi; sed per fidem in Jesum Christum, qui quasi lux cœlitus missa emicat inter vos, estque uti origo salutis, ita etiam & fiduciæ vestræ anchora, cum ex ejus potissimum meritis gloriam immortalem expectare debeatis.

28. Quem quidem salutis nostræ reparatorem nos prædicamus, quemlibet admonentes, omni-que sapientiâ imbuentes, ut quoad ejus fieri poterit, nullum non Deo sistamus non tantum perfectè instructum in his, quæ ad fidem & cognitionem Christi pertinent, sed etiam quoad vitam & mores Christianos omni virtute præditum. 29. Atque ad hoc, quantum possum enitor, omnibusque nervis contendo, adversa quæque libenter perfero, orationi, vigiliis, jejuniis me totum impendo non humanis confisus viribus, sed vi & ef-

ficaciâ

28. *Quem nos annuntiamus corripientes omnem hominem, & docentes omnem hominem, in omni sapientiâ, ut exhibeamus omnem hominem perfectum in Christo Jesu.*

29. *In quo & laboro certando secundum operationem ejus, quam operatur in me in virtute.*

(Bb 3)

ficaciâ spiritûs Christi, qui me identidem excitat & urget suggerendo animos, vires ac zelum, ut igneâ charitate & igneâ linguâ prædicem, omnibûsque hunc divini amoris ignem afflem & aspirem.

## PARAPHRASIS

### CAP. II.

1. *Volo enim vos scire, qualem sollicitudinem habeam pro vobis, & pro iis, qui sunt Laodicia, & quicunque non viderunt faciem meam in carne:*

2. *Ut consolentur corda ipsorum, instructi in charitate, & in omnes divitias plenitudinis intellectûs, in agnitionem mysterii Dei Patris, & Christi Jesu:*

1. **N**olite mirari, quòd in calce superioris capitis laborum meorum ac certaminum tam studiosè meminerim, velim enim vos scire, quantâ sollicitudine premor, quantumque, ut ita dicam, capitis periculum ac dimicationem vestrâ causâ sustineam, itémque eorum, qui sunt Laodiceæ, aliorumque omnium, etiam illorum, qui me de facie non noverunt. 2. Ut eorum animi partem aliquam consolationis accipiant, ipsique adeo, tanquam ejusdem corporis membra mutuâ charitate conjuncti perfectam & plenissimam assequantur notitiam atque intelligentiam divinorum

norum mysteriorum, maximè circa ineffabile arcanum Sacrosanctæ Triados, & Incarnationis, ac passionis Filii Dei, 3. quem humanæ libertatis assertorem ac vindicem meritò vobis in Magistrum fallere fallique nescium propono, in quo solo, & non angelis reconditi sunt omnes sapientiæ veræque scientiæ thesauri, imò & divinitatis. 4. Hoc autem perinde à me dictum & à vobis accipi volo, ut omnem in eo fiduciam colloceatis, neque extra eum ad humanas scientias incertas vanas ac fallaces aspiretis, sed potiùs diligenter caveatis, ne quis verborum lenociniis & fuato dicendi genere artificiosâ denique & ad fallendum idoneè comparatâ oratione vobis imponat, & à rectâ vos sententiâ ad impietatem traducat. 5. Atque hæc pro meâ de vobis sollicitudine. Tametsi enim locorum spatiis longè absum à vobis, spiritu tamen ac mente vos semper aspicio, nec larum quidem unguem à latere vestro discedo, magnóque, mihi credite, gaudio ac voluptate afficior, dum vestrum in rebus omnibus rectum ordinem tanquam

3. *In quo sunt omnes thesauri sapientiæ & scientiæ absconditi.*

4. *Hoc autem dico, ut nemo vos decipiat in sublimitate sermonum.*

5. *Nam es corpore absens sum, sed spiritu vobiscum sum: gaudens, & videns ordinem vestrum, & firmamentum ejus, quæ in Christo est, fidei vestræ.*

gene-

6. Sicut ergò accepistis *JEsum Christum Dominum, in ipso ambulate,*

7. Radicati, & superadificati in ipso, & confirmati fide, sicut & didicistis, abundantes in illo in gratiarum actione.

8. Videte, ne quis vos decipiat per philosophiam, & inanem fallaciam, secundum traditionem hominum, secundum elementa mundi, & non secundum Christum:

generosorum militum in antiqua statione persistentium, vestraque in Christum fidei constantiam ac soliditatem intueor. 6. Quemadmodum ergò Christo liberatori nomina dedistis, ut Capiti ac Mediatori vestro, ita ei adhærete fideliter. Nemo vobis pro illo Angelos mediatores obtrudat, ipse enim via recta est, quæ ducit ad Patrem. In ipso igitur ut in viâ ambulate: ipse sit fundamentum totius conversationis vestrae.

7. Fixas porro in illo radices habetote, illique veluti fundamento superædificati ac in perceptâ fide confirmati eam retinete constanter, majorésque indies in illâ progressus facere contendite, eoque nomine Deo immortali perennes gratias potius agite, quam ut patiamini vos ab illâ ullo sermonis artificiô avelli ac dimoveri.

8. Videte, quæso, ne quis vos philosophicis argutiis à Christi grege avellat, & instar prædæ captos in sua castra abducatur, vel fidei vestrae integritatem corrumpat vanissimorum hominum inventionem ac traditione, aut mixturâ rituum Judaicorum, qui rudimenta quodammodo

modo ac prima crassiora principia fuerunt notitiæ perobscuræ Dei necessaria quidem pro statu legis, nunc autem perniciosâ ac mortifera pro præsentî statu Evangelii jam passim diffusi, quandoquidem homines à verâ Christi religione abducunt, qui nobis modò ut ipsâ prima veritas unicè audiendus & sequendus est. 9. Nam in eo, nisi fallere, aut falli volumus, fateri necesse totam & plenam divinitatem cum omnibus suis attributis aut perfectionibus non adumbratè aut fictâ quadam rerum imagine ac similitudine, sicut olim in templo Salomonis, sed verè ac reipsâ tanquam in proprio corporeo domicilio residere non ex parte tantum, sed perfectè & absolutè, non per solam operationem, aut rerum admirandarum efficientiam, sed per veram realem substantialem ac permanentem unionem cum carne humanâ in personâ Verbi. 10. Ex quâ plenitudine copiosæ in vos gratiæ defluunt tanquam ex fonte inexhausto fluenta præsertim scientiæ Sanctorum. Huic uni, si quidquam sapitis, adhærete tanquam Capiti & Principi non tantum

9. *Quis in ipso inhabitat omnis plenitudo divinitatis corporaliter.*

10. *Et estis in illo repleti, qui est caput omnis principatus & potestatis :*

(Cc)

11. *In quo & circumcisi estis circumcissione non manu factâ, in exspoliatione corporis carnis, sed in circumcissione Christi:*

12. *Consepulti ei in baptismo, in quo & resurrexistis per fidem operationis Dei, qui suscitavit illum à mortuis.*

tum vestro, sed etiam omnium Ordinum Angelicorum, quantâcunque sint potestate præditi. 11. Per illum etiam circumcisi estis non carnali illâ, & externâ Judæorum circumcissione, quâ vilis tantum particula ac pellicula carnis resecatur, quæ signum est peccati, cum quo nascimur, & instrumentum operum carnalium quæ ex eo sequantur, sed internâ ac spirituali, quæ fit absque manuum operâ vel molitione, quâque ipsa peccata ab animâ rescinduntur, imò totum corpus quodammodo peccatorum, id est, totus vetus homo deponitur atque exuitur, 12. quando Christo fuistis commortui, & consepulti in baptismo, quatenus immersio, quæ in eo fit, ita Christi sepulturam repræsentat, ut simul efficiat in nobis id, quod sepultura Christi significabat, nimirum veteris hominis nostri mortem ac sepulturam, per quem etiam resurrexistis in novam vitam, novos mores, novum spiritum mediante atque id efficiente fide, ut sicut ille resurrexit à mortuis ad novam vitam corporis, ita & vos resuscitati à morte peccati, & novi ho-  
mines



mines facti deinceps in novitate vitæ ambuletis. Non possum non semel iterumque dicta repetere, ut ea firmitus animis vestris assiduâ consideratione imprimatis. 13. Flagitiorum omnium à communi omnibus carnis concupiscentiâ provenientium tabe jacebatis extincti, sed benignissimus Deus unâ vos cum Christo redivivos ad Superos revocavit, vestraque vobis scelera liberaliter condonavit, & 14. postquam funestum chirographum, & obligationem ad mortem & poenam æternam juxta decretum Dei & sententiam damnationis in peccatores latam, cui omnes subscripsimus primùm manu Adami nomine omnium delinquentis, deinde manu etiam propriâ, cùm actualiter Deum offendimus, postquam, illud, inquam, chirographum dæmoni ereptum, suoque sanguine deletis characteribus abolicum, subin penitus discerptum de medio sustulit, crucique velut unco in signum relatæ victoriæ affixit, 15. dæmones postmodum quantumcunque potentissimos exarmavit, & spoliavit suâ potestate ac dominio in homines sibi hoc pecca-

13. *Et vos cùm mortui essetis in delictis, & præputio carnis vestre, convivificavit cum illo, donans vobis omnia delicta.*

14. *Delens quod adversus nos erat chirographum decreti, quod erat contrarium nobis, & ipsum tulit de medio affigens illud cruci :*

15. *Et exspolians principatus ac potestates traduxit confidenter, palam triumphans illos in semetipso.*

(Cc 2)

16. *Nemo ergo vos  
judicet in cibo, aut in po-  
tu, aut in parte diei festi,  
aut neomenia, aut Sab-  
batorum :*

17. *Qua sunt umbra  
futurorum: corpus au-  
tem Christi.*

18. *Nemo vos sedu-  
cat, volens in humilitate,*

peccati chirographo obnoxios, de-  
inde etiam prædâ tot millionum  
animarum, quas in limbo tanquam  
carcere conclusas tenebant, eosque  
elato crucis trophæo triumphantis  
in morem tanquam captivos igno-  
minia causâ circumvehens palam  
Deo & Angelis ostentavit, omni-  
busque spectandos exhibuit glorio-  
sissimus sanè ex tantâ victoriâ suis  
viribus ac sanguine partâ. 16.  
Quæ cum ita sint, videtis, quis  
quantusque sit potentiâ ac Maje-  
state Dominus, qui vos in suum  
servitium adlegit, quanto vos amo-  
re complexus sit, quid vestrâ cau-  
sâ egerit. Nemo ergo vos audeat  
ut reos damnare, quod ei simpli-  
ci sincerâque mente deserviat abs-  
que superstizioso examine aut dif-  
crimine cibi, vel potus, festorum  
sabbathorum, noviluniorum, quasi  
quidquam horum per se impurum  
sit, aut suapte naturâ conscien-  
tiam inquinet, 17. quæ, si verum  
dicendum sit, umbram duntaxat  
continent rerum futurarum, cum  
solidum corpus, quod umbræ illi  
respondet, ad unum Christum  
pertineat, cesset autem umbra  
præiente jam veritate. 18. At-  
tendi-

rendite etiam atque etiam, ne no- & religione Angelorum,  
 tiores isti, qui proposito vobis qua non vidit ambulans,  
 & per affectatam animi modestiam frustra inflatus sensu  
 ultrò in se suscepto Angelorum carnis sua,  
 supra meritum cultu sese temerè  
 ingerunt in ea, quæ neque videre  
 unquam, vel aliâ ratione percepe-  
 runt, dum de cœlestibus incolis &  
 Angelorum œkonomiâ tam auda-  
 cter pronuntiant, ac si cœlos om-  
 nes pedibûs perambulassent, inani  
 fastu turgidi ex scientiâ suâ non è  
 cœlo haustâ, sed ex proprio ce-  
 rebro confictâ, ne hi, inquam, pal-  
 mam ac coronam vobis in conspe-  
 ctu Dei rectè hætenus ambulanti-  
 bus fallaci suâ philosophiâ interver-  
 tant. 19. Non possunt illi since-  
 râ solidâque virtute esse præditi,  
 cum uniti non sint legitimo Capi-  
 ti, quod est Christus, qui admi-  
 randâ conjunctione cum corpore  
 suo mystico in omnia ejus mem-  
 bra spiritum gratiæ per juncturas  
 mutuz unionis ac charitatis virés-  
 que necessarias diffundit, ut quili-  
 bet ad perfectionem pertingat sta-  
 tui suo congruam, quemadmodum  
 in corpore humano usuvenit, in  
 quo spiritus vitalis, qui ad vitam,  
 sensum, & motum pernecessarius  
 est,

19. Et non tenens  
 caput, ex quo totum cor-  
 pus per nexus & con-  
 junctiones subministra-  
 tum, & constructum  
 crescit in augmentum  
 Dei.

20. *Si ergo mortui estis cum Christo ab elementis hujus mundi: quid adhuc tanquam viventes in mundo decernitis?*

21. *Ne tetigeritis, neque gustaveritis, neque contrectaveritis:*

22. *Quæ sunt omnia in interitum ipso usu, secundum præcepta & doctrinas hominum:*

23. *Quæ sunt rationem quidem habentia sapientia in superstitione, & humilitate, & non ad paraendum corpori, non in honore aliquo ad saturitatem carnis.*

est, à capite in membra per nervos, venas, arterias, & articulos dividitur, itaque singulis facultatem sentiendi & movendi impertit.

20. Quocirca si unà cum Christo, nempe ejus exemplum secuti mundo nuntium remisistis, ab eoque penitus recessistis, ut perinde ac vitâ functi nullum ejus gustum sensumque retineatis, quid rursus eadem elementa, hoc est, Judæorum superstitiones ac delirantium philosophorum somnia sectamini? 21. Scilicet audiendi sunt illi, qui nescio quâ vanâ superstitione delusi tertio quoque verbô inculcant: cave, ne attingas, vide ne gustes, apage ne leviter attrectes.

22. Quæ sanè omnia pura sunt inventa hominum, dogmata heteroclitæ, cautelæ supersticiosæ, quæ ipso usu pereunt, & sempiternum illis exitium accersunt, qui ea recipiunt ac custodiunt tanquam adhuc necessaria ad salutem.

23. Nam si justa lance pendantur novitia hæc utût magnifica Judaizantium aut Simonianorum dogmata & instituta, speciem quamdam nonnullam habent sapientiæ, rem ipsam ac medullam minimè. Affectata

can-

tantum & simulata quædam sese  
prodit animi submissio, & probitas  
quædam ad externam speciem  
composita atque cum singulari vitæ  
austeritate conjuncta, quæ corpori  
minimè parcunt, sed illud immoderate  
ac superstitiosè divexant,  
cum illi tamen ut laborum &  
ærumnarum socio secundum discretionis  
exigentiam lenimen potius  
exhibere conveniret ea suppeditando,  
quæ ad justam ejus refectionem,  
viriumque conservationem faciunt,  
ut juncta operâ spiritum  
adjuvet in functionibus suis  
absque impedimento ritè peragendis.

## PARAPHRASIS

### CAP. III.

<p>1. <b>D</b>iscreta hæc sollicitudo reprehendi jure merito nequit, quemadmodum vicissim, si nimia sit, probari non potest, si eò videlicet dementiæ pertingat, ut etiam ad superflua vitæ com-</p>	<p>1. <i>Igitur, si consurrexisti cum Christo, quæ sursum sunt, quarite, ubi Christus est in dextrâ Dei sedens:</i></p>
--	---

moda

2. *Qua sursum sunt  
sapite, non qua super ter-  
ram.*

3. *Mortui enim estis,  
& vita vestra est abscon-  
dita cum Christo in Deo.*

4. *Cum Christus ap-  
paruerit vita vestra, tunc  
& vos apparebitis cum  
ipso in gloriâ.*

moda vel incoñcessas delicias sese extendat. Quandoquidem enim veluti membra cum Capite vestro modò consurrexistis in alteram vitam translati, oportet sanè, ut superna spectetis, & contemptis terræ quisquiliis ad cœlestem patriam studia, cogitationes, ac vota vestra erigatis, ubi Christus Dominus ad æterni Patris dexteram sedem suam collocavit. 2. Super-na, inquam, curare vos atque appetere æquum est, ea verò insuper habere, quæ infra cœlum posita humi repunt. 3. Equidem præcepta hæc naturæ vitæque liberiori arrident minimè, meminisse tamen convenit, vos non tantùm mortuos esse cum Christo, sed & cum illo vivere, vitâ aliâ & meliori, spiritali scilicet & cœlesti, ad quam à morte resurrexistis, licet hæc vita vestra abscondita sit ab oculis & sensu huius mundi cum Christo in sinu Dei. Quando tot laboribus pressi, tot calumniis lacerasti, instar hominum facinorosissimorum habiti, doloribus & opprobriis supra modum onerati estis, aridis exterius arboribus hyberno tempore æquiparari potestis,

stis, quæ in radice sua vivunt, tametsi si ramos, si truncum, si folia spectes, omnia videantur succo vitæque privata, quemadmodum autem sub veris principium revirescunt, & vigorem atque decorem amissum recuperant, ita cum Christus, quem nostram quâdam ratione vitam appellare possumus, in quo vivitis, & qui in vobis vivit, ad judicium supremum venerit, tunc verò etiam vos immortalitatis gloriæ ac splendore circumfusi cunctis mortalibus vos spectandos præbebitis. Tunc gratiarum ac meritum vestrorum thesauri hætenus absconditi patebunt omnibus, vósque florebitis in omnem æternitatem. Promissâ hæc sunt quidem illustria, si tamen eorum fructum percipere cupitis. 5. Quandoquidem pericula quotidie imminet, ne vetus ac terrenus homo reviviscat, ejus membra, insurgentes videlicet & repullulantes concupiscentiæ motus ac desideria statim comprimate, & velut parvulos Babylonis ipso in limine elidite ac necate: fornicationem intelligo, impudicitiam, mollicitem, pravam cupiditatem, inexplebilem exsaturan-

5. *Mortificate ergo membra vestra, quæ sunt super terram; fornicationem, immunditiam, libidinem, concupiscentiam malam, & avaritiam, quæ est simulacrorum servitus.*

(Dd)

6. *Propter quæ venit ira Dei super filios incredulitatis :*

7. *In quibus & vos ambulastis aliquando, cum viveretis in illis.*

8. *Nunc autem deponite & vos omnia iram, indignationem, malitiam, blasphemiam, turpem sermonem de ore vestro.*

9. *Nolite mentiri invicem, exspoliantes vos veterem hominem cum actibus suis,*

10. *Et induentes novum, cum, qui renovatur in agnitionem secundum*

randæ libidinis appetitum, aut augendæ rei familiaris studium, quod reverà nihil est aliud, quàm nefarium & probrosum quoddam idolatriæ genus.

6. Quæ sanè omnia iræ divinæ fulmen in impios ac nefarios homines tanquam perfidos & contumaces jure optimo provocant, vósque peracerbo animi dolore afficere debent, si quando memineritis, vos iisdem fuisse inquinatos.

7. Satis autem non est, ut ab his abstineatis impostero longissimè.

8. Sanctitas statûs vestri Christiani longè majorem puritatem, & integritatem exposcit, ut nimirum etiam alia in speciem leviora caveatis, quæ licèt tantâ foeditate non sunt prædita, longè tamen absunt à Christianâ vivendi ratione, iram videlicet, excandescentiam, nequitiam, maledicentiam, verborum obscœnitatem.

9. Nemo vestrûm alteri mentiatur & imponat, sed reipsâ unusquisque vestrûm ostendat, veterem se hominem illum cum suis omnibus actionibus depravatis ex animo depoluisse, 10. & contrâ induisse novum, qui quotidie instauratur, majoresque progressus facit in earum rerum



rerum scientiâ ac cognitione, quibus *imaginem ejus, qui creavit illum.*

sanctitate ad conditoris sui imaginem mirificè conformatur. 11.

Neque verò existimare quisquam debet, ullam esse in his rebus generis aut sanguinis habendam rationem, siquidem sive Græcus quis sit, sive Judæus, sive circumcissus, sive præputiô adhuc præditus, sive Barbarus, sive qui hunc truculentiam ac immanitate superat Scythæ, sive servus denique sive liber facilem potest ad Christum habere accessum, qui æquè omnibus ex veræ fidei ac virtutis præscripto viventibus absque ullo discrimine salutem & vitam pollicetur ac tribuit sempiternam.

12. Consideratâ itaque dignitate novi statûs, ad quem elevati estis, date operam tanquam electi à Deo, sancti, divinæque benevolentiam & charitate insigniti, ut sacro veluti indumentô ornemini omni virtutum genere, miserationum visceribus, benignitate, animi demissione, mansuetudine, lenitate; denique longanimitate.

13. Tolerantes alii alios, vobisque mutuas injurias, & reciprocas querimonias condonantes, ut vos

11. *Ubi non est Gentilis & Judæus, circumcissio, & præputium, Barbarus & Scythæ, servus & liber, sed omnia, & in omnibus Christus.*

12. *Induite vos ergo sicut electi Dei, sancti & dilecti viscera misericordiae, benignitatem, humilitatem, modestiam, patientiam.*

13. *Supportantes invicem, & donantes vobismetipsis, si quis ad-*  
(Dd 2)

*versus aliquem habet querelam: sicut & Dominus donavit vobis, ita & vos.*

14. *Super omnia autem hac charitatem habete, quod est vinculum perfectionis.*

15. *Et pax Christi exultet in cordibus vestris, in qua & vocati estis in uno corpore: & grati estote.*

vos hac ratione veros Christi imitatores exhibeatis, qui suas vobis injurias tantâ facilitate remisit. 14. Præcipuè verò id agite, ut virtute charitatis præcellatis, est enim illa & virtutum omnium, & animorum inter se, atque cum Deo vinculum perfectissimum. 15. Quòd si aliquid incidat, quod charitati aliquâ ratione repugnet, nolite committere, ut impotenti aliquo animi impetu christiana pax, quæ Deo inprimis chara est, ullâ ex parte violetur, sed illa potius semper vincat, & primas ferat, ejusque retinendæ & conservandæ studiò cæteris omnibus humanis cupiditatibus dominetur. Ea est enim vocationis vestræ ratio, ut mutuo charitatis vinculô quasi unius atque ejusdem corporis membra conjunctos & colligatos esse oporteat, mirâ comitate & morum facilitate in quotidianâ vestrâ consuetudine præditos. Talem ergò se quisvis erga proximos exhibeat, qualem in se Deum expertus sit, quin etiam, si contumeliis afficiatur, pro magno beneficio Deo gratias agat, sèque omnibus amabilem & obsequiosum exhibi-

exhibeat. 16. Sana porrò atque Evangelica doctrina non à Simone, aut Judæorum Magistris excogitata, sed à Christo Domino divinitus tradita in mentibus vestris ita penitus infixæ hæreat, ut inde avelli aut obliterari diuturnitate temporis aut obivione deleri non queat, sed omni vos sapientiâ & multiplici rerum omnium cognitione expleat, ut alii alios partim docendo, partim commonefaciendo in fide ac religione confirmetis, & psalmodiâ, hymnis, & canticis spiritualibus corda vestra exilarentur, & ad gratias Deo bonorum omnium auctori ritè peragendas excitentur. Ad illum tanquam scopum ac metam omnium vestrarum actionum respicere identidem & contendere vos oportet per ejus filium viam unicam atque certissimam, qua ad illum pervenitur. 17. Quare omnia vestra consilia, verba, actiones ad unius Dei gloriam & honorem & referantur ipsâ, & perpetuam quandam gratiarum actionem contineant, quâ divina in nos beneficia per Christum Dominum collata ejusdem Christi gratâ commemora

16. *Verbum Christi habitet in vobis abundanter, in omni sapientiâ, docentes, & commoneantes vosmetipsos psalmis, hymnis, & canticis spiritualibus, in gratiâ cantantes in cordibus vestris Deo.*

17. *Omne quodcumque facitis in verbo, aut in opere, omnia in nomine Domini Jesu Christi, gratias agentes Deo, & Patri per ipsum.*

(Dd 3)

18. *Mulieres subdita estote viris, sicut oportet, in Domino.*

19. *Viri diligite uxores vestras, & nolite amarissime ad illas.*

20. *Filii obedite parentibus per omnia: hoc enim placitum est in Domino.*

21. *Patres, nolite ad indignationem provocare*

moratione celebremus. 18. Hactenus, quæ Deum concernunt, in genere perstrinxi, nunc singillatim, quæ ad mutua obsequia in quovis hominum statu ac conditione pertinent, breviter commemorabo. Hoc primum matribus-familias præcipio, ut suis quæque viris dicto audientes sint, eamque observantiam ac venerationem exhibeant, quæ decet Christianas mulieres, quàmque divina lex requirit. 19. Contra viris divinâ auctoritate promuneris mei ratione impero, ut uxores Christianâ benevolentia profèquantur, non imperiosè illis præfint, sed cum dulcedine charitatis, quâ temperetur ac levius illis reddatur onus potestatis virilis, non amarulentos, morosos, difficiles adversus eas, sed commodos ac faciles se eis præbeant. 20. Filiis illud inprimis cordi esse debet, ut legitimis parentum præceptis, quæ videlicet ad disciplinam morum, curamque domesticam spectant, omni quâ possunt diligentia obtemperent, sibi que persuaideant hoc quidem obsequiò nihil se posse Deo rerum omnium parenti gratius præstare. 21. Vos verò

verò patetfamilias etiam atque *re filios vestros, ut non*  
etiam cavete, ne dum erga libe- *pupillo animò fiant.*  
ros vos asperos, difficiles, & im-

placabiles exhibetis, illi despon-  
deant animos, & paulatim ab of-  
ficio vel etiam fide Christi susceptâ  
resiliant omni jugo tam Dei, quam  
hominum præ desperatione excuf-

so. 22. Jam verò servi dominis,  
qui vobis humano jure atque au-  
ctoritate imperant, omnibus in re-  
bus auscultate, cavete verò, ne  
vestra obsequia hominibus dunta-  
xat probare studeatis, eorûmque  
præsentia solùm atque oculis ser-  
viatis, sed animi potiùs singulari  
candore cum divino timore con-

juncto omnes vestri muneris par-  
tes expleatis. 23. Quocirca quid-  
quid feceritis, verè atque ex ani-  
mo agite, certoque vobis persuade-  
te, non vos hominibus sæpe ingra-  
tis aut incuriis, sed Deo potiùs bo-  
norum omnium auctori ac remu-  
neratori ita volenti ac disponenti  
servitutem servire. 24. Et quo-

nam vobis certum atque explo-  
ratum esse debet, sempiternam  
illam Beatorum sedem vestris labori-  
bus atque conatibus utcunque mo-

dicis

22. *Servi obedite*  
*per omnia dominis car-*  
*nalibus, non ad oculum*  
*servientes, quasi homi-*  
*nibus placentes, sed in*  
*simplicitate cordis ti-*  
*mentes Deum.*

23. *Quodcunque fa-*  
*citis, ex animo opera-*  
*mini sicut Domino, &*  
*non hominibus;*

24. *Scientes, quòd à*  
*Domino accipietis retri-*  
*butionem hereditatis.*  
*Domino Christo servi-*  
*te.*

25. *Qui enim injuriam facit, recipiet id, quod iniquè gessit: & non est personarum acceptio apud Deum,*

dicis tanquam palmam ac præmii-  
um esse propositum, æquum pro-  
fectò est, ut unum Christum Do-  
minum in personâ eorum, cui fa-  
mulamini, agnoscatis, eique vos  
vestrâque omnia promptò & alacri  
animo subjiciatis. 25. Quemad-  
modum autem, fidelis est & li-  
beralis remunerator tum patien-  
tiæ, tum obedientiæ heris vestris  
præstitæ, ita etiam severus erit  
vindex injuriarum, si quæ vobis il-  
latæ fuerint; ea enim est divinæ  
justitiæ conditio, ut absque ullo  
personarum respectu æquâ lance  
cunctas mortalium actiones expen-  
dat, atque pro ratione & qualitate  
meriti vel demeriti compense.

PARA-

# PARAPHRASIS

## CAP. IV.

1. **Q**uod reliquum est, vos domini, diligenter curate, ut servis vestris non modò de victu, vestitu, aliisque necessariis jure debitis ritè prospectum sit, verùm etiam ut æquos vos ac humanos eis exhibeatis servatâ etiam æquabilitate, ne quod servitutem reddidit pene intolerabilem, alium in deliciis habeatis, alium iniquis conditionibùs prematis, sed pares pari affectu ac benevolentia prosequamini. Si fortè vobis videmini longè elevati supra abjectam servorum conditionem, si dominationis prærogativa vobis superbiæ spiritum atque fastum afflat, scitote, in supremo illo cœlitum regno dominari alium, qui & potestate vos longè superemineat, viribùsque certò prævaleat ad frangendam vel plectendam pro meritis vestram ferociam atque arrogantiam. Atque ut hæc sit postrema Epistola

1. *Domini, quod justum est & æquum, servis præstate: scientes, quòd & vos Dominum habetis in cælo.*

2. *Orationi instate, vigilantes in eâ in gratiarum actione.*

(Ec)

3. *Orantes simul & pro nobis, ut Deus aperiat nobis ostium sermonis ad loquendum mysterium Christi (propter quod etiam vincit sum)*

4. *Ut manifestem illud, ita, ut oportet me loqui.*

5. *In sapientiâ ambulate ad eos, qui foris sunt, tempus redimentes.*

læ meæ clausula, vos omnes etiam atque etiam obtestor, ut precandi studium atque assiduitatem toties vobis commendatam nequiquam intermittatis, quin potius ei quàm maximè invigiletis, adhibita etiam, quæ mirificè Deo placet, gratiarum actione. 3. Memores etiam nostri labores nostros & conatus Deo diligenter commendate, ut ostium nobis patefaciat, non illud ergastuli mei, quo egrediar, sed Evangelii longè latèque propagandi, & annuntiandi mysteria fidei Christianæ 4. debitâ cum libertate, fiduciâ & efficacîâ ad persuadendum etiam in ipso carcere, quo Domini mei causâ detineor, vel certè extra illum per alios in omnem terrarum partem emissos. 5. Prudenter autem & circumspicite vos gerite erga extraneos, nempe gentiles, ne aut ex eorum moribus vitium contrahatis, aut eos factò aliquo scandalizetis, atque ab Evangelio avertatis, quin vitæ vestræ integritas exemplò sit illis, & prædicationis locò. Nolite ullam temporis, quo nihil in rebus humanis pretiosius est, iacturam



cturam paci multum cum illis  
perperam disceptando, vel otiose  
confabulando, sed minimas illius  
particulas salutis vestrae studiosè im-  
pendite. 6. Habeant verò sermones  
vestri semper aliquid utilitatis  
& commodi, nec non comitatem  
ac modestiam cum prudentiâ ac  
discretionem conjunctam, ut rebus  
ac personis accommodata sit respon-  
sio danda. 7. Rerum porrò mea-  
rum statum ac conditionem om-  
nem copiosè cognoscetis ex Tychi-  
co charissimo fratre nostro, fidelique  
Ministro, qui unâ mecum Domino  
nostro, servit. 8. Quem hac de  
causâ ad vos misi, tum ut istius  
Ecclesiæ statum mihi renunciaret,  
tum, ut vobis nonnihil solatii & ju-  
cunditatis afferret. 9. Eique co-  
mitem addidi Onesimum istinc ori-  
undum charissimum & fidelem  
fratrem, qui vos de omnibus, quæ  
apud nos aguntur, reddet certiores.  
10. Aristarchus, qui unâ mecum  
detinetur in vinculis, & Marcus  
Barnabæ confobrinus plurimam vo-  
bis salutem dicunt: de hoc verò  
posteriore accepistis, opinor, litte-  
ras meas commendatitias, quare si  
eum contingat ad vos venire, eum  
quæ-

6. *Sermo vester sem-  
per in gratiâ sale sit  
conditus, ut sciatis,  
quomodo oporteat vos  
unicuique respondere.*

7. *Quæ circa me sunt,  
omnia vobis nota faciet  
Tychicus charissimus  
frater, & fidelis mini-  
ster, & conservus in  
Domino.*

8. *Quem misi ad vos  
ad hoc ipsum, ut cognos-  
cat, quæ circa vos sunt,  
& consoletur corda ve-  
stra,*

9. *Cum Onesimo cha-  
rissimo & fidele fratre,  
qui ex vobis est. Omnia  
quæ hic aguntur, nota  
facient vobis.*

10. *Salutat vos Ari-  
starchus conceptivus  
meus, & Marcus conso-  
brinus Barnabæ, de quo  
accepistis mandata: si ve-  
(Ec 2)*

nerit ad vos, excipite il- quæso, quâ decet, humanitate ac  
lum; benevolentia excipite. 11. Salutat

11. Et Jesus, qui item vos Jesus, qui dicitur Justus, dicitur justus: qui sunt qui quidem tres soli ex Judæis in ex circumcissione: hi so- hoc prædicandi munere mihi ad- li sunt adjutores mei- jutores fuerunt, & præsentia suâ in regno Dei, qui mihi ac nomine vestro non mediocre au- fuerunt solatio. xilium atque subsidium mihi in his

12. Salutat vos Epaphras, qui ex vobis est servus Christi Jesu, qui isthinc ortum ducit, egregius semper sollicitus pro tanè Christi Jesu servus, sollicitus- vobis in orationibus, ut que pro vobis apud Deum depre- fletis perfecti, & pleni cator, ut perfectè, omnique ex par- in omni voluntate Dei. te divinæ vos voluntati subjiciatis,

13. Testimonium atque in eâ subjectione plenissimâ enim illi perhibeo, perseveretis. 13. Possum verò hoc quòd habet multum la- vobis affirmare, strenuè pro vobis borem pro vobis, & pro illum, proque iis, qui Laodiciæ, iis, qui sunt Laodicia, quique Hierapoli degunt, semper la- & qui Hierapoli. borâsse. 14. Salutat vos Lu-

14. Salutat vos Lucas medicus charissimus, cas medicus charissimus, & Demas. 15. Rogo autem vos, & Demas. ut meo nomine salvere jubeatis fra-

15. Salutate fratres, tres, qui sunt Laodiciæ, & Nym- qui sunt Laodicia, & pham, ejusque totam familiarem Ec- Nympham, & qua indo- clesiam. 16. Porrò cum apud vos clesiam. hæc epistola perlecta fuerit, per mi-

16. Et cum lecta hi gratum facietis, si eam ad Lao- fuerit apud vos epistola- dicenses legendam transmiseritis, hac, facite, ut & in & eam, quæ est Laodicensium ad  
me,


me, vos quoque publicè recitari curetis, ut divino amore ac virtutum studio magis magisque indies accendami. 17. Archippum verò monitum volo, ut diligenter attendat, quale sibi ministerium à Domino traditum sit, detque operam sedulò, ut ei pro dignitate respondeat. 18. Ego denique Paulus adhibito meo chirographò salutationem hic adscribo ad calcem epistolæ per amanuensem me distante conscriptæ. Obtestor vos, ut vinculorum meorum memoriam ex animis vestris excidere ne patiamini, & constanter perseveretis in professione fidei, cujus causâ hæc vincula sustineo. Gratia Domini nostri vos tueatur ac servet incolumes.

A M E N.

*Laodicensium Ecclesiâ legatur, & eam, quæ Laodicensium est, vos legatis.*

17. *Et dicite Archippo: vide ministerium, quod accepisti in Domino, ut illud impleas.*

18. *Salutatio, meâ manu Pauli. Memores estote vinculorum meorum. Gratia vobiscum. Amen.*



(Ec 3)

AR-



# ARGUMENTUM

## EPISTOLÆ PRIMÆ

AD

# THESSALONICENSES

## D. PAULI APOSTOLI.

**P**aulus Apostolus unâ cum Silâ comite suo Philippis egressus, Amphipoli, & Apolliniâ trajectâ Thessalonicam appulerat Macedoniæ metropolim. Ubi comperit Synagogam inibi esse Judæorum, tribus continuis Sabbathis in eam se contulit, & sacras Scripturas, quæ de Christo Jesu mentionem frequentiore faciebant, illis explicuit. Nonnulli ex Judæis, longè plures autem ex Gentilibus doctrinæ Evangelicæ, Christoque dedere manus, reliqui verò Judæi tantis tamque inopinatis progressibus mirum quantum exacerbati seditiosam plebem in eum concitârunt, unde urbe excedere compulsus, & Athenas

Athenas digressus inde Timotheum Thessalonicam misit, ut opus à se coëptum perficeret, fideliumque animos erigeret, ac in fide semel susceptâ stabiliret. Exploratâ hic fidei discipulus eum postmodum Corinthi convenerat, ubi illum longiori tempore commorari sciebat, eique à se gesta, & statum Ecclesiæ illius diligenter exposuerat, id quod Apostolum mirè pro eâ sollicitum impulit ad exarandam hanc epistolam, quæ ordine scriptionis inter omnes prima habetur, eoque universim dirigitur, ut illos confirmet in professione & constantiâ veræ fidei, & circa mysterium resurrectionis copiosius instruat, quò tum præsentibus, tum imminentes à Judæis & Gentilibus insectationes Christianâ fortitudine, invictoque animò facilius perferant.

Cap. 1. eos mirificè commendat, quòd tantos in verâ sanctâque religione progressus fecerint, famam inde longè, latèque propagaram, eosque aliis Ecclesiis in exemplum esse constantiæ propositos.

Cap. 2. In memoriam eis revocat & ostendit sinceritatem, sanctitatem, & zelum prædicationis suæ 8. argumentis. 1. Ex illius fructu. 2. Ex persecutionum tolerantia. 3. Ex doctrinâ sanâ & purâ, quam docuit. 4. Ex sanctâ intentione ab omni emolumento proprio alienâ, quâ non quærens favores & opes, nec gloriam hominum, sed unius Dei prædicavit. 5. Ex eo, quòd eos tam tenerè educârit in fide, quàm tenerè mater amat & educat filios suos, quòdque pro eis vitam suam tradere voluerit. 6. Quòd ne illis oneri esset, sibi victum parârit, nocte & die laborando, quamvis ut Apostolus Jesu Christi necessariam vitæ sustentationem jure exigere potuisset. 7. Quòd sanctè & absque offensione inter eos vixerit. 8. Ex testimonio ipsorum Thessalonicensium, qui Evangelium Pauli acceperant

ceperant ut verbum non hominum, sed Dei, ideoque dira ab impiis & invidis Judæis passi fuerant. Denique ut eos ad se, & fidem Christi magis alliciat, declarat subinde maternæ in eos pietatis viscera, ideoque illos vocat suam spem, gaudium, coronam, & gloriam. Itaque Apostolus hoc capite in seipso veram prædicatoris & pastoris Ecclesiæ ideam exhibet, quam sibi assidue alii quoque pastores ob oculos ponant per omnia imitandam.

Cap. 3. Iugens desiderium eos revisendi explicat, quantoque ex reditu Timothei perchari sui discipuli gaudio fuerit exultaturus, cognita eorum constantia in fide.

Cap. 4. Pudicitiam & continentiam mirum in modum extollit, hortatur verò Thessalonicenses ad beneficentiam, liberalitatem, & manuum opificium, tum verò addit, non esse amicorum, aut propinquorum obitum immoderate lugendum, quasi qui omnino perirent, cum dormire potius videantur, & brevi suscitandi sint, atque hinc accepta occasione de morte ac resurrectione luculenter disserit.

Cap. 5. Inane quorundam studium reprehendit, qui de tempore futuri iudicii, quod in unius Dei scientia certo comprehenditur, multa temerè ac falso comminiscabantur, revocantque Thessalonicensibus in mentem, quam ratione ab inscitæ tenebris ad lucem veritatis ducti sint, & vitam morisque huic vocationi congruentes exigit, vigilandum idcirco admonens, sanctisque operibus, mutue inprimis charitati assidue incumbendum, ne iudicii dies incognitus imparatos opprimat. Demum omnimodam sanctitatem eis apprecatus, atque epistolam salutacione concludit.

PA-



# PARAPHRASIS IN EPISTOLAMI.D.PAULI APOSTOLI

AD

THESSALONICENSES

CAPUT I.

- |  |   |
|--|---|
| <p>1. <b>P</b>aulus &amp; Silvanus (Hebræis Silas) &amp; Timotheus Ecclesiæ Thessalonicensium, quæ ex ineffabili Dei Patris, &amp; Domini nostri JESU Christi miseratione collecta est, copiosam gratiarum abundantiam, pacemque animi inde consequentem precantur. 2. &amp; 3. Adversa plurima, quæ tam fortiter pertulistis,</p> | <p>1. <i>Paulus, &amp; Silvanus, &amp; Timotheus, Ecclesiæ Thessalonicensium in Deo Patre &amp; Domino nostro JESU Christo.</i></p> <p>2. <i>Gratia vobis &amp; pax. Gratias agimus Deo semper pro omnibus vobis, memoriam vestri facientes in orationibus</i></p> <p style="text-align: right;">(Ff)</p> |
|--|---|

ex

*nostris sine intermissione,*

3. *Memores operis fidei vestrae & laboris, & fiduciae in Christo Domino nostro probè locatae, eximia virtutum operum fidei vestrae associata mente nostrâ nunquam excidunt. Satis nobis non est ad ea quandoque reflectere pro nostro solatio. Nunquam præsentem nobis Deum immortalem, ac parentem nostrum optimum cogitatione repræsentamus, quin ei deniissimas grates agamus pro iis, quæ in vos divinitus collata sunt, precibusque instemus assiduïs, ut suos in vos favores continuare ac multiplicare dignetur,*

4. *Scientes, fratres dilecti à Deo, electionem vestram:*

5. *Quia Evangelium nostrum non fuit ad vos in sermone tantum, sed & in virtute, & in Spiritu sancto, & in plenitudine multâ, sicut scitis, quales fuerimus in vobis propter vos.*

6. *Et vos imitatores nostri facti estis, & Do-*

experimenta sinceræ fervidaque charitatis palam data, omnibusque perspecta, constantia infractæ vestrae fiduciae in Christo Domino nostro probè locatae, eximia virtutum operum fidei vestrae associata mente nostrâ nunquam excidunt. Satis nobis non est ad ea quandoque reflectere pro nostro solatio. Nunquam præsentem nobis Deum immortalem, ac parentem nostrum optimum cogitatione repræsentamus, quin ei deniissimas grates agamus pro iis, quæ in vos divinitus collata sunt, precibusque instemus assiduïs, ut suos in vos favores continuare ac multiplicare dignetur, 4. quippe qui probè sciamus, fratres dilecti, vos esse à Deo eximio planè ac singulari beneficiò electos. 5. Quoniam Evangelium nostrum constituit apud vos non inani duntaxat verborum sonitu, sed etiam vi atque mirificâ agendi facultate idque accedente divinitus Spiritus sancti energiâ atque efficacitate cum plenâ certâque persuasione veritatis, quæ vestris animis penitus inhaeret, cum probè noveritis ipsi, quales nos exhibuerimus vestrâ causâ, cum apud vos ageremus, 6. adeo ut exemplò nostro



nostro permoti imitatores nostri  
vel potius Domini JESU Christi fa-  
cti sitis quippe Evangelicam doctrina-  
nam non tantum avidis excepistis  
auribus, sed quod caput est, multa,  
quæ ejus causâ tolerare necesse fuit,  
ingenti cum gaudio, quod à Spiri-  
tu Sancto promanat, fortiter  
subiistis, 7. adeo, ut eodem pro-  
pe tempore & discipuli fueritis &  
Magistri, & in Achaiâ ac Macedo-  
niâ veluti exemplaria patientiæ ac  
virtutis omnibus credentibus ad imi-  
tandum proposita. 8. A vobis enim  
non modò Evangelicæ doctrinæ  
fama in memoratas provincias pe-  
netravit, verum etiam vestra ad  
Deum fides, constantia ac zelus ad  
omnes quamvis remotas gentes ac  
nationes permeavit, ut nobis ne-  
cesse non sit de vobis verba facere  
9. siquidem ipsi potius, qui de vir-  
tutibus vestris notitiam unde unde  
accepere, nostros apud vos labores  
prædicant, palamque arguunt, qua-  
lis apud vos nostra consuetudo, &  
agendi ratio fuerit, quam fructuo-  
sam, quam utilem operam posueri-  
mus, quâ denique ratione abjectâ  
nefariâ idolorum servitute Deo no-  
mina dederitis, ut ei tanquam vivo

verô

*mini, excipientes verbum  
in tribulatione multâ,  
cum gaudio Spiritus  
Sancti:*

*7. Ita ut facti sitis  
forma omnibus credenti-  
bus in Macedoniâ, & in  
Achaiâ.*

*8. A vobis enim diffu-  
sus est sermo Domini,  
non solum in Macedoniâ  
& in Achaiâ, sed & in  
omni loco fides vestra,  
quæ est ad Deum, pro-  
fecta est, ita ut non sit  
nobis necesse quidquam  
loqui.*

*9. Ipsi enim de nobis  
annuntiant, qualem in-  
troitum habuerimus ad  
vos: & quomodo conversi  
estis ad Deum à simula-  
chris, servire Deo vivo  
& vero.*

(Ff 2)

10. *Et exspectare* veròque Deo religiosum cultum, ac  
*filium ejus de cælis* venerationem exhiberetis. 10. Et  
*(quem suscitavit ex mor-* ut filium ejus JESUM, quem à mor-  
*tuis) JESUM, qui eripuit* te suscitavit, spe certâ interim ex-  
*nos ab irâ venturâ.* spectaretis de cælo venturum denuo,  
 scilicet fidei vestræ remuneratorem,  
 qui nos à morte promeritâ aliisque  
 pœnis cervici nostræ imminuentibus  
 clementiâ suâ infinitâ eripuit, & in  
 supremo judicio ab omni miseriâ,  
 persecutione, afflictione plenè libe-  
 ratos coronâ æternæ gloriæ dona-  
 bit in cœlis.

## PARAPHRASIS

### CAP. II.

1. *Nam ipsi scitis,* 1. **S**ed quid opus est fusiùs per-  
*fratres, introitum no-* scribere, quod alii de vestrà  
*strum ad vos, quia non* obedientiâ nostrâque vobiscum con-  
*inanis fuit.* versatione commemorant? reflecti-  
 te vos ipsos, non enim alios testes  
 2. *Sed antè passis, &* desidero. Non ignoratis, fratres  
*contumeliis affecti (sicut* mihi charissimi, post superatas Phi-  
*scitis) in Phi ippis, fidu-* lippis ingentes rerum difficultates,  
*ciam habuimus in Deo* & contumelias sexcentas devoratas  
*nostro, loqui ad vos Evan-* eandem vobis doctrinam à nobis  
 magnâ

magnâ animi libertate, fiduciâ, ac *gelium Dei in multâ sol-*  
contentione annuntiatam conatu *licitudine.*

fanè non inani, fructûque non exiguus, eam enim tam promptè benevolèque complexi estis, ut gauderemus ex animo, nos tam ingens operæ laborisque impensu tulisse fructum.

3. Neque abs re tantâ cum confidentiâ ac contentione prædicavimus.

Quid enim metuendum nobis erat, cum adhortatio nostra nullâ prorsus imposturâ admixta fuerit, neque ex impurâ vel sordidâ animi affectione profecta, neque cum dolo & fallendi calliditate conjuncta.

4. Sed ut elegit nos Deus, dignosque fecit, quibus Evangelicæ prædicationis munus crederetur, ita congruenter huic electioni, nempe cum omni fide, sinceritate atque integritate prædicavimus, ut qui non hominibus placere studeamus, sed Deo immortali, cujus ministri sumus, quem fallere non possumus, quippe cui nostra, omniumque mortalium corda, & penitus abditi animi nostri recessus ab omni æternitate patent, qui cuncta etiam justâ lance perpendens æquissimo jure aut probat, aut improbat.

5. Neque

3. *Exhortatio enim nostra non de errore, neque de immunditiâ, neque in dolo.*

4. *Sed sicut probati sumus à Deo, ut credetur nobis Evangelium: ita loquimur non quasi hominibus placentes, sed Deo, qui probat corda nostra.*

(Ff 3)

5. *Neque enim ali-  
quando fuimus in sermo-  
ne adulationis, sicut sci-  
tis: neque in occasione  
avaritia: Deus testis est:*

6. *Neque quarentes  
ab hominibus gloriam,  
neque à vobis, neque ab  
aliis.*

7. *Cum possemus vo-  
bis oneri esse ut Christi  
Apostoli: sed facti sumus  
parvuli in medio ve-  
strum, tanquam si nutrix  
foveat filios suos.*

8. *Ita desiderantes vos  
cupide volebamus trade-  
re vobis non solum Evan-  
gelium Dei, sed etiam  
animas nostras: quoniam  
charissimi nobis facti  
estis.*

5. Neque enim unquam sermone  
alientatorio usi sumus, ut vos ar-  
bitror non latere, neque cupidita-  
tis aut lucri causâ quidquam præ-  
texuimus. Ita me Deus amet men-  
tium omnium inspector. 6. Ne-  
que verò popularem auram aut ina-  
nem gloriam sectantes ad aures  
vulgi vestrâ aut aliorum causâ men-  
tem aut linguam ullo unquam tem-  
pore accommodavimus, sed unam  
Dei Maximi gloriam spectavimus,  
eoque tanquam ad metam propo-  
sitam consilia omnia ac studia no-  
stra retulimus. 7. Cùm possemus  
jure nostro vi muneris apostolici  
necessaria quædam pro sustenta-  
tione nostrâ petere, nolimus ta-  
men vobis oneri esse, aut imperio-  
sè cum supercilio fastuque vobiscum  
agere, sed potius placidè, suaviter, ac  
submissè inter vos vitam degere,  
vosque more nutricis tanquam te-  
neros fœtus sinu complexuque no-  
stro blandè fovere. 8. Ita incredi-  
bilipene salutis vestræ studio inflam-  
mati in votis habebamus non mō-  
dò Evangelii lucem vobis impertiri,  
sed etiam si opus esset, aut fieri  
posset, ipsum pro vobis sanguinem  
vitamque profundere, quod suprâ,  
quàm

quam credi posset, meus in vos amor  
atque benevolentia exarsisset. 9.

Meministis enim, opinor, fratres  
laboris nostri, & defatigationis, dum  
noctes atque dies nostris ipsi mani-  
bùs semper operis aliquid facientes  
id unum curavimus, ne quem ve-  
strum gravaremus, atque ita nostro  
sumptu predicavimus apud vos E-  
vangelium Dei. 10. Vos ipsos,

Deumque inprimis rerum omnium  
conscium testem appello innocen-  
tiæ meæ, quam modestè, justè &  
inculpate vixerim inter vos, qui Chri-  
sti fidem complexi estis. 11. Nec

enim ignorare potestis, me quasi  
parentem charissimos liberos unum-  
quemque vestrum 12. hortari, con-  
solari, atque obtestari consuevisse,

ut tales vos exhiberetis, quales de-  
cet esse servos & cultores supremi  
Numinis, & sanctitate vitæ respon-  
deretis inestimabili, quâ vocati estis  
operâ nostrâ ad ejus regnum & glo-  
riam. Neque id successu caruit.

13. Cœlestis siquidem doctrinæ præ-  
cepta, quæ vobis tradidimus, exce-  
pistis non ut hominum decreta, sed  
sicut verè est, tanquam ab ipso ore  
Dei missam orationem, qui etiam  
num vires suas exerit, & ostentat in  
vobis,

9. *Memores enim  
estis, fratres, laboris no-  
stri, & fatigationis: nocte  
ac die operantes, ne quem  
vestrum gravaremus,  
predicavimus in vobis  
Evangelium Dei.*

10. *Vos testes estis, &  
Deus, quàm sanctè &  
justè, & sine querelâ vo-  
bis, qui credidistis, fui-  
mus:*

11. *Sicut scitis, qua-  
liter unumquemque ve-  
strum (sicut pater filios  
suos)*

12. *Deprecantes vos,  
& consolantes testificati  
sumus, ut ambularetis  
dignè Deò, qui vocavit  
vos in suum regnum &  
gloriam.*

13. *Ideo & nos gra-  
tias agimus Deo sine in-  
termissione: quoniam cum  
accepissetis à nobis ver-  
bum auditus Dei, acce-  
pistis illud non ut ver-*

*bum hominum, sed (sicut vobis, qui fidei præceptis aures, & est verè) verbum Dei, assensum præbuisistis. Actus, quos qui operatur in vobis, hodie dum ex virtutis præscripto exercetis, fructus sunt illius sementis, qui credidistis;*

14. *Vos enim imitatores facti estis fratres Ecclesiarum Dei, quæ sunt in Judæa in Christo JESU: quia eadem passi estis & vos à contribulibus vestris, sicut & ipsi à Judæis:*

15. *Qui & Dominum occiderunt, JESUM, & Prophetas, & nos persecuti sunt, & Deo non placent, & omnibus hominibus adversantur;*

16. *Prohibentes nos Gentibus loqui, ut salva fiant, ut impleant peccata sua semper: pervenit enim ira Dei super illos usque in finem.*

14. Quanta porro fuerit illius in vobis operantis virtus, & efficacia, haud difficile erit ex eo colligere, quòd vos fratres similes reddiderit fidelibus Ecclesiarum in Judæa, qui Christo JESU jam pridem nomina dederunt, quippe vos eadem à vestris contribulibus passi estis, quæ ipsi pertulerunt à Judæis. 15. Qui quidem & Dominum JESUM, & veteres olim Prophetas e medio sustulerunt, nòsque finibus suis ejectos exilio damnarunt, existimantes, se hac suâ ferociâ ingens præstare Deo obsequium, cui tamen exosi sunt, cum ejus Evangelio atque Ministris se se obstinatissimè opponant, & gentiles despectui habeant quasi à Deo penitus reprobatos, 16. atque idcirco nos prohibeant eis Evangelii lucem inferre, càmque doctrinam tradere, quâ salutem consequantur sempiternam. Hac verò cæcâ agendi ratione scelera cumulant novis scele-

sceleribus quasi hæreditariâ impietate, donec tandem eorum mensuram impleant, iramque Dei in se provocent, cujus effectus jam in hac vitâ perſentiſcunt ſempiternis poſtmodum in alterâ cruciatibus torquendi. Exemplum fratrum veſtrorum, quos ita divexant, & affligunt, ſit vobis pro ſolatio & patientiæ ſtimulo. 17. Nos verò, fratres, qui à vobis ad temporis momentum avulſi & tanquam chariſſimis pignoribus orbatî corporis tantum conſpectu, non animò tantisper abſumus, eò vehementius majorique deſideriò veſtrum conſpectum expetebamus, & coràm vobiscum miſcere ſermonem, quò magis de veſtro periculo metuendum videbatur: 18. Ideòque volumus venire ad vos, idque ego Paulus ſemel iterumque tentavi, ſed irritò conatu, quòd ſuis mihi ſemper inſidiis obſtiterit ſatanas per ſuos emissarios, qui vel turbas adverſus me paſſim in civitatibus concitârunt, vel alia quæcunque obſtacula ſtudioſè ac malitioſè objecerunt, ut adeo conſolationem illam vos revendiſſi obtinere non potuerim, quæ ſanè mihi fuiſſet optatiſſima; quippe

17. Nos autem, fratres, deſolati à vobis ad tempus horſ, aſpectu, non corde, abundantius feſtinavimus faciem veſtram videre cum multo deſiderio:

18. Quoniam volumus venire ad vos: ego quidem Paulus, & ſemel & iterum, ſed impedivit nos ſatanas.

(Gg)

19. *Quæ est enim nostras spes, aut gaudium aut corona gloriæ? nonne vos ante Dominum nostrum JESUM Christum estis in adventu ejus?* pe vos affectu prosequor nullis verbis explicabili. 19. 20. Nam quæ mihi, obsecro, vestro ipforum judicio reliqua est spes? quale gaudium? qualis corona gloriæ meæ, quâ regum propemodum in morem gloriamur? Ita vivam. Profectò vos ipsi, fratres mei, horum omnium instar estis.

20. *Vos enim estis gloria nostra & gaudium.* Interea spe plenus vivo, fore, ut Dominus noster JESUS Christus remuneraturus sit labores à me susceptos pro vestrâ institutione, quòdque eo præsentem cum Angelis suis in supremo judicio, cum advenerit redditurus unicuique secundum opera sua, lætitiâ complendus sim maximâ ob vestram salutem, & felicitatis vestræ reddendus particeps, quòd denique corona vestra immortalis meritura & paritura sit mihi aliam peculiarem ab æquissimo illo judice, cujus adventum & præstolamur, & vehementer expetimus.

PARA-



# PARAPHRASIS

## CAP. III.

1. **I**nterea cū præsentiā vestrā frui non liceret, desiderioque ad vos redeundi satisfacere, solus recessit nobis remanere Athenis, & per alium mihi conjunctissimum, ac velut alterum me supplere, quod Evangelii ac generis humani hostis hactenus præpedierat.
2. Misimus itaque Timotheum fratrem nostrum egregium Ministrum, adjutoremque nostrum in Evangelii Christi promulgatione. Fateor hanc separationem mihi perquam acerbam ac difficilem accidisse, vestræ tamen salutis cura prævaluit arctissimis utūt amicitiarum vinculis, malūque hoc solatio carere, ut vos meo nomine stabiliret contra versutas dæmonis insidias, seduloque hortaretur ad constantem in susceptā fide ad extremum usque spiritum perseverantiam.
3. Ut ne quis vestrum turbis istis apud vos nuper excitatis, quæque nos ubique ferme comitantur, ultra modum turbetur, terreatur, commoveatur.
1. *Propter quod non suffinentes amplius plavos re-cuit nobis remanere Athenis solis :*
2. *Et misimus Timotheum fratrem nostrum, & Ministrum Dei in Evangelio Christi ad confirmandos vos, & exhortandos pro fide vestrâ:*
3. *Ut nemo moveatur in tribulationibus istis: ipsi enim scitis, quod in hoc positi sumus.*

(Gg 2)

4. Nam & cum apud  
vos essemus, prædiceba-  
mus vobis passuros nos  
tribulationes, sicut &  
factum est, & scitis.

5. Propterea & ego  
amplius non sustinens,  
misi ad cognoscendam  
fidem vestram: ne fortè  
tentaverit vos is, qui  
tentat, & inanis fiat la-  
bor noster.

6. Nunc autem veniente  
Timotheo ad nos à vobis,  
& annuntiante nobis fidem  
& charitatem vestram,  
& quia memoriam no-  
stri habetis bonam sem-  
per, desiderantes nos vi-  
dere, sicut & nos quoque  
vos:

veatur, nostis enim ipsi, hanc esse  
Christianæ professionis rationem di-  
vinitus const tutam. 4. Etenim  
cùm essemus apud vos, id præcipuè  
vobis prædicebamus, fore ut pluri-  
mis rebus adversis vexaremur, &  
maximis premeremur angustiis, quod  
reipsâ evenissè certò vos & proprio  
documentò didicistis. 5. Quamo-  
brem ob id ipsum, quod non ampli-  
us ferrem, ut antè dixi, vestri desi-  
derium, continuò misi cum tum ob  
eam causam, quam suprà indicavi,  
tum ut cognoscerem fidem vestram,  
quam firmam ac stabilem esse cu-  
piebam, nonnihil interea metuens,  
ne quâ ratione impius ille adversa-  
rius, qui assiduè intentus est in exi-  
tium animarum, illisque laqueos ex  
omni parte struit, & mille technas  
adornat ad eas supplantandas, ve-  
stram fortè fidem labefactâret, at-  
que ita omnis labor ac industria no-  
stra in nihilum recidisset. 6. Nu-  
per autem cùm Timotheus à vobis  
ad nos rediisset, vestraque pietatis  
ac religionis constantiam atque cha-  
ritatem narrâset, atque addidisset,  
vos benevolam nostri memoriam  
retinere, cupidòsque esse nos viden-  
di, non aliter ac nos vestro quoque  
con-

conspēctū frui peroptamus, 7. maximam profecto ex eā re consolationem accepimus, fratres, mirificēque in summā rerum perturbatione & molestiarum nostiarum cumulo recreati sumus propter eā, quæ de vobis fideique vestræ firmitate atque constantiā prolixē nobis Timotheus jucundēque narrabat. Habeo quidem oculis assiduē meis obversantem mortis imaginem, cui quolibet momento sum proximus & accinctus, vitæque, quam ducō, mors potius appellanda est. 8. Nilominus reviviscere nos, atque spiritum resumere existimamus, si vos, qui mihi vitā ipsā chariores estis, in vero Dei cultu ac Christianā religione perstatis. 9. Quam enim parem gratiam vestrā causā Deo referre possumus pro eo præsertim, quo perfusi sumus in Domino, dum ea de vobis perciperemus auribūs, quæ mente animoque concepta assiduē vobis à Deo precabamur, 10. id etiam enixē postulantes, ut vestro conspectu frui, vósque coram alloqui liceat, & quæ desunt fidei vestræ plenius ac diligentius explicandæ numeris omnibus absolvere atque perficere. 11. Ego quidem paratissimus sum

7. *Ideo consolati sumus fratres in vobis in omni necessitate & tribulatione nostrā per fidem vestram,*

8. *Quoniam nunc vivimus, si vos statis in Domino.*

9. *Quam enim gratiarum actionem possumus Deo retribuere pro vobis in omni gaudio, quo gaudemus propter vos ante Deum nostrum,*

10. *Nocte ac die abundantiū orantes, ut videamus faciem vestram, & compleamus ea, quæ desunt fidei vestræ*

11. *Ipse autem Deus, & Pater noster, & Dominus*  
(Gg 3)

*minus noster Iesus Christus dirigat viam nostram ad vos.*

12. *Vos autem Dominus multiplicet, & abundare faciat charitatem vestram in invicem & in omnes, quemadmodum & nos in vobis:*

13. *Ad confirmanda corda vestra sine querelâ, in sanctitate ante Deum & Patrem nostrum in adventu Domini nostri Iesu Christi cum omnibus sanctis ejus. Amen.*

sum ad hoc iter suscipiendum, sup-  
plico autem Deo Patri & Domino  
Iesu Christo, nostrum ad vos ad-  
ventum fortunet, ea removendo,  
quæ me in varias partes veluti distra-  
ctum à vestro congressu aspectuque  
divellunt, sitque ipse nobis viæ au-  
ctor, & director. 12. Idemque  
faxit, ut vos interea numero crezca-  
tis, & mutua inter vos charitas ac  
benevolentia majora indies capiat  
incrementa, adeoque latè pateat ac  
diffundatur, ut omnes omnino mor-  
tales complectatur eo modo, quo  
noster in vos amor singularis exten-  
ditur, flagratque continuo, 13. ut  
hac ratione omni prorsus labe puri  
atque innoxii altiores veluti radices  
agatis in omni virtute ac sanctitate,  
ut nemo habeat, quod de vobis  
conqueri possit non solum coram  
hominibus, sed etiam in conspectu  
Dei, quem nihil potest latere, san-  
ctitate, inquam, non brevi, non  
momentaneâ, non caducâ, sed so-  
lidâ, stabili, firma, quæque duret  
inconcussa ad extremum usque spi-  
ritum, seu usque ad Christi adven-  
tum, quando cum electis suis cœlò  
descenderit ad ultimam decretoriam  
sententiam sempiternæ vel remu-  
nera.

nerationis, vel damnationis in mortales pronuntiandam. Amen.

# PARAPHRASIS

## CAP. IV.

1. Quod superest igitur, fratres, rogamus vos atque obtestamur per Dominum Jesum, ut semper memores tremendi illius iudicii præscriptam à nobis tum credendi, tum rectè vivendi formam atque legem retineatis, atque ita coram Deo ubique præsentè ambuletis, quemadmodum à nobis edocti estis, adhibita videlicet omni diligentia, ut ei semper placere, magisque indies proficere atque excellere possitis in virtute & sanctitate. 2. Nostis enim, quænam præcepta non nostrâ, sed Domini nostri Jesu Christi auctoritate dedimus vobis. Quando ejus Evangelium complexi estis, in statum penitus alium transiistis, amoris proprio renuntiastis, vósque Dei servitio cultuque ex integro consecrastis; libertas vestra peccato hæte-

AUS

1. De cætero ergò fratres, rogamus vos, & obsecramus in Domino Jesu, ut quemadmodum accepistis à nobis, quomodo oporteat vos ambulare, & placere Deo, sic & ambuletis, ut abundetis magis.

2. Scitis enim, quæ præcepta dederim vobis per Dominum Jesum.

3. *Hac est enim voluntas Dei, sanctificatio vestra: ut abstineatis vos à fornicatione,*

4. *Ut sciat unusquisque vestrum vas suum possidere in sanctificatione, & honore:*

5. *Non in passione desiderii, sicut & Gentes, quæ ignorant Deum:*

nus subjecta nunc gratiæ divinæ famulatur, mundus despoticum exercet imperium, & in clientes suos illiberalis est & immemor ut plurimum præstiti sibi obsequii, Deus verò benignus, aditu facilis, atque mirum in modum munificus aliud à vobis non postulat, nisi quod vestrâ ipsorum plurimum interest, & sana ratio à vobis exigit. 3. Nempe ut sanctitati comparandæ sedulam ac diligentem operam deditis, vósque ab omni impurâ libidine, quâ nimium quantum naturæ quodam impetu, vel cæco potius cupiditatis furore humana imbecillitas rapitur, quoad ejus fieri possit, cohibeatis, 4. ut unusquisque vestrum suis membris intra honestatis & castimonix fines præesse noverit, sanctè, honorificè & decenter pro necessitate iis utendo. 5. Nullo autem modo patiat se effrænatis concupiscentiæ motibus in eas libidinum fordes pertrahi, à quibus natura ipsa non penitus corrupta abhorret, utut gentes in eas cæco impetu ruant, quippe quæ Deum pudicitix amatorem non noverunt, adeoque nec flagitiorum illi repugnantium vindicem metuunt, sed omnia

omnia ad corporis voluptatem referunt. 6. Illud verò inprimis sedulo cavendum vobis est, ne quis impotenti, atque inexplebili cupiditate victus alterius thorum sibi violandum, aut alienam & peregrinam voluptatem sectandam existimet: est enim Deus horum omnium flagitiorum vindex acerrimus atque ultor, quemadmodum pridem annuntiavimus vobis, & multis, si meministis, testati sumus. 7. Non enim hac lege nos in filios suos adoptavit, & vocavit, ut impuræ libidini habenas laxaremus, corpusque nostrum, quod in templum suum elegit, omni genere sordium inquinaremus, sed potius ad continentiam & puritatem animi corporisque assequendam, castæque ac religiosè colendam. 8. Itaque qui hæc monita rejicit, atque contemnit, non se putet hominem aut hominum consilia, sed Deum ipsum divinæque ejus imperia repudiare, cujus divino spiritui in baptisinate accepto gravissimam injuriam atque ignominiam irrogat cum per hujusmodi flagitia expellendo. 9. Crediderim neminem vestrum tanti sceleris reum esse, de fraternâ autem

6. *Et ne quis supergrediatur, neque circumveniat in negotio fratrem suum: quoniam vindex est Dominus de his omnibus, sicut prædiximus vobis & testificati sumus.*

7. *Non enim vocavit nos Deus in immunditiam, sed in sanctificationem.*

8. *Itaque qui hæc spernit, non hominem spernit, sed Deum: qui etiam dedit Spiritum suum sanctum in nobis.*

9. *De charitate autem fraternitatis non*  
(Hh)

*neceſſe habemus ſcribere* autem charitate atque in alios bene-  
*vobis: ipſi enim vos à* ſcientiâ nihil vobis ſcribere neceſſe  
*Deo didiciſtis, ut dili-* eſt, ipſi namque divinitus edoſti  
*gatis invicem.* mutuâ vos charitate complectimini,

10. *Etenim illud fa-*  
*citis in omnes fratres in*  
*univerſâ Macedoniâ.*  
*Rogamus autem vos fra-*  
*tres, ut abundetis magis,*

11. *Et operam detis,*  
*ut quieti ſitis, & ut ve-*  
*ſtrum negotium agatis,*  
*& operemini manibûs*  
*veſtris, ſicut præcepimus*  
*vobis: & ut honeſtè am-*  
*buletis ad eos, qui foris*  
*sunt: & nullius aliquid*  
*deſideretis.*

ab aliis internofci. 10. Nam vos  
 quidem liberalitatem ac munificen-  
 tiam in fratres omnes exercetis, qui  
 in totâ iſtâ Macedoniæ provinciâ  
 vitam degunt, obſecramus autem,  
 ut iſtra veſtra beneficentia augeſcat  
 in dies magis & excellat, 11. unâ-  
 que detis operam, ut placidè &  
 ſine tumultu agatis, aliorum quie-  
 tem non turbetis; veſtris rebus in-  
 tenti aliorum officiis & negotiis per-  
 noxiam curioſitatem vos non inge-  
 ratis, neque noſtri præcepti un-  
 quam oblivifcamini, quo vobis co-  
 ram imperavimus, opificia manuum  
 non negligere. Ita enim fore  
 dicebamus, ut omnes vitæ veſtræ  
 actiones etiam exteris probarentur,  
 vósque ideo nullâ rerum neceſſaria-  
 rum indigentia laboraretis, ne per  
 otium, & ſegnitiem inopes facti  
 cogamini res alienas expetere vel  
 emendicare, & tum fratribus oneri  
 ſitis, tum gentilibus ob inertiam &  
 impor-



importunitatem stupem corrogandi  
fastidio & offensione.

etiam vos monitos volo, fratres, ne de dormientibus, ut non  
tanto afficiamini dolore propter eos, contristemini, sicut &  
qui diem clauferunt extremum, ceteri, qui spem non ha-

quemadmodum faciunt, qui im-  
mortalitatis spe atque expectatione  
destituti animam unà cum corpore  
impiè putant interire. Mors illo-  
rum, qui in fide & charitate JESU  
supremum emittunt spiritum meri-  
tò haberi potest pro somno placi-  
do, unde aliquando evigilabunt vi-  
tâ fruituri deinceps cum ipso immor-  
tali.

13. Nam si certâ fide credi-  
mus, Christum Dominum diem su-  
um obiisse, & redivivum ad supe-  
ros remeasse, nefas planè est dubi-  
tare, fore, ut Deus eos, qui in Chri-  
sto mortalitatem exuerunt, rursus  
unà cum illo tanquam membra cum

Capite immortalitatis luce perfun-  
dat.

14. Enimverò hoc vobis non  
ex propriâ imaginatione vel opinio-  
ne, sed ipsius Domini verbis atque  
auctoritate denuntio, quotquot cir-  
ca diem judicii superstites & vivi-  
erimus, non solum non glorifican-  
dos, nec regnatos cum Christo  
sine illis, qui jam pridem mortui  
computruerunt, sed nec eos ad

Christi

12. *Nolumus autem  
vos ignorare fratres,  
ne de dormientibus, ut non  
tanto afficiamini dolore propter eos, contristemini, sicut &  
qui diem clauferunt extremum, ceteri, qui spem non ha-*

13. *Si enim credi-  
mus, quòd JESUS mor-  
tuis est, & resurrexit:  
ita & Deus eos, qui  
dormierunt per JESUM,  
adducet cum eo.*

14. *Hoc enim vobis  
licimus in verbo Do-  
mini, quia nos qui vivi-  
mus, qui residui sumus  
in adventum Domini,  
non praveniemus eos,  
qui dormierunt.*

(H h 2)

15. Quoniam ipse Dominus in jussu & in voce Archangeli, & in tubâ Dei descendet de cælo: & mortui, qui in Christo sunt, resurgent primi.

16. Deinde nos, qui vivimus, qui relinquitur, simul rapiemur cum illis in nubibus obviam Christo in æra, & sic semper cum Domino erimus.

Christi occursum præveniemus. 15. Ipse enim Dominus de cælo veniet comitatu omnium Angelorum stipatus, qui ejus imperia executioni danda præstolabuntur, & insonante ac per mundum universum clangente tubâ terribili & maxime sonorâ sepulchra mortuorum statim patebunt, ut corpora apud se deposita reddant. 16. Tum illi, qui ad eum usque diem vitam extraxerint, commune naturæ & peccati originalis debitum persolvent dissolutâ ad brevissimum tempus conjunctione corporis cum animâ sive per ignem universalem conflagrationis, sive subtracto concursu Dei, & resurgent unâ cum prioribus, ac mirâ quadam celeritate rapientur obviam seu in occursum Christo in æthera tum Angelorum suorum custodum ministeriô, tum propriâ agilitatis virtute, tum magneticâ quasi vi Captis nostri, ut ibi in præparatis cuique thronis suo singuli ordine, gradu, & loco consideant à dextris judicis, reprobis humi ad sinistram relictis, & postmodum nubium mirè resplendentium quasi vehiculô subvecti Christum triumphantem comitentur in cælum, ubi sempi-

sempiternâ, & omnem captum excedente felicitate ac gloriâ perfruentur. 17. Itaque consolamini vos invicem rerum istarum, quas modò explicavi, recordatione atque commemoratione, mutuâque fidem ac spem excitando lenite eorum dolorem, qui sanguine vel amicitia junctos morte sublatos acerbius ludent.

17. Itaque consolamini invicem in verbis istis.

## PARAPHRASIS

### CAP. V.

1. **O**portet vos quidem nunquam absque metu vivere diei hujus supremæ, quando autem futura sit, nolo, ut superfluâ curiositate investigetis, cùm Dominus id latere voluerit, adeò ut dicat illum ac horam ne Angelis quidem cognitam esse. 2. Satis est, de quo vos sapius monui, illud animò recolere, diem illum Domini quasi nocturnum furem subitò ac minimè anteprevisum esse aliquando venturum, cùm homines alto somnò sepulti illum neutiquam præstolabuntur.

1. De temporibus autem & momentis, fratres, non indigetis, ut scribamus vobis.

2. Ipsi enim diligenter scitis, quia dies Domini sicut fur in nocte, ita veniet.

3. Cùm

(Hh 3)

3. Cum enim dixerint pax, & securitas, tunc repentinus eis superveniet interitus, sicut dolor in utero habenti, & non effugient.

4. Vos autem, fratres, non estis in tenebris, ut vos dies illa tanquam far comprehendat;

5. Omnes enim vos filii lucis estis & filii diei: non sumus noctis, neque tenebrarum.

6. Igitur non dormiamus, sicut & ceteri, sed vigilemus, & sobrii simus.

3. Cum enim sibi videbuntur tranquilla: pace frui, tutaque omnia sperabunt, tum verò repentinum eis imminabit exitium, non aliter ac dolores partus mulierem uterum ferentem, dum aliud agit, ex improvviso occupare solent. Ita undique obsessi nequaquam effugient, nec vi, nec astu subducere se poterunt tremendo huic iudicio, de quo tam parum solliciti erant. 4. At vos, fratres, quibus jam pridem fidei lux atque Evangelii splendor affulsit, nullis opinor tenebris ignorantiae aut flagitiorum implicamini, ut dies ille subito atque occultè tanquam nocturnus fur vos somno vinoque sepultos deprehendat. 5. Siquidem jam pridem vos claram solis & Evangelii lucem aspexistis, & pulsae caecae superstitionis tenebris unà omnes meridiana luce perfruimini sanctiore vitâ piisque operibus tempestivè comparati ad fatalem illum diem quandocunque venturum. 6. Igitur haud dormire nos decet, vel reliquorum more veterno languescere, sed vigiles potius & sobrios esse oportet tanquam filios lucis in expectatione venturi Iudicis, & omni curâ intentos in procuratione nostrâ

nostræ salutis. 7. Nam quamdiu nocturnæ tenebræ mundi occupant, ejus clientes tempus illud eligunt tanquam sibi commodum, ut stertant, & vel ebrietatem interdiu conceptam edormiant, vel nefandis luxuriæ sordibûs sese contaminent. 8. At nos, qui in clarâ luce, merâque meridie vivimus, non tantùm sobrietatem colere & vigilare necessè est, sed etiam ad pugnam spiritûs contra invisibiles hostes strenuè accingi, scutò scilicet fidei & charitatis thorace, & pro galeâ salutis spe atque exspectatione cœlestium bonorûm conceptâ. 9. Et enim non ut impios hostes suos, ita etiam nos filios suos nos vocavit aut constituit Deus ad iram justumve supplicium promerendum destinando nos æternis pœnis ac damnationi, sed ad sempiternam potiùs salutem ac gloriam JESU CHRISTI DOMINI nostri divino planè beneficiò ac meritis consequendam. 10. Qui vitam pro nobis forti constantique animo posuit, ut & qui aurâ spirabili etiamnum fruuntur, & qui jam in Domino obdormierunt, in eo, cum eo, & propter eum perpetuò vivamus spiritu, hic per gratiam, in

7. *Qui enim dormiunt, nocte dormiunt: & qui ebrii sunt, nocte ebrii sunt.*

8. *Nos autem, qui diei sumus, sobrii simus, induti lorica m fidei & charitatis, & galeam spem salutis:*

9. *Quoniam non posuit nos Deus in iram, sed in acquisitionem salutis per Dominum nostrum JESUM CHRISTUM,*

10. *Qui mortuus est pro nobis; ut sive vigilemus sive dormiamus, simul cum illo vivamus.*

futu-

11. *Propter quod  
consolamini invicem, &  
edificate alterutrum, si-  
cut & facitis.*

12. *Rogamus autem  
vos, fratres, ut noveritis  
eos, qui laborant inter  
vos, & præsunt vobis in  
Domino, & movent vos.*

13. *Ut habeatis illos  
abundantiis in charita-  
te propter opus illorum:  
pacem habete cum eis.*

futuro etiam per gloriam. Necta-  
men solis vobis vivere ac vigilare de-  
betis. 11. Mutuis vos quoque ad-  
hortationibus atque consiliis alii alios  
erigite & confirmate, quin etiam,  
quod vos reipsa perficere magno-  
pere gaudeo, singuli singulos exci-  
tate, & ad optima quæque sanctio-  
ris vitæ exemplo, & expectatione  
prædictæ gloriose immutationis pro-  
moveat. 12. Rogamus autem vos  
fratres, & quantâ quantâ possumus  
contentione obsecramus, ut præpo-  
sitos vestros diligenter observetis ac  
revereamini, qui strenuam vobis  
operam navant docendo, Christi Sa-  
cramenta administrando, & cæte-  
ra, quæ salutis vestræ sunt, procu-  
rando, vosque monitis & consiliis  
ad omne virtutis studium informant,  
quoniam eo nomine propensius vobis  
honorandi sunt, quod ita sincere  
secundum rationem sui officii vo-  
biscum agant, ut nec gratiâ cuius-  
quam, nec offensione moveantur,  
quod minus ea, quæ salutaria cuique  
sunt, impendant. 13. Item roga-  
mus vos, ut eos summopere æstime-  
tis, & magnò habeatis in pretio,  
eorumque diligentiae ac labori pa-  
rem gratiam referatis, idque non  
meru

metu aut simulatione, sed ex amore, quo potestis, maximo, mutuamque cum illis & inter vos pacem perpetuò colatis. 14. Vos verò, qui Evangelico ministeriò fungimini, in Domino obtestor, ut turbulentos disciplinæ violatores compescatis, & si fieri possit, suavi correptione in ordinem redigatis, & consolatione erigatis illos, qui in suis ærumnis dejecto sunt animò, ne graviore tentatione pulsati victoriam desperent, infirmos in fide sublevetis ac foveatis, cum omnibus denique patientiam & longanimitatem retineatis. 15. Illud autem inprimis cavendum vobis censeo, ne quis malefacta malefactis compenset, sed cuncti potiùs beneficentiam tum inter vos mutuò, tum verò etiam, si opus sit, in infideles perinde ac fideles omni genere officii colatis. 16. Suadeo verò ut animi læticiam hilaritatemque in rebus adversis atque angustis quoad ejus fieri potest, servetis, quam ut præter alia vobis necessaria præsidia obtineatis, precandi studium, ne quæso, intermittite. Effundite corda vestra in ejus conspectu, atque præsentiam laudando illum, benedicendo, necessitates vestras cum omni fiducia atque animi demissione suppli-

14. *Rogamus autem vos fratres, corripite inquietos, consolamini pusillanimes, suscipite infirmos, patientes estote ad omnes.*

15. *Videte, ne quis malum pro malo alicui reddat: sed semper quod bonum est, sectamini invicem, & in omnes.*

16. *Semper gaudete.*

17. *Sine intermissione orate.*

(li)

18. *In omnibus gratias agite: hac est enim voluntas Dei in Christo Jesu, in omnibus vobis.*

suppliciter exponendo. 18. Quaecunque vobis accidunt sive prospera sive adversa, Deo bonorum omnium auctori immortales gratias agite, id enim est divinæ voluntati, Christi que in vos omnes liberalitati ac munificentiae quàm maximè consentaneum.

19. *Spiritum nolite extinguere.*

19. Cavete porro, ne divini Numinis afflatus, illustrationes, & impulsus, quibûs quasi lampadibus illuminamini in caliginosâ nocte hujus sæculi, vestra aliquando socordia, tarditas, aut nimia rerum temporalium cura quasi

20. *Prophetias nolite spernere.*

injectâ aquâ extinguat. 20. Vos verò, qui aliorum directioni præstis, eos, qui gratias gratis datas, veluti donum linguarum, prophetiæ, aut intelligentiæ sacrarum litterarum acceperunt, nolite in universum contemnere, & impedire, ne charismata ista in aliorum bonum proferant, ex eo fortè capite, quòd impostores aliqui & pseudoprophetæ se illis immisceant à dæmone inducti ad vos supplantandos, sed

21. *Omnia autem probate: quod bonum est, tenete.*

21. potiùs omnia, quæ dicuntur à fratribus tanquam prophetantibus, diligenter expendite, discutite, dijudicate, qualia sint, scilicet per eos, qui etiam donò prophetiæ, vel similibus præcellunt, veritatem à fucò discernite, & quod ex omnibus optimum



mun, sanæque doctrinæ consentaneum visum fuerit, constantissimè retinete. 22. Satis autem non est evitasse malum, nisi etiam omnis mali species, atque ansa cujuspiam scandalii ab integritate vitæ vestræ quàm longissimè absit, ne fortè Christiana Religio apud Gentes malè audiat, & contempui habeatur. 23. Fateor præcepta hæc suâ difficultate non carere, meminisse autem oportet, omnia per Dei gratiam reddi facilia, levia, suavia. Deus omnia, quæ præcipit, in nobis ipse operatur, eadèque manu, quâ metam ostendit cursu à nobis assequendam, vires suppetat, ut ad eam tandem perveniamus. Illum itaque tanquam veræ pacis auctorem etiam atque etiam obtestor, ut vos omni ex parte germanâ ac solida sanctitate compleat, ut mens animusque vester unâ cum corpore innocentiam in baptismo acceptam, morumque integritatem ab omni prorsus labe puram, & non tantum coram Deo, sed etiam coram hominibus irreprehensam usque ad Christi Domini nostri adventum feliciter conservet. 24. Spero me votis damnandum, cum sciam illum esse longè benignissimum atque fide-

22. *Ab omni specie malâ abstinete vos.*

23. *Ipse autem Deus pacis sanctificet vos per omnia: ut integer spiritus vester & anima & corpus sine querelâ in adventu Domini nostri Jesu Christi servetur.*

24. *Fidelis est, qui vocavit vos; qui etiam faciet.*

lem (li 2)

25. *Fratres, orate  
pro nobis.*

26. *Salutate fratres  
omnes in osculo sancto.*

27. *Adjuro vos per  
Dominum, ut legatur  
epistola hæc omnibus  
sanctis fratribus.*


28. *Gratia Domini  
nostri JESU Christi vo-  
bis cum, Amen.*

lem in adimplendis suis pollicitationibus, quare cum vos ad coelestem hæreditatem vocaverit, certò vobis ejus opem implorantibus aderit, & quidquid factò opus erit, perseverantiam tribuendo reipsa efficiet. 25. A vobis porrò fratres aliud non peto, neque desidero, nisi ut vestris apud Deum precibus pios conatus nostros sedulò promoveatis, 26. nostro item nomine fratribus omnibus adhibito sancto osculò salutem dicere ne gravemini. 27. Obtestor autem vos per Dominum JESUM, ut quàm diligentissimè curetis hanc nostram epistolam omnibus fidelibus Ecclesiæ vestræ prælegi. 28. Gratia Domini nostri JESU Christi vos perpetuò comitetur ac servet.

A M E N.



AR-



# ARGUMENTUM

## EPISTOLÆ SECUNDÆ

AD

# THESSALONICENSES

## D. PAULI APOSTOLI.

**C**um Apostolus priore epistolâ Thessâlonicensibus pollicitus fuisset, se paulò post ad eos invisendos venturum, variisque negotiis, ac fortè etiam periculis impeditus ac prohibitus fuisset, ne id faceret, alterâ nunc vice ad eos rescribit, ut illos confirmet ac stabiliat in professione doctrinæ Evangelicæ, in adversis tum præsentibus, tum imminentibus corroboret, & demum inanem metum eximat, quem conceperant ex instante adventu Filii Dei propter verba quædam Apostoli minùs rectè intellecta, & rumores quospiam eadem de re temerè sparsos à malevolis quibusdam Novatoribus.

(li 3)

Cap. I.

Cap. 1. à Theſſalonicenſium laudibus orditur, & eorum ſibi benevolentiam ac ſtudio conciliat, ut ea, quæ deinceps dicturus eſt, faciliùs in eorum animos inſinuet ac penitus perſuadeat. Proponit eis tam horrendas perſecutorum poenas, quàm condigna patientiæ præmia ipſis, & Sanctis omnibus obventura in adventu Domini, cujus circumſtantias poſtmodum deſcribit, 1. quòd de cœlo deſcenſurus ſit. 2. Formâ aſpectabili. 3. Comitantibus Angelis omnibus. 4. Qui ejus imperia exequentur. 5. Præcedente conflagratione univerſali totius mundi terraquei. 6. Quòd ſola Majeſtas ex aſpectu Judicis promicans reprobos ob confuſionem publicam ſupremi ſupplicii locò futura ſit. 7. Quòd in electis ſuis glorioſus, & prorſus admirandus appariturus ſit.

Cap. 2. Quoniam ſuperiùs nonnulla de judicio futuro dixerat, inanem & fabuloſam eorum ſententiam refellit, qui diem mundi ſupremum jam imminere dictitabant, atque in eam fictas neſcio quas revelationes, & commentitiam Pauli Apoſtoli epiſtolam in confirmationem adducebant, quos nil ipſe in tanto periculo cunctandum ratus proin monet, ut in perceptâ Evangelii doctrinâ perſequerent, adverſa forti & conſtanti animò perferant, certi, non ante venturum ſupremum mundi diem, quàm Antichriſtus regnare incipiat, cujus vitam ac mores & præcurrentia futuri judicii indicia paucis graphicè deſcribit. Subin congratulatur Theſſalonicenſibus, quòd ſint primitiæ fidelium, & ſalvandorum: confirmat eos in fide, hortatur ut perſiſtant in traditionibus acceptis, ac tandem Dei gratiam eis apprecatur.

Cap.

Cap. 3. rogar, ut pro se orent, veteratores ac fraudulentos Divini verbi Ministros, inquietos, oculos, turbulentos, contumaces cavendos admonet, vel coercendos suoque exemplô proposito eos tacitè perstringit, omnia denique Thessalonicensibus fausta & felicia optans epistolæ finem imponit.



PA-



# PARAPHRASIS IN EPISTOLAM II. D. PAULI APOSTOLI

AD

## THESSALONICENSES CAPUT I.

1. *Paulus & Silvanus, & Timotheus, Ecclesia Thessalonicensium in Deo Patre nostro & Domino Jesu Christo.*

2. *Gratia vobis, & pax à Deo Patre nostro, & Domino Jesu Christo.*

I. **P**Aulus & Silvanus ac Timotheus Ecclesiae Thessalonicensium, quæ est in Deo Patre nostro, & Domino Jesu Christo collecta, salutem dicunt, 2. & gratiam ac pacem à Deo Patre nostro, & Domino Jesu Christo vobis omnibus, qui Thessalonicae estis, ex animo precantur, cujus vi ac praesidio confirmati omnia pos-  
fici

sitis pericula incolumes evadere. Quid enim illis grave aut molestum possit videri, qui Dei gratiam sint affecturi? 3. Tam multa de vobis, fratres, tamque læta quotidie ad nos perferuntur, ut Deo bonorum omnium auctori assiduas, ut par est, gratias agere cogamur ob eam potissimum causam, quòd fides vestra magna accipiat incrementa, magisque in dies exuberet ac floreat multitudo uniuscujusque vestrum inter vos charitas, 4. adeò, ut nos ipsi cognitis iis, quæ apud vos aguntur, quæque omnium sermone celebrantur, magnam inde nobis gratulandi & gloriandi occasionem nacti apud omnes Ecclesias Dei vestram eximiam tolerantiam fideique constantiam in omnibus persecutionibus atque oppressionibus, quas fortiter perfertis, non absque insigni solatio gaudiisque prædicemus. 5. Quæ res magno argumentò est æquissimi simul ac rigidissimi judicii Dei, quod aliquando exercebit in impios, nam qui bonis non parcit in hoc sæculo, cogitandum relinquit, quâ severitate malos plectet in futuro judicio. Prudenter itaque dura quæque, & acerba sustinetis fortiter, ut hac ratione

3. *Gratias agere debemus semper Dei pro vobis, fratres, ita ut dignum est, quoniam super-crescit fides vestra, & abundat charitas uniuscujusque vestrum in invicem:*

4. *Ita ut & nos ipsi in vobis gloriemur in Ecclesiis Dei, pro patientiâ vestrâ, & fide, & in omnibus persecutionibus vestris, & tribulationibus, quas sustinetis.*

5. *In exemplum justissimi judicii Dei, ut digni habeamini in regno Dei, pro quo & patimini.*

(Kk)

6. Si tamen iustum  
est apud Deum retribuere  
tribulationem iis, qui  
vos tribulant:

7. Et vobis, qui tri-  
bulamini, requiem nobis-  
cum in revelatione Do-  
mini IESU de cælo cum  
Angelis virtutis ejus,

tione à levioribus noxis purgati & mundati tanquam aurum in camino purgationis efficiamini digni regnò Dei, in quod nihil intrat, quod non omni ex parte mundum sit atque purum. 6. Rigor ille, quo vobiscum cultoribus suis atque electis nunc agit Deus aliàs benignissimus, indicio est & documento non obscuro, quanto olim rigore ulturus sit hostium suorum impietatem, rationi enim & æquitati maximè convenit, ut qui vos nil tale promeritos indignis modis premunt atque dive-xant, premantur ipsi ac sentiant suo tempore post impletam flagitiorum mensuram vindicem manum æquissimi Judicis, qui uti nullam noxam impunitam relinquit, ita neque virtutem suâ remuneratione destituit. 7. Rationi, inquam, & æquitati convenit, ut post labores ex-actatos optatam capiat quietem, & post superata tot pugnae non incruentæ discrimina victoriæ nobiscum percipiat fructum amplissimum, id quod demum eveniet, quando Dominus noster IESUS, qui nunc ab hominum aspectu remotus est, palàm omnibûsque conspicuus apparebit de cælo veniens cum Angelis



gelis potentiae ac iustitiae suae administris, per eos videlicet separaturus malos à bonis, & suam adversus reprobos executurus sententiam

8. flammeo incendiò præcunte & in eos defæviente, qui superbiâ elati Deum noiverunt agnoscere ac revereri, vel perviciaciâ prævalente credere Evangelio Domini nostri Jesu Christi sibi prædicato, aut vitam suam illi conformare.

9. Sed quid opus igne illo ad eos torquendos? Fulgura ex oculis exasperati Judicis in reprobos emissâ, gravissima indignatio, quæ in ejus vultu divinâ Majestate pleno promicabit, pompa magnificentissima totius cœlestis curiæ, quæ supremum vivorum atque mortuorum judicem circumdabit, inimicos ejus tanto terrore percutiet, ut optaturi ac rogaturi sint montes ac colles, ingentis beneficii locò dignentur suâ ruinâ eos opprimere, atque abscondere à tremendo conspectu Numinis irati. Si enim dæmones præsentiam Christi versantis in terris non sustinebant, quaptò minus præsentiam ejus cum tantâ Majestate, gloriâ, & ostensione fortitudinis ac potentiae venientis ad judicium

8. *In flammâ ignis dantis vindictam iis, qui non noverunt Deum, & qui non obediunt Evangelio Domini nostri Jesu Christi:*

9. *Qui pœnas dabunt in interitu aternas à facie Domini, & à gloriâ virtutis ejus:*

(Kk 2)

10. *Cum venerit glorificari in sanctis suis, & admirabilis fieri in omnibus, qui crediderunt: quia creditum est testimonium nostrum super vos in die illo.*

dicium sustinere poterunt impii? 10. Tum verò Dei judicia, quæ nunc occulta sunt, nostriàmque imbecillitatem latent, palàm fient, cunctique mortales agnoscent admirabilem quidem divinæ providentiæ rationem, longè tamen abesse ab acceptione personarum, perspicuèque reprobi intelligent, se suâ culpâ damnari: tum etiam gloriosus, & verè admirandus apparebit Christus Dominus non tantum in se ipso, sed & in omnibus membris suis mysticis, nempe Sanctis suis, & illis quibuscunque, qui Christianam religionem complexi sunt, evehens & collocans illos ad dexteram suam, propriâque manu cœlestis gloriæ coronam eis imponens, qui priùs in mundo, doloribûs, contumeliis, & rerum inopiâ pressi abjecti erant & miseri, adeò ut justi ipsi tum suam, tum aliorum omnium gloriam ac felicitatem sint admiraturi, quippe quæ omnium hominum & Angelorum opinionem, ingenium & captum longè superabit, ex quo numero eritis & vos, fratres mei dilectissimi, qui Evangelii lucem tantâ animi promptitudine recepistis, tantâque integritate etiam num servatis, 11. cujus etiam rei gratiâ

11. *In quo etiam oramus semper pro vobis:*

gratiâ vestrâ causâ assiduas preces fundimus, ut vos omnes clementissimus Deus excellenti illâ beatitudine, ad quam vos vocavit, dignos efficiat, omniâque sua bona de vobis consilia pro suâ in vos gratuitâ benevolentîâ ad exitum perducatur, opusque fidei vestræ divinâ suâ vi ac potestate per donum perseverantiæ vobis collaborantibûs perficiat, atque absolvat, 12. ut illustretur & glorificetur nomen Domini nostri Jesu Christi in vobis, & vos vicissim in illo, idque singulari beneficiô ac munere cœlestis gratiæ Dei nostri ac Domini Jesu Christi, cui omnia debemus, quippe qui præpotenti suâ virtute ex arundinibus quovis ventô mobilibus, quales naturâ sumus, in firmas & solidas columnas nos transmutat, & in corde humano meritâ Jesu Christi Domini nostri mira & prorsus divina operatur,

*ut dignetur vos vocatione suâ Deus noster, & impleat omnem voluntatem bonitatis, & opus fidei in virtute.*

12. *Ut clarificetur nomen Domini nostri Jesu Christi in vobis, & vos in illo secundum gratiam Dei nostri, & Domini Jesu Christi.*

PARA-

(Kk 3)

## PARAPHRASIS

## CAP. II.

1. *Rogamus autem, vos fratres, per adventum Domini nostri Jesu Christi, & nostram congregationis in ipsum,*

2. *Ut non citò moveamini à vestro sensu, neque terreamini neque per spiritum, neque per sermonem, neque per epistolam tanquam per nos missam, quasi instet dies Domini.*

3. *Ne quis vos seducat ullo modo: quoniam nisi venerit discessio primum, & revelatus fuerit homo peccati, filius perditionis,*

1. **R**Ogamus autem vos, fratres, per Christum Dominum venturum ad judicium, & per vestram salutem, quando tunc congregabimur invicem, ipsique occurremus gloriosi, uti vobis omnibus exoptatis, 2. ut ne tam faciliè patiamini ab eâ, quam mente concepistis nobis auctoribus fidei sententiâ dimoveri, neque ullam omnino admittatis animi perturbationem, quasi supremus mundi dies instet proximè, uti vobis persuadere conantur pseudodôctores sive per confictam revelationem Spiritus Sancti, sive per vivæ vocis oraculum quasi ex ore nostro haustum, sive per suppositiciam epistolam tanquam per nos missam, 3. neque ullâ ratione, non enim, mihi credite, dies Domini aderit, quin priùs magna quædam & prope universalis defectio & secessio fiat plurimarum nationum tum à Christo, ejusque Ecclesiâ, tum à Romano imperio,

perio, & sceleratissimus ille omniumque mortalium peccatissimus & æternæ perditioni destinatus ob plurimorum suis præstigiis perversionem in lucem prodeat, & tanquam universalis Monarcha toto orbe imperium obtineat. 4. Ille, inquam, adversarius, qui Christiani nominis omnisque religionis ac pietatis infensissimus hostis, quidquid sacrosanctum uspiam, pedibus conculcabit, seseque effeget atque extollet adversus ipsam Dei Majestatem, omnemque religiosum cultum sive verum sive falsum eliminabit, ut ipse solus in Ecclesia tanquam templo Dei adoretur & colatur pro Numine à cunctis nationibus vi subjugatis, accedente signorum & prodigiorum exhibitione, per quæ Deum sese imperitis probabit & ostentabit. 5. An non meministis, cum adhuc essem apud vos, me hæc vobis coram non semel denuntiassè. 6. Nunc vero quid obstat aut remoretur adventum Antichristi, & consequenter extremum judicium probè nostis, nempe quia nondum facta est prædicta regnorum atque populorum discessio. 7. Quamvis autem hic impiorum omnium antesignanus non-

4. *Qui adversatur & extollitur supra omne, quod dicitur Deus, aut quod colitur, ita ut in templo Dei sedeat, ostendens se, tamquam sit Deus.*

5. *Non retinetis, quòd, cum adhuc essem apud vos, hæc dicebam vobis?*

6. *Et nunc, quid detineat, scitis, ut reveletur in suo tempore.*

7. *Nam mysterium jam operatur iniquitatis*

non-

*tantum ut, qui tenet nunc,  
teneat, donec de medio  
fuit.*

8. *Es tunc revelabi-  
tur ille iniquus, quem  
Dominus JESUS inter-  
ficiet spiritu oris sui, &  
destruet illustratione ad-  
ventus sui enim,*

nondum in personâ venerit, jam  
tamen adest in emissariis ac præ-  
nuntiis suis, hæreticis videlicet, ve-  
lut in mysterio iniquitatis occultè,  
qui eodem spiritu aguntur & ferun-  
tur, quo olim feretur & agetur ve-  
rus Antichristus, cujus illi symbola  
sunt & præcursores, dum prætenso  
Christi nomine ejus veram Eccle-  
siam totis viribûs oppugnando ac  
persequendo Antichristo ad mani-  
festam impietatem viam sternunt.  
Nolite interea curiosius inquirere,  
quæ Deus latere voluit, & pluribûs  
hac de re incassum contendere, sed  
fidem potius, quam accepistis illiba-  
tam servate absque ulteriori inda-  
gine, ecquando futura sit univer-  
salis hæc defectio. 8. Hac porro  
suo tempore subortâ veniet sceler-  
atus ille atque sacrilegus legum om-  
nium everfor, atque rebellium pri-  
mipilus, veniet, inquam, & in aper-  
tum se magnâ cum ostentatione  
proferet, quem Christus Dominus  
sûlo jussu ac imperiô suo quasi affla-  
tu mortifero sideratum interimet ac  
disperdet præcipitando illum è sub-  
limi aëre deorsum, unde terrâ de-  
hiscente à dæmonum satellitio in  
Tartara abripietur, atque ita pesti-  
ferum

ferum hoc superbæ, atque impietatis monſtrum ſplendore adventus ſui quaſi fulmine tactum perimet atque deſtruet Chriſtus Dominus, quemadmodum oriente ſole fugantur tenebræ, noctuæ atque veſperationes diſſipantur. 9. Priusquam autem iſta eveniant, ſerviet ille Principi tenebrarum pro miniſtro & inſtrumento idoneo perficiendi execranda ejus conſilia ac molimina, in quem finem plura ſigna & adeo ſpectioſa & miranda prodigia edet, 10. ut illi in fraudem & errorem facile ſint inducendi, & miſerè perituri, qui doctrinam Chriſti ſalutis noſtræ amantiſſimi ac ſtudioſiſſimi iſtis annuntiatam recipere noluerunt, quâ tamen ſalutem conſequi poterant ſempiternam. Propterea enim Deus ita exigente juſtiâ laxando habenas ſatanæ & Anti-Chriſto, permittet incredulos illos, rebelles, atque obſtinatos fallacibus ſignis ac præſtigiis reipſâ decipi & mendacio præbere aſſenſum, 11. ut in divino tribunali perduellionis ac læſæ Majeſtatis rei pro meritis judicentur, damnentur, in infernum præcipitentur, qui neglectâ veritate, quam complecti par erat, iniquitatem

9. *Cujus eſt adventus ſecundum operationem ſatanæ, in omni virtute, & ſignis, & prodigiis mendacibus.*

10. *Et in omni ſeductione iniquitatis iis, qui perent: eo quòd charitatem veritatis non receperunt, ut ſalvi fierent. Ideo mittet illis Deus operationem erroris, ut credant mendacio,*

11. *Ut judicentur omnes, qui non crediderunt veritati, ſed conſenſerunt iniquitati.*

(L1)

12. *Nos autem debemus gratias agere Deo semper pro vobis, fratres dilecti à Deo, quòd elegerit vos Deus primitias in salutem, in sanctificatione spiritus, & in fide veritatis.*

13. *In quâ & vocavit vos per Evangelium nostrum in acquisitionem gloria Domini nostri Jesu Christi.*

14. *Itaque fratres state: & tenete traditiones, quas didicistis, sive per sermonem, sive per epistolam nostram.*

15. *Ipse autem Dominus noster Jesus Christus, & Deus & Pater noster, qui dilexit nos, & dedit consolationem aeternam, & spem bonam in gratiâ,*

tem ac impietatem sectati sunt. 12. Nos verò, fratres Deo dilecti, cogimur vestrâ causâ bonorum omnium largitori Deo perennes gratias agere, quòd vos ex corruptâ totius gentilitatis massâ ab initio tanquam selectas primitias destinaverit ad salutem per sanctificationem spiritus, veræque fidei professionem, 13. atque ad illam ministeriò nostræ prædicationis perquam efficaciter vocaverit, ut aliquando tandem Jesu Christi Capitis ac Principis vestri immortalem gloriam assequamini. 14. Quæ cum ita sint, persistite fratres firmi & constantes in fide & vocatione, quâ vos per gratiam suam dignatus est, & per quam viam ingressi estis, in eadem ad finem usque incedite, & quidquid æmuli obganniant, sanctè retinete doctrinam & instituta religionis Christianæ, quæ pridem à me cæterisque Apostolis accepistis, sive voce tantum vobis tradita sint, sive etiam scriptis epistolis imperata. 15. Ipse verò Dominus noster Jesus Christus Deusque ac Pater noster, qui dilexit nos ut filios, quos constituit per adoptionem in suos hæredes ac filii sui naturales cohæredes, spemque cer-

ram



tam ac consolatione plenam æternæ felicitatis per gratiam sanctificantem tanquam semen illius nobis indulgit, 16. excitet & augeat prædictam consolationem in cordibus vestris abstersâ omni tristitiæ ac pusillanimitatis fuligine, vósque in perceptâ veræ fidei doctrinâ, bonarumque actionum studio in dies magis confirmet, atque stabiliat.

16. *Exhortetur corda vestra, & confirmet in omni opere & sermone bono.*

## PARAPHRASIS

### CAP. III.

I. **Q**uod superest, vestrarum vicissim precum suffragium nobis imprimis optandum est, fratres, ut divini verbi promulgatio absque impedimento, & remorâ felicem cursum teneat, & apud omnes gentes ac nationes non alter ac apud vos maximo auditorum profectu illustris & gloriosa evadat. 2. Utque ab improbis, protervis, & molestis hominibus liberemur, qui nos, quocunque pergimus, insequuntur, quò variis technis & difficultati-

I. *De cætero fratres orate pro nobis, ut sermo Dei currat, & clarificetur, sicut & apud vos:*

2. *Et ut liberemur ab importunis, & malis hominibus: non enim omnium est fides.*

(L1 2)

3. *Fidelis autem  
Deus est, qui confirmabit  
vos, & custodiet à ma-  
lo.*

4. *Confidimus autem  
de vobis in Domino, quo-  
niam, quæ præcipimus, &  
facitis, & facietis.*

5. *Dominus autem  
dirigat corda vestra in  
charitate Dei, & pa-  
tientiam Christi.*

taribus objectis fructum Evangelii præpediant, non enim omnes Deo vocanti ad fidem pari studio & contentione pro virili respondent, aut si eam receperint, secundum ejus principia pacifice vivunt, ut adeo inimici domestici turbas tricâsque ciendo non minùs nobis negotii facessant, quàm extranei: nolite tamen propterea angi. 3. Deus enim, qui verax & constans est in suis promissis, noverit vos stabilire & confirmare in fide, ne ab eâ excidatis, & protegere contra omnes insultus satanæ, cui equidem minimè defunt executores ac Ministri impietatis. 4. Id tamen per gratiam Domini nostri Jesu Christi mihi pene de vobis polliceri audeo, ut ei non defitis, præstituros vos omnia, imò jam nunc perficere, quæ olim præcepimus, aut nunc facienda præscribimus. 5. Porro Dominus corda vestra eò impellat ac dirigat, ut Dei charitatem, quâ mundum sic dilexit, ut pro ejus salute filium suum unigenitum in terras nobis submitteret carne nostrâ induendum probè animò concipiatis, & Christi Domini patientiam, qui, semetipsum pro nobis in mortem dedit,

peo ad

quoad ejus fieri potest, imitemini adversa quæque invicto animo perferendo, neque expectatione ejus adventus multum turbemini, sed ad illum quovis tempore optime præparati sitis.

6. Denuntiamus autem vobis, fratres nomine & auctoritate Christi Domini, cujus vicarii sumus, & potestate ab eo accepta, ne conversemini cum hujusmodi fratre seu Christiano, sed ab ejus consortio vos subtrahatis, qui receptum in Ecclesiâ ordinem turbat, nec eam vitæ rationem sequitur, quam non voce tantum, sed ipso etiam exemplo accepit à nobis.

7. Quod adhuc recentissimum est, vobisque non ignotum, quomodo omnem dederimus operam, ut nulli molesti, non inquieti, non otiosi, non alienis laboribus & mensis inhiantes, sed potius vitæ nostræ actionibus ad omnem pietatem vos informaremus, ut nihil prorsus à nobis ageretur, quod non ritè ac rectè factum videri posset.

8. Neque gratis ullius impendiò vel onere vitam toleravimus, sed victum nostro nobis labore sudorèque comparavimus, noctu, diuque opificio manuum nostris necessitatibus con-

6. Denuntiamus autem vobis, fratres, in nomine Domini nostri Jesu Christi, ut subtrahatis vos ab omni fratre ambulante inordinatè, & non secundum traditionem, quam acceperunt à nobis.

7. Ipsi enim scitis, quemadmodum oporteat imitari nos: quoniam non inquieti fuimus inter vos:

8. Neque gratis panem manducavimus ab aliquo; sed in labore & in fatigatione nocte & die operantes, ne quem vestrum gravaremus.

(L13)

9. *Non quasi non habuerimus potestatem, sed ut nosmetipsos formam daremus vobis ad imitandum nos.*

10. *Nam & cùm essemus apud vos, hoc denuntiabamus vobis: quoniam si quis non vult operari, nec manducet.*

11. *Audivimus enim inter vos quosdam ambulare inquietè; nihil operantes, sed curiosè agentes.*

12. *Iis autem, qui ejusmodi sunt, denuntiamus, & obsecramus in Domino JESU Christo, ut cum silentio operantes, suum panem manducet.*

fulentes, ne cui vestrum graves, aut molesti essemus. 9. Non quòd Evangelii præconibus non liceat fidelium sumptu vitam tolerare, sed ut vestrae imbecillitati consulere-mus, & nosmetipsos tanquam probitatis, & sedulitatis exemplar vobis ad imitandum proponeremus.

10. Etenim cùm essemus apud vos, hoc erat nostrum peculiare præceptum & dogma, ut si quis otiosi vellet, nihilque prorsus agere, huc illuc circumcursitans ac spectatorem se faciens censorémque alienorum operum, is ne cibum quidem sumat, alimentis quippe dignus non est, qui in otio vitam transigit.

11. Quod quidem nonnulli inter vos, uti fama refert, insuper habent, otio desidiiæque dediti, & aliorum rebus curiosè exquirendis magis intenti, quàm propriis negotiis ritè, & diligenter expediendis.

12. Iis, qui sunt hujusmodi, non tantùm præcipimus, sed etiam in nomine Domini nostri JESU Christi illos obsecramus, ut mutatà vivendi ratione quietè, modestè, absque strepitu, & rerum ad se minimè pertinentium disquisitione inutili & obtrectatione censorià operantes suo sibi

sibi labore atque industriâ victum comparent. 13. Vos porro fratres nolite quâso segnescere, nec verè indigentibus benefaciendo defatigari. 14. Quòd si quis huic meæ epistolæ, monitisque non auscultat, hunc notate, mihiq̃ue denuntiate, ejusque interea convictum ac consuetudinem fugite, ut hac maximè ratione pudore suffundatur, & poenitentia ductus resipiscat. 15. Eum tamen non idcirco quasi inimicum durius asperiusque habete, sed ut fratrem potiùs amicè & benignè corripite & castigatè, id unum spectantes, ut ad sanam mentem reducatur. 16. Ipse autem Dominus pacis auctor vobis cum omnibus pacem largiatur omni locò, omni tempore, vobisque assistat in omni negotio. 17. Ego verò Paulus meo chirographò salutem adscribo, quod est omnium mearum epistolarum familiare indicium in hanc formam: 18. Gratia Domini nostri Jesu Christi cum omnibus vobis, atque ex hoc signo poteritis meas discernere ab aliis adulterinis ac supposititiis, quibus earum scriptores alia vobis principia ac dictamina nostris contraria instillare pro more suo satagunt.

ARGU-

13. *Vos autem fratres nolite deficere benefacientes.*

14. *Quòd si quis non obedit verbo nostro per epistolam, hunc notate, & ne commisceamini cum illo, ut confundatur:*

15. *Et nolite quasi inimicum existimare, sed corripite ut fratrem.*

16. *Ipse autem Dominus pacis det vobis pacem sempiternam in omni loco: Dominus sit cum omnibus vobis.*

17. *Salutatio mea manu Pauli: quod est signum in omni epistolâ: ita scribo.*

18. *Gratia Domini nostri Jesu Christi cum omnibus vobis. Amen.*



# ARGUMENTUM

## EPISTOLÆ PRIMÆ

### D. PAULI APOSTOLI

AD

## TIMOTHEUM.

**C**um D. Paulus Ephesō discedere constituisset, primum urbi illi celeberrimæ Episcopum dedit ac post se reliquit Timotheum mandatâ ei curâ, ut adversus Judaizantes, aliósque Evangelicæ doctrinæ corruptores, qui partim exorti jam erant, partim exorturi ab ipso prævidebantur, sedulò vigilaret, & semina prædicationis à se jacta foveret & excoleret. Ex actis Apostolorum habemus discipulum hunc utrum juvenem, ob egregias tamen animi dotes longè Apostolo charissimum atque conjunctissimum fuisse quidem ex patre græco & gentili, matre tamen Judæâ & Christianâ susceptum, pieque educa-

tum,

tum, incolis & accolis illius civitatis ob insignem morum probitatem æstimatissimum, quem idcirco Apostolus in laborum socium adlegit. In epist. ad Philipp. asserit, neminem sibi illo chariorem esse, & alibi sæpe in ejus laudes luculenter excurrit: præcipuè verò in hac ipsâ, ubi illum tanquam Christianæ plebis Antistitem atque doctorem, & in eo orfines. Ecclesiarum præsules circa officii sui rectè administrandi partes diligenter instituit, qualem se scilicet gerere debeat erga Deum, erga seipsum, erga diaconos, vi-  
duas, & reliquam plebem, nec non erga disseminatores errorum.

Cap. I. admonet muneris sui Episcopalis, ut sollicitè semper invigilet gregi suo, eúmque defendat à Novatoribus quibusdam, qui dogmata Evangelica miscebant novellis doctrinis, fabulosis inventis, & genealogiis in infinitum prope excurrentibus ad primos quasi mortales, ut originem suam longissimâ serie inde deductam tantò illustriorem redderent, quod neque ad publicam ædificationem quidquam conferebat, sed ansam potius & materiam continuam præbebat inutilibus disceptationibus. Ne tamen haberetur pro contemptore legis, bonam esse asseverat, & utilem his, qui ritè eâ uti noverint, nempe qui agitâ suâ imbecillitate observandi accuratè tot ejus præcepta recurrunt ad gratiam Domini nostri Jesu Christi, cujus demum præfidiò eam adimplere valeant, atque ita per legem tanquam pædagogum sensim in noticiam veniunt Christi Domini, qui scopus est omnium figurarum & auctor veræ justitiæ ac sanctitatis. Addit eam pro justis non esse conditam, sed pro injustis, pro peccatoribus non eo sensu, quòd justî nullâ lege indigeant ad dirigendas suas actiones, cum Propheta regius ps. 118, eam à Domino postulet dicendò: *Legem*  
(Mm) *pone*

pone mihi Domine. & S. Augustini testimonio lib. 3. cont. 2. epist. Pelag. c. 40. lex decalogi sit iustis necessaria. Ad explicandum igitur hunc textum oportet advertere, legem posse accipi vel secundum omnia officia, vel secundum ea tantum, quæ illi conveniunt, ut à fide & gratiâ Mediatoris distinctæ & abstractæ, nempe prout minas intentat, plectit, & reos facit violatores suorum mandatorum. In posteriori hoc sensu lex non est posita iusto, quandoquidem comminatio & punitio eos solummodò concernit, qui eam promeriti sunt perperam agendo: atque in hoc sensu intelligendus est Apostolus, cum ad Romanos cap. 6. dicit: *Non estis sub lege, sed sub gratiâ.* cap. 7. *mortificati estis legi per corpus Christi.* ad Gal. 3. *Christus nos redemit de maledictio legis.* Postmodum fatetur, se fuisse persecutorem, infidelem, blasphemum, divinæque benignitati singulares grates agit, quòd nihilominus illum per Christum in Apostolum adsciverit, qui peccatorum tamen primus erat adeoque maximus. Hic rursus, ne in alium scopulum sinistrâ interpretatione impingamus, dum ait, se misericordiam Dei consecutum (*quia ignorans feci in incredulitate*) non in eam partem accipiendus est, quasi innueret suam ignorantiam & zelum præposterum dignum reddidisse miseratione optimi Dei, eamque per modum aliqujus meriti excitasse in suum favorem, sed præcisè, quòd in hoc misero statu materiam & ansam præbuerit convenientem manifestius ostendenda, & uberiùs exercendæ divinæ clementiæ, ita ut quemadmodum infirmus, qui morbi qualitatem & periculum non animadvertit, sibi que videtur bene habere, vel ideò commiseratione magis dignus est, magisque indiget medicamentorum applicatione, sic etiam



etiam ipse in suâ cœcâ ignorantia & obstinatâ incredulitate majori salutis discrimini expositus fuerit, ideoque divinæ illustrationi ac miserationi longè magis obstrictum se profiteatur. Voluit nimirum Deus ter Optimus Maximus illustri hoc exemplo omnibus in eum credituris palàm facere, spem veniæ nunquam deponendam, sed maximos quosque peccatores non tantum, si seriò respiscant, gratiam ab eo consecuturos, sed etiam assumendos quandoque ad præcellam dignitatem Ministerii Evangelii, multorumque salutem. Postremò Timotheo commendat fidem, & conscientiam bonam, malam enim asserit causam esse naufragii in fide, & hæreseos.

Cap. 2. precandi studium commendat Timotheo pro omnibus, præcipuè Regibus aliisque in eminenti dignitate constitutis 1. ut Ecclesia sub eorum regimine pace fruatur. 2. Quia id acceptum est Domino. 3. Quia Deus vult omnes homines salvos fieri, & venire ad agnitionem veritatis. 4. Quia omnium unus tantum est mediator. 5. Quia dedit sanguinem suum in redemptionem omnium hominum, tanti autem pretii applicatio, & mediatio, & ipsa salus æterna ab orationis studio vel maximè dependet. Postmodum præscribit viris modum orandi, ut nempe id fiat non tantum in synagogis aliisque locis singulariter ad publicas preces deputatis, sed si fortè gentiles negotium facessèrent, ubivis, modò id secundò fiat puris, nullòque scelere contaminatis manibùs, ac proin & mentibus in Deum elevatis, & ultimò sine irâ acque vindictæ cupiditate. Jubet pariter orare mulieres, sed in habitu & ornatu modesto, docere illis in Ecclesiâ neutiquam permittit, sed discere in silentio 1. quia foemina

(Mm 2)

nasci-

nascitur, ut sit, & maneat viro subdita, qualis autem subiectio, si docere, si instruere ausit? 2. Docere actio est primatum quendam significans, in ordine autem primæ creationis præcessit vir foeminam. 3. Quæ intellectum habent infirmiore ac proin errori magis obnoxium, eas non convenit sibi arrogare docendi provinciam, tales sunt foeminæ, id quod probat exempló primæ parentis Evæ, quæ per callidum serpentem utpote Adamo mentis sagacitate minimè par facili decepta fuit, & in errorem ac peccatum inducta.

Cap. 3. de Episcopis, Diaconis, aliisque Ministris Ecclesiæ initiandis atque instituendis agit, & qualis quisque eligendus sit, graphicè describit, nullâ factâ mentione presbyterorum, quippe quos in personâ episcoporum satis instruit. Timotheum denique admonet, ut secundum hæc præcepta in Ecclesiâ Dei converteretur.

Cap. 4: Futura schismata & hæreses tanquam divino afflatus spiritu prædicit: rejectis curiosis & inutilibus disquisitionibus pietatem ante omnia sectandam Timotheo præcipit, & exempla optima præbenda fidelibus, ne quis eum fortè despiciat ob ætatem teneriorem, demum hortatur, ut sibi ac studio sacrarum litterarum sedulò intendat, & gratiam non negligat, quam in suâ ordinatione per impositionem manuum accepit.

Cap. 5. docet Episcopum, quâ ratione omnibus Ecclesiæ statibus providere debeat: tum monet, ne nimis facilem se præbeat ordinandis ac promovendis Ecclesiæ Ministris, quod consilium imò præceptum novissimis huiusce temporibus perquàm necessarium est, à cujus observatione

vatione reformatio Ecclesiasticæ disciplinæ magnâ ex parte pender.

Cap. 6. servos instruit, quid dominis debeant, avaritiam infectatur tanquam malorum omnium radicem, nec non hæresum novitatem, fidem denique quasi depositum servari jubet.



(Mm 3),

PARA-



# PARAPHRASIS IN EPISTOLÆ I. D. PAULI APOSTOLI

## AD TIMOTHEUM CAPUT I.

1. *Paulus Apostolus I. Jesu Christi secundum imperium Dei Salvatoris nostri & Christi Jesu spei nostra:*

2. *Timotheo dilecto filio in fide. Gratia, misericordia, & pax à Deo Patre, & Christo Jesu Domino nostro.*

**P**Aulus divinâ delegatione atque imperio Apostolus Salvatoris nostri ac Domini Jesu Christi, qui est unica spes nostra, 2. Timotheo germano & ingenuo in fide filio gratiam, misericordiam & pacem optat à Deo Patre, Christoque Jesu Domino nostro. 3. Cum in Macedoniam proficiscerer, rogavi te, ut

ut remaneres Ephesi, simulque quibusdam, qui isthuc sunt, aperte denunciare ne diversam ab eâ, quam nos ubique tradere consuevimus, doctrinam doceant, id quod iterum iterumque repeto, 4. uti etiam ne animum adjiciant ad fabulosâ commenta, & disquisitiones genealogicas, quibûs origines suas altissimè repetunt, & referunt ad ipsos Reges, Prophetas, Patriarchas, ut generis sui ac familiæ antiquissimam nobilitatem palam ostendent, atque ita inutilis quæstiones in infinitum multiplicant, ac contentionum materiam suggerunt, quàm divinam fidem ac pietatem ullo modo promoveant, atque idcirco, qui hæc curiosè sectantur, non Evangelio modò, sed etiam Legi, quam tamen magnopere prædicant, multis modis repugnant. 5. Finis enim, quò unicè lex atque præceptorum multitudo tanquam ad ultimam suam perfectionem refertur, atque collimât, est charitas, quæ ex puro corde omni scilicet pravâ cupiditate vacuo, conscientia rectâ ideoque fiducia plenâ, & fide minimè simulatâ, sed verâ, sincerâ, solidâ ortum

3. *Sicut rogavi te, ut remaneres Ephesi, cum irem in Macedoniam, ut denuntiare quibusdam, ne aliter docerent.*

4. *Neque intenderent fabulis & genealogiis interminatis: quas quàm adificationem Dei, quæ est in fide.*

5. *Finis autem præcepti est charitas de corde puro, & conscientia bonâ, & fide non fictâ.*

ha-

6. *A quibus quidam aberrantes conversi sunt in vaniloquium.*

7. *Volentes esse legis Doctores, non intelligentes neque qua loquuntur, neque de quibus affirmant.*

8. *Scimus autem, quia bona est lex, si quis eâ legitimè utatur;*

habet. 6. A quibus cùm veluti à scopo quidam aberrarint, ad inanem quandam & ampullatam loquacitatem, ad vanam eruditionis ostentationem, ad opiniones heteroclitas, ad futes & frivolas disputationes deflexerunt, 7. cùm interim legis, periti atque magistri haberi velint, nec tamen intelligant, quæ temerè effutiant, ac ne illa quidem, de quibus tam affirmatè, & prolixè garriunt. Neque verò idcirco eorum studium reprehendo, quòd in lege pervestigandâ versentur. 8. Scimus enim nobisque persuasum habemus bonam esse legem, si quis eâ legitimè utatur, cùm habeat auctorem Deum, & optima præcepta præscribat ad vitam sanctè instituendam. Sed, inquires, quomodo ergò eâ ritè & cum fructu utendum. R. in eâ minimè sistendum, neque reponendam fiduciam, neque eam sat virium præbere ad observantiam integram præceptorum, sed eâ quasi manu ducente ad Christum Dominum tendendum esse, in ejus gratiâ spem omnem collocandam, opem ipsius præpotentem contra quoscunque hostiles assultus implorandam,

dam, 9. qui enim ejus sanguine ac meritis consecuti sunt justitiam, ejus dispositione non amplius arctantur, sed eam longè transcendunt longè præstantiores actus exercendo ex motivis atque principiis altioribus. Tales non timore supplicii absterrentur à flagitiis, non spe temporalis mercedis excitantur ad virtutis studium, sed amore ac timore Dei, qui & hanc diligit, & quidquid ei repugnat, execratur ac persequitur, neque etiam comminatione moventur, quæ perinde ac pœna transgressores tantum respicit, qui nolunt ullâ ratione subesse, cultumque ac observantiam, quam Deo debent, perinde respuunt, ac obedientiam, quam hominibus sibi præpositis præstare tenentur, quales sunt impii, flagitiosi, nefarii, qui manus suas contaminare non verentur parentum & aliorum sibi propinquitatem sanguinis vel amicitiam junctorum sanguine, 10. scortatores, mollietiei ac pollutioni dediti, plagiarii, mendaces, perjuri, & quicumque quacunque aliâ ratione leges violant doctrinæ Evangelicæ, 11. cujus ad maximam Dei immortalis gloriam cedentis prædicatio mihi divinitus commissa

9. *Sciens hoc, quia lex justo non est posita, sed injustis, & non subditis, impiis, & peccatoribus, sceleratis, & contaminatis, parricidis, & homicidis,*

10. *Fornicariis, masculorum concubitoribus, plagiariis, mendacibus, & perjuris, & si quid aliud sana doctrina adversatur,*

11. *Quæ est secundum* (N n)

dum Evangelium gloria  
beati Dei, quod creditum  
est mihi.

12. Gratias ago ei,  
qui me confortavit, Chri-  
sto Jesu Domino nostro,  
quia fidelem me existima-  
vit, ponens in ministerio:

13. Qui prius blas-  
phemus fui, & persecu-  
tor, & contumeliosus: sed  
misericordiam Dei con-  
secutus sum: quia igno-  
rans feci in incredulitate,

missa est. 12. Cui quidem impen-  
sissimas gratias ago, quod me ad  
tam difficilem provinciam assumpse-  
rit, ac praesidiis necessariis abunde  
instruxerit, ad eam fideliter forti-  
tèque administrandam, 13. qui  
prius tot in eum, ejusque cultor-  
es probra & convicia evomueram,  
tantoque furore eos insectatus fue-  
ram. Profectò si Deus, prout, proh  
dolor, promeritus eram, in me ani-  
madvertere voluisset, perieram, &  
dignus eram, ut ab eo gravissimè  
offenso desereretur penitus, ultimò-  
que supplicio destinaretur, veniam  
tamen & misericordiam ob id ma-  
ximè consecutus sum, quod per  
inseiciam & mentis obstinatæ præci-  
pitantiam tam imprudenter egerim,  
nesciens me verum Messiam perse-  
qui. Misertus est mei Deus opti-  
mus tanquam hominis phrenetici  
gressum suum accelerantis ad se præ-  
cipitandum. Quò major ergò fuit  
mea cœcitas ac miseria, tantò be-  
nigniores se ostendit divina ele-  
mentia, mihi que mirificè præpo-  
tentis gratiæ suæ præventionem salu-  
tem attulit, cum eâ me indigere  
minimè intelligerem, crederemque  
eum potius impostorem esse pessi-  
mum,



mum, quàm Medicum adeò propi-  
 tium ac necessarium. 14. Post-  
 quam ex profundissimâ caligine, &  
 peccati abyssò emersi, torrente in-  
 super gratiarum & coelestium cha-  
 rismatum me obruit tantâ copiâ &  
 exuberantiâ, quam satis mirari ipse  
 & deprædicare non possum. In-  
 credulitati successit fides, furori,  
 quo Ecclesiam Christi infectatus  
 sum, ardentissima dilectio Dei &  
 proximi, nota videlicet & propria  
 Christianorum testera. Exemplum  
 hoc, quòd ex lupo me fecerit ovi-  
 culam, ex persecutore propugna-  
 torem Evangelii & Apostolum, me-  
 ritò excitare potest aliorum fiduci-  
 am, cùm hæc ipsa gratia etiam aliis  
 omnibus pateat. 15. Certa liqui-  
 dem atque explorata veritas est, mo-  
 disque omnibus digna, quam ut so-  
 latio plenissimam avidissimè ample-  
 ctamur, unicum Christi votum ac  
 studium esse, peccatores, propter  
 quos in mundum venit, si consen-  
 tire & obsequi voluerint, salvos fa-  
 cere, quorum me faciliè principem  
 agnosco, ac libens fateor, cùm an-  
 tesignanus fuerim persecutorum  
 Christi, auctor & incentor tot ma-  
 lorum, tantâ perversitate & in ma-  
 lum

14. *Superabundavit au-  
 tem gratia Domini no-  
 stricum fide, & dilectio-  
 ne, qua est in Christo  
 Jesu.*

15. *Fidelis sermo,  
 & omni acceptione dig-  
 nus: quòd Christus JE-  
 sus venit in hunc mun-  
 dum, peccatores salvos  
 facere, quorum primus  
 ego sum.*

(Nn 2)

16. *Sed ideo misericordiam consecutus sum: ut in me primo ostenderet Christus JESUS omnem patientiam, ad informationem eorum, qui credituri sunt illi, in vitam æternam.*

17. *Regi autem sæculorum immortalis, invisibili, soli Deo honor & gloria in sæcula sæculorum. Amen.*

lum proclivitate, ut si cœlesti gratiâ destituerer, longè sceleratior essem aliis etiam maximis peccatoribus tantâ gratiâ non præventis.

16. Idcirco tam benignè mei miseratus est, ut in me tanquam præcipuo & indignissimo peccatore omnem suam clementiam ostenderet ac longanimitatem, mēque in exemplum ac speculum iis proponeret, qui sempiternæ beatæque vitæ cupiditate inflammati ipsi fidem adjungerent, & quodam velut paradigmate significaret, qualem se Deus erga peccatores exhibeat, ut nemo quantumvis gravissimis sceleribus obstrictus de salute suâ desperet.

17. Quid jam referre vicissim poterimus in memorem pro tanto favore grati animi contestationem? Quid retribuemus bonorum omnium auctori ac largitori Deo, qui nec muneribus nostris redditur opulentior, neque per suam liberalitatem indigentior? Laudibus illum pro viribus prosequamur amplissimis, gratulemur ei de tantâ, quam possidet felicitate & gloriâ, cūque aliâ ratione pro tantis beneficiis ex æquo respondere non valeamus, dicamus omnes non solum orete-

oretenus, sed & animatus: Regi  
 sæculorum æterno, immortalis, &  
 invisibili, qui solus est verus Deus,  
 honor sit & gloria in omnem æter-  
 nitatem. Amen. 18. Ex nostrâ  
 verò parte demus operam, ut vota  
 ista exequamur, quantâ possu-  
 mus diligentiam invigilando anima-  
 bus fidei curæque nostræ commis-  
 sis, ut per nostram institutionem  
 ac directionem hostiæ laudis fiant  
 in conspectu Domini Dei nostri.  
 Hoc præceptum & hanc, quam  
 paulò ante explicui doctrinam sive  
 de legis naturâ ac fine, sive de  
 Christi beneficio in peccatores eti-  
 am atque etiam tibi commendo  
 fili mi Timothee, ut antegressis de  
 te revelationibus, quibus mihi divi-  
 nitus significatum est, te utilem  
 atque idoneum fore Ecclesiæ Dei  
 Ministrum pro virili parte respon-  
 deas, præbeasque te tanto mune-  
 re dignum, & in inchoatâ Christi  
 militiâ strenuum ac fortem exhi-  
 beas. Dimicandum tibi esse no-  
 veris assiduè cum hostibus tam ro-  
 bore, quàm calliditate præditis, vi-  
 gilandum diu nocturnumque, ne illis  
 ex improvîso irruentibus succum-  
 bas, ostende sis ergò veram fuisse  
 præ-

18. *Hoc præceptum  
 commendo tibi fili Timo-  
 thee, secundum præce-  
 dentes in te prophetias,  
 ut milites in illis bo-  
 nam militiam.*

(N n 3)

19. *Habens fidem, & bonam conscientiam, quam quidam repellentes, circa fidem naufragaverunt:* prædictionem, ostendes autem, 19. si indueris armaturam constantis & intrepidæ fidei, perfectæque veritatum divinarum notitiæ, ut eas & docere, & contra quoscunque propugnare, item conscientiæ nullius sibi sceleris consciæ, quâ sive rejectâ sive contemptâ non pauci facti veluti fidei naufragio perierunt, 20. inter quos sunt Hymenæus & Alexander, quos anathemate percussos & Ecclesiæ communione privatos tradidi Sarnæ, ut discant non amplius de rebus divinis impie loqui, & salubri pudore metuque compulsi ad mentem redeant, revocentque errores passim à se disseminatos.

20. *Ex quibus est Hymenæus, & Alexander: quos tradidi sarnæ, ut discant non blasphemare.*

## PARAPHRASIS

### CAP. II.

1. *Obsecro igitur primum omnium fieri obsecrationes, orationes, postulaciones, gratiarum actiones, pro omnibus hominibus:* 1. **P**ari sollicitudine declinandum est istorum confortium, utpote periculi plenum, quàm faciendæ ab omnibus deprecationes, obsecrationes, interpellationes, gratia-

gratiarum actiones pro cunctis mortalibus. 2. Et primum quidem pro regibus ceterisque omnibus supremum dignitatis fastigium tenentibus, tamen si aliam à nobis profiterentur religionem, ut sub eorum pacifico, prudente, iustoque regimine tranquillam & quietam vitam agamus non deliciis otiove deditam, sed cum omni pietatis genere, & morum honestate conjunctam. 3. Hoc enim cum per se bonum atque laudabile est, tum verò Christo Domino liberatori ac Deo nostro gratum inprimis & acceptum. 4. Qui quidem suapte naturam pro sua in omne genus hominum propensam ac benevolam voluntate cunctos mortales vult serio & efficaciter ex parte sua, non tamen absolute, sed ex hypothesi, si & ipsi velint & præstanda præstent, salvos fieri, & ad notitiam veri Numinis, veræque religionis pervenire, & hoc ipsum desiderium ac studium omnium salutem pro viribus procurandi in nobis excitat & urget. 5. Quemadmodum enim unus est Deus omnium tam infidelium quam fidelium creator ac dominus, qui summè bonus omnes homines

*2. Pro regibus & omnibus, qui in sublimitate sunt, ut quietam & tranquillam vitam agamus in omni pietate, & castitate.*

*3. Hoc enim bonum est, & acceptum coram Salvatore nostro Deo,*

*4. Qui omnes homines vult salvos fieri, & ad agnitionem veritatis venire.*

*5. Unus enim Deus, unus & mediator Dei & hominum homo Christus JESUS:*

6. *Qui dedit redempti-  
nem semetipsum pro  
omnibus, testimonium  
temporibus suis:*

7. *In quo positus sum  
ego per evangelium & Aposto-*

homines quasi filios suos tenerri-  
mè amat, ac salvos esse cupit, ita  
unum quoque nobis mediatorem  
primarium ac principalem dedit  
Christum Jesum filium suum, qui  
inter ipsum & homines, inter cre-  
ditorem & debitores, offensum &  
offendentes cum auctoritate sese  
medium interposuit, 6. & seme-  
típsum nimirum vitam sanguinè-  
que suam pro redimendo univer-  
so humano genere in pretium ac  
lytrum Deo Patri obtulit ac per-  
solvit eo fine, ut scilicet hæc ipsa  
mors & redemptio futuris tempo-  
ribus testimonium esset tum divini  
amoris erga omnes homines in  
hac vitâ, pro quorum salute san-  
guinem suum pretiosissimum dedit,  
tum justitiæ divinæ in futuro judi-  
cio, tunc enim Christi passio &  
redemptio testabitur ex parte Dei  
nihil detulisse, quò minus omnes  
quantumvis impii salvarentur, sed  
ex parte eorum obstidisse, eò quòd  
noluerunt Christo obsequi, sangui-  
nèque pro se effusum liberè coo-  
perando & applicando amplecti,  
& in propriam salutem convertere.  
7. Ad quod testimonium sive bene-  
ficio redemptionis tunc obbe pro-  
mul.

mulgandum veluti præco atque apostolus, (veritatem dico, non  
stolus deputatus sum, verè enim & mentior) doctor Gentium  
absque ullo fuce affirmare possum, in fide & veritate.  
doctorem me fuisse non Judæorum  
modò, sed & Gentium constitutum,  
& fidei ac veritatis magistrum. 8.

Sed ut redeam, unde digressus sum, orare in omni loco, levantes puras manus sine ira  
preces à viris peragi velim in quovis & disceptatione.  
loco opportuno, decenti ac tuto,  
purasque ab omni flagitio manus in  
cælum attolli absque injuriarum me-

moriâ, mentis exulceratione, & vin-

dictæ cupiditate. 9. Similiter & mu-

lieres in habitu ornato,

Ecclesias orationis causâ venire con-

tingat, idipsum religiosè observent,

ac præterea amictu non sordido, aut

lascivo, sed gravi, honesto ac mode-

rato compareant, qui matronam

Christianam deceat, non cincinnis

& calamistrato capillo, non auro,

non margaritis vestique nimis pre-

tiosâ splendidâ, sed singulari mode-

stiâ ac verecundiâ præditâ, 10.

prout illis convenit, quæ pietatem

colunt, eamque non linguâ tantum

& ad speciem, sed moribus ipsis ad

omnem honestatem compositis, o-

peribusque Deo gratis, proximo u-

tilibus profitentur. 11. Porro me

quidem auctore atque magistro ne-

cessè est mulierem cum silentio, quæ

jectione.

8. Volo ergò viros  
orare in omni loco, levantes puras manus sine ira  
& disceptatione.

9. Similiter & mu-  
lieres in habitu ornato,  
cum verecundiâ, & so-  
brietate ornantes se, &  
non in tortis crinibus,  
aut auro, aut margaritis,  
vel veste pretiosa :

10. Sed quod decet  
mulieres, promittentes  
pietatem per opera bona,

11. Mulier in silen-  
tio discat cum omni sub-  
jectione.

funt (Oo)

12. *Docere autem mulieri non permitto, neque dominari in virum; sed esse in silentio.*

13. *Adam enim primus formatus est, deinde Eva:*

14. *Et Adam non est*

sunt ad rectè & christianè vivendum necessaria, perdiscere, & viro omni ex parte subesse. 12. Neque enim fas esse duco, aut ullâ ratione partior, foeminam docendi munere publicè perfungi, aut auctoritatem despoticam in virum exercere, tametsi is privatâ admonitione me non invito leniter instrui vel corrigi possit, cùm eam silere potius oporteat, seque viro obsequentem ac subjectam præbere. Hæc non in eum finem dicta velim, ut supra meritum ac modum absquè ratione dignitatem sexûs virilis extollam. Scriptura sacra quæ ab omni erroris periculo & acceptione personarum aliena est, mihi suffragatur perspicuè. 13. Nam si ad prima naturæ primordia animum referas, hunc viri in foeminam principatum non obscurè percipies, etenim prior Adamus efformatus est tanquam princeps humani generis, tum ex illo jam condito Eva tanquam ex trunco surculus prodiit, neque vir propter mulierem, sed mulier propter virum creata est, meritò ergò vir dignitate, auctoritate ac potestate præferendus mulieri in ordine creationis posteriori. 14. Præterea Adamus nequaquam se-



seductus dicitur à serpente, quippe *seductus, mulier autem*  
 qui eum alloqui & sollicitare ad *seducta in pravaricatione*  
 transgressionem præcepti non est *ne fuit.*

ausus, cum probè sciret eum majori  
 sagacitate præditum, ac proin de-  
 ceptioni minùs obnoxium esse, quàm  
 mulierem, ideòque callidè partem  
 tentavit judiciò infirmiore, eam-  
 que, uti ipsamet se excusavit, reip-  
 sà decepit, existimabat enim, re non  
 satis excusà, serpentem vera dicere,  
 neque fuisse propriè ac tanto rigore  
 vetitum fructum ipsum, utpote  
 in speciem bonum, aspectu pulch-  
 rum, & perutilem ad majorem sapi-  
 entiam sibi comparandam, sed crede-  
 bat mysterium aliquod latere in  
 hoc præcepto, neque fortè se aut  
 virum suum satis assecutos mentem  
 verborum Dei, atque ita seducta  
 comedit, & virum, ut & ipse co-  
 moderet, blandiendo induxit, non  
 seduxit fallendo, qui tandem inor-  
 dinato conjugis amore, ne delicias  
 scilicet suas recusando contristaret,  
 morè gessit roganti & blandienti, ex  
 quo manifestè consequitur, mulierem  
 esse inferiorem prudentià, ut quæ se  
 passà sit seduci, neque hoc contenta  
 etiam virum & omnes posteros in  
 ruinam pertraxerit; cum itaque se  
 mel

15. *Salvabitur autem per filiorum generationem, si permanserit in fide & dilectione & sanctificatione cum abstinentia.*

mel docuerit sed tam malè, ut prima fuerit origo & occasio tam fatalis transgressionis, ergò impoſterum non doceat, sed fileat, & à viro benè & loqui & agere diſcat ejus imperio ac gubernationi ſubjecta. 15. Verumtamen tametſi mulier non permittatur docere publicè, non deerit tamen occasio impendendi dotes, quas habet, in procurandâ promovendâque ſalute tum ſuâ, tum alienâ, partim per privatas inſtructiones, partim per liberorum genitorum rectam in pietate ac probis moribus inſtitutionem, ſi non permiſerit ſe exemplô primæ Evæ per ſatanam decipi, & à recto virtutis tramite deduci, ſi fidem, ſi charitatem, ſi ſanctitatem ſi modeltiam ſtudioſè conſtantèrque coluerit, curaveritque quantum in ſe eſt, debitâ cum diſcretionem ac moderationem ſuo ſexui congruâ, ut & liberi in ſuſceptâ fide Chriſti, in dilectione Dei & proximi, in pietatis ſtudio & pravarum cupiditatum reſtrocinatione perſeверent, ſic enim mercedem conſequetur ampliffimam vitam ſcilicet immortalẽ omnibus illis promiſſam, qui ſecundũ ſtatum ac conditionem ſuam vita-

vitam duxerint Christianæ fidei ac  
disciplinæ consentaneam.

# PARAPHRASIS

## CAP. III.

I. **C**uiuslibet incumbit, ut probè no-  
verit, quæ sibi in suo statu,  
in quo à divinâ providentiâ collo-  
catus est, præscripta & observanda  
sint; quandoquidem autem præsu-  
sum status sanctitate ac dignitate alios  
omnes longè præcellit, accuratiùs  
de illo mihi agendum video, ac pro-  
in majorem à vobis attentionem po-  
stulo, cum doctrina, quam hac de  
re modò proponere constitui, longè  
certissima sit maximique momen-  
ti.

Quicumque zelò potiùs divinæ  
gloriæ, & salutis animarum accen-  
sus, quàm studiò aliis imperandi, &  
venerationem sibi ab iis procurandi  
Episcopi munus appetit, siquidem id  
faciat prædictâ intentione, quæ sola  
desiderium illud utcumque licitum  
reddere valet, opus præclarum pla-  
né

I. *Fidelis sermo: si  
quis episcopatum deside-  
rat, bonum opus desiderat.*

2. *Oportet ergo Episcopum irreprehensibilem esse, unius uxoris virum, sobrium, prudentem, ornatum, pudicum, hospitalem doctorem.*

néque eximium optat, sed ponderis simul onerisque gravissimi, quodque tot tamque eximias dotes requirit, ut non nisi rarissime omnes in unam personam conveniant. 2. In primis enim tanta in eo morum integritas requiritur, ut ne quidem ullius criminis umbra, vel prudens suspicio in eum cadere debeat: ut adeò instar angeli nulli perturbationi vitiòve sit obnoxius, quin tantà virtutis glorià excellat, ut solis instar cæteros tanquam stellas fulgore suo obscurat. Si dum eligitur, jam matrimonii vinculo illigatus sit, vel uxorem jam amiserit, unicam tantum habuisse oportet, non viduam, aut successive duas, quacum etiam post susceptos sacros ordines tanquam cum uxore sibi cohabitandum & ab omni conjugii usu deinceps abstinendum noverit, Christum enim Dominum representare debet, tanquam pastorem, cujus vices agit, & sponsum unius tantum sponsæ, nempe Ecclesiæ suæ. Uxorū pluralitas sive successiva sive simultanea manifestum indicium est incontinentiæ, quæ perfectæ puritati è diametro opponitur, cum tamen ista vel maximè refulgere debeat in eo, qui ali-

os ad eam excitare debet tam exem-  
 plô, quàm verbô. Ad istam verò  
 plurimùm conducit sobrietas, ne cibi  
 potusque intemperantia mentem e-  
 jus hebetet, atque prægraver, illûm-  
 que minùs idoneum reddat ad invigilandum pro ratione muneris ovi-  
 culis suis. Hæc porrò sobrietas ac mo-  
 deratio non tantùm in victu servan-  
 da est, sed etiam in vestitu, in famu-  
 litio, in supellectile, & quacunque al-  
 liâ re ad œconomiam & decorum ex-  
 trinsecum pertinente. Prudentiæ  
 ac modestiæ virtus ita omnes ratio-  
 ni obluſtantes cupiditates coërceat,  
 ut nulla in verbis, in gestibus, in vul-  
 tu levitas appareat, sed gravitas po-  
 tiùs & decentissima quædam mo-  
 rum compositio ubique eluceat,  
 quæ decorum servet in incessu, con-  
 venienti habitu, sermone, & omni  
 moru. His accedat verecundiæ ac  
 pudicitæ gratia sanctitatem quan-  
 dam præferens. Hospitalitatem  
 præterea amet, atque exhibeat pere-  
 grinis & advenis, majori eos chari-  
 tate quàm superfluo luxu excipi-  
 ens, & salutaribus potiùs monitis,  
 quàm exquisito ciborum delectu pa-  
 scens. Doctrinâ Christianâ probè  
 instructus sit, ut eam aliis luculen-  
 ter

3. *Non vinolentum, non percussorem, sed modestum; non litigiosum, non cupidum, sed*

4. *Sua domui benè prepositum, filios habentem subditos cum omni castitate.*

5. *Si quis autem do-*

ter communicare possit, quorum utilitatem ac fructum potius pro fine sibi propositum habeat, quàm vanam gloriam, vel emolumentum aliquod exinde à se percipiendum.

3. Largiori vini potui nequaquam deditus sit, neque ad contumelias, convitia, aut etiam ad verbera infligenda pronus, propter affinitatem & connexionem violentiæ cum vinolentiâ, manus enim Ecclesiastici præfûlis non facilè moveri debet nisi ad benedictionem aliis impertientdam, vel beneficentiam exhibendam. Sed modestus sit, comis, & mansuetus, qui non rigide jus suum exigat, sed quantum res patitur, aliorum semoribus & affectibus accommodare noverit. A jurgiis & contentionibus alienus sit, uti & ab avaritiæ sordibus, liberalis potius & munificus in pauperes.

4. Domui suæ benè & cum laude prudentiæ ac moderationis præsit, liberòsque in officio contineat, ut eorum oratio, vita, morèque modestiam, gravitatem, temperantiam, omnemque virtutem redeant, atque ita à domesticâ Episcopi disciplinâ recta ad informandam Ecclesiam petantur exempla.

5. Nam si quis familiæ suæ præ-

præesse nescit, nec inter privatos parietes disciplinam retinet, quâ quæso ratione Ecclesiasticæ gubernationi, quæ multò est tum difficilior, tum laboriosior, par esse poterit?

6. Neque etiam neophytum Ecclesiæ præficiendum censuerim, neque enim is satis Christianæ religionis præceptis atque institutis imbutus

erit, neque sufficientia constantiæ suæ specimina dederit, neque condignâ auctoritate in populum prævalebit, ut raceam, quòd ea res invidia & obtestationi sit obnoxia, si prætermisiss veteranis assumatur novitius, maximumque sit periculum, ne talis ex oviculâ subito pastor, ex discipulo magister persuasus Ecclesiam suâ operâ indigere, atque inde sibi complacens, nimioque fastu rurgidus in eandem damnationis sententiam cum Lucifero incidat, pereatque.

7. Satis etiam non est, si ejus vivendi ratio utcunque proberetur Christianis, exteriorum quoque seu Gentilium honorifico testimoniò suffragio commendabilis esse debet, ut nemo antea vitæ sordes ipsi exprobrare valeat, eumque idcirco contemptui habere, unde omni auctoritate excide-

*mui sua præesse nescit, quomodo Ecclesia Dei diligentiam habebit?*

*6. Non neophytum: ne in superbiam elatus, in judicium incidat diaboli.*

*7. Oportet autem illum & testimonium habere bonum ab iis, qui foris sunt, ut non in opprobrium incidat & in laqueum diaboli.*

(Pp)

8. *Diaconos similiter  
pudicos, non bilingues,  
non multo vino deditos,  
non turpe lucrum sectan-  
tes :*

9. *Habentes mysteri-  
um fidei in conscientia  
pura.*

10. *Et hi autem pro-  
bentur primum: & sic  
ministrent nullum cri-  
men habentes.*

11. *Mulieres simili-  
ter pudicas, non detra-  
hentes, sobrias, fideles in  
omnibus,*

12. *Diaconi sint*

ret, & facile in infamiam, aliorum o-  
dium, vel ipsam desperationem inci-  
deret, cujusmodi laqueis jam plures  
cepit, ac in exitium præcipitavit  
humani generis hostis. Hactenus  
de dotibus necessariis Episcopi egi-  
mus, transeamus nunc ad ejus mini-  
stros diaconos. 8. Istos pariter  
oportet esse honestis moribus prædi-  
tos, graves, compositos, non in ser-  
mone duplices, ac inconstantes, sed  
sinceros, candidos, nec vi-  
no supra modum deditos, neque  
præter statum sui decentiam turpiter  
ac sordide lucro inhiantes. 9. Sed  
contrà potius ejusmodi, qui exactam  
mysteriorum fidei notitiam cum vi-  
tæ probitate conjunctam habeant.  
10. Experimento non uno diligen-  
ter explorati, & non nisi multorum  
testimoniò probati, ut planè innoxii,  
nullique culpæ affines deprehendan-  
tur. 11. Eadem ratione diaconif-  
cas seu uxores diaconorum templi  
ministeriis addictas honestate ac gra-  
vitate morum conspicuas esse con-  
venit, non garrulas, & calumniis de-  
ditas, non vinosas, non furaces sed fi-  
deles in dispensatione rei domesti-  
cæ & omni negotio sibi commissio.  
12. Jam verò diaconi unius tantum  
con-



conjugii conscii sint, qui liberis rectè præsent, & familiam suam ad omnem pietatem instituunt. 13. Natus qui ritè suo munere functus fuerit, ad altiorem magisque honorificum gradum non tantum promovebitur, sed etiam magnâ cum confidentiâ ac libertate ea docebit & exequetur, quæ fides Christi exigat; ejusmodi fiduciam gignit vita inculpatâ, mensusque sibi conscia recti. 14. Hæc ad te paucis scribenda duxi, quia propediem me isthuc ad te venturum confido. 15. Quod si tardius venero, hæc breviter indicare volui, ne ignorares, quam vivendi rationem in domo Dei gubernandâ, & idoneis ministris instruendâ tenere debeas, domum autem cum dico, Ecclesiam Dei vivi intelligo, columnam & fulcimentum veritatis, sicut enim columna supposita sustentat, firmat, & fulcit ædificium, ne corruat, ita Ecclesia veritatem, hoc est, doctrinam fidei Christianæ sibi concreditam sustentat & conservat, ne corrumpatur, aut pereat. 16. Illa docet, explicat, nobisque communicat magnum illud divinæ erga homines benevolentiae mysterium atque argumentum, quod nos cunctis Gen-

unius uxoris viri; qui filiis suis bene præsent, & suis domibus.

13. Qui enim bene ministraverint, gradum bonum sibi acquirunt, & multam fiduciam in fide, quæ est in Christo Jesu.

14. Hæc tibi scribo, sperans me ad te venire citò.

15. Si autem tardius vero, ut scias, quomodo oporteat te in domo Dei conversari, quæ est Ecclesia Dei vivi, columna & firmamentum veritatis.

16. Et manifestè magnum est pietatis sacramentum, quod manifestatum est in carne, justificatum est in spiritu, ap-

(Pp 2)

*paruit angelis, prædica-  
tum est Gentibus, credi-  
tum est in mundo, assump-  
tum est in gloriâ.*

tibus proponimus, Deum scilicet im-  
mortalem corporeæ molis assump-  
tione & objectu cunctis mortalibus  
conspicuum factum, divinisque te-  
stimoniis confirmatum ac declara-  
tum, ut agnum sine maculâ ad tol-  
lenda mundi peccata oblatum, ut  
verum quoque Messiam ac fontem  
omnis gratiæ ac sanctitatis, in nati-  
vitate, in baptismo suscepto, per tor-  
stupenda signa ac prodigia in hunc  
finem passim edita ad declarandam  
ejus divinitatem, ipsis Angelis admi-  
ratione defixis ad omnium gentium  
etiam barbarorum pervenisse noti-  
tiam, quas idolorum cultus profun-  
dissimâ caligine involverat, & ubi-  
que pronas aliquorum mentes, au-  
rêsq; invenisse, qui eum à morte  
ignominiosissimâ redivivum & se-  
dentem modò ad dexteram Dei Pa-  
tris omnipotentis, ingentique gloriâ  
circumfusum religiosissimè depositâ  
omni superstitione adorarent, ejus-  
que Ecclesiæ sese obedientissimè sub-  
jicerent, spe pleni, in partem quo-  
que ac consortium sempiternæ feli-  
citatis se aliquando venturos, quo e-  
nim præcessit gloria Capitis, eò spes  
vocatur & corporis.

PA-

## PARAPHRASIS

## CAP. IV.

I. **T**Alis,inquam, est sublimis illa, præcellens atque veneratio-  
ne dignissima veritas, quam Ecce-  
sia per modum pretiosi depositi di-  
ligenter custodit, in quâ solidissimè  
fundatam habet totam propemo-  
dum religionis substantiam, & pro-  
missionum spem collocatam. Quid-  
quid in eam machinetur & atten-  
tet antiquus ille humani generis ho-  
stis, quæcunque tempestatem ex-  
citet, subruere illam nequiquam va-  
let. Interea tamen excubandum  
strenuè in omnem partem, curæque  
omnis ac industria Ministris Evange-  
lii eò dirigenda, ut semper parati &  
instructi sint ad errores, qui gra-  
tari paulatim incipiunt, clarè, solidèque  
refellendos, ne simplices indu-  
cantur in fraudem, & fatale toxi-  
cum imprudenter hauriant, dum e-  
xistimant sibi propinari salubria phar-  
maca. Spiritus sanè divinus fallere  
ne-

I. *Spiritus autem  
manifestè dicit, quia inno-  
vissimis temporibus dis-  
cedent quidam à fide at-  
tendentes spiritibus er-  
roris, & doctrinis da-  
moniorum,*

(P p 3)

2. *In hypocrisis loquentium mendacium, & cauteriatam habentium suam conscientiam,*

3. *Prohibentium nubere, abstinere à cibis, quos Deus creavit ad percipiendum cum gratiarum actione fidelibus, & iis, qui cognoverunt veritatem.*

4. *Quia omnis creatura Dei bona est, & nihil rejiciendum, quod cum gratiarum actione percipitur:*

5. *Sanctificatur enim per verbum Dei & orationem.*

nescius, & futura, antequam sint, certâ notione præcipiens apertè nobis denunciat, fore, ut sequentibus ac pene postremis mundi temporibus non pauci à fide desciscant, & nefariis impostorum doctrinis dæmonum operâ ac suggestionem dissimulatis aures nimis credulas præbeant, 2. qui licet, ut melius fallant, sanctitatem mentiantur ac præfessant, conscientiam tamen gerunt impurissimæ vitæ maculis indelebiter notatam, & veluti candenti ferrô inustam. 3. Quorum impudentia eò provehitur, ut matrimonia damnent, eorumque ciborum usum reprehendant, quos tamen Deus idcirco creavit, ut utilitati eorum serviant, qui divinam veritatem sibi annuntiatam acceptarunt, Deoque bonorum omnium auctori quantas maximas possunt gratias agunt. 4. Quidquid enim à Deo conditum est, id profectò omnino bonum & magnopere probandum videtur, nec prorsus quidquam rejiciendum, si cum gratiarum actione percipitur. 5. Esto etiam non quidem creatione, sed aliquo eventu quidpiam sit inquinatum, quale putatur esse, quod fuerit idolis immolatum, id profectò

Etò fac. â ante meniâm adhibitâ pre-  
 catione ac benedictione sanctum red-  
 ditur. 6. Porrò si hæc fratribus  
 proposueris, fidelem te utique ac  
 strenuum JESU Christi servum exhi-  
 bebis, pascens eos solidâ veræ fidei  
 doctrinâ, eamque diu noctûque as-  
 fiduâ meditatione recolens, ut eam  
 postmodum probè digestam aliis tuæ  
 curæ commissis dispertiaris. 7. Cæ-  
 terùm profanas, frivolas & aniles fa-  
 bulas rejice, quin potiùs te in omni  
 pietatis genere quàm diligentissimè,  
 quàmque accuratissimè exerce. 8.  
 Nam corporis quidem exercitatio  
 per luctam, cursum &c. aliquid qui-  
 dem utilitatis habet ad sanitatem  
 corporis conservandam, ad aliquod  
 bravium seu præmium temporale  
 obtinendum, pietas autem ad omnia  
 perutilis est, neque hujus vitæ finibus  
 inclusa futurorum bonorum amplif-  
 simam certissimâque pollicitatio-  
 nem complectitur. 9. Indubitata  
 est hæc veritas, dignâque omnino,  
 quam magnâ cum approbatione læ-  
 titâque complectamur. 10. Quis  
 enim nos in laboribus, ærumnis, &  
 miseræ vitæ angustiis consolatur?  
 quis facit, ut ludibria insuper habea-  
 mus, ut hilari animò opprobria &  
 calumnias perferamus, ut adversa  
 quæ

6. *Hæc proponens fra-  
 tribus, bonus eris mini-  
 ster Christi JESU, nutri-  
 tus verbis fidei, & bonæ  
 doctrina, quam affecutus*

7. *Ineptas autem, &  
 aniles fabulas evita, e-  
 xerce autem te ipsum ad  
 pietatem.*

8. *Nam corporalis e-  
 xercitatio ad modicum u-  
 tilis est: pietas autem ad  
 omnia utilis est, promissio-  
 nem habens vitæ, qua  
 nunc est, & futura.*

9. *Fidelis sermo, &  
 omni acceptione dignus.*

10. *In hoc enim la-  
 boramus, & maledici-  
 mur, quia speramus in  
 Deum vivum, qui est Sal-  
 vator omnium hominum,  
 maximè fidelium.*

11. *Præcipe hac, & doce.*

12. *Nemo adolescentiam tuam contemnat: sed exemplum esto fidelium in verbo, in conversatione, in charitate, in fide, & castitate.*

13. *Dum venio, attende lectioni, exhortationi & doctrina.*

14. *Noli negligere gratiam, qua in te est, maximè, si gratiam, quam pridem qua data est tibi per prophetiam, cum impositione manuum presbyterii.*

quæque ac dura in silentio & absque ullâ querimoniâ tolleremus? nisi quòd omnes spes nostras in Deo vivo sitas, & collocatas habemus, qui est conservator omnium hominum generali providentiâ, speciali verò & præcipuè fidelium; eos, dum premuntur, corroborans, faciènsque, ut res prosperæ ac sinistrae, confusio, & gloria, indigentia & opulentia, cuncta denique ad eorum salutem plurimùm conferant, gradusque sint ad thronum in regno cœlorum eis præparatum.

11. Atque hæc omnia pro ratione muneris tui eis palam denuntia ac præcipe. 12. Ne quis verò juventutem tuam despiciat, da operam, ut in sermonè, convictu, charitate, in spiritu, in fide, & puritate cæteris omnibus exemplò præluceas. 13. Interim verò, dum meus ad te adventus differtur, sacræ lectioni diligenter incumbere non curiositatis, aut propriæ delectationis gratiâ, sed ut oviculas tibi commissas pabulò cælestis doctrinæ pascere, & ad omnem pietatem excitare valeas.

14. ingratus esses, quàm qui maximè, si gratiam, quam pridem assécutus es revelante & jubente Deo per manuum sacerdotum impositionem possi-

positionem ad tuam aliorumque  
sanctificationem, negligeres. 15.

Hæc assiduâ tibi meditatione 15. *Hæc meditare,*  
versanda sunt, in his omnis tua de- *in his esto: ut profectus*  
bet desudare industria, ut quantum *tuus manifestus sit omni-*  
quotidie profeceris, faciliè ab omni- *bus.*

bus cognoscatur. 16. Tui sanè 16. *Attende tibi &*  
primùm, deinde etiam doctrinæ aliis *doctrinæ: instā in illis, hoc*  
tradendæ & benè imprimendæ cu- *enim faciens & te ipsum*  
ram habeto, in his sedulò persiste, *salvum facies, & eos, qui*  
hac enim ratione & tuæ ipsius, & *te audiunt.*

eorum, qui te audierint, salutis opti-  
mè consulueris.

## PARAPHRASIS

### CAP. V.

1. **V**itiis invalescentibus haud du- 1. *Seniorem ne incre-*  
biè parcendum minimè, sed *paveris, sed obsecra, ut*  
ubicunque locorum sese produnt, *patrem: juvenes ut*  
persequenda sunt fortiter, pruden- *fratres:*  
tiâ tamen hic opus & discreta mo-  
deratione. Seniorem, si quid re-  
prehensione dignum commiserit, ci-  
tra necessitatem noli acerbius &  
durius objurgare, sed modestè sua-  
virèrque hortare, ut patrem, junio-  
res

(Qq)

2. *Annus, àt matres:  
juvenculas ut sorores in  
omni castitate :*

3. *Viduas honora,  
quæ verè vidua sunt.*

4. *Si qua autem vi-  
dua filios, aut nepotes ha-  
bet, discat primùm do-  
mum suam regere, &  
mutuam vicem reddere  
parentibus: hoc enim ac-  
ceptum est coram Deo.*

res verò quasi fratres commonefa-  
cito. 2. Mulieres autem natu gran-  
diores observa ut matres, adoles-  
centiores quasi sorores per omnia  
castè, quia earum allocutio ille-  
cebrosà est, & facilè sinistram parit  
suspicionem. Quare si res postulat,  
ut cum eis loquendum sit, id bre-  
vissimè fiat, & cum eà animi, &  
oculorum custodià, vultus, & ser-  
monis gravitate, loci & tempo-  
ris cautelà, ut non solum intus ser-  
vetur corporis munditia, sed etiam  
exteriùs ab omni specie mali cavea-  
tur. 3. Viduas, quæ verè omni  
humano subsidiò ac solatio etiam  
filiorum, aut nepotum destituun-  
tur, unìque Deo intentæ ac dicatæ  
sunt, quo decet, honore & auxilio  
prosequere, & si tuâ ope indigent,  
ex communi Ecclesiæ proventu ad-  
juva, ut potes. 4. Quòd si vidua  
filios aut nepotes habeat, à quibus  
ali possit, discat primùm te magistro  
cum illis agere, ut grata cha-  
ritate sit omnibus, eosque vicissim  
pietate sic imbuat, ut mereatur ab  
eis accipere omnia necessària, dis-  
cat & progenitoribus suis, si su-  
perstites sint, parem gratiam red-  
dere eis inserviando, opitulando,  
alendo,



alendo, quemadmodum in tenellâ ætate ab illis alita atque adjuta fuit: sin parentes sint mortui, reddat illis vicem in filiis & nepotibus, ut & isti ejus exemplò discant, quibus officiis familia ritè administretur, parentique suæ aut aviæ parem benevolentiam præstent, id enim non humana tantum ratio postulat, tanquam honestum aut laudabile, sed est Deo vel maximè gratum. 5.

Porro quæ verè vidua est, & humanis destituta præsidii, spes suas omnes in uno Deo fixas ac locatas habeat, atque adedò dies noctesque precibus & supplicationibus illum sibi quàm diligentissimè conciliare studeat. 6. Contra verò quæ deliciis ac voluptatibus indulget, quæque nimio luxu diffluens vitæ suavitate perfruitur, ea sanè quamvis spiret, atque hanc auram vitalem ducat, re tamen verâ nihil præter monstrum & spirans cadaver censerì debet vivens corpore, mortua spiritu utpote gratiâ Dei privata. 7. Inter cætera igitur præcepta non postremum locum hoc habeat, quo illis denunties, ut eam vivendi rationem incant, quæ nulli probro, aut justæ reprehensioni pateat. 8.

Quòd

5. *Quæ autem verè vidua est, & desolata, speret in Deum, & in omnes in uno Deo fixas ac locatas sit obsecrationibus, & orationibus nocte ac die.*

6. *Nam quæ in deliciis est, vivens mortua est.*

7. *Et hoc præcipe, ut irreprehensibiles sint.*

8. *Si quis autem suorum, & max me domici-*

(Q q 2)

*ficorum curam non habet, fidem negavit, & est infideli deterior.*

9. *Vidua eligatur non minis sexaginta annorum, quæ fuerit unius viri uxor,*

10. *In operibus bonis testimonium habens, si filios educavit, si hospitio recepit, si sanctorum pedes lavit, si tribulationem patientibus subministravit, si omne opus bonum subsecuta est.*

11. *Adolescentiores autem viduas devita. Cum enim luxuriata fuerint in Christo, nubere volunt.*

Quòd si qua sit, quæ suis ac præcipuè domesticis ac familiaribus non eâ, quâ decet sollicitudine ac providentiâ prospiciat, ea profectò fidem non quidem verbò, sed opere abnegâsse videtur eique derogâsse, dum factò suo inhumano Gentes à fide suscipiendâ avertit, imò quovis infideli deterior atque detestabilior est ex hac parte, cùm Gentes naturali instinctu ac pietate curam suorum gerant.

9. Vidua sanè non minor annis sexaginta in sacrum viduarum collegium vel ad præfecturam adlegatur, illudque caveatur imprimis, ne primo conjugio soluta secundis fuerit nuptiis illigata.

10. Utque in studiosis honestisque actionibus cum laude atque idoneâ approbatione versata sit, quippe quæ liberos honestè educârît, peregrinos atque advenas hospitio exceperit, sanctorum pedes abluerit, afflictos erexerit, omnia denique pietatis officia studiosè complexa & assiduè sectata sit.

11. Juniores porrò viduas ne in viduarum collegium admittito, sic enim ferè usu venire solet, ut postquam tanquam vitulæ benefaginatæ ex Ecclesiæ proventibus recalcitrare & lascivire cœperint,

perint, Christi jugum & professionem continentiae excutiant, ruptisque votis, quibus quasi vinculis coëcebantur, in maximam Christi injuriam rursus nubere velint. 12. Ex eo potissimum non accusandæ modò, sed justè prorsus damnandæ, quòd primam fidem, quâ se Deo obstrinxerant, impiè, nefarièque violant. 13. Quòd si eò malitiæ nondum devenerint, saltem otio desidiæque languentes alienas solent domos obire non absque scandalo & periculo impudicitiae, curiosius hinc inde vagari, & explorare, quæ ad ipsas non pertinent, garrere perpetuò, & effutire, quæ minimè oportet, sive, quia secreta, quæ audierint, produnt, sive quia detrahunt famæ aliorum, sive verba non nunquam proferunt parum honesta & pudica. 14. Si me igitur audies, volo juniores illas, quibus periculum est luxuriæ ac damnationis, connubio jungi, liberos procreare, domum administrare, ita denique se gerere, ut nullam adversariis malè loquendi materiam vel occasionem præbeant de religione & instituto Christianorum. 15. Jam enim, quod magis noperè

12. *Habentes damnationem, quia primam fidem irritam fecerunt.*

13. *Simul autem & otiosa discunt circuire domos: non solum otiosa, sed & verbosa, & curiosa, loquentes, quæ non oportet.*

14. *Volo ergò juniores nubere, filios procreare, matresfamilias esse, nullam occasionem dare adversario maledicendi gratiâ.*

15. *Jam enim quædam conversa sunt retrò satanam.*

(Qq 3)

16. Si quis fidelis habet viduas, subministret illis: & non gravetur Ecclesia: ut iis, quæ verè viduæ sunt, sufficiat.

17. Qui benè præfunt presbyteri, duplici honore digni habeantur: maximè, qui laborant in verbo & doctrinâ.

18. Dicit enim Scriptura: non alligabis os bovi trituranti. Et dignus est operarius mercede suâ.

19. Adversùs presbyterum accusationem no-

nopere dolendum est, nonnullæ à recto tramite deflexerunt, atque improbis satanæ consiliis obsecutæ sunt prolapsæ in sordes luxuriæ, atque vel ideo indignæ publicis elemosynis.

16. Ne igitur Ecclesia nimis oneretur sustentatione quarumcunque viduarum, si quis fidelis aut si qua fidelis mulier aliquas habet viris orbatas sibi sanguinis propinquitate conjunctas, eis quæso necessaria ad victum suppeditet, nec patiatur Ecclesiam supra vires gravari, ut iis, quæ verè viduæ, omnique ope destitutæ sunt, opitulari queat.

17. Jam verò si fœminarum, quæ modicum Ecclesiæ obsequium præstant, tanta habetur cura, qui benè præfunt presbyteri, quique aliorum institutioni ac piæ educationi suam operam strenuè gnavitèrque impendunt, non simplici modò honore atque observantiâ digni erunt, sed etiam liberalitate atque beneficiâ singulari.

18. Siquidem in sacris literis scriptum est: non alligabis os bovi trituranti, cujus nempe typum gerunt prædicatores verbi Dei: & rursus alibi: dignus est operarius mercede suâ.

19. Præterea adversùs presbyterum accusationem  
ac

ne facîle admiseris, nisi crimen duobus vel tribus testibus probetur, cuius aut tribus testibus.

jus privilegii ratio reddi potest tam ex parte presbyterorum, quàm subditorum, nam illorum magna dignitas est, ac totius Cleri interest, ne facîle eorum existimatio lædatur, isti verò plerumque erga pastores suos iniquiores, & lapsus eorum justò gravius solent exaggerare, præsertim si eorum severitate, aut correptionibus exasperati sint. 20. Reliquos, qui publicè deliquerint, palàm coram omnibus argue, ut & ceteri inde timorem concipiant, & à flagitiis cohibeantur. 21. Te verò in conspectu Dei ac Domini nostri Jesu Christi, supremi Judicis, & electorum Angelorum, qui actionum nostrarum assidui spectatores sunt & ad

judicium cum eo venturi, etiam atque etiam obtestor, ut hæc omnia servēs, caveāsque inprimis, ne præoccupatâ sententiâ temerè quidquam definias, neque propensione animi aut personarum respectu in alteram partem declines. 22. Nemini verò citò manum imposueris sacros Ordines conferendo, ne exinde alienorum delictorum ex inconsultâ & temere-

20. *Peccantes coram omnibus argue: ut & ceteri timorem habeant.*

21. *Testor coram Deo, & Christo Jesu, & electis angelis, ut hæc custodias sine præjudicio, nihil faciens in alteram partem declinando.*

22. *Manus citò nemini imposueris, neque communicaveris peccatis alienis. Te ipsum castum custodi.*

23. *Noli adhuc aquam bibere, sed modico vino utere propter stomachum tuum, & frequentes tuas infirmitates.*

24. *Quorundam hominum peccata manifesta sunt praeceptis ad iudicium: quosdam autem & subsequuntur.*

25. *Similiter & facta bona manifesta sunt: & qua aliter se habent, abscondi non possunt.*

temerariâ ordinatione pullulantium ullo modò particeps fias. Te ipsum integrum semper atque purum servato. 23. Quia verò me non labi et vinò liberaliùs hausto suscitari luxuriam, illo permodicè utere, ut imbecillitati stomachi consulas, cui frigida puræ porus non parum nocet. 24. Non possum non sæpius tibi inculcare, quanti referat idoneas ad ministerium Evangelii selegisse, & ordinasse personas. Sic ergò habeto, quorundam hominum flagitia omnibùsque perspecta esse, ut non indigeant multâ indagine & examine, aliorum autem, qui callidè fortè occultant vitia sua, vivendi rationem non statim damnandam, nisi factâ diligenti inquisitione, ne ipsis injuria fiat. 25. Simili ratione laudabiles quorundam actiones sese ultrò ita produnt, ut iudicium examinis præveniant, de quibus proinde assumendis consultatione non sit opus, quæ verò secus habent, latere diu non possunt, si ritè discutiantur, quocirca in his sive ad Ordines admittendis, sive rejiciendis etiam atque etiam vide, ne quid per imprudentiam aut negligentiam pecces, atque ita alienæ fias particeps malitiæ.

malitiæ, si quos vel noveris impro-  
bos, vel meritò suspectos habeas,  
sacris initiare non verearis.

## PARAPHRASIS

### CAP. VI.

- I. **H**Actenus quæ dominos ac præ-  
positos concernunt, nunc  
à capite quodammodo ad pedes  
descendo, & subditorum officia ex-  
plicare aggredior. Quicunque ser-  
vitutis jugò premuntur, sic in ani-  
mo suo statuunt, dominos suos  
ut superstitiosis tenebris etiam-  
num involutos vel moribus impro-  
bos, omni tamen honore colendos,  
modò eorum imperia exequen-  
da legi divinæ non repugnent, ne  
aliàs Dei nomen Christianæque re-  
ligionis malè audiat, & odio habe-  
atur, quasi quæ dissolvat ordinem po-  
liticæ justitiæque humanæ, indul-  
gendo servis, ut dominos suos de-  
bito honore obsequiòque fraudent.
2. Quòd si qui Christiani servi in-  
ejusdem professionis dominos inci-  
derint,
- I. *Quicunque sunt  
sub jugo servi, dominos  
suos omni honore dignos  
Domini & doctrina blas-  
phemetur.*
2. *Qui autem fideles  
habent dominos, non con-  
(Rr)*

*temnant, quia fratres sunt: sed magis serviant, quia fideles sunt & dilecti, qui beneficii participes sunt. Hac doce, & exhortare.*

*3. Si quis aliter docet, & non acquiescit sanis sermonibus Domini nostri IESU Christi, & ei, quæ secundum pietatem est, doctrina:*

*4. Superbus est, nihil sciens, sed languens circa quæstiones & pugnas verborum: ex quibus oriuntur invidia, contentiones, blasphemias, suspensiones mala,*

*5. Conflationes hominum mente corruptorum, & qui veritate pri-*

*derint, perperam tunc agunt, seque indignos felici hac sorte & suaviori jugo ostendunt, si illos minus revereantur, ac prope despiciant, quod Christianæ fidei beneficiò pro fratribus agnoscantur, & mitius habeantur, sed potius hoc ipso tanquam fidelibus Deoque dilectis omnia obsequia quam diligentissimè præstent, memores, ejusdem illos beneficii ac gratiæ participes esse, quam ipsi divinitus consecuti sunt. Hæc quæsiò studiosè tuis exhortationibus cunctis observanda propone. 3. Quod si quis diversam tradit vel sectatur doctrinam, neque obtemperat IESU Christi Domini nostri præceptis, ei quæ doctrinæ, quæ pietati est inprimis consentanea, 4. is profectò nimio animi tumore inflatus, veræque scientiæ planè expers planè delirat atque insanit, dum fuitiles quæstiones, ac frivolas altercationes, pugnasque verborum movet, ex quibus ortum habent pessimorum vitiolorum genimina, acerbæ invidiæ vanæ contentiones, imprudentes calumniæ, & temerariæ suspensiones. 5. Supervacaneæ item disputationes hominum mentis emotæ, quibus lux veritatis aut non affulsit, aut subducta*



ducta est, qui vanam religionis ac pietatis speciem pravis suis cupiditatibus studiisque obtendunt, & negotiatorum more ad sordidum quæstum ac lucrum omnia referunt. *6. vati sunt, existimantium quæstum esse pietatem.*

6. Est sanè quæstus omnino magnus pietas, sed aliâ ratione, præsertim si *6. Est autem quæstus magnus pietas cum sufficientiâ.*

conjuncta sit cum animo suâ sorte & conditione contento, qui nimium aliena & superflua non requiratur. 7. Et cur obsecro Christianus veræ fidei luce collustratus ea requirat, cum non ignoret, neminem nostrum ortu suo quidquam in mundum intulisse, nihilque adeo digressu efferre possit. *7. Nihil enim intulimus in hunc mundum: haud dubium, quod nec auferre quid possimus.*

8. Itaque rationi inprimis consentaneum est, ut præter victum moderatumque corporis cultum nihil ultra quæramus. *8. Habentes autem alimenta, & quibus tegamur, his contenti sumus.*

9. Ita enim usu compertum est, eos, qui discere amant, eos miserè tentationibus, & laqueis implicari, plurimisque vâsanis ac noxiis cupiditatibus constringi, quæ nisi cohibeantur, miseros mortales exitiô obruunt atque interitu sempiterno. *9. Nam qui volunt divites fieri, incidunt in tentationem, & in iugum diaboli, & desideria multa inutilia, & nociva, que mergunt homines in interitum, & perditionem.*

10. Si quidem malorum omnium radix & veluti fons est & origo improbi aurî argentique corradendi cupiditas, quia viciis omnibus alimentum ac materiam præstat, dum pecuniæ causa *10. Radix enim omnium malorum est cupiditas, quam quidam appetentes erraverunt à fide.* (Rr 2)

de, & inferuerunt se doloribus multis.

11. *Tu autem ô homo Dei, hæc fuge: sectare verò iustitiam, pietatem, fidem, charitatem, patientiam, mansuetudinem.*

12. *Certa bonum certamen fidei, apprehende vitam æternam, in qua vocatus es, & confessus bonam confessionem coram multis testibus.*

causâ nihil non audent homines committere, quâ infrunitâ cupiditate dum nonnulli abripi se passi sunt, tum à fide aberrarunt, tum multis magnisque flagitiis atque inde consequentibus angustiis, curis, periculis ac peracutis conscientiarum remoribus sese implicuerunt. 11. Tu verò vir Deo inprimis chare, si sapias, ista quàm diligentissimè fuge, sectare verò & quanto potes studio complectere iustitiam alienam ab omni cupiditate rei alienæ, fidem, ipsamque cœlestis hæreditatis probè fundatam, charitatem in omnes beneficiendi occasiones intentam, invictam in rebus adversis non tantum patientiam, sed etiam mansuetudinem erga eos, qui bona nostra nobis eripiunt. 12. Coeptum in stadio ministerii Evangelici cursum generosè prosequere, & ita certa, ut palmam ac coronam vitæ sempiternæ victoribus propositam assequaris, cujus causâ ad fidem Christianam primum vocatus es per baptismum, & mox insignem illam coram multis testibus professus es vitæ rationem atque institutum, cum sacris initiatus hoc veluti auctoramento huic te militiæ sacramentò ob-

obstrinxisti. 13. Neque simplici  
 commonitione contentus insuper  
 tibi præcipio eoram Deo immorta-  
 li vitæque auctore, itémque JESU  
 Christo Domino nostro, qui coram  
 Pontio Pilato testatam fecit non tan-  
 tum verbò, sed effuso etiam postmo-  
 dum omni sanguine mirificam illam  
 professionem interrogatus & respon-  
 dens quis esset, præcipio, inquam,  
 ut hæc cateraque omnia divinæ le-  
 gis præcepta & complectaris animò,  
 & reipsâ perficias omnis prorsus  
 maculæ ac labis expers. 14. Quem-  
 admodum enim testis est verborum  
 quæ scripsi, ita iudex erit, & vindex  
 severissimus, nisi promissis steteris,  
 quando illustris ille & extremus ejus  
 adventus illucescet nobis quidem  
 incognitus, non autem Deo, 15. qui  
 se solo beatus est, & infinitâ  
 potestate præditus rex regum & do-  
 minus dominantium, 16. quique  
 ab omni æternitate circumfusus  
 undique lucem nullis creatis obtu-  
 libus perviam quasi proprium do-  
 micilium incolit, quem & nemo  
 unquam mortalium vidit, ac ne pro-  
 priis viribûs cernere quidem potest,  
 cui honor ab omnibus impendatur,  
 & imperium sit per omnium con-

13. *Præcipio tibi co-  
 ram Deo, qui vivificat  
 omnia, & Christo JESU,  
 qui testimonium reddidit  
 sub Pontio Pilato, be-  
 nam confessionem:*

14. *Ut serves man-  
 datum sine maculâ, irre-  
 prehensibile usque in ad-  
 ventum Domini nostri  
 JESU Christi:*

15. *Quem suis tem-  
 poribus ostendet beatus  
 & solus potens Rex re-  
 gum, & Dominus domi-  
 nantium.*

16. *Qui solus habet  
 immortalitatem, & lu-  
 cem inhabitat inaccessibi-  
 lem: quem nullus homi-  
 num vidit, sed nec vide-  
 re potest: cui honor &  
 imperium sempiternum.  
 Amen.*

(Rr 3)

17. *Divitibus hujus sæculi præcipe non sublimè sapere, neque sperare in incerto divitiarum, sed in Deo vivo (qui præstat nobis omnia abundè ad fruendum)*

fessionem sempiternum. 17. Porro his, qui in vitâ hac mortali divitiis affluunt, præcipe, ne in superbiam propterea & arrogantiam effertur, aliòsque indigentiores despiciant, nec spes suas in caducis, fluxis terrenisque bonis, quæ invitis etiam possessoribus facillè subduci possunt, sed in uno eorum auctore Deo sitas & locatas habeant, eùmque impensissimè ament, qui pro suâ bonitate tam copiosè nobis hæc omnia tamque liberaliter ad usus vitæ suppetat, longèque majora promittit

18. *Benè agere, divites fieri in bonis operibus, facillè tribuere, communicare,*

in cœlis, 18. si & aliis prompto ac hilari animò de facultatibus nostris subveniamus, & opibùs non contenti bonorum quoque operum ac meritorum cumulum nobis quàm studiosissimè comparemus tanquam fundamentum futuri ædificii quod nobis præparatur in

19. *Thesaurizare sibi fundamentum bonum in futurum, ut apprehendant veram vitam.*

cœlis, 19. & certum pignus sempiternæ felicitatis. 20. Thesaurum hunc o Timothee sanæ & sacræ doctrinæ, intelligentiæ Scripturarum & mysteriorum fidei, quam tu opte ingenio non invenisti, nec propriâ industriâ tibi comparasti, sed Deus & ego tibi quasi depositum integrè servandum & tutandum tradidimus,

20. O Timothee, depositum custodi, devitans profanas vocum i. ta- tes, & oppositiones falsi nominis scientia,

fideli-

fideliter custodi : prophanos de rebus inanibus clamores, & novatorum deliramenta devita, neque frivolis eorum argumentis ac sophismatibus, 21. quibus vanam fallacis scientiæ exultationem gloriosuli non absque veræ fidei dispendio aucupantur, refellendis longius immorare. Felicem tibi interea in fide

& gratiâ Christi perseverantiam ex animo precor.

A M E N.

21. *Quam quidem promittentes circa fidem exciderunt. Gratia tunc. Amen.*



ARGU-



# ARGUMENTUM

## EPISTOLÆ SECUNDÆ

## D. PAULI APOSTOLI

AD

## TIMOTHEUM.

**I**dem ferme est, quod prioris: Timotheum enim discipulum suum paternis consiliis, ecclesiasticisque præceptis informat, eumque ad se primo quoque tempore venire jubet, rogaturque ut ad se quædam perferat, quæ sibi partim necessaria, partim utilia futura essent. Hæreticos interim, & quosdam inprimis, quos nominatim designat, cavendos monet, quosdam item, quos adversarios expertus erat, non leviter perstringit, quosdam postremis sæculis exorituros prædicit, quorum errores ac mores ad vivum depingit. Hortatur denique, ut Evangelio promulgando strenuum se atque impigrum ostendat, nulli labori parcat,

parcat, nullum periculum reformidet, & magnitudine atque nobilitate præmii propositâ ad explendas omnes muneris sui partes vehementius inflammat.

Cap. 1. præmissâ consueta salutatione pacisque appreciatione suam in Timotheum benevolentiam & amorem declarat, quòd fidem & pietatem à matre & aviâ cum lacte suxerit : tum commendatâ ejus constantiâ hortatur illum, ut vigore resumpto intrepidè prædicet sanam Christi doctrinam, ejusque depositum arctè custodiat non obstante quorundam, qui à se defecerant, aversione & insectatione. Demum Onesiphori erga se victum fidem ac charitatem miris laudibus effert, eique benè precatur.

Cap. 2. veram apostolicæ doctrinæ formam præscribit monendo inprimis Timotheum, ut relictis negotiis secularibus prædicationi Evangelii totus incumbat, quasi strenuus miles, pugil, & agricola Christi. Tum spe resurrectionis & gloriæ coelestis eundem animat, ut pro fide quævis adversa, ipsamque mortem subeat, hortatur subin, ut rectè, & ad singulorum captum atque utilitatem exponat verbum veritatis, profanas verò novitates, & hæreticos resurrectionem inficientes, ut tuo exemplò & alii devitent, ac respuant, cura, & quandoquidem correctionem non admittunt, eorûmque malefana principia gangrænæ instar paulatim serpunt, & saniora quoque membra inficiunt ac perimunt. Quòd si aliqui à fide excidant, non ideo turbari nos oportere, cum reliqui in fide fundati persistant, qui nimirum signati sunt ex parte Dei per ejus præscientiam, ex parte nostrâ per odium fugamque peccati, esse enim in Ecclesiâ Dei quemadmodum in palatio magni Principis diversa vasa, pretiosâ quædam, alia vilia. Denique juveniles impetus cohibendos docet, contentiones in-

(Ss)

utiles

utiles fugiendas, lenteque errantes corrigendos ac instruendos.

Cap. 3. extrema mundi tempora, quæ Christi adventum consecuta sunt, describit, hominûmque ejus sæculi mores, & perditam vivendi rationem, doctrinâque corruptissimam ob oculos ponit, suo verò exemplô proposito Timotheum ad constantiam, animique firmitatem excitat, monétque, ut sacrarum litterarum studio se totum quantum impendat ob uberrimos fructus exinde tum in se tum in alios redundaturos.

Cap. 4. obtestatur Timotheum, ut quæ ex sacrorum voluminum lectione, atque attentâ meditatione didicerat, instanter prædicet, moneat, arguat suos idque propter imminetia ab hæreticis perversionis ac defectionis pericula, se enim id ampliùs facere non posse, cùm prævideat mortem sibi instare pro Christo obeundam, ac prædicationis laborûmque coronam sibi jam dudum apud fidelem judicem repositam: jubet postmodum, ut ad se ab omnibus pene derelictum cum penula & libris Romam properet ultimos amplexus excepturus. Recenset deinde, quomodo à Nerone & primis vinctus Deus eum liberaverit, à secundis porro se liberandum sperat glorioso martyrii triumpho. Demum epistolam claudit amicos salutans, & aliorum salutationes adscribens.



PARA-





# PARAPHRASIS

## EPISTOLÆ II. D. PAULI

### APOSTOLI

AD

## TIMOTHEUM

## CAPUT I.

- |   |   |
|---|---|
| <p>1. <b>P</b>Aulus Apostolus seu Legatus ac Minister JESU Christi id muneris non suis meritis, sed Dei voluntate sortitus ad annuntiandam, quæ per Christum promissâ est hominibus in eum credituris salutem ac vitam æternam.</p> | <p>1. <i>Paulus Apostolus JESU Christi per voluntatem Dei, secundum promissionem vitæ, quæ est in Christo JESU:</i></p> |
| <p>2. Timotheo dilecto filio gratiam, misericordiam, &amp; pacem à Deo Patre &amp; Christo JESU Domino</p>  | <p>2. <i>Timotheo charissimo filio, gratia, misericordia, pax à Deo Patre</i><br/>(Ss 2)</p>                            |

*tre, & Christo Jesu Domino nostro.*

3. *Gratias ago Deo, cui servo à progenitoribus in conscientiâ purâ, quòd sine intermissione habeam tui memoriam in orationibus meis, nocte ac die*

4. *Desiderans te videre, memor lachrymarum tuarum, ut gaudiò implear.*

5. *Recordationem accipiens ejus fidei, quæ est in te non ficta, quæ habitat primùm in aviâ tuâ Loide, & matre tuâ Eunice, certus sum autem, quòd & in te.*

Domino nostro ex animo precatur.

3. Continuatio novæque accessio celestium donorum, quæ divinâ liberalitate consecutus es, ad eò tibi necessaria est ad explendas omnes muneris tui partes, eaque ab auctore bonorum omnium immortalis Deo, cui paternâ majorum meorum institutione castâ purâque mente eum, quem debeo, cultum atque obsequium exhibeo, ad eò absolūtè dependet, ut ei gratiam habeam vel maximè obstrictus, quòd diu noctûque assiduam tui in precibus meis memoriam retineam. 4. Tuum interim conspectum vehementer opto, memor lachrymarum, quibus me abeuntem & à te avulsam prosecutus es, & licet longioris moræ impatiens spe tamen tui adventus non mediocriter recreor, cum non dubitem fore, ut tua mihi præsentia magnam gaudii accessionem alacura sit. 5. Hæret enim mihi in animo ejus minimè fictæ aut simulæ sed sinceræ iolidæque fidei, quâ te præditum esse à longâ expectantiâ certò scio, recens recordatio, quam haustam primùm ab aviâ tuâ Loide, deinde etiam à matre Eunice constantissimè retines, unde

unde non est, quòd de hac quidquam moneam, solum opto, 6. ut gratiam seu donum Dei tibi manuum mearum impositione collatum, cum te in Episcopum ordinâsses, resuscites, illique quanto potes, studiò sedulò respondeas: habet se illa ignis instar sub cineribus repositi ac sopiti, qui ne partim desidia, partim timoris frigore à sâtanâ vel rebeli carne penitus extinguitur, flatu indiget vel flabellò, quo suscitetur ac reardescat, ad hunc porrò ardorem perpetuò fovendum & adaugendum pro follibus & flabellis tibi serviant oratio, pia lectio, rerum sacrarum studium, vigilantia animi, exercitatio virtutum, ac præsertim renovatio zeli ad salutem populi tibi commissi diligentius ac ferventius procurandam. Non dubito, quin multa quotidie perferenda & superanda occurrant in tuo ministerio, animum tamen ne despondeas, 7. memor, spiritum, quem à Deo accepimus, non esse spiritum ignaviæ & timiditatis, ut in persecutionibus & temptationibus trepidemus, & animò contrahamur, sed magnanimæ potiùs charitatis, ut dura quævis & ardua animosè ac forti-

6. *Propter quam causam admonco te, ut resuscites gratiam Dei, quæ est in te per impositionem manuum mearum.*

7. *Non enim dedit nobis Deus spiritum timoris; sed virtutis & dilectionis, & sobrietatis.*

(S s 3)

8. *Noli itaque erubescere testimonium Domini nostri, neque me vincitum ejus: sed collabora Evangelio secundum virtutem Dei:*

9. *Qui nos liberavit, & vocavit vocatione sua sancta, non secundum opera nostra, sed secundum propositum suum, & gratiam, qua data est nobis in Christo Jesu ante tempora secularia,*

fortiter aggrediamur, & vincamus, aliorum onera ac infirmitates portemus, eorumque salutem vitæ nostræ præferamus, & ut uno verbo dicam, spiritum sanctæ omnino, intrepidæ atque nulli perturbationi obnoxie mentis. 8. Cave igitur, ne te unquam pudeat professionis, ac ministerii tui, quo Christum Dominum nostrum prædicas, eumque crucifixum Judæis scandalum, gentibus stulticiam, neque etiam te mei præceptoris tui aut vinculorum meorum pudeat, non enim ob malefictum aliquod vel scelus perpetratum illis constringor, sed propter nomen Christi Domini nostri. Esto potius particeps laborum atque discriminum, quæ Evangelii causâ non propriarum virium fiduciâ, sed divinâ ope ac potestate subeunda & perferenda sunt. 9. Is enim est, qui nos hactenus à peccato, potestate dæmonis, & morte æternâ liberavit, vocavitque admiranda planè ad veram vitæ sanctitatem vocatione, non ullo quidem actionum nostrarum meritò, sed gratuito liberalique divinæ suæ voluntatis beneplacitò, gratiæque beneficio, quæ nobis ab omni æternitate meritum Christi

Christi intuitu destinata & præparata fuit, sed abscondita in Deo, 10. nunc autem illustri Liberatoris nostri adventu cunctis mortalibus per apostolorum prædicationem palam facta est, qui mortem abolevit, novamque ac immortalem vitam in lucem & cognitionem quodammodo protulit, ac certam ejus spem nobis fecit per Evangelium toto orbe divulgatum. 11. Cujus quidem constitutus sum ego præco, & Apostolus, & gentium doctor ac Magister. 12. Quamobrem nullam aliam ob causam in hæc vincula conjectus sum, nec tamen propterea erubescō aut conturbor, novi enim, cui credidi, & cujus fidei ac potestati commiserim depositum meum, nempe thesaurum laborum, ærumnarum ac persecutionum, quas pro Evangelio subivi, hunc enim multis annis collectum in Dei sinu probā & fidā custodiā deposui, ut in illo die magno die judicii non modò integrum illum, sed magno etiam cum fœnore recipiam. 13. Solutio tibi pariter sit hæc fiducia, dāque operam ut altā mente retineas integræ sanæque doctrinæ, quam tibi tradidi vivam imaginem ac formam

10. *Manifestata est autem nunc per illuminationem Salvatoris nostri JESU Christi, qui destruxit quidem mortem, illuminavit autem vitam, & incorruptionem per Evangelium:*

11. *In quo positus sum ego predicator, & Apostolus, & Magister gentium.*

12. *Ob quam causam etiam hac patior, sed non confundor. Scio enim cui credidi, & certus sum, quia potens est depositum meum servare in illum diem.*

13. *Formam habes sanorum verborum, quæ à me audisti in fide, & in dilectione in Christo JESU.*

mam

14. *Bonum depositum  
custodi per Spiritum san-  
ctum, qui habitat in vo-  
bis.*

15. *Scis hoc, quòd  
aversi sunt à me omnes,  
qui in Asià sunt, ex qui-  
bus est Phygellus, & Her-  
mogenes.*

16. *Det misericor-  
diam Dominus Onesipho-  
ri domui: quia sæpe me  
refrigeravit, & catenam  
meam non erubuit:*

17. *Sed cum Romam  
venisset, sollicitè me que-  
sivit, & invenit.*

mam unà cum fide & dilectione christianâ. 14. Hunc pretiosum doctrinæ thesaurum diligenter custodi ope, gratiâque Spiritûs sancti, qui suam in mentibus nostris sedem ac domicilium collocavit ad confirmandos nos & corroborandos contra assultus dæmonum, hæreticorum, persecutorum, qui omnes machinas adhibent ad eripiendum nobis isthunc thesaurum sanæ fidei, nec mireris, eam tam paucos habere constantes assèclas, eadèmq; quâ acquiritur facilitate, amitti. 15. Scis utique, omnes pene Asianos fuisse animò à me penitus aversò & alieno, mihiq; terga vertisse, cum viderent, in quas angustias & discrimina incidissem, parèmq; sortem, si mihi ut Magistro adhererent, metuerent, quos inter fuere Phygellus & Hermogenes. 16. Minimè tamen Onesiphorus, ejusque familia, cui Deus idcirco benedicat, suâque illum beneficentiâ acclementiâ complectatur, ille námque sæpe me recreavit, & quod maximi faciendum est, vincula mea non erubuit. 17. Quin potius cum Romam venisset, me quàm diligentissimè perquisivit, nec conquievit, donec invenisset.

18. Faxit Deus, ut in extremo judicii die, ubi & iusti trepidabunt, divina misericordiae, quam vivens promeritus est, fontes illi quam maximè pateant, quam multa enim mihi Ephesi ministraverit, neminem latere puto, te verò in primis meorum sive bonorum, sive malorum conscium atque participem.

18. *Det illi Dominus invenire misericordiam à Domino in illà die. Et quanta Ephesi ministravit mihi, tu melius no-*

## PARAPHRASIS

### CAP. II.

1. **TU** igitur, fili mi, dum Evangelicam fidem promulgas, exemplo meo animatus fac forti & robusto animò sis, non tuis viribùs, sed divinâ potissimùm gratiâ nixus, quæ nunquam deest eam ardentè implorantibus.

1. *Tu ergò, fili mi, confortare in gratiâ, quæ est in Christo Jesu:*

2. Quæ porrò à me audisti multorum tunc præsentium testimoniò firmata, fidelibus iis præferim, qui aliis instituendis apti idoneique videbuntur progressu temporis, ut hac ratione apostolica doctrina ad alios aliòsque successio-

2. *Et qua audisti à me per multos testes, hac commenda fidelibus hominibus, qui idonei erunt & alios docere.*

(Tt)

3. *Laborascut bonus miles Christi Jesu.*

4. *Nemo militans Deo implicat se negotiis secularibus: ut ei placeat, cui se probavit.*

5. *Nam & qui certat in agone, non coronatur, nisi legitime certaverit.*

6. *Laborantem agricolam oportet primum de fructibus percipere.*

cessores quasi per manus transeat & propagetur ulterius. 3. Quidquid Evangelii causâ laborum, molestiarum, periculorum occurrat, intrepido, ac constanti feras animo tanquam strenuus miles sub Imperatore Christo, qui te castris suis præfecit. 4. Tuiste non alienis impende totum negotiis, nemo quippe qui se Christi militiæ sacramentò addixit, terrenis minimèque necessariis curis ac rebus implicatur, sed eò unice consilia studiâque sua dirigit, ut Imperatori suo, qui se militum numero adscripsit, omni ex parte probet. 5. Contemplare paulisper athletas, qui in arenam descendunt: nunquam profectò laureâ vel coronâ donantur, nisi legitime atque ex militari disciplinâ strenuè certaverint, ita & tu ne tibi satis esse putes, quòd Episcopum agas quocunque modo, nisi enim legitime nempe secundum leges à Deo præscriptas, & à me dudù tibi propositas eo certamine perfunctus fueris, nunquam immortalem lauream consequeris. 6. Hoc ipsum Evangelii ministerium, quo animæ excoluntur, laboribus quoque proventibusque agricolæ assimilari potest, quemadmodum enim hunc



hunc multa prius perferre, & non exiguo sudore madere necesse est, antequam primus fructuum ubertatem atque affluentiam recipiat, naturæ enim lege primi fructus suo debentur cultori, sic & tu, si diligenter ac fideliter in culturâ agri dominici perseveraveris, in præmio percipiendo primus ac præcipuus eris, & quasdam laborum tuorum primitias non absque ingenti solatio à Deo recipies. 7. Fac porro, ut hæc, quæ à me commemorantur, tecum ipse quàm diligentissimè recolas, Deumque supplex roga, ut tibi hætenus à me dictorum pleniorém intelligentiam conferat. 8. Nunquam verò pro tuâ consolatione, aliorumque institutione ex animo tuo vel memoriâ labi permittas, Christum Dominum veram Davidis sobolem post mortem acerbissimam ab inferis ad superos remeasse, uti ex me didicisti, cùm Evangelium prædicarem. 9. Cujus nunc causâ, quasi maleficus essem aut scelestus quispiam, divexor, plurimisque malis premor ad vincula usque & carceres, sed benè habet, quòd verbum Dei catenis adstringi ac vinciri nequeat, neque enim idcirco cesso evangelizare tum verbò

7. *Intellige, quæ dico: dabit enim tibi Dominus in omnibus intellectum.*

8. *Memor esto, Dominum Jesum Christum resurrexisse à mortuis ex semine David, secundum Evangelium meum.*

9. *In quo laboro usque ad vincula, quasi male operans: sed verbum Dei non est alligatum.*

(Tt 2)

10. *Ideo omnia sustineo propter electos, ut & ipsi salutem consequantur, qua est in Christo Jesu cum gloria cælesti.*

11. *Fidelis sermo: nam si commortui sumus, & convivemus,*

12. *Si sustinebimus, & conregnabimus: si cum illo crucem nobis impositam ænegaverimus, & ille negabit nos.*

verbô tum scripto, esto quòd corpus ferrô onustum non amplius sit liberum, lingua tamen adhuc soluta & libera intrepidè ac fidenter verbum Domini annuntiare pergit. 10. Eam ob causam, ut electorum salutem consulam, qui ad ovile salutis nostris laboribûs & industriâ perducendi sunt, omnia mihi non solum libenti sed etiam hilari animô perferenda duco, ut illi eam aliquando beatam vitam adipiscantur, quam Christus Dominus unâ cum sempiterna gloriâ nobis suo sanguine peperit. 11. Certum enim fixumque illud omnino esse debet, si dura quæque & aspera pro Christo patiamur, ipsique per continuam sensuum nostrorum & appetituum abnegationem commoriamur, nos simul cum ipso resurrekturos ac regnkturos æternum. 12. Si unâ cum illo crucem nobis impositam æquo animô portemus, gloriose nos postmodum ad cœlestem ejus thronum elevandos, quòd si metu persecutionum, vel amore terrenarum sive illecebrarum sive dignitatum ejus ejurabimus, nos illius judiciô provibus suis minimè agnoscendos, sed beatorum cœtu penitus excludendos. Nihil quidem ipsi decedit per jacturam

ram suorum fervorum ac clientum, nobis autem quàm plurimùm, si tali magistrò ac Domino orbari contingerit. 13. Nos quidem contra fidem datam deficere ab eo possumus quod promissimus, ipse verò minimè, cùm sanctitas ac firmitas divinarum promissionum nullâ ratione dependeat ab incredulitate vel inconstantia nostra, neque enim ullo modo potest à se ipso deficere, ac immutabilem divinæ majestatis naturam à se abjicere, quidquid agant instabiles quocunque momento mortales, cùm sibi ipsi solus sufficiat ad plenam felicitatem.

14. Hæc ut salutaria momenta identidem fidelibus proponito, declarans, te de istis eos commune facere coram Christo Domino, qui in judicio testis esse poterit præstiti à te officii, & vindex contemptæ admonitionis. Illud etiam diligenter inculca, ut inutiles ac supervacaneas contentiones evitent, ubi de verbis potius, quàm rebus disceptatur, ubi non tam veritas quæritur, quàm ostentatio scientiæ, non tam aliorum utilitas, quàm propria gloria, imò auditorum mentes turbantur, dubiis implicantur, & à fide avertuntur. 15. Neque ita tamen aliorum saluti te impendito, ut propriam

13. *Si non credimus, ille fidelis permanet, negare se ipsum non potest.*

14. *Hæc commone:te-  
stificans coram Domino.  
Noli contendere verbis;  
ad nihil enim utile est, ni-  
si ad subversionem audi-  
entium.*

15. *Sollicitè cura te ip-  
sum probabilem exhibere  
(Tt 3)*

*Deo, operarium inconfu-  
sibilem, rectè tractantem  
verbum veritatis.*

16. *Profana autem,  
& vani quia devota:  
multam enim proficiunt  
ad impietatem:*

17. *Et sermo eorum,  
ut cancer serpit: ex quibus  
est Hymeneus & Phile-  
tus,*

18. *Qui à veritate ex-  
ciderunt, dicentes, re-  
surrectionem esse jam  
factam, & subverterunt  
quorundam fidem.*

propriam negligas, sed potius da o-  
peram, ut te quàm probatissimum  
Deo sis, dignum verbi Dei præco-  
nem, strenuum in vinea Domini o-  
perarium, qui nullo dedecore vel ig-  
nominia pudeat, nullis minis vel  
suppliciis commoveatur, qui denique  
veram Evangelicæ doctrinæ senten-  
tiam pro dignitate muneris Episcopa-  
lis & aliorum utilitate aptè concinnèque  
enucleet. Neque in unam nec in al-  
teram partem deflectas sed veritati  
traditæ ad amissim adhæresce. 16.  
Profanas dogmatum novitates & im-  
portunas vociferationes prætermit-  
tendas noveris, neque cum ejusmo-  
di sciolis atque thraſonibus multum  
agendum, 17. eorum enim oratio do-  
ctrinæque corruptissima mede-  
lam nullam admittit, sed unam ex al-  
terâ propositionem impiam protru-  
dens gangrænæ instar latius serpit,  
venenum suum diffundit, cuncta  
depascitur & absumit, quorum de  
numero scito esse exitiales hæreticos  
Hymenæum & Philetum. 18. Qui  
quidem cum à veritate Evangelicâ  
aberrassent, tum eò devenire de-  
mentia, ut affirmant, mortuorum  
anastasin jam præterisse, quippe  
quæ præcisè consistat in transitu è  
peccato in statum gratiæ atque hac  
im-

imposturâ plurimorum fidei fucum faciunt. 19. Neque tamen idcirco quis sibi persuadeat, electorum quoque fidem proximam esse periculo ruinæ, probè illa fundata est in vocatione ac prædestinatione Dei, quæ labefactari & subrui non valet: novit quippe Dominus perbenè, quos ipse elegerit, suæque prædestinationis arcano decretò tanquam sigillò firmaverit. Noli profundam hujus mysterii caliginem ingredi & curiosius scrutari, sed scito non tantum signum electionis ad gloriam certissimum, sed etiam causam efficacissimam esse, si vita sanæ fidei respondeat, & sicut ore invocamus nomen Domini, ita & corde ac opere sectemur observantiam divinatorum præceptorum, & ab omni iniquitate longissimè recedamus. 20. Quòd autem fideles iique non pauci subinde seducantur, atque à fide suâ sponte, non verò Dei voluntate prædeterminante deficiant, quid mirum? nam in magnâ & locupleti domo, nempe Ecclesia Dei sunt vasa omnis generis, quædam aurea & argentea, nempe illustres ac constantes in fide ac sanctitate personæ, quædam lignea & fictilia, fragiles scilicet & infirmæ, quædam

19. *Sed firmum fundamentum Dei stat, habens signaculum hoc: cognovit Dominus, qui sunt ejus, & discedat ab iniquitate, omnis, qui nominat nomen Domini.*

20. *In magnâ autem domo non solum sunt vasa aurea, & argentea, sed & lignea, & fictilia: & quædam quidem in honorem, quædam autem in contumeliam.*

21. *Si quis ergò se emundaverit ab istis, erit vas in honorem sanctificatum, & utile Domino, ad omne opus bonum paratum.*

22. *Juvenilia autem desideria fuge, sectare verò justitiam, fidem, charitatem, & pacem cum his, qui invocant Dominum de corde puro.*

quædam in nobiles & honorificos usus, quædam in sordida & vilia ministeria, è quorum numero non utique mirum, quædam subinde etiam quoad fidem frangi, & è domo projici. 21. Sed ne putes, conclamatum penitus esse de talibus, nam si quis cum auxilio divinæ gratiæ nunquam sibi defuturo seipsum à peccatorum sordibus probè ac diligenter perpurgarit, erit vas ad decus & ornamentum ritè exornatum gratiâ sanctificante, atque ad omne opus bonum & obsequium cœlestis patrisfamilias accommodatum. Cujus voluntatem ut ante omnia perspectam habeas, & exactè adimpleas, tibi maximæ curæ sit. 22. Huic mentem tuam ex integro subijce atque conforma, studia atque vitia, quibus juvenilis ætas obnoxia esse solet, ut superbiam, levitatem, contentionem, inanem gloriam ac temeritatem fuge, sectare verò justitiam, quæ neminem lædit, sed cuique quod suum est, tribuit, fidem, quæ sine curiosâ disquisitione recipit mysteria à Deo revelata, charitatem, quæ non inflatur, non æmularatur, non est ambitiosa, non quæ sua sunt quærit, sed quæ aliorum, pacem

pacem denique cum iis, qui Deum sincerâ mente colunt. 23. Ineptas vero & frivolas quæstiones, ex quibus nulla ad veram sapientiam & christianam doctrinam speranda accessio, sed metuenda potius contentionum multiplicatio, ita respue, ut neque ipse eas agites, neque ab aliis agitari sinas. 24. Servum enim Domini, qui inter filios hominum mitissimus fuit & pacificus, minimè oportet absque ratione aliis contradicere sed placidum se potius comémque & vultu & verbis erga omnes se exhibere, aptum & idoneum ad docendum, ita tamen ut ratione potius ac suavitate persuadere velit quam imperiosa auctoritate, 25. quique non præfervidè sed modèstè & cum omni lenitate eos redarguat, qui doctrinæ suæ pertinaciùs obluçantur, fortè enim illos Deus potentiori gratiâ collustratos ad salubrem poenitentiam excitabit, ut veritatem agnoscant & complectantur, 26. et elapsi aliquando à diaboli laqueis resipiscant, sèque ad Dei voluntatem omni ex parte componant.

23. *Stultas autem, & sine disciplinâ quæstiones devita: sciens, quia generant lites.*

24. *Servum autem Domini non oportet litigare: sed mansuetum esse ad omnes, docilem, patientem.*

25. *Cum modèstâ corripientem eos, qui resistunt veritati: ne quando Deus det illis poenitentiam ad cognoscendam veritatem.*

26. *Ut resipiscant à diaboli laqueis, à quo captivi tenentur ad ipsius voluntatem.*

PARA-

(Uu)

## PARAPHRASIS

## CAP. III.

1. *Hoc autem scito, quòd in novissimis diebus instabunt tempora periculosa:*

2. *Erunt homines se ipsos amantes, cupidi, elati, superbi, blasphemii, parentibus non obedientes, ingrati, scelesti.*

3. *Sine affectione, sine pace, criminales, in-*

1. **T**Empestivè te accingi oportet ad imminentem luctam cum adversariis, quorum genuinum characterem vivis tibi coloribùs repræsentò, ut ab his hominum ac scelerum monstis cavere noveris, & mala devitare, quæ sensim quidem jam nunc erumpunt, majoraque indies incrementa capient, sed sub mundi finem latius uberiùsque sese effundent. 2. Siquidem in lucem prodibunt homines sui duntaxat amantes, & privatorum commodorum supra quàm dici possit, studiosi, avaritiâ atque auri cupiditate corrupti, fastu elati, jactabundi, suæ, non divinæ gloriæ sectatores, maledictis & convitiis Superos, Principes terræ, & quemcunque probitate conspicuum laceßentes, erga parentes, atque præpositos immorigeri, refractarii, ingrati denique atque impii. 3. Omni prorsus humanitatis sensu carentes, fœ-



foedifragi, perfidi, calumniatores *continentis, immites, sine benignitate.* improbi, foedis voluptatibus ad in-

saniam dediti, crudeles, turbulenti, bonorum omnium contemptores atque osores.

4. Proditionibus infames, præcipites ac effrontes, arrogantia & superbiâ supra modum inflati, quique impuras ac

peculantes libidines sancto Dei amoris timorique largè anteponant.

5. Speciem quandam vel larvam potius pietatis ac honestatis præferentes, intra se verò & in occulto nequissimi; primi legum, quas aliis præscribunt, violatores. Hæc hominum pestis, quorum jam præcursores & emissarii quidam apparent, fugienda tibi maximè, neque hæc cautela quasi nimia ordinatæ charitati ullo modo repugnat.

6. Ex hac colluvie videre est nonnullos, qui mille artibus in aliorum familias atque amicitiam se callidè insinuant, & mulierculas sceleribus jam cooperatas & infames non tantum ab iis non revocant, sed abominandis suis persuasionibus in graviora flagitia pertractas suis faciunt servire & obtemperare cupiditatibus instar jumenti omni ratione carentis.

7. Quæ tamen vanæ scientiæ studiò atque gloria

4. *Proditores, protervi, tumidi, & voluptatum amatores magis quam Dei.*

5. *Habentes speciem quidem pietatis, virtutem autem ejus abnegantes. Et hos devita.*

6. *Ex his enim sunt, qui penetrant domos: & captivas ducunt mulierculas oneratas peccatis, quæ ducuntur variis desideriiis;*

7. *Semper discentes, & nunquam ad scientiam*  
(Uu 2)

am veritatis pervenientes.

8. *Quemadmodum autem Jannes & Mambres resistunt Moysi: ita & hi resistunt veritati, homines corrupti mente, reprobi circa fidem,*

9. *Sed ultra non proficient: insipientia enim eorum manifesta erit omnibus, sicut & illorum fuit.*

10. *Tu autem affectus es meam doctrinam, institutionem, propositum, fidem, longanimitatem, dilectionem, patientiam,*

riâ tumidâ, licet sibi supra modum sapere videantur, nunquam tamen solidam veritatem edocentur ab his sycophantis & falsariis. 8. Hi ipsi enim exemplò Jannis & Mambris, qui suis præstigiis Moysi obstiterant, suis fallaciis technisque veritatem palàm oppugnant, simplicioribus fucum faciunt, mentèque corrupti saniorē fidei doctrinam velut nocturæ lucem respuunt. Quid aliud ab hoc hominum genere expectes, qui viciosi affectibus depravati cœcâ mentis obstinatione sibi ipsis viam ad veritatem ac salutem præcluserint?

9. Neque tamen idcirco animum despondeas, sed pro tuo solatio scito, venenò hoc non universâ Ecclesiæ membra inficienda, divinâ enim providentiâ ac bonitate istorum amentia maximo eorum probro in lucem proferetur, & detectâ pietatis larvâ fraus & falsitas orbi palàm innotescet, quemadmodum illorum improbitas omnibus perspecta fuit & cognita.

10. Deo sint laudes, quòd meliore tu saltem consilio ductus meam pridem doctrinam sectatus sis, sociusque ac testis fidelis meorum actionum in itineribus integritatem vitæ, quidque in munere meo aposto-

apostolico & in omni actione spectaverim ac spectem, scilicet non privata mea commoda, sed gloriam Dei per Christum, constantiam in rebus adversis, lenitatem erga persecutores & veritatis adversarios, charitatem erga proximum, omnem denique vivendi rationem perspectam habeas.

11. Quin etiam probè nôsti, cujusmodi & quàm graves fuerint persecutiones ac molestiæ, quas Antiochiæ, Iconii, & Lystris perpeti coactus sum, ex quibus tamen omnibus Dei beneficio evasi.

12. Sic enim velim tibi persuadeas, omnibus qui piè ac religiosè volunt vivere ex præscripto ac consilio Christi, multa adversa & molesta perferenda esse.

13. Nullæ dantur in hujus vitæ militiâ induciæ, improbi enim & impostores, dum florent, & secundo ventô navigant, mala malis cumulabunt, fraudes fraudibus innectent, ut incautos decipiant, pacemque nunquam inibunt aut servabunt cum iis, quos probitatis ac veritatis noverint esse perquàm studiosos.

14. Tu verò dum illi impietatem suam ulteriùs promovent, in virtutum studio aliorumque ad omnem pietatem institutione novos e-

contra

11. *Persecutiones ; passiones : qualia mihi facta sunt Antiochia, Iconii, & Lystris: quales persecutiones sustinui, & ex omnibus eripuit me Dominus.*

12. *Et omnes, qui piè volunt vivere in Christo Jesu, persecutionem patientur.*

13. *Mali autem homines, & seductores proficient in pejus, errantes, & in errorem mittentes.*

14. *Tu verò permane in iis, quæ didicisti, & credita sunt tibi, sciens à quo didiceris.*

(Uu 3)

15. *Et quia ab infantia sacras litteras nosti, quæ te possunt instruere ad salutem, perfidem, quæ est in Christo Jesu.*

16. *Omnis scriptura divinitus inspirata utilis est ad docendum, ad arguendum, ad corripiendum, ad erudiendum in justitiâ;*

17. *Ut perfectus sit homo Dei, ad omne opus bonum instructus.*

contra progressus facito, tenacissimè ea retinens, quæ pridem instar depositi à me tibi credita ac commissa sunt, memor semper, à quo illa didiceris, de cujus scilicet ut Apostoli Christi Domini auctoritate dubitare non potes. 15. Cùmque à primis annis sacrarum litterarum studio te addixeris, habes inde adjumentum opportunissimum ad alios erudiendos circa fidei ac disciplinæ Christianæ capita. 16. Hoc enim possum ingenuè profiteri omnem scripturam divino Numine traditam utilem esse & efficacem ad doctrinam aptè & accommodatè explicandam, ad errores refellendos, ad pravos mores corrigendos, denique ad eam eruditionem comparandam, ex quâ vera justitia sanctitâsque consequatur. 17. At qui pastoralis ac episcopali munere ritè fungi, atque vir esse velit secundum cor Dei, qui ejus, quem repræsentat, gloriam, nec non animarum sibi commissarum salutem pro viribus promoveat, sit numeris omnibus absolutus, & ad omnes sui muneris partes explendas sit probe comparatus atque instructus.

PARA-

# PARAPHRASIS

## CAP. IV.

1. **H**Abenda tibi præ oculis assiduè fratrum tuorum salus, & tamen si hac in re te minimè suspectum habeam de tepore aut languore aliquo, attamen non possum non te obtestari coram Deo cuncta cernente, eodémque humanarum actionum iudice Christo Jesu, qui iudicaturus est aliquando cunctos mortales, sive qui jam pridem vitâ functi sunt, sive qui etiamnum hac spirabili atque vitali aurâ fruuntur, cum videlicet, cum illustri & magnifico illo adventu suo regnum sibi suisque immortale comparabit, obtestari, inquam, 2. ut in benè coëptis strenuè pergas, divinum verbum Christi quæ legem constanter prædicēs, & quæ didicisti, aliis sedulò explāes, aliās ab eo certò certius puniendus graviter, si hac in re te negligentem invenerit. Nullo non tempore seu commodo volentibus seu

1. *Testificor coram Deo & Jesu Christo, qui iudicaturus est vivos, & mortuos, per adventum ipsius, & regnum ejus:*

2. *Prædica verbum, in qua opportune, importune: argues, obsecras, increpa in omni patientia & doctrinâ.*

seu incommodo nolentibus insta operi, nec cessâ quacunque difficultate aut molestiâ absterritus, multò minùs cura aliorum dièctia te importunum ac molestum hominem vocitantium. Ubique tam publicè quàm privatim, turbulentis perinde ac tranquillis Ecclesiæ temporibùs te fortiter oppone perversæ doctrinæ magistris, objurga illos, ac increpa, qui dissolutâ vivendi ratione innocuis atque ingenuis, mentibus scandalum præbent, seniores obsecra & hortare quacunque ratione poteris ad mores incorruptos, ad vitæ sanctimoniam omni tamen tam lenitate quàm soliditate doctrinæ adhibitâ, ut obstinatissimi quoque ratione convicti longâ patientiâ flectantur & sanentur. Non abs re tam sollicitè tamque instanter te adhortor, ut munere tuo magnâ cum fide ac solertiâ fungaris, præparandus tibi enim est animus contra tempestatem periculosam Ecclesiæ imminentem, & præservandæ tibi erunt oviculæ à contagione illis afflandâ.

3. *Erit enim tempus, cùm sanam doctrinam non sustinebunt, sed ad sua desideria concervan-*

3. Prospicio enim futurum, & quidem brevè, ut multorum, qui Christum professi sunt, à sinceritate fidei recedant, imò sa-

nama

nam doctrinam audire non sultibunt sibi magistros, prurient, sed quò pravis suis cupiditatibus, corruptisque affectibus liberiorius indulgeant, sibi que auctoritatem aliquam concilient, magno numero, sed temerè & sine delectu adfiscient & congerent magistros non ab Episcopis vel Ecclesiâ missos ac ordinatos, sed ultrò sese ingerentes aut obtrusos, qui sibi suisque vitiis adblandiantur, aures prurientes scalpant, & sibi nova, curiosa, mollia, & voluptati faventia loquantur.

4. Hi tales ab integritate ac veritate sanæ doctrinæ prorsus alieni aures avertent, ad fabulas autem audientes infanâ quadam curiositate sese convertent.

5. Tu verò ut malis his omnibus occurras, sta semper in excubiis, ne improvisò obruaris, accinge te ad pugnam paratus adversa quæque fortiter perpeti, strenuum te Evangelii Ministrum exhibe integram Evangelii doctrinam cum omni sinceritate annuntiando nec tua quærens, nec auribus serviens, ita demum te gere, ut omnes intel

ligant, nunquam te muneri tibi imposito defuisse. 6. Tempus enim, uti mihi præfagit animus, prope est, ut sanguinem meum tanquam gratum

4. *Et à veritate quidem auditum avertent, ad fabulas autem convertentur.*

5. *Tu verò vigila, in omnibus labora, opus fac Evangelistæ, ministerium tuum imple. Sobrius esto.*

6. *Ego enim jam de labor, & tempus resolutionis mee instat.*

(Xx)

7. *Bonum certamen certavi, cursum consummavi, fidem servavi.*

8. *In reliquo reposita est mihi corona justitiae, quam reddet mihi Dominus in illa die justus iudex: non solum autem mihi, sed & iis, qui diligunt adventum ejus. Festina ad me venire citò.*

9. *Demas enim me reliquit, diligens hoc saeculum, & abiit Thessalonicam:*

10. *Crescens in Galatiam, Titus in Dalmatiam.*

tum Deo libamen offeram, & per martyrium immoler in sacrificium, atque ita mortalis hæc vita cum beatà illà ac sempiternà permuranda sit. 7. Neque propterea affligi animò ac turbari te volo, namque quasi bonus Christi miles Dei beneficiò ac singulari munere strenuè decertavi, cursum ad extremum usque feliciter confeci, fidem integram inviolatamque servavi. 8. Aliud modò non restat, quàm ut repositam mihi pro justis operibus coronam recipiam, quam certò scio mihi reddendam extremo illo vitæ die à Christo Domino justo omnium Iudice, nec mihi solum, sed iis etiam omnibus, qui illustrem illum ipsius adventum rectè factorum sibi conscii piis votis expetierint, séque bonis operibùs quasi accensis lampadibus excubantes præparaverint ad illum excipiendum. Alia non habeo, quæ te moneam, da tantum operam, ut ad me quàm citissimè venias, indigeo enim tuâ præsentia. 9. Si quidem Demas animadverso capitis mei periculò me penitus deseruit, ut securitati ac quieti suæ consuleret, profectus Thessalonicam. 10. Crescens verò in Galatiam, Titus in Dalmatiam



matiam abiit. 11. Lucas mecum solus est, Marcum quoque ad me adducito, statui enim illo uti in ministerium prædicationis. 12. Tychicum porrò Ephesum misi, ut tuas isthic, o Timothee, absentes vi- ces suppleat tantisper, dum tu mihi aderis, nolo enim Ecclesias maximâ etiam urgente necessitate suis pasto- ribus destitui, nisi vicariis idoneis substitutis. 13. Penulam, seu ve- stem hyemalem, quam Troade apud Carpum reliqui, cum vene- ris, tecum afferto, itémque libros sacros, præcipuè verò membranas in memoriæ subsidium, vel ad scri- bendas epistolas propriâ manu meâ exaratas. 14. De Alexandro fabro ætario hoc tibi possum affirmare, multis me ab illo divexatum mole- stiis: paria illi faciat Deus. 15. Tu verò tibi ab illo diligenter cave, ve- hementer enim nostris sermonibus atque doctrinis sese opposuit. 16. Scito autem in primâ meâ defensio- ne, cum ante novennium primò vinctus Hierosolymis Romam venis- sem, neminem mihi auxilium aut patrociniū præstitisse, sed omnium amicorum ope fuisse destitutum, tantus enim invalerat omnes com- munis

11. *Lucas est mecum solus. Marcum assume, & adduc tecum: esset enim mihi utilis in ministe- rium.*

12. *Tychicum autem misi Ephesum.*

13. *Penulam, quam reliqui Troade apud Car- pum, veniens affer tecum, & libros, maximè autem membranas.*

14. *Alexander ara- rius multa mala mihi ostendit: reddet illi Do- minus secundum opera ejus:*

15. *Quem & tu de- vitâ: valde enim resistit verbis nostris.*

16. *In primâ meade- fensione nemo mihi affuit, sed omnes me derelique- runt: non illis impetetur.*

(Xx 2)

17. Dominus autem mihi assistit, & confortavit me, ut per me predicatio impleatur, & audiant omnes Gentes: & liberatus sum de ore leonum.


18. Liberavit me Dominus ab omni opere malo: & salvum faciet in regnum suum caeleste, cui gloria in saecula saeculorum. Amen.

munis periculi metus, ut captivi causam nullus auderet commendare. Opto autem id nemini fraudi esse. Ingratus profectò essem & perperam agerem, si in querelas idcirco contra illos effunderer. 17. Cum Christus Dominus mihi praesto fuerit eorum locò, meque corroborarit, ne succumberem in meâ defensione, ac ne metu mortis quidquam dicerem aut facerem, quod esset praeter dignitatem causae susceptae, itaque pro illâ vice treptus sum faucibus mortis, ut postmodum operâ meâ divini verbi promulgatio omni ex parte compleretur, & ad omnes gentes ac nationes etiam remotissimas felici progressu extenderetur. 18. Non stabit divina beneficentia intra hos terminos, postquam enim ab externis hostibus me liberavit, non dubito me à domesticis quoque, qui longè crudeliores sunt, & intra viscera mea haerent, praeservandum: Praepediet me, uti spero, Dominus, ne verbo, aut opere ob ullos terrores aut supplicia in fide & constantia vacillem. Quòd si permittere velit, ut graviores adhuc ærumnas & ipsam mortem subeam, immortalem utique

utique coronam in regno suo coe-  
lesti mihi tribuet. Sic igitur benignissimo Deo sempiterna gloria in  
saecula saeculorum. Amen. 19. 20. *Erastus reman-*  
*Priscæ & Aquilæ, & Onesiphori sit Corinthi. Trophimum*  
*familiaë salutem quæso meo nomine autem reliqui infirmum*  
*dicito. 20. Erastus mansit Corin-*  
*Mileti.*  
*21. Festina ante hye-*  
*tem reliqui Mileti. 21. Da porrò*  
*mem venire. Salutant te*  
*operam, ut ante hyemem venias.*  
*Eubulus, & Pudens, &*  
*Salutant te Eubulus, Pudens, Linus,*  
*Linus, & Claudia, &*  
*Claudia, omnesque fratres. 22. Do-*  
*fratres omnes,*  
*minus JESUS Christus menti tuæ pe-*  
*nitentia hæreat, sitque vobiscum*  
*Dei gratia. 22. Dominus JESUS*  
*Christus cum spiritu tuo.*  
*Gratia vobiscum. Amen.*

A M E N.





# ARGUMENTUM

## EPISTOLÆ

### D. PAULI APOSTOLI

AD

## TITUM.

**H**ujus epistolæ, quam ad Titum suum ex gentilitate discipulum scripsit Apostolus, idem ferè argumentum est cum duabus ad Timotheum, præsertim cum priore. Nam sicut Timotheum Asiæ minori præfecerat, ita Titum Cretæ celeberrinæ & antiquissimæ Insulæ, quæ nunc vulgò Candia vocatur. Erat igitur uterque de iis, quæ ad regimen Ecclesiarum pertinerent, etiam per litteras ritè instruendus, tum ut præcepta ore tenus data memoriæ magis inhærent, tum ut etiam posteritati subsequenter servirent temporibus. Quod autem multò brevius scribat ad Titum, quàm ad Timotheum, ea redditur

ditur ratio, quia Titus ut ætate provectior, ita etiam Ecclesiasticis rebus gerendis erat exercitior, Timotheus vero junior, atque recentior, ideoque pluribus informandus. Titus ob insignem morum innocentiam, sanctitatem atque castimoniam Apostolo percharus fuit, unde & filium suum vocat & fratrem, qui etiam in Dalmatiâ multisque aliis provinciis Evangelium promulgavit, actandem in suâ Cretâ sanctitate illustris excessit. è vivis annô ætatis 94.

Capite primo discipulum pro veteri suâ consuetudine & Apostolico instituto salvere jubet, & commemoratâ obiter gratiâ Christi & Evangelii, cujus ministerium sibi divinitus commissum ait ad veram fidem spemque æternæ vitæ annuntiandam, accuratissimè explicat, quales Episcopos & pastores urbium sibi commissarum ordinare & instituere debeat: quomodo item Cretenses compescendi, ne in Judæismum delabantur occasione commercii cum nobilibus Judæis, quorum plurimi in Cretâ morabantur. Demum cavendas monet istorum fabulas, imposturas, & superstitiosas observantias in ciborum delectu.

Cap. 2. instruit Titum, quid senes, anus, adolescentulas, servos verbô, & exemplô docere debeat: mox vero commemorato singulari planèque divino Christi ad nos adventu omnes ad pietatem hortatur, & in spem erigit sempiternæ felicitatis. Postremô Titum confirmat, & quasi pro imperio jubet, ut suo munere strenuè & magnâ cum auctoritate fungatur.

Cap. 3. commendat obedientiam atque observantiam magistratibus etiam ethnicis debitam, modestiam item ac mansuetudinem. Tum inculcat gratiam Christi per quam

quam renovati sint ac justificati : contentiosas & inutiles  
subin quæstiones vitari jubet , & hæreticum hominem  
post unam alteramve admonitionem rejici, quòd subver-  
sus sit. Denique consuetâ salutatione & ap-  
precatione epistolam con-  
cludit.



PA-



# PARAPHRASIS EPISTOLÆ D. PAULI APOSTOLI

AD

TITUM

CAPUT I.

1. **P**Aulus Dei servus, Apostolus  
autem JESU Christi, mis-  
sus, ut electos instruam in  
fide, quâ pulsus errorum  
tenebris cognoscant veritatem Evan-  
gelicam, quæ docet piè sanctèque  
vitam instituere, 2. & pro funda-  
mento spem habet vitæ sempiternæ,  
quam jam inde à mundo condito  
pollicitus est, qui nec fallere, nec  
falli

1. *Paulus servus  
Dei, Apostolus autem JE-  
su Christi secundum fi-  
dem electorum Dei, &  
agnitionem veritatis, qua  
secundum pietatem est,  
2. In spem vita ater-  
na, quam promissit, qui  
non mentitur, Deus, ante  
tempora secularia:  
(Yy)*

3. *Manifestavit autem temporibus suis verbum suum in predicatione, quæ credita est mihi secundum præceptum Salvatoris nostri Dei;*

4. *Tito dilecto filio secundum communem fidem, gratia, & pax à Deo Patre, & Christo Jesu Salvatore nostro.*

5. *Hujus rei gratia reliqui te Creta, ut ea, quæ desunt, corrigas, & constituas per civitates presbyteros, sicut & ego disposui tibi.*

falli potest Deus. Veritas ista jam ante omnia sæcula abscondita erat in sinu Patris cœlestis, 3. præfinito verò per sapientiam suam congruo & opportuno tempore manifestata est, cum videlicet Verbum caro factum est, & habitavit in nobis, per publicam Evangelii prædicationem, cujus officium post alios Apostolos etiam mihi delegatum & demandatum fuit Christi Salvatoris nostri jussu atque imperio. 4. Ego, inquam, Paulus Tito vero ac germano filio suo non secundum carnem, sed secundum communem omnibus Christianis fidem, ac spiritum, quo ego illum in Christo genui, gratiam & pacem à Deo Patre, & Christo Jesu Salvatore nostro præcor. 5. Nosti profectò fili, cum in plures orbis provincias ratione muneris mei Apostolici avocatus essem, te hoc consilio Cretæ insulæ, in quâ prædicare cœperam, à me fuisse præfectum, ut Ecclesiam à me institutam rudem adhuc atque informem absentis locò perficeres, atque absolveres, & si quæ superessent, Christianæ religioni minùs consentanea, corrigeres, denique per urbes



bes præcipuas Præiules constitueres eâ, quam tibi præscripseram, ratione. 6. Sic autem, si benè meministi, præceperam tibi, quærendum & deligendum Episcopum non modò omnis prorsus labis expertem, sed ab omni etiam criminis suspitione alienum, & quidem monogamum, cujus liberi, si quos habet, non modò Christianæ fidei præceptis ricè imbuti sint, sed nulli penitus intemperantiæ culpæ affines, nulloque modo contumaces, ac refractarii. 7. Cùm enim omnium oculi in eum intenti sint tanquam Dei Vicarium ac Ministrum in dispensatione Evangelii ejusque Sacramentorum, oportet eum integritate vitæ instar solis prælucere omnibus, non superbiâ elatum, non aditu & alloquiô difficilem ac morosum, non præfractum, sui que sensûs ac iudicii plus æquô tenacem, non iræ impotentem, non temulentia dedictum, non ad jurgia & contumelias proclivem, non denique foedum in modum lucri appetentem, 8. sed contrà hospitalitatis amatorê, proborum hominum studiosum, modestiâ & comitate spectabilem, prudentem, iustitiæ

6. *Si quis sine crimine est, unius uxoris vir, filios habens fideles, non in accusatione luxuria, aut non subditos.*

7. *Oportet enim Episcopum sine crimine esse, sicut Dei dispensatorem; non superbum, non iracundum, non violentum, non percussorem, non turpis lucri cupidum;*

8. *Sed hospitalem, benignum, sobrium, justum, sanctum, continentem,*

(Yy 2)

9. *Amplectentem eum, qui secundum doctrinam est, fidelem sermonem: ut potens sit exhortari in doctrinā sanā, & eos, qui contradicunt, arguere.*

10. *Sunt enim multi etiam inobedientes, vaniloqui, & seductores: maxime, qui de circumcisione sunt:*

11. *Quos oportet redargui: qui universas domos subvertunt, docentes, quæ non oportet, turpis lucri gratiā.*

12. *Dixit quidam ex illis proprius ipsorum*

sticiæ observantissimum, pietate ac temperantiā cunctis venerabilem, 9. qui omni studiō ac conatu doctrinam Apostolicam complectatur, eamque fideliter solidēque ita aliis explanet, ut non solum eam facile persuadeat, sed etiam, si res postulet, sanæ doctrinæ obloquentes tum Scripturæ testimoniis, tum firmis rationibus devincere noverit, ac confundere. 10. Sunt enim non pauci intractabiles, contumaces, qui disciplinam Christianam non ferant, qui inania frivolaque loquantur ac doceant, & fabulosis narrationibus, pravisque dogmatis mentes hominum inficiant seminando errores inter fideles, quorum de numero præcipuè censentur, qui sunt ex Judæorum natione. 11. His minime parcendum est, sed imponendum silentium, & os quodammodo redarguendo obturandum, cum integras paulatim familias perverfis suis principiis ac fallaciis subvertant, turpis lucri gratiā ea passim tradendo, non quæ veritati ac honestati consentanea sunt, sed quæ populari licentiæ ac dissolutioni conformia. 12. Verè omnino ex ipsorum vatibus non nemo olim pronuntiavit:

tiavit: Cretenses semper mendaces, propheta, *Cretenses sem-*  
malæ bestia, ventres pigri, fallacia, *per mendaces, male be-*  
nimirum, maledicentia & desidia, *stia, ventres pigri.*

vicia in illis fugillans. 13. Testimo- *13. Testimonium hoc*  
nium hoc utitur à Cretensi profectum *verum est. Quam ob cau-*  
verissimum esse comperi non solum *sam increpa illos dure,*  
famâ publicâ, sed etiam propriâ ex- *ut sani sunt in fide,*

perientiâ. Unde & sæpius de his  
increpandi sunt & arguendi rigide,  
severè & ad vivum sine ambagibus  
aut involucris, sed & curandum  
enixe, ut à corruptione sanæ do-  
ctrinæ præserventur, 14. neque  
inanibus Judaizantium commentis  
faciles aures præbeant, eorûmque  
præcepta sequantur, qui veritatem  
quàm maximè oderunt, ac pro eâ  
fabellas substituunt v. g. de cære-  
moniis legis Mosaicæ, de delectu  
ciborum &c. 15. Cùm tamen fide-  
libus Christi sanguine per baptismum  
mundatis, & rebûs benè ac sanctè  
utentibus omnia munda sint, ut om-  
nibus vesci vel uti sine scrupulo  
possint, infidelibus verò, qui vel ex  
perversâ voluntate ac intentione  
Dei creaturis abutuntur, vel ex er-  
roneâ persuasione, quasi impuræ es-  
sent; non utuntur, vel eâ non ob-  
stante fruuntur, nihil sit mundum,  
sed omnia immunda, non quòd ejus-

modi

*14. Non intendentes*  
*Judaicis fabulis & man-*  
*dati hominum, adver-*  
*santium se à veritate.*

*15. Omnia munda mun-*  
*dis: coinquinatis autem &*  
*infidelibus nihil est mun-*  
*dum, sed inquinata sunt*  
*eorum & mens & consci-*  
*entia.*

(Yy 3)

16. *Constituntur se  
nōsse Deum, factis au-  
tem negant: cū sint a-  
bominati, & incredibi-  
les, & ad omne opus bo-  
num reprobī.*

modi res indifferentes veram con-  
trahant immunditiam per malum  
usum, aut falsam opinionem ho-  
minum, sed partim, quia consci-  
entia hominis existimantis aliquid  
immundum esse, facit, ut quamdiu  
hac erroneâ persuasione laborat,  
eâ re sine peccato uti nequeat, non  
secus, ac si res verè immunda  
esset, partim verò, quia sicut  
res simpliciter bona fit mala  
malè utenti, ita res simpliciter  
munda immunda fieri dicitur abu-  
tenti per depravatam intentionem.

16. Denique ut appareat, cujus  
farinæ aut fursuris sit hoc hominum  
genus, si ipsorum orationem audias,  
nihil illis videtur religiosius, se Ab-  
rahæ filios prædicant, Moysis disci-  
pulos, veri Dei cultores, sin autem  
mores & vitam spectes, veræ sunt re-  
ligionis expertes, & à legitimo Dei  
cultu prorsus alieni. Projecti sunt  
in omnia scelera ad abominationem  
usque, pervicaces sunt, nec ullam  
admittunt rationem, quâ eis possit  
veritas persuaderi. Adeò denique  
mente corrupti sunt, ut quidquid  
pietatem aut sanctitatem spirat repro-  
bent, & nulla ferme honesta ac ve-  
rè

rè laudabilis actio ab iis in hoc miserrimo statu expectari possit.

## PARAPHRASIS

### CAP. II.

1. **F**Abulas ejusmodi novatores in medium afferunt, tu verò *qua decent sanam doctrinam*: Tite, tanquam sincerus Evangelii minister ea doce, tuisque auditoribus explica, quæ conveniunt solidæ ac incorruptæ doctrinæ Catholicæ, & quemlibet sui officii admone.
2. Senes cum primis, ut sobrietatem, gravitatem, modestiam, *fide, in dilectione, in patientiâ*: pudici, prudentes, sani in dei integritatem, sinceram charitatem ac patientiam complectantur, & colant.
3. Eâdem ratione præcipe *3. Anus similiter in habitu sancto, non criminatrices, non multo vino servientes, bene docentes*: provectas ætate matronas habitu cultûque corporis uti decenti, qui sanctorum testimoniam, religiosamque modestiam redoleat, abstinere ab intemperstivâ garrulitate, & malediciâ, à largiore vini potu, honesta denique, & quæ ad ædificationem servant, proloqui, nec fabulosâ, non amatoria, non fordida, non superstitiosa

4. *Ut prudentiam doceant adolescentulas, ut viros suos ament, filios suos diligant,* instituta. 4. Ut hac ratione uxores juvenculas benè instituunt, & ad omnem modestiam, ad castum suorum conjugum amorem cum debitâ submissione conjunctum, 5. ad prudentiam, ad verecundiam, ad sobrietatem, ad diligentem familiæ & liberorum curam & comitatem erga domesticos informant, ne doctrina ac religio Christiana malè audiat apud infideles, & in invidiam vocetur, quasi impia vel absurda doceat. 6. Haud aliter adolescentes hortare, ut modestiam ac temperantiam palàm profiteantur. 7. Ut porrò obsequentes tuis monitis alios habeas, da operam, ut in rebus omnibus te ipsum veluti exemplar virtutum omnium, sanctæque conversationis exhibeas, in doctrinâ verò cura, ut integritatem illius cum debitâ gravitate conjungas. 8. Utque oratio tua sit ejusmodi, ut nullum ex levitate, ostentatione, aliòve defectu reprehensioni locum relinquat, ita fiet, ut is, qui ex adverso nos impugnat, rubore suffundatur, nihilque habeat, quod nobis objiciat mali. 9. Jam verò servis persuade, ut dominis suis dictum sint obsequentes, omnibusque in rebus illorum voluntati
5. *Prudentes, castas, sobrias, domus curam habentes, benignas, subditas viris suis, ut non blasphemetur verbum Dei:*
6. *Juvenes similiter hortare ut sobrii sint.*
7. *In omnibus te ipsum prabe exemplum bonorum operum, in doctrinâ, in integritate, in gravitate,*
8. *Verbum sanum, irreprehensibile: ut is, qui ex adverso est, vereatur, nihil habens malum dicere de nobis.*
9. *Servos dominis suis subditos esse, in omnibus placentes, non contradicentes,*

tati sese accommodent nec refragen-  
tur, ut eorum placidis verbulò ob-  
murmurent. 10. A furtis prorsus  
abstineant, nec quidquam unquam  
intervertant, sed sinceram fidelita-  
tem in re qualibet præstent, ut suâ  
integritate, obedientiâ, & promptitu-  
dine Salvatoris nostri doctrinam  
cœlitus traditam, cujus professio-  
nem faciunt, etiam aliis commenda-  
tam reddant, quò plures ad eam  
complectendam alliciantur. 11. I-  
storum quoque utrù conditione  
infimorum mentio mihi fa-  
cienda erat, quandoquidem i-  
stis perinde ut aliis gratia Christi  
Domini Liberatoris nostri in adven-  
tu suo seu Incarnatione illuxit. 12.  
Erudiens nos instar pædagogi, ut  
rejectâ impietate, & pravis omnibus  
cupiditatibus edomitis moderatè er-  
ga temetipsum, justè erga proximum,  
piè erga Deum in præsentis sæculo vi-  
tam instituamus, 13. expectan-  
tes beatam illam atque sempiternam  
vitam, quam speramus, & illustrem  
illam gloriâque circumfusum adven-  
tum Dei & Salvatoris nostri JESU  
Christi. 14. Qui semetipsum spon-  
te obtulit neci, ut suo pretiosissimo  
sanguine liceret, nosque ab omni  
scèle.

10. *Non fraudantes,  
sed in omnibus fidem bo-  
nam ostendentes: ut doct-  
rinam Salvatoris nostri  
Dei ornent in omnibus.*

11. *Apparuit enim gratia  
Dei Salvatoris nostri  
omnibus hominibus,*

12. *Erudiens nos,  
ut abnegantes impietatem  
& secularia desideria,  
sobriè, et justè, et piè vivā-  
mus in hoc sæculo,*

13. *Expectantes  
beatam spem, & adven-  
tum gloria magni Dei &  
Salvatoris nostri JESU  
Christi:*

14. *Qui de:it semet-  
ipsum pro nobis, ut nos  
redimeret ab omni iniqui-  
(Zz)*

tate & mundaret sibi populum acceptabilem, sectatorem bonorum operum.

15. *Hac loquere, & exhortare, & argue cum omni imperio. Nemo te contemnat.*

scelerū labe prorsus expiaret, sibi que adscisceret in populum peculiarem, sibi que præ cæteris dilectum, magnis animis, magnā alacritate, studio, fervore virtutis exercitia capeſſentem. 15. Fac igitur, ut hæc doceas, eaque quantum in te erit omnibus persuadeas, nulli verò periculo aut timori cede, sed refractarios, argue, increpa, compeſce cum plenā potestate atque auctoritate, & ne ullus te ausit vilipendere quasi infra se positum, eā integritate atque gravitate omnes actiones tuas compone, ut fidelibus omnibus pro speculo & prototypo sanctitatis servire valeant.

## PARAPHRASIS

### CAP. III.

I. *Admone illos principibus, & potestatibus subditos esse, dicto obedire, ad omne opus bonum paratos esse:*

I. *S*uggere porrò illis, ut principibus, & iis, qui publicā potestate præditi sunt, se intelligant esse subiectos, utque magistratibus ex animo obtemperent ad omne opus licitum & divinā lege non prohibi-  
tum



tum parati. 2. Adde, ut nemini obtrecent, aut quamquam maledictis incessant, nec pugnas aut contentiones excitent, aut sectentur, sed potius sese præbeant placidos, comes, affabiles, omnemque erga quoscumque exhibeant mansuetudinem ac humanitatem. 3. Etenim nos etiam non ita pridem deliravimus, fuimusque immorigeri & contumaces, erronei, variis cupiditatibus ac voluptatibus impliciti atque mancipati, malitiâ, invidentiâ, que pleni, cunctis exosi, & mutuo odio ac malevolentia in alios veluti tabe quadam ac peste corrupti. 4. At ubi immensa bonitas & eximius amor Christi Domini, ac liberatoris nostri in omne genus hominum veluti sol exoriens mundo illuxit, 5. non ex merito operum nostrorum justorum (cum nulla talia præcesserint fidem & iustitiam) sed singulari planèque divino immensæ suæ misericordiæ beneficiô salutem nobis attulit per baptismum, quo exterius abluimur, & interius per infusam Spiritûs sancti gratiam renovamur ac regeneramur in filios Dei, & hæredes vitæ ac gloriæ æternæ, 6. Quem quidem Spiritum

2. *Neminem blasphemare, non litigiosum esse, sed modestos, omnes ostendentes mansuetudinem ad omnes homines.*

3. *Eramus enim aliquando & nos insipientes, increduli, errantes, servientes desideriis, & voluptatibus variis, in malitiâ & invidiâ agentes, odibiles, odientes invidiam.*

4. *Cum autem benignitas & humanitas apparuit Salvatoris nostri Dei:*

5. *Non ex operibus iustitiæ, que fecimus nos, sed secundum suam misericordiam salvos nos fecit per lavacrum regenerationis, & renovationis Spiritus sancti,*

6. *Quem effudit in (Zz 2)*

*nos abundè per Jesum Christum Salvatorem nostrum:*

*7. Ut iustificati gratiâ ipsius hæredes simus secundùm spem vitæ æternæ.*

*8. Fidelis sermo est: & de his volo te confirmare, ut curent bonis operibus præesse, qui credunt Deo. Hæc sunt bona, & utilia hominibus.*

*9. Stultas autem quæstiones, & genealogias, & contentiones, & pugnas legis devita; sunt enim inutiles & vana.*

*10. Hæreticum hominem post unam & secun-*

tum eximia Liberatoris nostri beneficentia liberaliter & copiosè in nos effudit. 7. Ut illius gratiâ munere omne meritum nostrum prævenientis iustificati per ipsam iustitiam nobis donatam, quam spectatissimâ conceperamus, hæreditatem vitæ sempiternæ assequeremur, gratiâ enim Dei iustificamur & filii Dei efficimur, adoptati autem in filios jam hæredes sumus, quibus eo nomine vita æterna debeat.

8. Certa planè atque omnis dubitationis expers oratio hæc est, quam tibi in animo hæere percipio, ut cum omni asseveratione jubeas eos, qui fidem complexi fuerint, studiofis actionibus operibusque quàm obligantissimè operam dare, quòd hæc non modò honesta sint, sed magnam etiam aliis afferant utilitatem, præsertim si eos ad eadem studia tum oratione tum exemplò excitent, atque inflamment. 9. Fuitiles porrò & inanes quæstiones, genealogias, contentiones ac disceptationes, quæ legis occasione excitantur, cohibe, & coercere, sunt enim inutiles, & in absurdos ac vanos clamores desinunt. 10. Hæreticum necdum tibi sat perspectum atque exploratum admone

admonere, instrue, corripe, sed si *dam correctionem de-*  
post unam alterâve admonitionem *vita.*

pertinax & obstinatus maneat, rejice illum, atque à tua consuetudine convictûque penitus repelle, 11. certò persuasus, eum qui hujusmodi malò laboret, excidisse gratiâ, fide, spe & omnibus bonis, talis enim non peccat ex ignorantia vel

animi imbecillitate, sed sciens, prudens, atque ex malitiâ & obstinatione in malo, adeoque suâ sponte & suopte judiciò condemnatus est, quòd nolit ea audire, quæ ipsum ab errore, & in rectam veritatis semitam revocarent. 12. Tu

verò Tite cùm Artemam aut Tythicum ad te misero, pro tuis videlicet interim vicariis, ad me Nicopolim quamprimùm venias, siquidem ibi hyemem decrevi traducere. 13.

Zenam legisperitum, & Apollo sollicitè præmittito, eisque necessaria curato, ne quâ fortè rerum inopiâ premantur. 14. Discant autem

qui nos sequuntur aut imitantur, quique fidem complexi sunt, ita bonis operibûs excellere, ut cùm res postulaverit, divini verbi præconibus usui possint esse & adjumento, eorû indigentiam sublevando, ut sic etiam

11. *Sciens, quia sub-*  
*versus est, qui ejusmodi*  
*est, & delinquit, cùm*  
*sit proprio judiciò con-*  
*demnatus.*

12. *Cùm misero ad te*  
*Artemam aut Tythicum,*  
*festina ad me venire Ni-*  
*copolim: ibi enim statui*  
*hyemare.*

13. *Zenam legisperi-*  
*tum, & Apollo sollicitè*  
*præmitte, ut nihil illis*  
*desit.*

14. *Discant autem*  
*& nostri bonis operibus*  
*præesse ad usus necessari-*  
*os, ut non sint infructuosi.*

ipsi

(ZZ 3)

15. *Salutant te, qui  
mecum sunt, omnes: sa-  
luta eos, qui nos amant  
in fide. Gratia Dei cum  
omnibus vobis. Amen.*

ipsi in vineâ Evangelicâ non sint,  
aut operentur absque fructu, sed  
singuli pro modulo suo rem commu-  
nem promoveant. 15. Qui mecum  
sunt, omnes tibi salutem dicunt, tu  
vicissim salvere eos jube meo nomine,  
qui nos diligunt eo modo, quem  
præcipit ab iis suscepta fides. Gra-  
tiâ Dei sit cum omnibus vo-  
bis. Amen.



ARGU-



# ARGUMENTUM

## EPISTOLÆ

### D. PAULI APOSTOLI

AD

## PHILEMONEM.

**P**hilemon, ad quem hæc scribitur epistola, Pauli discipulus vir nobilis erat apud Colossenses, atque ut potentiâ & opibus, ita & pietate ac liberalitate conspicuus erga pauperes & peregrinos, quos hospitio benevolè suscipiebat, atque copiosis elemosynis sublevabat. Habuit is inter ceteros servum Onesimum, Phrygem genere, qui uti natio illa furaci est indole, compilatis nonnullis domini sui rebus Colossis Romam profugerat (ubi tunc Paulus Philemonis amicus in vinculis detinebatur) captandæ fortassis libertatis gratiâ: ab eo benignè susceptus, ejusque ad-

adhortationibûs utriusque criminis, fugæ furtique poenitentia ductus, Christi fidem edoctus atque baptizatus saniora consilia suscepit, Pauloque, dum in custodia detineretur, strenuè ac fideliter operam suam detulit, donec satis in pietate confirmatum remittere eum Philemoni visum fuit. Remisit autem illum cum his litteris commendatitiis, in quibus miro studio id agit, ut servum domino reconciliet, præteritam culpam deprecans, & meliora imposterum ejus nomine spondens. Nec verò dubium, quin Pauli precibus Philemon annuerit, ac, plus etiam præstiterit, quam rogatus esset; Onesimus enim libertate haud dubiè donatus Timotheo postmodum in episcopatu Ephesi successit, & denique Romæ gloriosum subiit martyrium. Argumentum epistolæ utcunque primo aspectu humile & abjectum videatur, indignum tamen non est spiritu Dei, & charitate Apostoli, quam extremæ fortis hominibus impensam voluit. Divus sanè Chrysostomus in tanta brevitate ac simplicitate quatuor insignia & perutilia documenta annotavit: primum est, Ministris Evangelii nihil omnino ut minus dignum sollicitudine pastoralis negligendum esse, sed vilium quoque hominum, servorum ac profugorum habendam curam. Si enim vas electionis, Doctor gentium, vir in tertium usque cælum raptus non dedignatus est curam in se suscipere fugitivi ac furacis mancipii, quis nostrum jure erubescat & respuat ejusmodi personarum ac negotiorum patrocinium? Alterum est, quòd servi in conversione tam promptâ atque mirificâ Onesimi non absque solatio parique fiducia agnoscere possint, nulli mortalium, ac ne servo quidem fugitivo & improbo aditum ad gratiam, & vitam æternam esse præclusum, neque de ullius, quantumvis fraudulentis & perditis hominis salute unquam desperandum.

Ter-

Tertium est, pietatis prætextu servos non esse avellendos à dominis. Si enim Apostolus non obstante veteri suâ necessitudine, & gratiâ, quâ pollebat apud amicum suum Philemonem, Onesimum tamen sibi tantopere utilem invito dominò retinere noluit, longè minùs id nobis licebit quibus nec eadem auctoritas, nec par ratio patrocinatur. Si servi probi & frugi, persistendum illis in obsequio domini, ut & aliis exemplo sint, si verò improbi, graviùs delinquant excutiendo & respuendo servitutis jugum, hac enim ratione adversariis religionis Christianæ præbetur ansa eam fugillandi ac persequendi tanquam perniciosam regimini ac bono publico, quod exigit, ut servi servire pergant, quamdiu id dominis libuerit. Ultimum est, servos à dominis non ita inclementer & durè habendos, sed si fidelitate ac diligentiâ præstent, fovendos potiùs & debitâ humanitate complectendos, quod hoc maximè tempore, quo servitutis Romanæ antiquus rigor sublatus & abolitus est inter Christianos, maximè observandum, quandoquidem etiamnum plures est invenire dominos, qui in famulos & ancillas suas non despoticè solum, sed etiam barbarè ac more tyrannico deserviunt, cum tamen eodem sanguinis Christi pretiò redempti sint. Porro epistolæ hujus admirandum artificium Græci expositores satis commendare nequeunt, summa enim in illâ dexteritas ac suavitas auctoris, visque persuadendi incredibilis & invicibilis apparet, cui vix parem inveneris in celeberrimis oratoribus. Operæ pretium videtur, ut eam per partes succincto commentariò enucleemus, atque mirificam Paulinæ eloquentiæ energiam ostendamus.

*Paulus vincit Jesu Christi.* Initio statim vincula sua, quibus pro Christi nomine constringitur, præterdit, & quodammodo ostentat, ut Philemonem pro Onesimo supplica-

(Aaa) turus

urus ad misericordiam commoveat. Quis amabò potentior titulus viro Christianæ religioni addictissimo, & erga tantum Apostolum observantissimo allegari potuit?

*Et Timotheus frater* tam tuus, quàm meus in Christo, id est Christianus, omnes enim Christiani in symbolum eximix charitatis mutux omnes viros christianos vocabant fratres, omnes foeminas sorores, tanquam ex eodem patre, scilicet Christo, & matre scilicet Ecclesiâ genitos & genitas. Hunc ergò Timotheum tanquam deprecatores sibi adjungit, ut duorum intercessio plus valeat.

*Philemoni dilecto & adjutori nostro.* Non ergò vitio verti poterat tanquam imprudens & temeraria sollicitatio hujus gratiæ, cum confidentia ista ex arctissimâ necessitudine profecta fuerit. Præterea si Philemon pro suo zelo sociam operam Paulo jungit ad Evangelii promulgati amplissimam dilatationem, quomodo eidem repulsam dare poterit deprecanti pro Onesimò ejusdem Ministro? nunquid potius Apostolus rogandus erat, ut eum ad fidem conversum remitteret, quàm ut se difficile ostenderet ad eum in gratiam recipiendum?

*Et Appia sorori charissima, & Archippo commilitoni nostro.* Uxorem quoque Philemonis Appiam, ejusque singularem amicum Archippum salutando tacitè in partem supplicationis tanquam deprecatores quodammodò trahit, ut eò promptius illi annuat ob charam eorum memoriam. Tanta erat charitas & sollicitudo Apostoli, ut unum homuncionem fugitivum domino suo reconciliaret.

*Et Ecclesia, que in domo tuâ est.* Etiam ad alios domesticos se convertit, quos non servos appellat, ne auditâ hac voce Philemon excandesceret ex recordatione fugitivi mancipii. Nuncupat illos Ecclesiam domesticam, siquidem professio Christianæ religionis, quantum attinet ad gratiarum & merito-



ritorum communionem, & unionem cum Christo Domino, qui semetipsum exinanivit formam servi accipiens, omnem inter dominos ac servos differentiam tollit.

*Gratia & pax.* Si vis, ut Deus tibi ignoscat, tecumque in gratiam redeat, ad eandem admitte ignoscendo, & reconciliando te Onesimum.

Atque hoc est artificium tituli, quo benevolentiam capiat: non minus autem est ipsius epistolæ. Ante omnia significat, se illius semper meminisse in orationibus suis: commendat illum à fidei constantia, & charitate, quam exhibet inopia, vel miseria corporali pressis Christianis, atque hac ratione sese insinuat, benevolumque sibi reddere studet Philemonem, quasi diceret: cum tantæ sis in omnes charitatis, eam in tuum Onesimum quoque ostende, eumque in gratiam recipere. Postmodum ostendit, se tantam de illius probitate omnibus perspectâ concepisse æstimationem, ut sibi ferme polliceri ausit, se posse ab illo absque offensa exigere per Christum, cujus legatum egit, quidquid æquitati, rationi, & legi Christianæ consentaneum judicaret, malle se tamen cum obtestari, ut fratrem, cujus est rogare, non imperare, per canos suos & vincula, ut poenitentem servum in gratiam recipiat. Hæc fiducia, sui quodammodo correctio atque demissio Philemonem magnopere devincendi & permovendi vim habet, & terminum imperandi emollit, qui aliàs videri ei poterat paulò durior & asperior. Verbum *obsecro* à sene & captivo pro nomine JESU Christi profectum magnam quoque energiam habet, & non modicum auctoritati pondus adjicit.

*Pro meo filio* post longas insinuationes quasi paratâ jam viâ tandem hic proponit suam petitionem, & dissimulat

(Aaa 2)

servi

servi nomine ex prædicato, quod Onesimo tribuit, satis ostendit, quàm sibi charus sit & acceptus.

*Quem genui in vinculis*, nempe per fidem, circumstantia hæc novam significat amicitiae accessionem, ac necessitudinem, cujus intuitu non solum veniam promeretur, sed etiam ratione tam chari simulque afflicti, sollicitique parentis aliquam observantiam.

*Qui tibi aliquando inutilis fuit*. Fateretur hic ejus culpam, eamque hoc termino quodammodo extenuat non silendo damnum, quod ipsi fugâ, furtoque intulerat.

*Nunc autem mihi & tibi utilis*, si enim Apostolo in carcere detento obsequium præstitit, multo magis id præstabit domino suo tanquam Christianus, adeoque liberalius fideliusque serviturus.

*Quem remisisti tibi*. Tum ut ejus indignationem penitus sopiat, peragere enim domini ferunt, si rogentur pro gratiâ servis fugitivis necdum reversis præstandâ, tum ut ostendat, servos fugitivos jure justitiæ heris suis esse restituendos, seque suam prope necessitatem Philemonis utilitati posthabere.

*Tu autem illum, ut mea viscera suscipe*. Postquam illum filium suum appellaverat, nunc viscera propria nuncupat (sunt enim filii pars viscerum matris) ut maternum atque tenerimum amoris affectum luculentius exprimeret, & Philemonem ita induceret ad eum benignè & depositâ indignatione recipiendum: quasi diceret: tu illum tanquam meipsum suscipe, jam enim illum per intimam charitatem in mea viscera recepi, ut unus mecum factus sit, ut proinde & tibi tanquam alter ego pari charitate suscipiendus sit, & amplectendus, in quibus verbis mira sanè est efficacia.

Non

Non enim utique poterat in Pauli viscera sœvire Philemon, aut durius aliquid committere.

*Quem ego volueram mecum detinere, ut pro te mihi ministraret in vinculis.* Itaque tibi poterit impofterum deferuire me in vinculis relictò, & ejus obsequiis destituto, quamvis enim non dubitem, quin ipse, si Romæ esset, hoc officium mihi libenter esset impensurus, majorem tamen tui, quàm mei rationem habere volui.

*Sine consilio autem tuo nihil volui facere.* Iterum innuit, se jure potuisse ob suam imò Ecclesiæ necessitatem ex præsumptione ejus consensù Onesimum retinere, sed noluisse, quia videbat non expedire, ut hac suâ potestate quodammodo abuteretur, præstare enim, ut quidquid de eo remissò ac recepto boni statuerit, id non tam ex necessitate profectum, quàm spontè ac liberâ voluntate factum, adeoque magis meritorium sit.

*Forſitan enim ita discessit ad horam à te, ut aternum illum reciperes.* Denuo Onesimi culpam his verbis extenuat, quasi non tam fugâ fugerit, quàm secessu modici temporis, quò ita disponente provido Deo sese recolligens, & in alium hominem mutatus ad dominum, longè melior atque utilior rediret, tibi perpetuò spiritu Christiano adhærens non tantum ut servus temporaneus, sed ut frater charissimus & mihi & tibi non tantum in hoc mundo, sed & in Domino, quem ut communem nunc parentem agnoscimus, adeoque ut cohæres æternum in cœlis.

*Si ergo me habes, ut socium, nempe amicum, suscipe illum sicut me.* Concludit petitionem cum apposita conditione suæ perquam efficaci, ut si postulationi annuere nolit, periclitari videatur societas amicitiae, quæ Philemoni erat cum Paulo. Addit, *sicut me*, non quòd velit eum tanto honore suscipi, quan-

to ipse à Philemone resciperetur, sed ut significet, eam rem tam sibi gratam fore, atque si in ipsius personam collarum fuisset beneficium, aut certe rogat, ut in Onesimo recipiendo non confideret, qualis antè fuerit, sed qualis jam sit, nempe filius & frater Pauli, & quodammodo ipse Paulus. Addit: *Si autem aliquid nocuit tibi, aut debet, hoc mihi imputa*, id est, damnum omne ac debitum in me transcribe, in me illud recipio, à me volo reposcas, me pro illo sponso facio. Studiò abstinet terminò *furti*, sed mitiori & generali voce debiti utitur, quasi amico amicus ingenuè noxam admissam ab Onesimo fassus. Demum indicat, se præter morem hanc epistolam propriâ manu exarasse, cum aliàs amanuensibùs uteretur ob negotiorum molem, tum ut chirographum suæ fideiussionis haberet Philemon, tum ut ostenderet, quàm sibi cordi hoc negotium haberet, quantùmque Philemonem honoraret & diligeret tantus Apostolus.

*Ut non dicam tibi*, id est, sileo jam & sepono validiorem machinam, quâ possem elidere, quidquid hic est debiti, inò ex creditore possem te mihi debitorem ostendere, nam & *te ipsum mihi debes* per me conversus ad Christum. Quantillum verò est, quod ab Onesimo tibi debetur, præ hoc debito tuo, quo totus tu ipse mihi obstringeris?

*Refice viscera mea in Domino*. Quasi diceret: me intimè refice, & recrea hoc beneficio, quo nullum mihi accidet jucundius. Si hoc mihi præstiteris, cor meum miro gaudiò delinies in Domino, si tu Onesimum reficias in Domino, seu propter Dominum.

*Confidens in obedientia tuâ* non utitur verbò imperandì aut auctoritate superiori, sed precibùs, quasi diceret: promptitudo tua mihi probè cognita facit, ut planè confidam me impe-

impetraturum, quod his litteris efflagito, quoniam etsi præciperem, obedires.

*Sciens, quoniam & super id, quòd dico, facies.* Sic secundum Deum laudatus ex merito à tanto viro Philemon, quid aliud poterat facere, nisi ut placatus annueret tam blandis & eloquentibus postulatis?

*Simul autem & para mihi hospitium.* Ultimum nunc arietem admovet, spem nimirum adventus sui utique gratissimi, quâ cum disponit, ut tantò promptius suis precibus moveri se sinat, ne aliàs Onesimo ansam præbeat conquerendi, & ipse propterea dominus reprehensionem & offensionem incurrat Apostoli. Prolixius aliquantùm immoratus sum enucleando artificio hujus epistolæ, ut illi, qui in Divi Pauli epistolis majorem facundiam, & ornatum ac splendorem requirunt, vel ex hac unicâ colligant, illum artem ac vim persuadendi minimè ignorâsse,



PARA-



# PARAPHRASIS EPISTOLÆ D. PAULI APOSTOLI

AD

PHILEMONEM.

## CAP. I.

1. *Paulus vincetus* 1. **P**aulus vincetus ob fidem Christi JESU, & Timotheus frater: Philemoni dilecto, & adjutori nostro.
2. *Et Appia sorori charissima, & Archippo commilitoni nostro, & Ecclesia, qua in domo tua est.* 2. Et Appiæ mihi percharæ, & commilitoni nostro Archippo, & unichippo commilitoni nostro, & Domino JESU Christo
3. *Gratia vobis, &* 3. Gratiam & pacem à Deo Patre nostro, & Domino JESU Christo precan-

precantur. 4. Equidem Deo im-  
mortali, quem religiosè colo, in-  
gentes gratias ago, tuique in meis  
precibus assiduam mentionem fa-  
cio, 5. cùm præsertim multorum  
sermone celebrari audiam charita-  
tem tuam singularem ac fidem, cu-  
jus non vulgaria erga Dominum  
Jesum, omnesque fideles ac sanctos  
documenta præbes excellentissimis  
operibus misericordiæ, in dies ma-  
gis magisque passim inclarescentis, ut  
nemo dubitare possit de fidei solidi-  
tate, unde ea proveniunt sanè quàm  
plurima per Christi gratiam, & ex sin-  
gulari in eum affectu, quâ in re tibi  
perinde ac aliis tuis in vineâ Domini  
adjutoribus adoranda venit Libera-  
toris nostri ineffabilis bonitas tan-  
quam scaturigo omnis honestæ ac  
laudabilis actionis. 7. Equidem  
quando meipsum pro ejus nomine  
vinctum ac patientem considero,  
vincula mea exosculor non absque  
liquido animi solatio, quod mirum  
in modum aliunde augetur, dum  
intelligo tuam in Deum charitatem  
inprimis excellere, tuæque benefi-  
centiæ ac liberalitatis fontes sanctis  
omnibus semper patère, quo fit, ut  
illi incredibili te benevolentia com-  
plectantur,

*pax à Deo Patre nostro,  
& Domino Jesu Chri-  
sto.*

4. *Gratias ago Deo  
meo, semper memoriam  
tui faciens in orationibus  
meis,*

5. *Audiens charita-  
tem tuam, & fidem,  
quam habes in Domino  
Jesu, & in omnes san-  
ctos;*

6. *Ut communicatio  
fidei tue evidens fiat in  
agnitione omnis operis  
boni, quod est in vobis,  
in Christo Jesu.*

7. *Gaudium enim  
magnum habui, & conso-  
lationem in charitate tua:  
quia viscera sanctorum  
requieverunt per te, fra-  
ter.*

(B bb)

8. *Propter quod multam fiduciam habens in Christo Jesu imperandi tibi, quod ad rem pertinet.*

9. *Propter charitatem magis obsecro, cum sis talis, ut Paulus felix, nunc autem & vincetus Jesu Christi :*

10. *Obsecro te pro meo filio, quem genui in vinculis, Onesimo.*

11. *Qui tibi aliquando inutilis fuit, nunc autem & mihi, & tibi utilis,*

12. *Quem remisi tibi. Tu autem illum, ut mea viscera suscipe :*

plectantur, & nihil non sibi de tuâ munificentia polliceantur. 8. Quapropter tametsi non ignorem, multâ me posse confidentiâ atque libertate uti, proque meo munere, quod æquitatis, & officii ratio postulat, præcipere atque imperare, 9. ut tamen discretæ charitatis officio satisfaciam, rogare atque obsecrare malo non tantum ut frater fratrem, sed etiam ut ætate gravis, & quod caput est, ob Christi Jesu nomen fidemque vinculis adstrictus : da ergo hoc senio meo levando, da leniendis vinculis meis Christi causâ injectis. 10. Neque verò qualibet de causâ, sed pro filio meo Onesimo, quem dum in carcere detinerer, Christo Domino aggregavi, hoc ipso nomine te etiam atque obtestor. 11. Qui tibi aliquando, ut fateor, parum utilis fuit & commodus, nunc autem talis est, ut ab eo tanquam in alium mutato utilitatem merito expectes, mihi autem utilis per obsequia, levamen ac solatium, quod carcere detento præstitit. 12. Illum igitur ad te remisi, ne ex merito aliâs conqueri posses, unâ cum hac epistolâ commendatitia : tu fac illum benignè, amicèque excipias, ut qui

nôris,



noris, eum mihi intimè in animo infixum hæere, ut eum possis meum cor, meam animam appellare.

13. Quem ego quidem vehementissimè cupiebam apud me retinere, ut pro te mihi Evangelii causâ in vincula coniecto, uti hætenus fecit, sedulò ministraret.

14. Sed absque scitu consensuque tuo nihil ausus sum facere, ne hoc à te beneficium velut necessitate quadam extorquerem, sed sponte potius tuâ amicèque impetrem.

15. Veniebat etiam in mentem, divino fortasse consiliò factum esse, ut ad breve tempus à te recederet, quò illum ad te redeuntem perpetuò retineres,

16. et quidem non jam ut servum, sed longè præstantiori conditione, quàm servum, nempe fratrem dilectum & mihi præcipuè charum, quantò autem magis tibi, cui humano divinòque jure obstrictus degit, cujus etiam fidei rerum temporalium curam longè securiùs nunc committere vales, tanquam fratri ex affectu & spiritu Christiano fidelissimè tibi adhæsuro.

17. Itaque si me amas, sique putas, Christianam fidem, & nostræ religionis sacra nobis esse communia, illum quæso, tanquam meipsum, sus-

cipe.

13. *Quem ego volueram mecum detinere, ut pro te mihi ministraret in vinculis Evangelii:*

14. *Sine consilio autem tuo nihil volui facere, uti ne velut ex necessitate bonum tuum esset, sed voluntarium.*

15. *Forfitan enim ided discessit ad horam à te, ut aeternum illum reciperes:*

16. *Jam non ut servum, sed pro servo charissimum fratrem, maxime mihi: quantò autem magis tibi, & in carne, & in Domino?*

17. *Si ergò habes me socium, suscipe illum sicut me:*

(Bbb 2)

18. Si autem aliquid nocuit tibi, aut debet, hoc mihi imputa.

19. Ego Paulus scripsi meâ manu: ego reddam ibi, ut non dicam tibi, quod & te ipsum mihi debes:

20. Ita frater, Ego te fruor in Domino: refice viscera mea in Domino.

21. Confidens in obedientiâ tuâ scripsi tibi: sciens, quoniam & super id, quod dico, facies.

22. Simul autem & para mihi hospitium: nam spero per orationes vestras donari me vobis.

cipe. 18. Quòd si quâ ratione te aut fortunas tuas læsit, ac propterea tibi aliquid debet, damnum omne ac debitum à me repete, meque pro illo sponforem accipe. 19. Cujus sponfionis hoc chirographum has litteras manu meâ propriâ perscriptas tibi mitto. Noli itaque diffidere. Debitum omne præstabo integrum: ut nihil dicam, quod tamen verè possum affirmare, debere te mihi etiam teipsum, utpote prædicatione meâ factum Christianum, & è servitute diaboli ereptum ac libertate filiorum Dei donatum. 20. Sic profectò res se habet. Pro tanto autem debito tuo illud unum postulo, hanc consolationem mihi in vinculis indulgere velis, ut amore Dei ter Optimi Maximi, quem ambo veneramur, ignorare digneris Onesimò mihi longè charissimo. 21. Equidem cùm mihi plurimùm de tuâ in me benevolentia atque obsequendi studio pollicerer, fidenter ad te scripsi, ratus me plura abste impetraturum, quàm ausus essem postulare, 22. simul autem moneo, ut apud te mihi pares hospitium, spero enim fore, ut vestris precibus non ita multò post vinculis solutus vestro jucundissimo

fruar conspectu. 23. Salutat te 23. *Salutat te Epaphras*  
 Epaphras, qui unà mecum pro *concaptivus meus, in*  
 Christi nomine detinetur in vincu- *Christo Jesu,*  
 lis, 24. Marcus, Aristarchus, De- 24. *Marcus, Aristar-*  
 mas, Lucas adjutores mei. 25. *chus, Demas, & Lucas*  
 Gratia Domini nostri Jesu Christi *adjutores mei.*  
 sit cum spiritu vestro.

AMEN.

25. *Gratia Domini*  
*nostri Jesu Christi cum*  
*spiritu vestro. Amen.*



(Bbb 3)

ARGU-



# ARGUMENTUM

## EPISTOLÆ

### D. PAULI APOSTOLI

AD

## HEBRÆOS.

**I**ntentio Apostoli in hac Epistolâ ad Hebræos inscriptâ, qui Christo nomina dederant, & adhuc in Judæâ degabant, eò potissimum collimat, ut inprimis cum lege Domini nostri Jesu Christi Legem Mosaicam, ejusque observantias ne commisceant, neque internam sanctificationem ac perfectam justiciam à victimis legalibus, sed à solo sacrificio Christi Domini expectent, & quò majorem de istius dignitate atque efficacia, quo vetera abolita erant, concipiant æstimationem, luculenter agit de novo sacerdotio filii

filiū Dei, ejusque prærogativas, & excellentias præ illo Melchisedechi & Aaronis diligenter enucleat, eum nimirum in finem, ut Hebræi Mose, legēque veteri penitus omiffis uni Christo adhærescerent, à quo non modò gratiam & justiciam, sed ipsam etiam beatam vitam aliquando essent consecuturi. Parte alterâ hortatur eos ad perseverantiam in fide Christi semel susceptâ, qui quòd à suis magistratibus permissum Romanorum præsidum propter Christi fidem, & à lege Moysis defectionem quasi apostatæ bonis suis spoliarentur, variisque modis divexarentur, consolandi, & erigendi erant tum exemplis suorum Majorum, qui extrema quæque passi fuerant, tum commemoratione divinitatis Christi, cui tanquam magistro de cœlo missò adhæserant, tum etiam excellentiâ supernæ remunerationis, ipsis destinatæ, ne fortè animos despondentes aut prementibus, aut impendentibus malis ab instituto se revocari paterentur.

Epistola hæc nomen Pauli non præfert, uti reliquæ, quod nonnullis ansam præbuit suspicandi, quasi Paulina non esset: sed prudenter illud omissum magni viri observant, eò quòd cum Hebræis scriberet, qui sinistram de eo opinionem imbiberant, quasi nimis præservido persecutore atque adversario legis antiquæ, quam ipsi ob reverentiam antiquitatis mordicus adhuc propugnabant, eos apposita nominis sui minus grati inscriptione abstergere noluerit à lectione. Altera ratio datur, quia Paulus non Hebræorum, sed Gentium Apostolum ac magistrum se proficitur, ideoque noluit pro more sic incipere epistolam. Paulus Apostolus, sed absque titulo nudam exponere doctrinam. Tertiā adjiciunt, quoniam Paulus Christum

stum Dominum appellaturus erat Apostolum novi Testamenti, noluisse illum eundem titulum sibi assumere, ne videretur seipsum aliquâ ex parte cum Christo conferre, quem etiam Angelis longè superiorem esse deprædicabat. Postremò dici potest, idèò omissam salutationem vel nominis inscriptionem, quòd illa ob suam prolixitatem scripta sit per modum libri, non per modum epistolæ, quæ tamen ratio tribus prioribus minùs videtur efficax & probabilis.

Cap. 1. Divinæ Christi personæ dignitatem atque excellentiam declarat, multaque sacrarum litterarum testimonia de illius divinitate interpretatur, unde manifestè consequitur, cum Moyse, Prophetis, ipsisque Angelis, adeoque legem illius legi Moyses per Angelos datæ longè præstare, ut enim alia testimonia brevitatis causâ præteream, an non Angeli Christum Dominum recens natum adorârunt ut filium Dei unigenitum, ejus hæredem ac vivam imaginem, ut conditorem, & gubernatorem sæculorum, rerumque omnium creaturarum, ut regem suum infinitâ majestæte ac potestate prædicum, qui etiam ut homo primogenitus est omnis creaturæ, redemptor generis humani, sedetque à dextris Dei, cum Angeli sint tantum ejus ministri, unde concludit legem ejus religiosè servandam, alioquin illius ipsius ut supremi Judicis vindicem manum non effugiemus.

Cap. 2. ostendit, legem Christi confirmatam esse multis miraculis, & donis Spiritûs sancti. Deinde Ecclesiam tum militantem, tum triumphantem non Angelis, sed Christo Domino ut Capiti subjectam esse. Denique ut ab Hebræorum montibus scandalum crucis Christi omnino amoveat,

amoveat, iisque non adeò mirum & absurdum videatur, Christum mortalem Angelis impassibilibus longè præferri, multis docet, omnino decuisse illum pati & mori, atque ita fratribus per omnia assimilari, & compati, tum ut homines in peccatum prolapsos à dæmonis, ipsiusque peccati servitute in libertatem filiorum Dei assereret, tum ut gloriam Patris cœlestis satisfactione condignâ exaltaret, ejusque tum justitiæ rigorem, tum bonitatis infinitæ divitias tantâ sui demissione, obedientiâ, ac patientiâ luculentiùs ostenderet, tum ut arctissimâ utriusque in unâ personâ naturæ divinæ & humanæ conjunctione apud eum mediatorem pro nobis idoneum ageret, quippe per omnia tentatum, ac miseris nostris eò magis condolentem, dignissimûmque qui pro reverentiâ infinitæ suæ dignitatis exaudiarur.

Cap. 3. Christus ut Dominus præ Moyse famulo audiendus est ultor alioquin futurus incredulis: Moyses enim in synagogâ fidelis tantum servi partes explevit, exequendo diligenter & edocendo voluntates Domini, Christus autem in Ecclesia est, ut filius in domo suâ, in quo solo ut auctore omnis gratiæ ac gloriæ collocandæ sunt spes nostræ, si velimus cum ipso triumphare in cœlis, secus inde certò certius excludendi, si à fide Christi deficiamus, quemadmodum patres nostri jam ægyptiacâ servitute prodigiosè liberati ob incredulitatem suam terrâ promissâ exclusi sunt.

Cap. 4. id ipsum argumentum prosequitur, & requiem promissæ olim Palæstinæ cum cœlesti ac perenni beatitudine comparat, quam die septimo quieti destinato significari affirmat, & ad illius possessionem invitat alludens ad Jesum Nave, qui terram populo distribuit: id mul-

(Ccc)

tò

tò melius factum esse à JESU Christo docet, qui primus ad illam cœlestem patriam aditum suo sanguine referavit: Postmodum deficientibus à Christo iteratò minatur exclusionem à requie æternâ, quæ comminatio non inanis & vana est, sed efficax ac penetrabilior acutissimo gladiò, vindæque apostasiæ. Demum hortatur, ut Christum Dominum æquè imò magis ac ipsos tentatum per omnia, ipsisque propterea tenerrimè compatiensem fidenter adeant, & invocent.

Cap. 5. transit ad explicandum uberius Christi sacerdotium, docetque eum & à Deo Patre constitutum Pontificem fidei, quam profiteamur, & verè ea præstitisse, quæ sunt sacerdotis præsertim in cruce, ubi preces & supplicationes pro se& pro salute nostrâ Patri obtulit, & ratione suæ dignitatis tanquam filius ejus dilectissimus exauditus est, consummatúsque per mortem crucis, factus omnibus obtemperantibus causâ salutis æternæ, & sempiternum habens sacerdotium secundum ordinem Melchisedech longè præstantius illo veteri uni tribui Leviticæ permissio. Sub finem digreditur ad increpandum eos, quòd in primis fidei rudimentis adhuc hærent ut pueri, nec ad perfectiora contenderent.

Quod argumentum acrius prosequitur cap. 6. denuntians periculum, ne penitus abjiciantur, nisi majori studio connituntur ad profectum fidei, divinamque gratiam in baptismo acceptam, quo velut imbre animus aliàs exsuccus, ac sterilis irroratur, diligentius custodiant: magnopere enim Deo injuriosos, & invisos esse, qui post tot tantæque ejus beneficia in flagitia rursus prolabantur, Deique filium denuo in seipsis crucifigunt ac despectui habent, quasi eadem vis esset poenitentiae, quæ baptismi; eadem-



eademque facilitate remittantur culpæ poenæque gravissimæ  
iteratis peccatis debitæ. Subin fideles ad constantiam,  
spem, patientiam, longanimitatem animat, neque enim de  
divinâ pollicitatione & auxilio diffidendum, cùm Abra-  
ham longanimi patientiâ ac spe firmissimâ ea expectans,  
quæ sibi promiserat, & juraverat Deus, ea tandem adeptus sit.

Cap. 7. Sub finem præcedentis capitis docuerat, Christum esse Pontificem secundum ordinem Melchisedech, idcirco, quæ de isto in sacris litteris traduntur, Christo eleganter accomodat, ostendens, quibus in rebus Melchisedech gesserit typum Christi, 1. quia Abraham, qui fuit Pater Levi & Aaronis, decimas dedit Melchisedech, quasi suo Pontifici, adeoque superiori & typo Christi. 2. Quia Melchisedech benedixit Abrahæ, & consequenter Aaroni. 3. Quia Melchisedech sine patre & matre, quasi æternus inducitur, cum Aaronici sint temporanei. 4. Quia sacerdotium Christi tanquam perfectius efficaciusque successit Aaronico, ut expleret ea, quæ illi deerant. 5. Non Aaronis sed Christi sacerdotium promissum est à Deo cum solennitate iurijurandi. 6. Christus est immortalis, & sempiternus, Aaronici non item. 7. Christus uno sacrificio omnia expiavit, Aaronici multis sacrificiis ne unum quidem peccatum expiant. Novi porro sacerdotii ratio ac præstantia legis quoque mutationem sibi adjunctam habet, major enim pars legis occupatur in iis decernendis, quæ sacerdotes concernunt v. g. de qualitatibus sacerdotum, de ritibus initiationis & expiationis, de victimis, de victu, de amictu de ministris, de opibus eorundem &c. quæ si abrogentur legem quoque abrogari necesse est, *translato igitur sacerdotio necesse est, ut legis quoque fiat. translatio,*  
(Ccc 2) liquidem

siquidem hæc duo, lex & sacerdotium indivulsè conjuncta sunt, neque à se invicem separantur, ac proinde non jam amplius à Moyse, sed à Christo supremo tum Pontifice tum Legislatore legem accipimus, quæ cordibus nostris per Spiritum sanctum inscribitur.

Cap. 8. eidem argumento insistit sacerdotem cum sacerdote, sacrificium cum sacrificio, tabernaculum cum tabernaculo componens. A sacerdotio transit ad Testamentum, seu legem, docetque veterem æquè ac ipsum sacerdotium antiquatam esse propter suam imperfectionem atque insufficientiam substitutâ novâ lege longè nobiliori, quæ non in tabulis lapideis scripta sit, sed in corde & mente, & à Deo ipso condiscatur secretâ & ineffabili unctione Spiritûs sancti.

Cap. 9. Hactenus ex Pontifice, sacerdotio, & testamento veteri demonstravit Apostolus legem antiquam cessare debuisse, & cedere Christo, ejûsque legi sanctissimæ tanquam umbram corpori, nunc idem comprobât ex fabricâ & significatione tabernaculi, quod erat figura Ecclesiæ Christi. Primò ergò describens formam & vasa tabernaculi docet, Pontificem veterem semel in anno cum sanguine hircorum introeuntem in sancta sanctorum significasse Christum, qui per sanguinem suum ingressus in cœlum, illud referavit, & redemptione copiosissimâ nobis æternam gloriam comparavit. Postmodum ostendit Christum esse mediatorem novi Testamenti, sive fœderis & pacti inter Deum & homines Christianos initi, cum in eo tam partes Dei, quàm hominum egerit, Dei quidem, ejus justitiæ per peccata nostra læsæ per proprium sanguinem & mortem satisfaciendo, hominum verò, eorum causam agendo tanquam advocatus, ac legatus ob naturam communem à se amore nostri assump-

tam

tam majori utique efficaciâ , quàm in veteri testamento, ubi illud sanguine tantum hircorum sancitum & confirmatum fuit. Tertiò docet Christum peractâ hic in cruce redemptione nostrâ debuisse cœlum ingredi & referare, ut ibi ad dexteram Dei residens interpellet pro nobis, eloquentissimâ quinque suorum vulnerum exhibitione advocatus perpetuus, & impetratâ tot nozarum remissione locum nobis in cœlo præparet.

Cap. 10. ostendit, non Aaronicas vel legales hostias etsi innumeras, sed unicam Christi in cruce oblationem tollere & expiare quæcunque etiam gravissima mortalium omnium flagitia. Tum à dogmatibus ad mores transiens graviter eos admonet, ne talem ac tantum Pontificem per infidelitatem abjiciant, ut ne divinam adversum se provocent ultionem tantò utique graviorem, quantò majora sunt in eos collata beneficia. Mox tamen eos in spem ac fiduciam rursus erigit, commemoratione bonorum operum, quæ per Dei gratiam hætenus exercuere, ac promissione secururæ post modicum tempus æternæ retributionis.

Cap. 11. Sub finem præcedentis capitis dixerat, justum ex fide victurum: jam docet, quid sit fides, qui illius fructus, quanta efficacia allatis in medium exemplis antiquorum Patrum ac heroum Veteris Testamenti, qui per fidem ac spem cœlestis gloriæ excitati, & animati magna planè & mira vel egerunt vel sustinuerunt.

Cap. 12. Exemplò tot sanctorum, præcipuè verò Christi Domini hortatur Hebræos ad tollerantiam ac patientiam in adversis, utque persecutiones, quasi disciplinam Dei paternam libenter excipiant. Tum exemplò Esau, qui vili escâ vendidit sua primogenita, & reprobatus est, urget eos, ne ob lucra temporalia fidem gratiamque Christi deserant &

(Ccc 3)

quodam

quodammodo vendant, ideoque reprobentur tantò gravius puniendi, quantò lex nova data in Sion prævalet ac præstat legi veteri datæ in monte Sinâ. Denique minas iteratò iis intentat assimilando Deum vindicem igni devoranti & consumenti celerrimè omnia.

Cap. ultimo morum doctrinam profequitur, ad charitatem & misericordiam præcipuè excitat, temperantiam & castitatem comendat, avaritiam detestatur, & id genus alia præcepta tradit, quibùs ad benè beatèque vivendum Hebræos instituit de eorum in fide Christi constantiâ præsertim sollicitus. Denique imploratis eorum pro se orationibùs benè eis precatus salutationibùs de more epistolam claudit,



PA-



# PARAPHRASIS EPISTOLÆ D. PAULI APOSTOLI

AD

## HEBRÆOS CAPUT I.

I. **D**Eus terOptimusMaximus, *I. Multifariam mul-*  
 qui neque Angelorū ni- *tisque modis olim Deus*  
 nisteriō, neque hominum *loquens patribus in Pro-*  
 cultu indiget, in Majores *phetis novissimè,*  
 ac Progenitores nostros multos favo-  
 res contulit suæ Majestatis propemo-  
 dum oblitus, ut non dubiis argumen-  
 tis suum in eos singularem amorem,  
 ac benevolentiam testaretur. Si ta-  
 men rem æquā lance ponderare ve-  
 limus,

2. Diebûs istis locutus est nobis in Filio, quem constituit hæredem universorum, per quem fecit & sæcula;

limus, longè pluribus nos sibi nominibûs obstrinxit, majorique nobiscum munificentia ac propè familiaritate egit: si quando enim illis suam mentem ac voluntatem significare, vel cum illis in alloquium quoddam sese demittere dignabatur, non nisi per submissos sui locò prophetas tanquam ministros suos id præstare consueverat, quibus neque omnia uno eodémque tempore, neque eadem perspicuitate ac claritate, neque iisdem ænigmatibus ac figuris involuta, sed multis variisque modis, rerum simulacris ac formis, per partes & vices, nunc his ista, nunc aliis alia progressu temporis mysteria pandebat ac mandata perferenda dabat. 2. Postremis autem hisce temporibûs, quibus nos in filios clementissimè adoptare dignatus est, non amplius per somnia, nec per visiones, nec per ænigmata, sed clariùs & apertius locutus est nobis per ipsum filium suum unigenitum mortalitate nostrâ indutum, arcanorum omnium consciùm, & abscondita à constitutione mundi eructantem, legem Evangelicam totam simul & semel per unum illum nobis consignans, quæ gratia adeò eximia est,

ut

ut omnem intelligentiam ac æstimationem nostram superet, & menti nostræ assiduè obversari debeat tanquam causa nostræ salutis, ac fundamentum perennis felicitatis. Ut porro de ejus præstantiâ altiore ac perfectiorem ideam concipiamus, considerata nobis est attentius dignitas illius, cujus adventum priscorum vatum veluti cohors præcurrere debebat, filii, inquam, cælitus ad nos delati, per quem illam consequimur, quo de argumento luculentius vobiscum agam in hac epistola. Scitote ergo, huic divino suarum voluntatum interpreti Deum supremum dominium ac potestatem in omnes gentes ac nationes contulisse secundum humanam naturam, secundum divinam verò per illum condidisse omnia, quæ cæli terræque ambitu continentur, ac temporis subjiciuntur. 3. Cogitate Deum solem esse nulli eclypsi vel oëcasi obnoxium, Jesum Christum tanquam Verbum Patris increatum, & æternum suapte naturâ splendorem illius esse nec tempore nec dignitate posteriorem, in quo tanquam lucidissimo speculo non similitudine purâ, sed unitate naturæ identica

3. Qui, cum sit splendor gloria, & figura substantiæ ejus, portansque omnia verbo virtutis sue, purificationem peccatorum faciens, sedet ad dexteram Majestatis in excelsis:

(D d d)

ticâ refulgeat divina Patris Majestas  
alioqui immensa & inaspectabilis, &  
veluti character, atque insculpta for-  
na, & imago viva illius divinæ hy-  
postasis, quique omnia tanquam  
verus Deus præpotenti suâ virtute  
præcontineat, tamque diversa cor-  
pora, ex quibus orbis universus  
componitur, gubernet, moveat, su-  
stentet, absque ullâ sollicitudine,  
molestiâ, & difficultate, solo nuru  
jussuque, sicut ea solâ potentia è  
nihilò procreavit, quo fulcrò sub-  
lato omnia statim in nihilum suum  
reverterentur. At verò pluris ipsi  
constitit expiatio nostrorum scele-  
rum, nempe & asperissimis vitæ suæ  
mortalis molestiis, atque incommo-  
dis, & acerbissimis passionis ac mor-  
tis suæ doloribus, angustiis, oppro-  
briis; hæc autem omnia cesserunt  
in amplissimam ejus gloriam ac feli-  
citem, siquæ olim stare visus est ut  
reus coram tribunalibus impiorum  
& iniquorum judicium, at nunc ad  
dexteram excellentissimæ illius di-  
vinæ Majestatis sedet in excelsis cœ-  
lorum palatiis. Hæc sedes, quæ  
nobis ob oculos ponit stabilitatem  
regni sui, & immensitatem suæ po-  
tentiae, debetur ejus dignitati abs-  
que



que omni controversiâ, neque ullâ unquam vi ac potestate convelli poterit. 4. Ipse siquidem tantò præstantior ipsis etiam beatissimis mentibus effectus est (in quantum homo) ac declaratus, quantò excellentius præ illis adeptus est nomen ac dignitatem jure hæreditario nempe naturalis & unigeniti filii Dei ratione personæ, 5. eccui enim ex Angelis dixit unquam Deus: filius meus es tu, ego genui te. Intellige generationem primam ab æterno, ac rursum; ego ero ei pater, & ipse erit mihi filius, loquendo de alterâ generatione in tempore secundum carnem, secundum quam non desinit esse Dei filius. 6. Ne autem ulli exceptioni aut replicæ detur locus, en alterum argumentum: cum Deus in orbem terrarum induceret primogenitum suum, qui ut plures haberet fratres, immenso divini amoris excessu carnem nostram mortalem, pluribusque infirmitatibus obnoxiam assumere voluit, secundum Prophetam regium: adorent, inquit, cum omnes Angeli Dei, utique ut Deum ac Dominum suum, præcellentior enim est, qui adoratur, quàm qui adorare jubetur.

7. Jam (Ddd 2)

4. *Tantò melior Angelis effectus, quantò disferentius præ illis nomen hæreditavit.*

5. *Cui enim dixit aliquando Angelorum: filius meus es tu, ego hodie genui te? Et rursum: ego ero illi in patrem, & ipse erit mihi in filium? ps. 2.*

6. *Et cum iterum introducit primogenitum in orbem terra, dicit: & adorent eum omnes Angeli Dei. ps. 96.*

7. *Ex ad Angelos quidem dicit: qui facit Angelos suos spiritus, & ministros suos flammam ignis. ps. 103.*

8. *Ad filium autem: thronus tuus Deus in sæculum sæculi: virga aequitatis virga regni tui. ps. 44.*

9. *Dilexisti justitiam, & odisti iniquitatem: propterea unxit te Deus, Deus tuus oleo exultationis pra participibus tuis.*

10. *Et: tu in principio Domine terram fundasti: & opera manuum tuarum sunt caeli. ps. 101.*

7. Jam verò quid de angelis dicat, audiamus: qui mentes illas beatas ac corporis expertes ventis agilitate ac velocitate, igni verò subtilitate atque vi operandi per similes quasi internuntias suas facit, & divinorum suorum consiliorum administras ut nimirum summam cum promptitudine mandata ejus quoquoersum perferant, & efficacissime exequantur. 8. Ad filium autem ea pertinet oratio: thronus tuus, O Deus in sæculum sæculi, sceptrum regni tui est omni ex parte æquissimum, sive præmies, sive punias, quæ sanè omnia non ministro cuipiam, sed ipsi supremo cœli terræque principi conveniunt. 9. Tum subdit: dilexisti justitiam, & odisti iniquitatem, propterea unxit te, O mi Deus, Deus tuus, pater nimirum æternus oleo exultationis, gloriæ nimirum ac divinitatis suæ ultra consortes tuos, ac cohæredes. 10. Quò autem magis stabiliatur & elucescat ejus divinitas ac præcellentia supra omnes Angelos, novum argumentum sacra Scriptura suppeditat ex creatione cœli ac terræ, quæ utique soli Deo non Angelis competit: tu initio Domine ut immobilis

immobilis esset ac stabilis terram fundasti, & opera manuum tuarum sunt cœli. 11. Ipsi peribunt (non quidem secundum substantiam, sed qualitates innovandas, uti ex seqq. patebit) tu autem permanes, & omnes ut vestimentum (quo operitur terra, longo usu ac motu attritum) veterascent, 12. ac velut amictum circumvoves illos, & mutabuntur nempe novo splendore, & elegantiori formâ extrinsecâ; tu autem idem es, ab æterno, & anni tui non deficiat in æternum, quibus verbis haud obscurè indicatur divini Verbi, per quod omnia facta sunt, cuique assumptio naturæ humanæ nihil adimere vel derogare potuit, excellentia infinita supra omnes res creatas. 13. Ad quem enim Angelorum dixit unquam: sede ad dexteram meam, usque dum ponam inimicos tuos scabellum pedum tuorum, quod sanè fiet extremo die iudicii universalis. Alloquitur in hoc psalmo 109. Pater cœlestis Filium suum nostrâ mortalitate circumdatum, eique supremum quemdam honorem ac dignitatis gradum pollicetur, ut secum videlicet regnet, & Ecclesiæ cum summo imperio

11. *Ipsi peribunt, tu autem permanebis, & omnes ut vestimentum veterascent:*

12. *Es velut amictum mutabis eos, & mutabuntur: tu autem idem ipse es, & anni tui non deficient.*

13. *Ad quem autem Angelorum dixit aliquando: sede à dextris meis, quoadusque ponam inimicos tuos scabellum pedum tuorum?*

(Ddd 3)

14. *Nonne omnes sunt  
administratorii spiritus,  
in ministerium missi prop-  
ter eos, qui hereditatem  
cipient salutis?*

perio præsit, quod nulli planè Ange-  
lorum convenit. 14. Quippe qui  
tantùm spiritus sunt ad obsequia  
Christi deputati, ut tanquam ejus  
administratores, & officiales aulæ  
cœlestis, si quando mittantur in ter-  
ras (mittuntur autem omnes sine  
exceptione) mortalium ad æternam  
& immortalem gloriam vocatorum  
salutem procurent, illisque quâ con-  
siliò quâ auxiliò opportuno adsint  
decertantibus cum suis adversariis,  
donec coronam cœlestem victoribus  
promissam atque ab æterno destina-  
tam consequantur.

## PARAPHRASIS

### CAP. II.

1. *Propterea abundan-  
tius oportet observare  
nos ea, quæ audivimus,  
ne fortè pereffluamus.*

1. **Q**Uæ cùm ita sint, vel sola dig-  
nitas, & excellentia illius,  
per quem nos erudire Deus voluit,  
suamque voluntatem declarare, ritè  
considerata nobis sufficere debet  
pro efficacissimo stimulo ad excipi-  
enda maximâ cum reverentiâ & at-  
tentione ac retinenda, quæ à divino  
illo

illo Magistro tradita sunt, ne fortè quasi in vas pertusum & rimarum plenum illapsa mente effluant, ac pereant. Quantò ejus persona beatis illis spiritibus præcellentior est, tantò majori studiò ac fide lex illa & servanda nobis & tuenda est, quàm antiqua ejus umbra per Angelos olim ad nos perlata.

2. Si enim ista, quæ Angelorum ministeriò atque operâ inter tonitrua, fulgura, & terræ motus tantâ vi, atque auctoritate pollebat, ut nihil in eâ irritum aut inane fuerit, sed omnis illius etiam in speciem levior violatio severissimè punita fuerit, 3. quâ nos quæsumus ratione effugere poterimus justam Dei ultionem ac poenam, si tam sanctæ, tamque salutiferæ doctrinæ præcepta neglexerimus, quæ primùm ab ipso Domino, cum inter mortales versaretur, enarrari ac proponi cœpit, tum verò ab iis, qui ipsum docentem audierant, deinceps nobis & communicata est & confirmata 4. attestante Deo signis & prodigiis variisque facultatibus ac donis linguarum, prophetiæ, aliisque, quæ Spiritus sanctus partim in Pentecoste cuique distribuit pro beneplacito suo. 5. Quo vel maximè declara-

*2. Si enim, qui per Angelos dictus est sermo, factus est firmus, & omnis prævaricatio, & inobedientia accepit justam mercedis retributionem.*

*3. Quomodo nos esugiemus, si tantam neglexerimus salutemque, cum initium accepisset enarrari per Dominum ab eis, qui audierunt, in nos confirmata est,*

*4. Contestante Deo signis & portentis, & variis virtutibus, & Spiritus sancti distributionibus secundum suam voluntatem.*

*5. Non enim Angelis subjecit Deus orbem*

terra futurum, de quo loquimur.

6. Testatus est autem in quodam loco quis, dicens: quid est homo, quod memor es ejus: aut filius hominis, quoniam visitas eum?

declaratur summa Christi Domini auctoritas, tamen enim Angeli coelorum motores hominumque custodes aliquam tamque non exiguam in hunc mundum inferiorem potestatem habeant, solus tamen Christus à Patre constitutus est Dominus & judex totius orbis non modò præsentis, sed & futuri sæculi, de quo sermo nobis est præcipuè, post resurrectionem scilicet universalem, ideòque nuncupatus pater futuri sæculi, atque Pontifex futurorum bonorum, quando devictis planè omnibus suis hostibus plenissimo triumpho, imperio ac dominio cum sanctis suis regnabit in coelo. 6. Exclamavit autem alicubi vates quispian naturæ humanæ conditionem præsertim in Christo considerans: Quid est homo terrenum animal, quod tu tantus tamque immensi operis artifex illius rationem & curam habeas? quid est filius hominis, homo ex homine natus, mortalis ex mortali, miser ex misero, quod cum beneficentiæ tuæ donis, quæ multa sanè & magna in eum contulisti, dignatus sis invisere, collapsum in extremam miseriā erigere, filio Dei unigenito hypostaticè in Christo unire, ac per

per illum æternâ salute, ac gloriâ donare? 7. Fecisti eum ad breve tempus nempe mortalis hujus vitæ paulò inferiorem Angelis (ita nimirum exigente negotio procurandæ nostræ salutis) tam conditione mortalitatis & passionis à quâ aliena est Angelorum natura, quàm vulgari hominum existimatione, quos illa carnis ejus infirmitas & passionis ignominia non sinebat de eo magnum aliquid opinari, sed peracto hoc tempore mox immortalitate per resurrectionem donatus est, & ad supremum honoris ac gloriæ fastigium evehctus, gloriæ quidem, ut ab omnibus nomen ejus prædicetur, honoris autem, ut ab omnibus adoretur, demum super omnes creaturas elevatus cum imperio supremo. 8. Omnia subjecisti Enimverò hoc ipso, quòd omnia ei sub pedibus ejus: in eo subiecta, nihil excipitur, quod non enim quòd omnia ei subiecta ei subjiatur. Jam verò si de hominibus in universum, sive de quolibet homine sermo sit, tem necdum videmus omnium videmus, cuiquam mortali ac ne universæ quidem hominum societati, imò nec Christi imperio omnia esse subiecta, cum & demones regnum Christi oppugnent, & homines impii justos persequantur.

*7. Minuisti eum paulò minùs ab Angelis: gloriâ, & honore coronasti eum: & constituisti eum super opera manuum tuarum.*

*8. Omnia subjecisti sub pedibus ejus: in eo subiecta, nihil dimisit non subiectum ei. Nunc autem necdum videmus omnia subiecta ei.*

(Ecc)

9. *Eum autem, qui modico quàm Angeli minoratus est, videmus Jesum propter passionem mortis, gloriâ & honore coronatum, ut gratiâ Dei pro omnibus gustaret mortem.*

10. *Decebat enim eum, propter quem omnia, & per quem omnia, qui multos filios in gloriam adduxerat, auctorem salutis eorum per passionem consummare.*

9. Jesum tamen si non oculo carnis, certè oculo fidei videmus summâ gloriâ & honore coronatum in cœlis, qui antè in terris singulari Dei gratiâ ac misericordiâ erga homines minor Angelis brevi tempore factus fuerat, nostrâ videlicet mortalitate in eum finem assumptâ, ut pati posset, mortemque pro omnium salute oppetere, atque ita voluntati Patris cœlestis obsequeretur factus sacerdos & victima sacrificii ab omni creaturâ ei debiti. Mortem, quam subierat, redivivus devicit, nunc in throno cœlesti residens gloriâ ineffabili tanquam diademate redimitus resplendet. Cùm ergo divinæ pollicitationes ex parte jam adimpletæ sint, quis in dubium revocare audeat, ex integro & absolutè omnia ei aliquando subjicienda esse. Non diffiteor potuisse Deum mitiori ac faciliiori remediò hominibus veniam ac salutem impertiri. 10. Nihilominus pro infinitâ suâ sapientiâ judicavit hoc quàm maximè se decere, ut quoniam æterno decreto ac voto suo ad æternam salutem ac gloriam multos filios suos, imò quantum ex se est omnes homines per multarum adversitatum tolerantiam per-



perducere statuerat, similiter etiam principem & auctorem salutis eorum, per quem & cuius gratiâ omnia condiderat, filium nempe suum unigenitum, tanquam antesignanum ærumnis etiam, atque ipsâ morte quodammodo consecraret, atque contummarer, cuius deinde operâ ac meritis cæteris gratiam, & sanctitatem infunderet adoptando eos in dilectissimos filios suos per gratiam, atque filii sui naturalis fratres, & cohæredes.

11. Christus enim à Deo constitutus est pontifex, qui oblato sacrificiò sanctificaret & à peccatis emundaret, ac Deo reconciliaret genus humanum, atqui sacerdos sanctificans, & populus, qui sanctificatur, ex unâ eademque naturâ ac specie sint oportet, nam ex eodem populò solent assumi pontifices, quod & in Israhelico populo observatum fuit, igitur & Christus humanam naturam assumere debuit iisdem, quas cæteri omnes perfecerunt, malis obnoxiam, quam ob causam non erubescit eos suos appellare fratres, cum alioquin si persona spectetur, inter ipsum ac nos infinitum sit intervallum.

12. Annuntiabo, inquit, nomen tuum fratribus

11. *Qui enim sanctificat, & qui sanctificatur, ex uno omnes: propter quam causam non confunditur fratres eos vocare, dicens:*

12. *Nuntiabo nomen tuum fratribus meis: in (Ecc 2)*

medio Ecclesiæ laudabo  
te.

13. *Et iterum : ego  
ero fidens in eum. Et  
iterum : ecce ego & pue-  
ri mei, quos dedit mihi  
Deus.*

14. *Quia ergò pueri  
communicaverunt carni,  
& sanguini, & ipse fi-  
militer participavit iis-  
dem : ut per mortem de-  
strueret eum, qui habe-  
bat mortis imperium, id  
est, diabolum :*

15. *Et liberaret eos,  
qui timore mortis per to-*

tribus meis, & in medio Ecclesiæ  
tibi hymnos canam. 13. Ego spem  
meam in ipso reponam : qui autem  
aliquid ab altero sperat, inferior  
sanè est, ejusque ope indiget, Chri-  
stus autem quia Deus nullâ re indi-  
gebat, ergò quatenus homo, & præ-  
cipuè quando passionis tempore ab  
eo penitus derelictus videbatur, er-  
gò eâdem nobiscum naturâ præ-  
ditus fuit. Idipsum ex alio Prophe-  
tæ textu colligimus, ubi dicit : ec-  
ce ego & pueri, quos dedit mihi  
Deus. Ubi simul & se & consortes suos  
pueros offert Deo ad prædicandum

ejus nomen, 14. quia ergò homi-  
nes, quos Christus suos pueros ac  
filios vocare dignatus est constant  
unâ communi naturâ ex carne &  
sanguine conflata, adeoque fragili,  
passibili, morti & millè miseriis ob-  
noxia, hinc etiam ipse carnis & san-  
guinis, adeoque & adherentium in-  
firmitatum voluit esse particeps, ut  
per mortem ipse suam destrueret  
regnum ac potentiam diaboli, qui  
per peccatum habebat potestatem,  
infligendi omnibus mortem corpo-  
ris & animæ, præsentem & æter-

nam. 15. Adeoque & liberos red-  
deret miseros homines, non so-  
lùm à servitute & imperio, sed etiam

me.

metu perpetuo mortis æternæ, deo- tam vitam obnoxii erant  
que insigni hac amoris sui testifi- servituti.

catione eos obstringeret ad obser-  
vanda impofterum ejus præcepta  
amoris potiùs filialis & reciproci,  
quàm timoris servilis impulsu. 16.

Neque enim imortalem Angelorum  
naturam assumere voluit, sibi que  
copulare, sed nostram mortalem, &

quidem ex progenie & familiâ magni  
vestri Patriarchæ Abrahamæ. 17. Quo-

circa par erat, cum omni ex parte  
non naturæ tantum societate, sed

cæteris quoque ejus conditionibus  
ac proprietatibus, quæ à peccato

immunes sunt, fratribus similem red-  
di, ut malorum nostrorum sensu &

experientiâ faciliorem se ac procli-  
viorē ad miserationem præberet,

longè enim faciliùs & vivaciùs alio-  
rum ærumnas & misérias agnoscim-

us, dum eas ipsi experimur,  
quàm dum eas solum speculamur,

vel in aliis intuemur: præter-  
quàm quòd officium summi Ponti-

fificis, & mediatoris inter Deum &  
homines id. videbatur exigere, qui

pro istis Deo plenè & in omni ri-  
gore justitiæ condignè debebat sa-

tisfacere, eosque perfectè cum Deo  
reconciliare, quod aliter quàm pa-

tiendo & moriendo fieri non po-  
tuit

16. Nusquam enim

Angelos apprehendit, sed

semen Abrahamæ apprehen-

dit.

17. Unde debuit per

omnia fratribus simila-

ri, ut misericors fieret,

& fidelis pontifex ad

Deum, ut repropitiaret

delicta populi.

(Ecc 3)

18. *In eo enim, in quo passus est ipse, & tentatus, potens est & eis, qui tentantur, auxiliari.*

cuit in hac providentiâ. 18. Nam hoc ipso quod passus sit, vexatus, & exercitatus per omnia, facilior ac pronior est ad præstandum solatium & auxilium opportunum aliis afflictis ac tentatis ad eum recurrentibus, & pro modico illo temporis spatio, quo daemoni ejusque ministris divinâ permissione concessum fuit, ut cum modis omnibus tentarent atque divexarent, divinam potestatem accepit omnes alios pariter tentatos & afflictos corroborandi, ut ex gravissimis & periculosissimis assultibus, quibus infestantur, gloriosam referant victoriam.

## PARAPHRASIS

### CAP. III.

1. *Unde, fratres sancti vocationis celestis participes, considerate Apostolum, & Pontificem confessionis nostræ Jesum.*

1. Quid illustrius gratiusque vobis, fratres sancti, considerandum proponam, quam ejus eximias prærogativas? an non optimo jure à vobis hodiernâ die expectere possum, ut cum ad hæreditatem regni

gni cœlestis vocati sitis, omniâ fluxarum ac terrenarum rerum consideratione vires omnes intelligentiæ colligatis ad contemplandas summâ cum attentione præcellentias, Jesu Christi, Magistri atque Legati à Deo cœlitus missi, ut nos doceret viam vitæ, redimeret à morte æternâ, & cœlestis gloriæ hæredes faceret, quique supremus simul esset pontifex ejus religionis, ac fidei, quam publicè profiteamur. 2. Quo utroque munere functus est sanctissimè, summâque fide ea exsecutus est, quæ ipsi demandata fuerant in administrandâ familiâ sibi commissâ, perinde ac Moses id præstitit in republicâ olim vestrâ sibi demandatâ, 3. imò magis. Nomen istius legislatoris magnâ quidem apud vos in veneratione est, idque meritò. Quis tamē dicat paris esse dignitatis servum ac filium? vel opificium cum ipso artifice de honore decertare? tanto profectò ampliorem dignitatem ac gloriam præ Mose accepit Christus, quantò major honor debetur architecto, qui domum construxit, præ domo ipsâ fabricatâ. 4. Omnis quippe domus opificem habet aliquem & architectum; à quo extru-

2. *Qui fidelis est ei, qui fecit illum, sicut & Moyses in omni domo ejus.*

3. *Amplioris enim gloria iste præ Mose dignus est habitus, quanto ampliorem honorem habet domus, qui fabricavit illam.*

4. *Omnis namque domus fabricatur ab aliquo: qui autem omnia creavit, Deus est.*

tur:

5. *Et Moyses quidem fidelis erat in totâ domo ejus, tanquam famulus in testimonium eorum, quæ dicenda erant:*

6. *Christus verò tanquam filius in domo suâ, quæ domus sumus nos, si fiduciam, & gloriam spei usque ad finem firmam retineamus.*

tur: porro Christus Dominus supremus ille architectus est, qui & synagogam instituit, & Ecclesiam Dei fundavit, & Universum ipsum condidit, Moyses verò tantum est una illius Ecclesiæ particula, qui autem omnia creavit, nempe Christus, reverà Deus est, Moyses tantum creatura. 5. Ac Moyses quidem fidelis fuit in directione rei publicæ sibi commissæ, sed tamen ut famulus & Minister, cui incumberebat ex imperio Domini populo suæ curæ credito illius mandata proponere atque exponere. 6. At verò Christus divinâ auctoritate tanquam filius & ipse dominus constitutus est supra Ecclesiam novi Testamenti tanquam domum propriam. O ceterque quaterque beatam illam familiam, quæ tali tantoque Capiti subest, felices nos, qui illam componimus. Ingenue vobis, fratres & absque omni assentatione edico, quamvis plurimis scateamus defectibus, tot tenebris obscuratum habeamus intellectum, tot vitiis quasi venenis infectam voluntatem, tanto furore æstûque maleciâno correptos appetitus nostros, nihilominus ejus domus ac familia sumus, quam certè non deseret, sed suo tempore ad statum longè felicissimum evehet, qualem

qualem non quidem nunc mente concipere, aliquando tamen sensu ipso atque experienciâ talem esse comperiemus, dummodo illum ut Dominum Legislatorem, ac supremum Pontificem nostrum agnoscamus ac revereamur publicè, parati non tantum ad ejus mandata ad unguem exequenda, sed etiam adversa quæque pro ejus nomine ac gloria perferenda, spemque illam futurorum bonorum, ac fiduciam, de quâ gloriamur, usque ad vitæ exitum firmam & inconcussam retineamus,

7. quæ tamen ut effectui non careat, illam vobis conditionem adjectam etiam atque etiam servandam, atque adimplendam noveritis, quam Spiritus sanctus olim designavit, hodie, inquit, si vocem ejus audieritis,

8. ne obduretis corda vestra, sicut olim obdurârunt Patres vestri in deserto in eo loco, qui dictus est exacerbatio seu contradictio. 9. Ubi planè per summam injuriam potentiae ac promissionibus meis diffisi me

tentaverunt, licet ipsi jam antea manifestè vidissent, quàm multa & admiranda opera coram ipsis effecrim, per 40. annos. 10. Quapropter

in ira & indignatione non mediocriter

com-

7. *Quapropter sicut dicit Spiritus sanctus: hodie si vocem ejus audieritis,*

8. *Nolite obdurare corda vestra: sicut in exacerbatione secundum diem tentationis in deserto,*

9. *Ubi tentaverunt me patres vestri: probaverunt, & viderunt opera mea*

10. *Quadraginta annis: Propter quod in sen-*

(Fff)

*sus sui generationi huic, & dixi: semper errant corde. Ipsi autem non cognoverunt vias meas,*

11. *Sicut juravi in ira mea: si introibunt in requiem meam.*

12. *Videte, fratres, ne forte sit in aliquo vestrum cor malum incredulitatis, discedendi à Deo vivo.*

13. *Sed adhortamini vos metipfos per singulos dies, donec hodie cognominatur, ut non obduretur quis ex vobis fallacia peccati.*

commotus per Moïsen & Aaronem eos identidem admonui, ut aliquando resipiscerent, suumque errorem agnoscerent, illi autem in sua incredulitate obstinati non moventur tot beneficiis ac prodigiis, quæ coram eis feci in Ægypto, mari rubro & deserto, neque eorum rationem ullam habuerunt, igitur tantam impudentiam non amplius inultam relinquam, 11. Jamque juro, eos non amplius intromittendos in terram Chanaan à me ipsis promissam, ut in eâ tanquam quietâ & opulentâ sede suaviter delicerentur. 12. Discite, quæso, fratres mei alieno tandem malô sapere, & cavete, ne his calamitatibus aut rebûs adversis oppressus, aut territus quispiam vestrum animum despondeat, et à Deo vivo, cui jam credidit, vecordia quâdam atque improbitate animi ad impietatem atque infidelitatem deficiat. 13. Sed muris vos potius cohortationibus animate ad perseverantiam in fide Christianâ semel susceptâ, in spe & forti tolerantia persecutionum hoc nomine vobis obvenientium, quamdiu dies hic hodiernus durat, nempe tempus præsentis vitæ, gratiæ, ac pœnitentiæ, quod cuique con-



ceditur à Deo, ut ne contingat quemquam vestrum fallacibus, peccati illecebris captum obdurescere ad vocem vocantis Christi. Agnoscite, si sapitis, dignitatem vestram.

14. Participes enim facti sumus corporis mystici, nempe Ecclesiæ Christi tanquam membra filii & fratres per baptismum, participes spiritus, & gratiæ, & omnium thesaurorum ipsius, si modò sanam ac integram fidei doctrinam, cujus velut primordiis illi adhæsimus tanquam substantiæ ac fundamenti salutis ac spei nostræ, usque ad vitæ exitum firmam & inconcussam retinuerimus.

15. Quamdiu itaque hæc verba prophetica: *Hodie si vocem ejus &c.* auribus vestris insonant, ne obduretis corda vestra, ut olim illi in exacerbatione. 16. Non quidem omnes, quia non Josue, Caleb, non parvuli, non omnes mulieres, non omnes levitæ, qui ut culpæ, sic & pœnæ expertes fuerunt.

17. Quibusnam autem ita Deus succensuit? nonne iis, qui sese scelere multiplici contaminaverunt, murmurando, concupiscendo, vitulum conflatilem adorando, desperando terram promissam, quorum omnium caput & cau-

14. *Participes enim Christi effecti sumus: si tamen initium substantiæ ejus usque ad finem firmum retineamus.*

15. *Dum dicitur: hodie si vocem ejus audieritis, nolite obdurare corda vestra, quemadmodum in illâ exacerbatione.*

16. *Quidam enim audientes exacerbaverunt, sed non universi, qui profecti sunt ex Ægypto per Moysen.*

17. *Quibus autem insensus est quadraginta annis? nonne illis, qui peccaverunt? quorum cadavera prostrata sunt in deserto? (Fff2)*

18. *Quibus autem  
juravit non introire in  
requiem ipsius, nisi illis,  
qui increduli fuerunt?*

19. *Et videmus, quia  
non p tuerunt introire  
propter incredulitatem.*

sa fuerit infidelitas, quâ Dei promissionibus diffidebant? quorum proinde corpora juxta Dei comminationem variis mortibus consumpta fuerunt, ita ut ingens ossium multitudo relicta fuerit albentes deserti sparsa per agros. 18. Quibus autem iurejurandò adhibito comminatus est, nunquam illos in requiem suam ingressuros, nisi iis, qui post tot & tanta divinæ potentiae signa exhibita nondum sibi in animum induxerunt, ut promissis Dei crederent? 19. Pari modò, licet multi vestrum noluerint fidem Christi complecti, vel complexam metu persecutionum abjecerint, si vos tamen constantes in eâ perseveratis, non incurretis poenas, quæ incredulos illos, atque apostatas horrendæ manent tum in præsentī vita, tum maximè in futurâ.



PARA-

## PARAPHRASIS

## CAP. IV.

1. **T**imeamus ergò, simulque præ-  
caveamus, ne quemadmo-  
dum olim permulti spe sua delusi fru-  
ctu promissionis factæ caruerunt, ita  
quempiam ex vobis contingat vel per  
ignaviam, vel per diffidentiam vel per  
inconstantiam neglectâ ac pro nihilo  
habitâ pollicitatione omnibus factâ  
de æternâ requie in cœlesti palatio  
obtinendâ tantâ expectatione frust-  
rari, & persimili cum majoribus  
vestris supplicio justissimè plecti.
2. Neque enim satis est, quòd nobis  
annuntiatum fuerit verbum Dei,  
nam & illis à Mose promulgatum fuit,  
verùm ipsis divinus ille sermo auri-  
bùs tantùm perceptus nihil profuit,  
quippe cui fidem non habuere, sed  
solâ auditione contenti nihil præte-  
rea præstitere, non obscuro argu-  
mentò, neque nobis profuturam  
auditionem Evangelii, nisi etiam ei-  
dem credamus, & obsequamur.
3. E contra quantumcunque magna  
&
1. *Timeamus ergò, ne  
fortè relicta pollicitatione  
introeundi in requiem e-  
jus, existimetur aliquis  
ex vobis deesse.*
2. *Etenim & nobis  
nuntiatum est, quemad-  
modum & illis: sed non  
profuit illis sermo audi-  
tus, non admissus fidei ex  
iis, quæ audierunt.*
4. *Ingrediemur enim  
(Fff 3)*

*in requiem, qui credidi-  
mus? quemadmodum di-  
xit: sicut iuravi in ira  
mea, si introibunt in re-  
quiem meam: & quidem  
operibus ab institutione  
mundi perfectis.*

*4. Dixit enim in quo-  
dam loco de die septimâ  
sic: & requievit Deus die  
septima ab omnibus o-  
peribus suis.*

*5. Et in isto rursum:*

& eximia promiserit Deus, qualis-  
cunque etiam in nobis inveniatur  
meritorum tenuitas, certò certius  
tamen in requiem illam sempiter-  
nam à Deo nobis promissam, & ad-  
umbratam olim in Palæstinæ posses-  
sione ingrediemur, modò fide vivâ  
& constanti in Christum credideri-  
mus: si enim sola incredulitas Israë-  
litis obstat, quò minùs in terrenam  
illam quietem admitterentur, quis  
prudenter dubitet nos in cœle-  
stem illam fidei vivæ beneficiò in-  
tromittendos? 4. Consideremus  
paulò attentius prædicta verba, ut  
clariùs pateat, quænam sit requies  
illa nobis omnibus promissâ. Illud,  
meo quidem iudiciò, indubitatum  
est, Prophetam non loqui de requi-  
e sabbati seu septimæ diei, quâ  
Deus completo opere creationis  
mundi intra 6. dies cessavit ab ulte-  
riori productione novarum specie-  
rum, nam quies illa neque nostra  
est, & jam olim præterit: neque e-  
tiam videtur loqui de requie sabbati  
ad recolendam illam Dei quietem  
in populo Israëlitico institutâ, nam &  
istius observatio jam antiqua erat,  
quândo hic psalmus fuit compositus.

5. Sed neque etiam de terciâ quiete  
sermo

sermo est, quā gaudebant filii Israël *si introibunt in requiem in pacificā possessione terræ promissæ meam.*

sub duce Josue, cū & ista jam transierit, & adimpleta sit. 6. Superest ergo ut loquatur Propheta de requie longē sanctiore, de sabbato longē præstantiore, nempe de pacificā ac sempiternā bonorum cœlestium possessione, ad quam Christianæ fidei beneficiō nobis aditus patet eā in re longē utique felicioribus præ incredulis illis Israëlitis, qui ab ingressu terræ promissæ exclusi fuere.

7. Id quod rursus vel ex eo maximē confirmari potest, quōd in eo ipso Davidis psalmo certam quandam diem Spiritus sanctus designat adhuc quodammodo præsentem & hodiernam, nempe præsens vitæ nostræ tempus, quōsi Deo obsequentes fuerimus, transferemur in requiem illam meliorem. 8. Aliās enim prædicta oratio nullum haberet locum, si de illā solū & principaliter terrā ageretur, quam JESUS filius Nave illi populo dispertierat, nisi alia requies speranda foret. 9. Quæ cū ita sint, necessariō concludendum est, reliquum adhuc esse alium sabbatistnum populo Dei, aliam quietem, nempe cœlestem, solidam, ac sempiternam.

6. Quoniam ergo superest introire quosdam in illam, & ij quibus prioribus annuntiatum est, non introierunt propter incredulitatem :

7. Iterum terminat diem quandam. Hodie, in David dicendo, post tantum temporis ; sicut supra dictum est : hodie si vocem ejus audieritis, nolite obdurare corda vestra.

8. Nam si eis JESUS requiem præstitisset, nunquam de aliā loqueretur, posthac, die.

9. Itaque relinquatur, sabbatistmus populo Dei.

pit-

- piternam, ubi fideles omnes qui in fide vivâ perseveraverint, ad feliciorum statum translati neque in lachrymas ac lamenta prorumpent, neque ulla pericula amplius metuent, neque ullis doloribus ac miseriis erunt obnoxii, sed operum suorum ac meritorum mercedem amplissimam recipient deliciis affluent, gloriâ & honore coronati, ad quam quietem non Josue, sed verus Dei filius Iesus Christus fideles suos perducit, 10. in quam denique qui iam pedem intulerunt, non aliter quam olim Deus ab opificio mundi, sine omnibus suis actionibus, ac molestis operibus imposito penitus cessabunt, liberi posthac ab omni labore & defatigatione, ab omni luctâ contra vitia, tentationes, & hostes, ab omni calamitate, dolore, tristitiâ, indigentia. 11. Properemus ergo, & itudeamus ingredi in illam beatorum requiem, nulla molestia, nulla persecutio, nulla alia remora cursum nostrum retardet, ut ne quis fiat simile incredulitatis, rebellionis, & consequenter exclusionis ac damnationis exemplum. 12. Id adeo à nobis postulat Divini Verbi vis, atque efficacia sive per se interiùs, sive per suos ministros
10. *Qui enim ingressus est in requiem ejus; etiam ipse requievit ab operibus suis, sicut à suis Deus.*
11. *Festinemus ergo ingredi in illam requiem, ut ne in idipsum quis incidat incredulitatis exemplum.*
12. *Vivus est enim sermo Dei, & efficax, & penetrabilior cuncti glori-*

ministros exterius loquentis. Siquidem illud non minori nunc virtute atque potentiâ præditum est, quàm olim, certissimèque præstabit, quidquid per Prophetas & Apostolos suos aut promissit, aut comminatum est. Habet se instar gladii acutissimi ex utraque parte omnia penetrantis, ac secantis, adeo ut non solum corpora lædat, sed ad animum quoque ac spiritum peringat perfectissimè cognoscendo & discernendo intimos ac maximè reconditos ejus actus & motus. 13. Nec ulla est etiam minima amarulentia sive amoris proprii inclinatio, sive simulatio, sive diffidentia, quæ supremi Judicis, de quo nobis sermo est, vel scientiam lateat, vel potentiam effugiat. 14. Porro sicut Christus Dominus intima cordis nostri penetrat, ita & penetravit ac referavit nobis non tantum sancta sanctorum, uti Aaron, & successores ejus, sed coelos ipsos, ut Deo assistat tanquam Pontifex pro nobis interpellans, & peccata nostra expians, & ad cœlestia præmia invitans, dummodo nullis ærumnis aut rebus adversis terri in suscepta fidei ac spei nostræ professione persistamus. 15. Atqui opponet non nemo: infirmi sumus, fragiles,

*diò ancipiti: & pertingens usque ad divisionem animæ ac spiritus, compagum quoque ac medullarum, & discretor cogitationum & intentionum cordis.*

13. *Et non est ulla creatura invisibilis in conspectu ejus: omnia autem nuda & aperta sunt oculis ejus, ad quem nobis sermo.*

14. *Habentes ergo pontificem magnum, qui penetravit cœlos, Jesum filium Dei: teneamus confessionem.*

15. *Non enim habemus pontificem, qui non (Ggg)*

*possit compati infirmitatibus nostris: tentatum autem per omnia pro similitudine absque peccato.*

16. *Accedamus ergo cum fiducia ad thronum gratiae: ut misericordiam consequamur, & gratiam inveniamus in auxilio opportuno.*

fragiles, ac labiles. Ita est, si naturam spectes: habemus tamen Pontificem, mediatorem, Salvatorem minimè talem, qui nolit aut non possit compati & auxiliari infirmitatibus nostris, sed potius facilem ac pronum ad sublevandas ægrotudines atque imbecillitates nostras, quippe qui hæc omnia perinde ut nos citra peccatum tamen & noxam abundè sit expertus, atque adeo pro suâ in hominum genus pietate ac commiseratione opem benignissimè feret.

16. Accedamus ergo magnâ cum spe ac fiducia eum in coelesti throno ad dexteram Patris confidentem & regnantem, jam enim placabilis sedet in throno gratiæ, postea terribilis & implacabilis sessurus in throno judicii, ut ab ejus clementiâ referamus & veniam noxarum, & necessarium gratiæ præsidium consequamur ad superanda fortiter omnes difficultates, dum tempus est, durante videlicet hujus vitæ curriculo, cujus opportunitatem temporis si quis neglexerit, is in futuro sæculo nec misericordiam consequetur, nec gratiæ locum inveniet, sed severitatem ac rigorem subire cogetur judicii divini.

PARA-



## PARAPHRASIS

## CAP. V.

1. **E**Nimverò omnis pontifex ex hominibus eâdem naturâ præditus necessario assumitur, ut ejusdem naturæ similitudine & veluti cognatione sese in omnes beneficium placabilémque sequestrum ac mediatorem exhibeat ad ea perficienda, quæ apud Deum pro hominibus ei reconciliandis transigenda sunt, donaria videlicet ac sacrificia offerendo, quibûs & supremum ei adorationis cultum eorum nomine præstet, & pro acceptis beneficiis condignas grates referat, & noxarum veniam impetret, 2. quique indole quadam ad lenitatem & commiserationem pronâ donatus eorum vicem atque infirmitatem moderatè ferat, qui vel ignorantia vel pravis aliorum verbis atque exemplis in fraudem impelluntur, illis potius condoleat, quàm succenseat, quòd ipse quoque eadem naturæ imbecil-

1. *Omnis namque pontifex ex hominibus assumptus, pro hominibus constituitur in iis, quasunt ad Deum, ut offerat dona, & sacrificia pro peccatis:*

2. *Qui condolere possit iis, qui ignorant, & errant: quoniam & ipse circumdatus est infirmitate.*

(Ggg 2)

3. *Et propterea debet, quemadmodum pro populo, ita etiam & pro semetipso offerre pro peccatis.*

4. *Nec quisquam submit sibi honorem, sed qui vocatur à Deo, tanquam Aaron.*

5. *Sic & Christus non semetipsum clarificavit, ut pontifex fieret; sed qui locutus est ad eum: filius meus es tu, ego hodie genui te.*

6. *Quemadmodum & in alio loco dicit: tu es sacerdos in æternum secundum ordinem Melchisedech.*

3. & eam ob causam necesse est, cum non minus pro peccatis suis, si quæ commisit, quàm pro populo hostias, victimas, sacrificia offerre. 4. Neque verò sibi ipse sponte suâ quisquam hunc publicum tanti ministerii honorem vindicare & usurpare ausit absque grandi piaculo, sed Dei est illum eligere atque vocare, quemadmodum Aaronem, eiusque successores ad id muneris vocavit. 5. Huic legi obsecutus Christus Dominus, ut nos exemplò suo sanctissimo instrueret, quàm necessaria sit Dei vocatio ad dignitatem sacerdotalem, neutiquam sibi fastigium hoc supremi pontificatus proprio motu atque arbitrio usurpavit, sed illud accepit ab eo à quo divinam naturam acceperat, ut filius unigenitus: qui enim alicubi in psalmo eum alloquitur dicens: filius meus es tu, ego hodie genui te, idem alibi eum sacerdotiò quodammodo inicians ait; tu es sacerdos in æternum secundum ordinem Melchisedech, unde perspicuum est, eum divinitus vocatum, uti & successores Aaron, illud tamen speciali animadversione dignum, istos simpliciter à Deo sacerdotes appell.

pellari, ipsum autem simul sacerdotem & filium, quod utique infinitam quandam supra illos excellentiam denotat. 7. Quo tempore adhuc mortalis degebat in terris, actum præcipuè, cum amore nostri moriturus penderet in cruce, ardentissimas preces ad eum, qui se posset à morte suscitare, cum valido clamore & lachrymis fudit, ut se impetio mortis brevi eximeret. Dignitas personæ suæ, reverentia erga Patrem, cujus honorem suâ morte reparaturus erat, amor vicissim ineffabilis, quo iste filium suum complectebatur, facile impetrârunt tam justæ postulationis annutum. 8. Tametsi enim ut filius Dei unigenitus, cui immortalitas, gloria corporis, & nominis claritudo jure suo deberetur, dignissimus esset, qui exaudiretur etiam seclusis lachrymis & clamoribus, & ut talis eximi debuisset à quacunque vel levissimâ molestiâ, nihilominus sui quodammodo oblitus excessu quodam amoris incomprehensibili maluit beneplacito Patris ad amissum obsequi, infanda quæque pati, crucemque ac mortem in eâ subire, tum ut rigorosæ ejus justitiæ cumulatissimè satisfaceret, tum ut hac

7. *Qui in diebus carnis suæ, preces supplicationesque ad eum, qui possit illum saluum facere à morte, cum clamore valido & lachrymis offerens exauditus est pro suâ reverentiâ.*

8. *Et quidem, cum esset filius Dei, didicit ex iis, quæ passus est, obedientiam :*

9. *Et consummatus, factus est omnibus obtemperantibus sibi, causa salutis aeternae,*

10. *Appellatus Deo Pontifex juxta ordinem Melchisedech.*

11. *De quo nobis grandis sermo, & ininterpretabilis ad dicendum: quoniam imbecilles facti estis ad audiendum,*

hac ratione experimento proprio cognosceret vim & præstantiam obedientiae, suoque nobis exemplo luculenter patefaceret, quam sit illa Deo grata, & quam multa bona pariat, quandoquidem ipse, quæ sibi alias debebantur, mortis suæ merito sit magnâ cum voluptate consecutus. 9. Sacrificium isthoc non tantum illi ut pretiosæ victimæ nullum nocumentum attulit, sed consummatis omnibus obedientiæ, patientiæ ac charitatis partibus eum potius ad gloriam immortalem, & supremum pontificatus apicem evectum consecravit, cunctisque in eum credituris ac mandata ejus observaturis, auctorem ac principium fecit salutis æternæ. 10. Unde divinitus sortitus est non qualemcunque appellationem & dignitatem pontificis ut Aaron, sed ex ordine & ritu Melchisedech, quo officio per omnem æternitatem fungetur semetipsum identidem Deo offerens. 11. De quo sanè & Rege & sacerdote multa nobis dicenda forent eaque difficilia explicatu, apud vos præsertim, qui & ad audiendum segnes, & ad percipienda altiora mysteria parum idonei facti estis

estis, utpote legi Mosaicæ etiamnum nimis affixi. 12. Etenim qui pro temporis ratione magistri ac doctores jam esse possitis ac deberetis, ejusmodi estis, qui puerili adhuc institutione egeatis, quique docendi sitis, quæ prima sunt Evangelicæ doctrinæ rudimenta, quibus denique tanquam infantibus adhuc lacte sit opus tanquàm faciliore alimentò, utpote solidiori cibo altioris doctrinæ non affueris. 13. Enimverò, cui cum lacte res est, is profectò inexpertus, rudis, imperitus est, & sermonis, quo sublimiora perfectionis ac sanctitatis Christianæ præcepta continentur, prorsus incapax, quia adhuc infans. 14. Adultorum autem est solidus cibus, profundior nimirum tum divinorum mysteriorum, tum doctrinæ Evangelicæ cognitio, qui habitu jam per longum usum atque assuetudine discendi & docendi comparato ad discernendum bonum à malo, verum à falso, solidum à vano mentem habent & intelligentiam probè exercitam.

12. Etenim cum deberetis magistri esse propter tempus, rursus indigetis, ut vos doceamini, quæ sint elementa ordinis sermonum Dei; & facti estis, quibus lacte opus sit, non solido cibo.

13. Omnis enim, qui lactis est particeps, expertus est sermonis justitiae: parvulus enim est.

14. Perfectiorum autem est solidus cibus: eorum, qui pro consuetudine exercitatos habent sensus ad discretionem boni ac mali.

PARA-

## PARAPHRASIS

## CAP. VI.

*1. Quapropter intermittentes inchoationis Christi sermonem, ad perfectiora seramur, non rursus jacentes fundamentum poenitentiae ab operibus mortuis, & fidei ad Deum,*

*2. Baptismatum doctrina, impositionis quoque manuum, ac resurrectionis mortuorum, & iudicii aeterni.*

**I.** TAmetsi ea sit nonnullorum, quam modò exprobravi, tarditas atque imbecillitas, ea tamen me neutiquam absterret, quin capacioribus ea declarem mysteria, quorum noticia magno adjumento erit ad omnem sanctioris vitae perfectionem. Quapropter omissis illis rudimentis, unde prima fidei Christianae institutio exordium sumit, ad sublimiora magisque recondita, quae adultis ac perfectis conveniunt, gressum promoveamus, neque enim oportet rursus fundamentum jacere poenitentiae ante baptismum necessariae, quae vitae praeteritae flagitia expiantur, neque fidei in Deum, cui placuit nobis arcana suae divinitatis revelare, 2. neque elementa ejus doctrinae, quae de baptismo, confirmatione, mortuorum resurrectione, & extremo iudicio disserit, denuo repetere, cum haec om-

omnia jam exactè teneatis, sed præsuppositis his fundamentis supremam manum spiritali ædificio jam cœpto imponamus ad altiora assurgentes. 3. Id quod me omnino facturum recipio, si piis conatibus aspiret Deus. 4. Scirène percipitis, quâ de causâ prima hæc fidei principia non amplius repetam & inculcem. Dicam, quod resest. Nolo vel minimam ansam dare fovendi perniciosum illorum errorem, qui post tōt relapsus contra fidem & præcepta divinæ legis fiduciâ quadam perquam periculosâ nimisque temerariâ impunitatem sibi facilēque veniam promittunt. Satis est profectò, si tales vel semel de gratiâ Dei per lavacrum regenerationis impetrandâ ritè instructi fuerint. Nam qui semel baptismô lustrati fuerint, & cœlestis muneris gustum aliquem & oblectationem perceperint, & cœlestium charismatum ac donorum Spiritûs Sancti magnâ conscientiæ suæ serenitate atque solatio participes fuerint effecti, 5. illam denique Divini verbi, Christianæque disciplinæ dulcedinem, & eximias justis destinatæ ac futuræ in cœlis gloriæ promulsede-

3. *Et hoc faciemus, siquidem permiserit Deus.*

4. *Impossibile est enim eos, qui semel sunt illuminati, gustaverunt etiam donum cœlestē, & participes facti sunt Spiritûs sancti,*

5. *Gustaverunt nihilominus bonum Dei verbum, virtutēsque seculari venturi,*

de- (Hhh)

6. *Et prolapsi sunt: rursus renovari ad penitentiam, rursus crucifigentes sibi metipsos filium Dei, & ostentui habentes.*

7: *Terra enim sæpe venientem super se bibens imbrem, & generans herbam opportunam illis, à quibus colitur, accipit & benedictionem à Deo.*

6. si forte his omnibus contemptis ac rejectis in antiquam perfidiam iteratò relabantur, fieri nequaquam, vel non nisi difficillimè potest, ut denuo perfimili, & peræquè facili poenitentia & expiatione renoveantur, uti in baptismo, cujus quidem virtute culpa omnis ac poena penitus aboletur, absque eo tamen, quòd instar purificationum legalium denuo conferri possit aut suscipi: Christus enim qui semel mortem oppetiit, non amplius eam subire valet, atqui baptismus Sacramentum est ejus mortem representans, cujus iterata susceptio, uti & cujuscunque gravioris flagitii post baptismum perpetratio esset quodammodo repetita crucifixio, & illusio Christi jam in cælo regnantis. 7. Neque est, cur Deum Optimum propterea nimii rigoris arguamus, quòd copiosam illam gratiam per baptismum concessam, & per peccatum rursus amissam non amplius pari facilitate & efficacià ut plurimum largiatur. Nam terræ, quæ imbrem sæpe sæpius ad se missum combiberit, & herbam aut fruges progenuerit iis accommodas, per quos excolitur, Deus immortalis  
ite-



iterum atque iterum benedicit, donec ad plenam maturitatem pervenerint, 8. at verò ea, quæ licet exculta, & diligenter subacta spinas tamen ac tribulos procreat, neque cultorum expectationi ac labori ingrata respondet, execrationi ita proxima est, ut tandem exustionem promereatur tanquam reprobata. 9. Nolo vobis applicare odiosam hanc & aculeatam comparisonem, meliora enim de vobis, dilecti mei nobis persuasimus, cura tamen salutis vestræ assidua me ita sollicitum reddit, & hanc loquendi rationem pro caute à vestrà mihi suggerit, ut salubri vos metu perculsos præpediam, ne in hanc foveam præcipientes ruatis, talesque efficiamini, quales modò descripsi. Meliora, inquam, de vobis præsumo, firmiterque confido, Deum vobis neutiquam iratum, sed propitium potiùs esse. 10. Non enim injustus est, ut obliviscatur operis vestri sive quod olim patrastis, sive quod etiamnum perficitis, præcipuè vero beneficentiæ ac charitatis, quam pro divino ejus nomine exhibuistis, ut qui sanctis ministraveritis pridem, & nunc etiam ministratis, sed memor omnium promissam & conditam mercedem, & etiam in hoc

8. *Proferens autem spinas ac tribulos, reprobata est, & maledictio proxima: cujus consummatio in combustionem.*

9. *Confidimus autem de vobis, dilectissimi meliora & viciniora salutis: tametsi ita loquimur.*

10. *Non enim injustus Deus, ut obliviscatur operis vestri, & dilectionis, quam ostendistis in nomine ipsius, qui ministrastis sanctis, & ministratis.*

(Hhh 2)

11. *Cupimus autem  
unumquemque vestrum  
eamdem ostentare sollici-  
tudinem ad expletionem  
spei usque in finem:*

12. *Ut non segnes ef-  
ficiamini, verum imita-  
tores eorum, qui fide &  
patientia hereditabunt  
promissiones.*

13. *Abraha namque  
promittens Deus, quoni-  
am neminem habuit, per  
quem juraret, majorem,  
juravit per semetipsum*

14. *Dicens: nisi be-  
nedicens benedicam te, &*

hoc saeculo, & gloriam immortalem  
in altero certe rependet. Caterum  
quidquid vos concernit, illud & mea  
interesse existimo, & tamen de vestra  
fidelitate optimè sperem, non possum  
tamen non modis omnibus vos obte-  
stari, ut vestris rebus atque operibus  
sedulò attendatis. 11. Cupimus enim,  
& impensè desideramus, unumquem-  
que vestrum eodem studio atque ani-  
mi contentione ad finem usque per-  
severare intentum studio bonorum  
operum, ut spes vestra in dies magis  
ac magis augeatur, & confirmetur,  
donec coelestis praemii assecutione ul-  
timam suam perfectionem obtineat.

12. Adeoque ne ullo unquam tem-  
pore segnes & desidēs efficiamini in  
obsequio Dei, sed eorum potius soler-  
tiam imitemini, qui fide & diuturnâ  
patientia omnes difficultates superâ-  
runt, adeoque jam quod diu exspe-  
ctârunt, Dei beneficio possident. 13.  
In quorum numero spectandus est  
Abraham primus generis nostri pa-  
rens & auctor, cui cum jurejurandò  
interjecto eam, quam diximus, heredi-  
tatem polliceretur Deus, quia non  
poterat majoris cujuspian nomen  
atque auctoritatem jurejurando ad-  
hibere, per semetipsum juravit: 14.  
di-

dicens: certè benedicens benedicam *multiplicans multiplicabo te.*  
 te cumulando beneficiis, & multipli-

cans multiplicabo te numerosam posteritatem tribuens. 15. Quid ad ista Abraham? promissiones has maximè cum reverentiâ excepit, cùmque sat longo tempore patienter expectasset, earum fructum amplissimum est consecutus. 16. Ob id enim fere homines ingenui jurare consuecunt per majorem tum venerationis causâ, tum etiam ut ille, per quem pejerant, sit perjurii ultor, si pejerans remedio ad finiendas lites adinvento abuteretur, Deus autem, quia majorem se nullum habuit, sui divini Numinis auctoritate ac religione adhibitâ jusjurandum concepit. 17. Tum ut humana imbecillitati consulere, cùm nos non facilè rebus divinis, & ab humano sensu remotissimis fidem habemus, tum ut suam in hominum genus propensam voluntatem magis ac magis declararet, sui que consilii immutabilem rationem ostenderet nobis Abrahamæ filiis suæ promissionis hæredibus. 18. Quòd si juramentum inter homines tantâ vi pollet ad eos securos reddendos, quantò magis si illud conjunctum videamus divinæ promissioni, per duas res immobiles, quibus

15. *Et sic longanimiter ferens, adeptus est re-promissionem.*

16. *Homines enim per majorem sui jurant: & omnis controversia eorum finis ad confirmationem, est juramentum.*

17. *In quo abundantius volens Deus ostendere pollicitationis hæredibus immobilitatem consilii sui, interposuit jusjurandum;*

18. *Ut per duas res immobiles, quibus impossibile est mentiri Deum, fortissimum solatium habeamus, qui confugimus*  
 (Hhh 3)

*ad tenendam propositam  
spem:*

19. *Quam sicut an-  
choram habemus anima-  
tutam ac firmam, & in-  
cedentem usque ad inte-  
riora velaminis,*

20. *Ubi praeursor  
pro nobis introivit JE-  
sus, secundum ordinem  
Melchisedech pontifex  
factus in aeternum.*

quibus fieri nequit, ut nobis imponat  
prima Veritas, evanescere necesse erit  
omnem dubitationem ac scrupulum,  
nosque perquam efficaci consolatio-  
ne firmari, qui susceptâ Evangelicâ fi-  
de huc tandem confugimus, ut relicto  
fallacis sæculi amore per continuum  
bonorum operum studium coele-  
stem & æternam gloriam pro hære-  
ditate nobis promissam consequa-  
mur. 19. Cujus quidem spem ve-  
lut tutam ac firmam animæ ancho-  
ram in cœlo adeoque Deo ipso de-  
fixam tenemus, quo penetrat nosque  
introducitur usque ad interiora tem-  
pli, quæ sunt intra velum, nempe  
sancta sanctorum, cœlum & cœlestia.  
20. Quò praeursor pro nobis primus  
ingressus est Jesus in ascensione suâ  
aditum nobis patefaciens, factus  
jam pridem Pontifex non amplius  
cruentus, ut Aaron, sed incruentus,  
ut Melchisedech, id est, redemptor,  
mediator, advocatus noster apud  
Deum patrem, cui crucem & mor-  
tem suam semel obitam perpetuò  
offert, ac repræsentat, nosque illi re-  
conciliat, & omnia inde auxilia ad  
cœlum conscendendum necessaria  
nobis submittit.

# PARAPHRASIS

## CAPUT VII.

1. **N**on absque ratione toties jam vobis inculcavi Iesum Christum sacerdotem esse secundum ordinem Melchisedech, statueram enim mecum paulatim vos disponere ad complectendam animò excellentiam sacerdotii viri hujus incomparabilis, de quo nobis tam eximia tam præclara commemorant sacri Codices. Nunc igitur accingor ad argumentum hoc plenius enucleandum, ut verò veritas tanti mysterii clariùs elucescat, expedit circumstantias omnes excutere, quæ in hac insigni figurâ nobis ponderandæ occurrunt. Melchisedech rex olim Salem, simulque sacerdos Altissimi lætus occurrit Abrahamo victori reduci ex prælio, quo 5. reges profligaverat, fratrisque tui Loth fuorumque accolarum spolia recuperaverat, ei que salutato benè precatus est, 2. cui contra pientissimus hic patriarcha decimas omnis prædæ

1. *Hic enim Melchisedech Rex Salem sacerdos Dei summi, qui obviavit Abrahamo regresso à cade Regum, & benedixit ei.*

2. *Cui & decimas omnium dirigit Abraham: primum quidem, qui interpretatur rex iustitiæ:*

re-

deinde autem & rex Sa-  
lem, quod est, Rex pacis,

3. Sine patre, sine ma-  
tre, sine genealogiâ, ne-  
que initium dierum, ne-  
que finem vita habens,  
assimilatus autem Filio  
Dei, manet sacerdos in  
perpetuum.

4. Intuemini autem,  
quantus sit hic, cui & de-  
cimas dedit de præcipiis  
Abraham Patriarcha.

5. Et quidem de filiis  
Levi Sacerdotium acci-  
pientes, mandatum ha-

relatæ grato animô obtulit ac dona-  
vit. Gesta tanti viri, nomen ipsum,  
ac dignitas magna præcontinent my-  
steria. Melchisedech, si vim nominis  
spectemus, denotat regem justitiæ,  
seu justum ac justificantem, si loci  
verò, cujus rex erat, id est, Salem,  
nomen exponamus, perinde est, ac  
si appelletur rex pacis, seu pacificus  
ac pacificator. 3. Quia verò nulla  
in sacris litteris fit mentio patris aut  
matris, neque genus, aut progenies  
ejus describitur, neque ortus denique  
aut obitus illius adnotatur, speciem  
quandam ac similitudinem refert fi-  
lii Dei, qui principiô ac fine caret,  
& æternitatem sacerdotii ejusdem  
scitè repræsentat. 4. Et quoniam  
de prærogativis tanti viri dicere in-  
stitui, considerate, quæso, attentius,  
quantus hic fuerit, cui etiam Patriar-  
cha noster Abraham de optimis spo-  
liis decimas dedit solam dignitatem  
in eo reveritus, quò minùs miran-  
dum sit, si Abrahamô longè dicimus  
præstantiorem Christum, quando-  
quidem Melchisedech, qui Christu so-  
lummodò typum præferebat, Abra-  
hamo præfertur. 5. Reponet fors  
nonnemo, eos qui ex tribu Leviticâ  
sacerdotiô in populo Dei fungebant-  
tur,

tur, etiam decimas accepisse. Non negaverim, sed ingens, obsecro, discrimen observate. Isti decimas à popularibus & fratribus suis recipiunt, quamvis & ipsi ad Abraham communem parentem genus suum referant, idque ex præscripto legis, & jure originis suæ. 6. At verò Melchisedech, qui genere aut sanguine ad nullam ex 12. tribubus pertinebat, decimas accepit ab Abrahamo, eique quem tanti fecerat Deus, ut cum illo foedus iniret, suarumque illi promissionum fructum impertiretur, benè tamen & ipse precatus est; suamque benedictionem quasi divinæ benedictionis corollarium adjecit. 7. Atqui extra controversiam est, eum qui benedictionem percipit, & faustâ alterius apprecatione augetur, minorem & inferiorem esse illo, qui benedictionem impertit, Abrahamum videlicet Melchisedech. 8. Accedit, quòd in populo Dei sacerdotes quidem sed illi caduci ac mortales decimas accipiant, Melchisedech autem, qui decimas ab Abrahamo percepit, ita describitur, ac si sacerdos immortalis & sempiternus esset, ut meritò ejus sacerdotium sempiternum Christi sacerdotium indicaret.

9. De-

*bent decimas sumere à populo secundum legem, id est, à fratribus suis : quamquam & ipsi exierint de lumbis Abraha.*

6. *Cujus autem generationis non annumeratur in eis, decimas sumpsit ab Abraham, & hunc, qui habebat repromissiones, benedixit.*

7. *Sine ullâ autem contradictione, quod minus est, à meliore benedicuntur.*

8. *Et hic quidem, decimas morientes homines accipiunt: ibi autem contestatur, quia vivit.*

(lii)

9. Et (ut ita dictum sit) per Abraham, & Levi, qui decimas accepit, decimatus est:

10. Adhuc enim in lumbis patris erat, quando obviavit ei Melchisedech.

9. Denique tantum abest, ut nullum aliud fuerit sacerdotium præter leviticum, vel ut illud inter omnia excellat, aut emineat, ut ipse Levi, quæ aliàs velut sacerdos decimas solet accipere, quia in Abrahamo tanquam in parente potestate inerat, vique seminis continebatur, ipsi Melchisedech una cum Abrahamo quasi minor majori decimas quodammodo persolverit.

10. Tum enim cum victori Abrahamæ à prælio redeunti occurrit Melchisedech, nondum quidem Levi natus erat, in lumbis tamen parentis velut inclusus continebatur, perinde itaque hic se gessit Abraham cum Melchisedech, atque princeps, qui pro se & totâ suâ posteritate obedientiam regi præstat & offert. Si ergo Melchisedech Abrahamo totâque ejus posteritate major ac præstantior erat, quantam nobis conveniet de Christo concipere æstimationem, cujus ille tantum typus & figura erat? quàm sanctum, quàm divinum erit ejus sacerdotium? Reve-reor, uti debeo, Aaronem, novi tamen perbenè, quanta inter unum & alterum sit differentia. Vos ipsi in meam sententiam concedetis, si rationes, quas sum allegaturus, æquâ lance



lance ponderare velitis. 11. Si Le-  
 viticum sacerdotium, quod lege latâ  
 in populo Dei floruit, potuit ipsum  
 per se quemquam ad culmen perfe-  
 ctionis perducere conferendo veram  
 & interiorem iusticiam, quæ est ip-  
 sissima animæ perfectio, quid quæ-  
 so amplius opus erat alium inducere  
 sacerdotem, qui non secundum Aa-  
 ronem, sed secundum ordinem Mel-  
 chisedechi diceretur, prout tamen  
 toties allegata Davidis sententiâ ex-  
 pressè indicatur? 12. Nempe Levi-  
 ticum illud sacerdotium non modò  
 rude fuit & inchoatum, sed planè  
 ejusmodi, ut unâ cum lege mutari  
 ac transferri debuerit, cum ejusdem  
 sint rationis & conditionis, eodem  
 simul tempore instituta, majorque  
 legis pars occupetur iis describendis  
 quæ sacerdotes & sacrificia concer-  
 nunt. 13. Quòd porrò actu trans-  
 latum sit, à tribu nempe Leviticâ ad  
 aliam, eamque regalem extra con-  
 troversiam est, siquidem is, de quo  
 intelligenda sunt prædicta verba ex  
 tali tribu erat, quam lex illa Mosai-  
 ca procul à sacerdotio arcebat, 14.  
 nempe ex tribu Judâ, de quâ nemo  
 unquam sacerdotiò functus est, ut  
 adeo non nisi lege contrariâ antiqua-  
 ra

11. Si ergò consum-  
 matio per sacerdotium  
 Leviticum erat (populus  
 enim sub ipso legem ac-  
 cepit) quid adhuc ne-  
 cessarium fuit secundum  
 ordinem Melchisedech  
 alium surgere sacerdo-  
 tem, & non secundum  
 ordinem Aaron dici?

12. Translato enim  
 sacerdotiò necesse est, ut &  
 legis translatio fiat.

13. In quo enim hac  
 dicuntur, de aliâ tribu  
 est, de quâ nullus altari  
 præstò fuit.

14. Manifestum est  
 enim, quòd ex Judâ or-  
 tus sit Dominus noster :  
 in quâ tribu nihil de sa-  
 (lii 2)

cerdotibus *Moyſes locutus eſt.*

15. *Et amplius adhuc manifeſtum eſt; ſi ſecundum ſimilitudinem Melchizedech exurgat alius ſacerdos,*

16. *Qui non ſecundum legem mandati carnalis factus eſt, ſed ſecundum virtutem vitæ inſolubilis.*

17. *Conſeſtatur enim: quoniam tu es ſacerdos in æternum ſecundum ordinem Melchizedech.*

18. *Reprobatio quidem ſit præcedentis mandati, propter infirmitatem ejus, & inutilitatem.*

19. *Nihil enim ad perfectum adduxit lex: introductio verò melioris*

tâ ac ceſſante Chriſti Domini ſacerdotium conſtare poſſit. 15. Accedit argumentum aliud meo judiciô irrefragabilè. Sacerdotes Levitici dignitatem ſuam ex præſcripto legis conſequebantur per originem merè temporalem ſuccedendo ſuis antecelloribus, eamque relinquendo poſtmodum ſuis poſteris. Si ergò alius Sacerdos conſtituitur, 16. qui dignitatem illam non ab hominibus accepit, ſed divinitus, non ſecundum legem Moſaicam, quæ tantum carnales viſtimas & cæremonias præſcribit, ſed ſecundum virtutem & potentiam altiorem, nempe ſecundum legem Chriſti, quæ dat & tribuit vitam æternam tum gratiæ, tum gloriæ, Sacerdos, quem nullus præceſſit nec ſubſequetur, 17. quique adeo non brevi interiturus ſit, ut Aaron, ſed vitæ immortalis, neceſſe omnino eſt, eum longè alium eſſe, longè digniorem, & quod conſequitur, legem illam veterem, quæ ex ordine tantum Levitico ſacerdotes volebat, abolitam jam eſſe non quidem ut vitioſam, ſed ut infirmam, & non amplius proficuam, 19. quippe quæ ſibi ſubjectos & perficere ac ſanctos reddere nequeat, huic ergò ſuccedere

dere necesse est aliam, quæ non solum præcipiat, sed etiam vires conferat ad præcepta servanda, quæ animam ipsam à quibuscunque sordibus emundet, quæ mentibus nostris veram sanctitatem imprimat, quæ nobis aliam remunerationem proponat ac polliceatur, quàm terræ fertilitatem, quæ nos denique ad Deum & cœlestia elevet, eique proximos faciat, ut amicos, filios, & hæredes. Atque hi fructus sunt sacerdotii novi, de quo modò loquimur, sacerdotii planè admirandi. 20. Quod jurisjurandi religione firmatum est à Deo, qui ita filium suum alloquitur in psalmo: juravit Dominus, & non poenitebit eum: tu es sacerdos in aeternum, 21. solet enim juramentum adhiberi ad ea, quæ majoris sunt momenti, & quæ rata ac firma esse volumus. 22. Tantò profectò potioris testamenti factus est fidejussor ac mediator Christus Dominus, quantò sanctiori auctoritate, nempe juramentò interposito sacerdotium iniiit, cum Levitici ordinis sacrificuli absque juramento sacerdotes initiarentur. 23. Et illi quidem plures sacerdotiò fungebantur, propterea quòd mors, cuius

*spei, per quam proximamus ad Deum.*

20. *Es quantum est, non sine jurejurando (alii quidem sine jurejurando sacerdotes facti sunt;*

21. *Hic autem cum jurejurando per eum, qui dixit ad illum: juravit Dominus, & non poenitebit eum: tu es sacerdos in aeternum)*

22. *In tantum melioris testamenti sponzor factus est Jesus.*

23. *Et alii quidem plures facti sunt sacerdotes, idcirco quòd morte omnes* (lii 3)

prohiberentur permanere:

24. *Hic autem, eo quod maneat in aeternum, sempiternum habet sacerdotium.*

25. *Unde & salvare in perpetuum potest accedentes per semetipsum ad Deum: semper vivens ad interpellandum pro nobis.*

omnes obnoxii debebant, eos diutius superstites esse non pateretur. 24. Hic verò Dei filius ratione personæ divinæ penitus immortalis, quia vitam vivit sempiternam, perenne, ac sempiternum sacerdotium obtinet per ministros atque vicarios suos in Ecclesia perpetuò usque ad finem mundi offerens sacrificium à se institutum, in quo & victima sit, & offerens principalis, quod utique permagno debet esse solatio ejus famulis, 25. cum enim spem omnem ac fiduciam in eo defixam teneant, certò sibi persuasum habere debent, eum & promptissimum, & potentissimum esse ad procurandam eorum salutem, qui per ipsum ad Deum supplices veniunt, quippe qui immortalis vitam fruens eorum causam apud Deum Patrem suum perpetuò agit, tum assumptam pro nobis humanitatem atque ejus merita assidue ei repræsentando, tum sanctissimæ animæ suæ desiderium, quod pro salute nostrâ habuit, exprimendo. Et sanè, si ex unâ parte quid quantumque Deo bonorum omnium largitori debeamus, considerare velimus, ex alterâ tenuitatem atque impotentiam nostram ad id præstandum respectu tum justitiæ tum

rum misericordiæ Divinæ, tali sanè pontifice indigebamus, qui illis doctribus ac virtutibus præditus esset, quæ maximè Deo probantur, sanctitate videlicet atque innocentia, adeo ut nullius ne quidem originalis peccati labe infectus esset, quique ad ipsum cœli verticem evolare, æthereis illis globis, & choris angelicis longè sublimior. 27. Cui non sit quotidie, quod Leviticis olim pontificibus accidit, prius pro suis, deinde pro populi delictis deprecandum, sacrisque operandum, cum enim semel tantum semetipsum pro omnibus hominibus Deo Patri, ut cruenta in cruce victima obtulit, sacrificium illud ita perfectum absolutumque fuit, ut aliud repetere, aut quærere sit supervacaneum. Neque id nobis mirum videri debet. 28. Nam lex illa, quæ ritus ac ceremonias divini cultus præcipiebat, infirmos atque peccatis obnoxios pontifices constituit, quibus propterea sacrificia iteranda erant, at divinum illud mandatum, cui iusjurandum est, quod tanto post legem Mosaicam intervallò conceptum præstari opportuno tempore debebat, Dei filium sacerdotem rehuntiavit, qui in omnem aternitatem consecratus auctor

26. *Talis enim decebat, ut nobis esset pontifex, sanctus, innocens, impollutus, segregatus à peccatoribus, & excelsior cælis factus:*

27. *Qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populi: hoc enim fecit semel seipsum offerendo.*

28. *Lex enim homines constituit sacerdotes infirmitatem habentes: sermo autem iurisjurandi, qui post legem est, filium in æternum perfectum.*

auctor est sanctitatis, & omni ex parte perfectus ac maximus, qui unico sacrificiò sufficiens lytrum toti mundo redimendo ac salvando persolvit, cum omnes simul Aaronici sacerdotes innumeris suis sacrificiis non possent vel unicum hominem à peccatis suis expedire.

# PARAPHRASIS

## CAP. VIII.

1. *Capitulum autem super ea, qua dicuntur: talem habemus Pontificem, qui confedit in dextera sedis magnitudinis in cælis,* 1. CÆterum eorum, quæ diximus & porro dicturi sumus, hæc summa sit, hoc caput, quò referuntur omnia, talem nos habere modò Pontificem, qui confedit ad dextram sive in throno cœlestis illius ac divinæ majestatis, 2. quique ministeriò suo fungitur in illo cœlesti sanctuario, veròque, & non merè adumbrato tabernaculo Ecclesiæ triumphantis, quod Deus ipse construxit, fixumque ac perpetuum esse voluit, non verò mortalis quispian, 3. Porro cum omnis pontifex ad offerenda
2. *Sanctorum minister, & tabernaculi veri, quod fixit Dominus, & non homo,*
3. *Omnis enim Ponti-*

ferenda donaria & victimas constituatur, necesse fuit & hunc fieri hominem, ut haberet, quod offerret; corpus videlicet & sanguinem suum, quod quidem semel præstitit, dum in arâ crucis seipsum victimam obtulit, nunc autem perpetuò per ministros suos in missæ sacrificio Deo Patri offert ac repræsentat, & sacerdotis munere fungens humani generis causam agit acturusque est, donec omnes electi salutem consequantur sempiternam, quæ sanè oblatio, uti & sacrificium mirum quantum differt ab illò Levitico. 4. Unde non debuit perpetuò in terris inter mortales perseverare, sed potius ad illud cœlestē sanctuarium ascendere, quandoquidem si mortis legibus cæterorum more hominum subjaceret, cum non sit de tribu Leviticâ, cui uni hanc dignitatem propriam esse vultis, sacerdotiò fungi neutiquam possit. 5. Cum tamen hoc Christi sacerdotium peractâ jam oblatione, quam vetera sacrificia indicabant, cœlestē sit ac divinum, cujus illæ Leviticæ oblationes & sacrificia similitudinem tantum & typum continebant, id quod ipsi Moyse divinitus significatum est, cum ei absolvendi taber-

*sex ad offerendum munera, & hostias constituitur: unde necesse est, & hunc habere aliquid, quod offerat:*

4. *Si ergò esset super terram, nec esset sacerdos: cum esset, qui offerrent secundum legem munera,*

5. *Qui exemplari, & umbra deserviunt cœlestium. Sicut responsum est Moyse, cum consummaret tabernaculum: vile, inquit, omnia facite secundum exemplar, quod tibi ostensum est in monte. (Kkk)*

6. *Nunc autem melius sortitus est ministerium, quando & melioris testamenti mediator est, quod in melioribus repromissis omnibus sancitum est.*

7. *Nam si illud prius culpâ vacasset: non utique secundi locus inquireretur.*

8. *Vituperans enim eos dicit: ecce dies venient, dicit Dominus; & consummabo super do-*

tabernaculi idea proponeretur. Enimverò, inquit, vide, ut facias ad exemplar, quod tibi in monte monstratum est tanquam figura alterius, quæ modò completa est. Tunc enim sât intellexit Moyses, non tantum materiale formam, quâ hæc omnia essent conficienda, sed insuper formalem etiam eorundem significationem, nempe quòd typi essent & figura: tabernaculi spiritualis & coelestis, quod Messias aliquando constructurus esset, puta Ecclesiæ partim in terris (ejusque sacramentorum & sacrificii) partim in coelis, hujusque splendoris ac gloriæ. 6. Nunc autem constat Christum sortitum esse non terrenum, sed longè melius ac nobilius ministerium pontificale, quanto nempe novum testamentum seu fœdus, cujus Christus mediator est, præcellit veteri testamento, quod non nisi terrena bona promittit, & præstat, novum verò spiritalia atque coelestia. 7. Nam si prius testamentum fuisset omni ex parte perfectum, ita ut in eo nihil potuisset requiri ac desiderari, nequaquam opus fuisset novum substitui. 8. Et tamen Deus immortales veteres illos Patres, quorum legi tam obstinatè adhærescitis, per Jeremiam redarguens

ENS



ens ait : ecce dies venient, dicit Dominus, cum feriam cum domo Israël & cum domo Judâ foedus novum nonquale fuit foedus, quod pepigi cum Patribus eorum, quando eos apprehensâ veluti manu eduxi ex Ægypto, ubi durâ premebantur servitute : illi enim legem meam non servârunt, sed spreverunt illam, unde & ego vicissim despexi eos & abieci, dicit Dominus. 10. Hoc enim est foedus, quod pangam cum novis filiis Israël à me electis, postquam illos à facie meâ projecì, qui se meis favoribûs indignos reddiderant per versitate suâ ; non amplius scripturus legem meam in tabulis lapideis, sed in cordibus eorum, efficaciter, per gratiam meam faciendo, ut eam ament & impleant verèque me illis præstabo Deum divinâ illos charitate complectens, plurimisque beneficiis cumulans, ipsi verò vicissim me religioso cultu ac veneratione prosequentur. Non indigebunt instructione operosâ, neque consultatione multorum sapientum, ut vel dogmata vel præcepta mea ritè condiscant, ego ipse ero illis in Magistrum, & unctiōe quadam atque illuminatione internâ docebo eos, quæ-

*mum Israël, & super domum Juda testamentum novum ;*

9. *Non secundum testamentum, quod feci patribus eorum in diequâ apprehendi manum eorum, ut educerem illos de terrâ Ægypti: quoniam ipsi non permanserunt in testamento meo, & ego neglexi eos; dicit Dominus.*

10. *Quia hoc est testamentum, quod disponam domui Israël post disces illos, dicit Dominus: dando leges meas in mentem eorum, & in corde eorum superscribam eas: & ero eis in Deum, & ipsi erunt mihi in populum.*

11. *Et non docebit unusquisque proximum suum, & unusquisque fratrem suum dicens: cognosce Dominum: quoniam omnes scient me à minore usque ad majorem eorum:* quaecunque ab illis sciri oportere judicavero. 11. Adeo ut minimè necessarium sit futurum, ut unus alterum ejusdem testamenti confortem doceat notitiam, amorem, & observantiam mei, omnes enim illi, quorum est maxima, longèque ac latè diffusa multitudo à minimo usque ad maximum cognoscent, amabunt, observabunt me.

12. *Quia propitiuse- ro iniquitatibus eorum, & peccatorum eorum jam non memorabor.* 12. Quia omnes misericordiæ meæ fontes universo hominum generi patere sinam, Christique meritis omnia mortalium flagitia obliterabo, & ea quodammodo oblivione obruam sempiternâ: ita mortalibus conciliatus faciam, ut nemo sit, qui non aliquam cœlestis gratiæ particulam percipiat.

13. *Dicendo autem novum, veteravit prius. Quod autem antiquatur & senescit, prope interitum est.* 13. Illud denique observetis velim, fratres mei, Prophetam locò allegato novum fœdus nominaturum non fuisse, nisi probè nosset, vetus cum tempore abolendum, quod enim veterascit aut senescit, ad interitum & mortem properat, prout legi contigit introducto ac firmato per Christum novo Testamentò.

## PARAPHRASIS

## CAP. IX.

1. **P**ergamus illa mutuò comparare, si vobis liber, ut exinde prius justificationes cultu-  
 eorum veritas, quæ prius insinuavi, tura, & sanctum secu-  
 clariùs pateat, nempe in Veteri-  
 umbram tantummodo, in novo rem  
 ipsam ac veritatem inveniri. Et im-  
 primis habuit illud equidem suos eti-  
 am constitutos religionis ritus, &  
 quod appellabant sanctuarium, sed  
 mundanum ac terrenum, rebûs vide-  
 licet corporeis constans, & intra vitæ  
 hujus mortalis fines inclusum, cum  
 in Ecclesiâ Christi omnia sint spiritua-  
 lia, coelestia, æterna. 2. Tabernacu-  
 lum bipartitò constructum & ador-  
 natum erat: & in priori quidem  
 parte, quam vocant sancta, cande-  
 labrum aureum videre erat cum 7. lu-  
 cernis, & mensam, cui quotidie  
 recentes panes apponebantur. 3. Tum  
 interjecto secundo velò altera pars  
 augustior & secretior tabernaculi vi-  
 sebatur, quam sancta sanctorum ap-  
 pella-

1. *Habuit quidem & prius justificationes cul-  
 tura, & sanctum secu-*

2. *Tabernaculum e-  
 nim factum est primum,  
 in quo erant candelabra,  
 & mensa, & propositio  
 panum, quæ dicitur San-  
 cta.*

3. *Post velamentum  
 autem secundum, taber-  
 naculum, quod dicitur  
 Sancta Sanctorum.*

(Kkk 3)

4. Aureum habens  
thuribulum, & arcam  
testamenti circumtectam  
ex omni parte auro, in  
qua urna aurea habens  
manna, & virga Aaron,  
quæ fronduerat, & tabu-  
la testamenti.

5. Superque eam e-  
rant Cherubim gloria ob-  
umbrantia propitiatori-  
um: de quibus non est  
modò dicendum per singu-  
la.

6. His verò ita compo-  
sitis: in priori quidem ta-  
bernaculo semper introi-  
bant sacerdotes sacrifici-  
orum officia consumman-  
tes:

7. In secundo autem  
semel in anno solus Pon-  
tifex, non sine sanguine,  
quem offert pro sua, &  
populi ignorantia.

8. Hoc significante  
Spiritu sancto nondum  
propalatum esse sancto-

pellabant. 4. Ea porro pars suo  
quodam jure postulabat ad sufficium  
perpetuum aureum thuribulum, cum  
in eâ essent arca fœderis ūdique auro  
circumtectâ, & urna aurea, in quâ  
manna includebatur, & Aaronis  
virga, quæ olim germinaverat, flo-  
resque emiserat ad confirmationem  
sacerdotii ejus, & denique fœderis  
tabulæ.

5. Porro super arcam fœ-  
deris Cherubim gloriosi spectaban-  
tur, qui propitiatorio incubantes  
illud pennis suis splendidis obumbra-  
bant, de quibus nihil est, cur singu-  
latim in præsentia fusiùs disseramus,  
cùm pro scopo principali intendam  
vobis demonstrare excellentiam sa-  
cerdotii Christi Domini.

6. His ita  
compositis in priorem quidem taber-  
naculi partem sacerdotes quotidie  
ingrediebantur, qui sacris operaban-  
tur, & ritus ac ceremonias illas pro  
more gentis obibant.

7. In alteram  
autem secretiorem, ac quodammo-  
do sanctiorem semel duntaxat quo-  
tannis solus pontifex penetrabat,  
non tamen sine sanguine, quem tum  
pro se ipso, tum pro populi noxis of-  
ferebat.

8. Quo sanè Spiritus san-  
ctus haud obscurè declarabat, quanti-  
diu vetus illud ac materiale taberna-  
culum

culum confisteret, in quo Levitica sacrificia ritè peragerentur, ad illud coeleste sacrarium præfiguratum necdum patere aditum, quia nondum facta erat expiatio peccatorum per sanguinem & mortem Christi. 9. Et hanc tabernaculi dispositionem non solum portendere, quid aliquando eventurum esset, sed etiam typum esse legis pro eâ tempestate valde infirmæ, eam ipsam enim ob causam nec populo nec ipsis sacerdotibus permittebatur ingressus in sanctiorem templi partem, ut intelligerent dona & hostias, quas ex præscripto legis offerebant, discrimen ac delectum ciborum, quem tam religiosè observabant, 10. uti & purificationes aliâsque ceremonias legales seipsis nullam eis veram sanctitatem ac justitiam intrinsecam, nullam spiritûs emundationem posse conferre, donec Christus Dominus suo adventu quod imperfectum erat, perficeret, quod inchoatum, absolveret, & figuris umbrisque finem imponeret veritate ipsâ palam manifestatâ, & gratiæ justificantis thesaurô secum allato. 11. Qui coelestium ac futurorum bonorum Pontifex factus longè majus ac perfectius tabernaculum non

*rum viam, adhuc priore tabernaculo habente statum.*

9. *Qua parabola est temporis instantis: juxta quam munera & hostia offeruntur, qua non possunt juxta conscientiam perfectum facere servientem, solummodò in cibis & in potibus,*

10. *Et variis baptismatibus & justitiis carnis usque ad tempus correctionis impositis.*

11. *Christus autem assistens Pontifex futurorum bonorum, per am-*

non

*plius & perfectius tabernaculum non manufactum, id est, non hujus creationis,*

*12. Neque per sanguinem hircorum aut vitulorum, sed per proprium sanguinem introivit semel in sancta, aeternam redemptionem inventam.*

*13. Si enim sanguis hircorum & taurorum & cinis vitulae aspersus, inquinatos sanctificat ad emundationem carnis;*

*14. Quanto magis sanguis Christi, qui per Spiritum sanctum semet-*

non opificio manuum fabricatum neque humanam structuram exedificatum ingressus. 12. Corpore enim assumpto divinaque operatione formato illud pro victimam in cruce obtulit, atque ita non per hircorum aut vitulorum cinerem nidoremque, sed per proprium sanguinem in aram crucis effusum ex militanti sua Ecclesia semel in coeleste sacrarium penetravit, in Ecclesiam nempe triumphantem inventa, seu magno studio, labore actotius sanguinis sui profusione comparatam nobis omnibus plenam, solidamque redemptionem, non ad breve tempus, sed aeternum duraturam. 13. Nam si sanguis hircorum & vitulorum effusus & in sanctuarium illatus per pontificem valebat ad expianda populi peccata quadam expiatione carnali, similiter & cinis vaccae rufae, quo aqua mixto aspergebantur ii, qui secundum legem erant immundi; valebat ex divina institutione atque auctoritate ad sanctificandos eos, id est, purificandos ab immunditia, ut secundum carnem & forinsecus mundi ac puri censerentur. 14. Quanto magis sanguis Christi ipsius, qui auctore & impulsore Spiritu sancto semetipsum ag-

num

num immaculatum in mortem Deo: *ipsum obtulit immacula-*  
 Patri pro nobis obrulit, emundabit *tum Deo, emundabit con-*  
 animas nostras à peccatis mortiferis, *scientiam nostram ab ope-*  
 ut deinceps Deo vivo ac vero in verâ *ribus mortuis, ad serviem-*  
 sanctitate & justitiâ vivamus? Plus e- *dum Deo viventi?*

nim utique valere debet sanguis filii  
 Dei ad purgandas & sanctificandas  
 hominum animas, quàm valere po-  
 tuerit sanguis animalium brutorum  
 occisorum ad emundationem carnis.

15. Itaque ob id novi, melioris, ac effi- *15. Et ideo novi testa-*  
 cioris fœderis mediator ac seques- *menti mediator est: ut*  
 ter constitutus est, ut quod sanguis *morte intercedente in re-*  
 ille pecudum præstare nequaquam *demptionem earum pra-*  
 poterat, illi ipsi, qui in priori fœ- *varicationum, quæ erant*  
 dere viventes, sceleribus se se ac flagi- *sub priori testam-nto,*  
 tiis contaminassent (modò à Deo ad *repromissionem accipiant,*  
 beatam illam & immortalem vitam *qui vocati sunt, æterna*  
 prædestinati essent) omni noxâ solu- *hæreditatis:*

ti æternæ hæreditatis promissam  
 portionem assequerentur, id quod  
 perfecit morte suâ intercedente. 16.  
 Etenim apud omnes compertum ex-  
 ploratùmque est, ut testamentum  
 vim suam atque robur obtineat, te-  
 statòris mortem prius necessariò in-  
 tercedere, neque ante hæredita-  
 tem adiri posse, 17. quia testamen-  
 tum non nisi post obitum testatori  
 ratum est, ac firmum, alioqui illo  
 adhuc superstitè omni prorsus vi at-

16. Ubi enim testa- *16. Ubi enim testa-*  
 mentum est, mors neces- *mentum est, mors neces-*  
 se est, intercedat testatoris *se est, intercedat testatoris*

17. Testamentum e- *17. Testamentum e-*  
 um in mortuis confir- *um in mortuis confir-*  
 matum est: alioquin non *matum est: alioquin non*

que (LII)

*dum valet, dum vivit, qui testatus est.*

18. *Unde nec primum quidem sine sanguine dedicatum est.*

19. *Leſto enim omni mandato legis à Moyſe uniſverſo populo; accipiens ſanguinem vitulorum, & hircorum cum aquâ, & lanâ coccineâ, & hyſſopo; ipſum quoque librum & omnem populum aſperſit,*  
20. *Dicens: hic ſanguis*

que auctoritate deſtituitur, cùm illud ſemper mutare vel omnino reſcindere poſſit. Hoc verò ſecundum fœdus, ſi cum ejus auctore Chriſto ritè conſideretur, qui mortem, quam in illo fœdere ſanciendo Deus à nobis jure exigebat, ſuâ ipſe ſponte ſubiit, quandam habet teſtamenti rationem, quo illo jam vitâ functo ad æternam hæreditatem vocamur, à quâ meritò propter peccata excludamur. Neque id mirum aut novum videri debet. 18. Quandoquidem nec primum illud & vetus teſtamentum quamvis non ita propriè teſtamentum eſſet, ſine ſanguine fuit confirmatum, ac morte non quidem ipſius teſtatoris (nam is eſt immortalis) ſed vitulorum & hircorum ipſo jubente neci datorum, quorum ſanguis præfigurabat ſanguinem Chriſti, quod ex ſacris litteris intelligi facilè poteſt.

19. Cùm enim Moyſes omnem legem omniâque ejus præcepta uniſverſo populo propoſuiſſet, vitulorum & hircorum ſanguine ſumpto unâ cum aquâ, & lanâ coccineâ & hyſſopo; mul & ipſum librum & cunctum populum aſperſit dicens: 20. hic eſt ſanguis, quo ratificatur & confirmatur fœdus, quod Deus ſuo mandato meo.



meoque ministerio nunc vobiscum *testamenti, quod mandavit ad vos Deus.*

præcepit. 21. Præterea tabernaculum ipsum & omnia vasa sacrorum *21. Etiam tabernaculum, & omnia vasa ministerii sanguine similiter aspersit.*

que, ut multa paucis complectar, *22. Et omnia pene in sanguine secundum legem mundantur, & sine sanguinis effusione, non fit remissio.*

omnia fere in illa lege antiquâ sanguine lustrabantur, & absque sanguinis effusione nulla prorsus expiatio rata erat, quò nimirum significaretur, eum, cujus nomine offerebantur victimæ, mortem commeritum esse. Itaque si quis tunc peccasset, cogebatur victimam pro peccato immolare, & per hanc accipiebat remissionem non culpæ, vel reatus coram Deo, sed immunditiæ legalis, & poenæ alioquin in hac vitâ incurrendæ. Atque hæc erat purificatio tabernaculi aliarumque rerum in eâ Lege, quæ præfigurabat Tabernaculum novum nempe Ecclesiam tam militantem quàm triumphantem. 23. Quandoquidem verò hæc ipsa Ecclesia tantò præstat Tabernaculo, quanto corpus umbræ, veritas figuræ, & pictura absoluta primæ delineationi, ita convenientissimum fuit, ut mundaretur hostiis longè melioribus, ac nobilioribus, nempe sanctissimâ carne

*23. Necessè est ergo exemplaria quidem cælestium mundari: ipsa autem cælestia melioribus hostiis, quàm istis.*

24. *Non enim in manus facta sancta Iesus introivit: exemplaria verorum: sed in ipsum caelum, ut appareat nunc vultui Dei pro nobis:*

25. *Neque ut saepe offerat semetipsum, quemadmodum Pontifex intrat in Sancta per singulos annos in sanguine alieno:*

carne & sanguine Christi, cui virtus inesset omnes peccatorum sordes abluendi, membræque ejus omnia sanctificandi: Jam verò si Christus est tam pretiosa victima, coelestis nimirum, coelestem doctrinam tradens, coeleste præmium atque hæreditatem conferens, pontifex quoque erit tantò sanctitate aliisque prærogativis eminentior, quantò sacrificium ejus longè sanctius & efficacius est sacrificiis omnibus Legis antiquæ.

24. Non enim ingressus est Christus in sacrarium hominum manu fabricatum, quale fuit illud antiquum, quod erat exemplar vero sacrario respondens, sed in cælum ipsum empyreum intravit, non tamen ita, ut cum introitu curam nostri deposuerit, nam nunc etiam ut mediator, pontifex, advocatus apparet vultui Dei, causam nostram apud Patrem agit, cum Levitici sacerdotes coram arcâ tantum astiterint. 25. Ubi hæc cruenta sui ipsius oblatio minime illi iteranda est, uti olim Leviticus Pontifex quotannis jugulacis hostiis alieno quodammodo sanguine cruentatus in sancta sanctorum ingredi cogebatur, quandoquidem morte semel obitâ sufficienter ex parte

parte suâ universum mundum redemit omnesque homines sive ante sive post se nascituros. 26. Nam si litatio Christi Domini repetenda esset ob nova scilicet debita post primam contracta, oportuisset etiam ipsum ab ipso mundo condito læpius mortem obire, ut eorum, qui jam præcesserant crimina expiare potuisset, atqui oblatio Christi in ipsâ temporis à Deo prædefiniti plenitudine atque hac postremâ mundi ætate peracta, & ad omnium sæculorum perfectionem relata iterari nec potuit, nec potest, sed illius vis atque efficacia ad præterita & futura omnia peccata porrigitur, ut unâ sui ipsius immolatione peccatum omni ex parte aboleverit. 27. Quemadmodum autem nobis hominibus propter peccatum protoparentis nostri mors semel oppetenda est, & ubi hoc debitum naturæ persolutum est, supremum nos expectat iudicium, ut digna factis recipiamus, 28. ita & Christus Dominus, qui peccata nostra in se expianda sponse suâ susceperat, voluit etiam assumptâ naturæ nostræ mortalis conditione semel mori, & sic Deo in lytrum offerri, dein & ipse

26. *Alioquin oportebat eum frequenter pati ab origine mundi: nunc autem semel in consumptione sæculorum, ad destitutionem peccati, per hostiam suam apparuit.*

27. *Et quemadmodum statutum est hominibus semel mori, post hoc autem iudicium:*

28. *Sic & Christus semel oblatus est ad multorum exhaurienda peccata, secundo sine peccato apparebit expectantibus se, in salutem.*

(LII 3)

ipse ad iudicium venire non iudicandus, sed totum universum iudicaturus, non in exitium (nisi solis rebellibus suis) sed in salutem iis, qui integrâ fide, spe, charitate, & debito obsequio eum præstolantur: veniet, inquam, non iterum peccatorum nostrorum sarcinâ onustus, ut illa rursus expiet, sed ut iudicem omnium agat, nempe vindicem malorum, remuneratorem bonorum.

## PARAPHRASIS

### CAP. X.

1. *Umbram enim habens lex futurorum bonorum, non ipsam imaginem rerum; per singulos annos eisdem ipsis hostiis, quas offerunt inde sinenter, nunquam potest accedentes perfectos facere:*

1. **D**issertatio hæc de efficaciam mortis Christi tanti momenti est, ut operæ pretium existimem, eam ulterius prosequi & solidè stabilire, ne ullum mentibus vestris inhæreat dubium, & discatis nullâ aliâ in re fiduciam vestram reponere, quam in ejus sacrificio. In Legge, quæ, uti sæpius jam indicavi, umbra tantummodò & figura erat futurorum spiritualium ac cœlestium bonorum, quæ nobis per Evangelium obven-

obventura erant, quotannis eadem offeriebantur hostiæ, quæ nullam relationem habebant ad principalem quandam, unde vim omnem & efficaciam haurirent, quin imò, quoties offeriebantur, earundem nozarum confessio repetebatur argumentò haud obscuro, earum memoriam hac ratione potius refricari, quam perfectam remissionem obtineri, veramque sanctitatem conferri. 2. Si enim Leviticæ illæ victimæ vim habuissent primâ statim vice cultores suos perficiendi & à peccatis mundandi, quid necesse erat singulis annis eas denuo immolare, malo enim semel extincto & suppresso quæ necessitas remedia iteratò applicandi? 3. Atqui multò aliter sese res habet: apud illos enim quotannis eadem piacula reperuntur, & frequentissima fit peccatorum mentio, & oblatio victimarum. 4. Cujus rei non alia ratio suppetit, nisi quia sanguis hircorum ac vitulorum non eâ vi ac virtute pollet, ut peccata omnia tollere & abolere possit. 5. Quocirca Christus Dominus nostri misertus, cum teste Davide humanâ naturâ assumptâ venturus esset in mundum, his verbis Patrem allo-

qui-

2. *Alioquin cessassent offerri: ideo quod nullam haberent ultra conscientiam peccati, cultores semel mundati:*

3. *Sed in ipsis commemoratio peccatorum per singulos annos fit.*

4. *Impossibile enim est sanguine taurorum, & hircorum auferri peccata.*

5. *Ideo ingrediens mundum dicit: hostiam & oblationem noluiſti, corpus autem aptaſſi mihi:*

6. *Holocausta pro peccato non tibi placuerunt:*

7. *Tunc dixi: ecce venio: in capite libri scriptum est de me: ut faciam, Deus voluntatem tuam. Ps. 39.*

8. *Superius dicens: quia hostias & oblationes, & holocausta pro peccato noluisti, nec placita sunt tibi, quæ secundum legem offeruntur,*

9. *Tunc dixi: ecce venio, ut faciam Deus, voluntatem tuam: aufert primum, ut sequens statuat.*

quitur: sacrificium & oblationem legis Mosaicæ noluisti, corpus autem per incarnationem aptasti mihi eorum locò immolandum. 6. Holocausta & hostiam pro peccato non comprobasti, 7. tunc dixi: ecce adsum paratus ad omnia, quoniam in capite libri de prædestinatione æternâ scriptum est de me, placere tibi, ut exequar voluntatem tuam, illi me libentissimè subjicio. 8. Ex his verbis, quæ rex David in personâ Christi pronuntiavit, 9. manifestè deducitur, idcirco eum in hunc mundum venisse, ut Deo ab omni creaturâ debitum sacrificii honorem exhiberet & tanquam actum perfectissimi cultûs latrevici, quo ejus sanctitas & Majestas immensa pro meritis agnoscitur, & colitur, quique tamen condignè reddi non potest per holocausta, aliâque oblationes ejus dignitati minimè commensuratas, & ex eâ tantùm ratione hætenus ab antecessoribus acceptatas, quòd repræsentarent divinam illam victimam, filium nempe suum unigenitum, qui proin primum illud genus sacrificiorum ac sacerdotii sustulit, ut alterum, nempe suum institueret, ac stabiliret, quo secundum

dum voluntatem & decretum Dei offert se in victimam expiatoriam.

10. Quā quidem unicā victimā secundum Patris voluntatem à Christo in arā crucis semel oblata nos omnes veram justiciam & sanctitatem adepti sumus nempe quantum est ex parte victimæ ad omnes justificandos sufficientissimæ. 11. Sa-

cerdotes quidem Levitici quotidie altaribus adstant, sacris operantur, easdem sæpius victimas immolantes, quæ sunt ejusmodi, ut nunquam possint abolere peccata. 12. Hic vero Sacerdos longè sanctissimus una

pro omnium mortalium peccatis oblata victimā nunc plenè suo munere redemptoris perfunctus sedet jam tanquam rex gloriosus in amplissimo Majestatis throno ad dexteram Dei Patris, sedebitque æternum in cœlis, quos suā illā oblatione sibi nobisque referavit. 13. Expectans

id, quod adhuc reliquum est, ut inimici ipsius penitus victi ac domiti ad pedes ejus abjecti pro scabello suppedaneo ei substernantur calcandi, ne ultra nocere possint. Nec pluribus indiget oblationibus sui corporis. 14. Unicā enim, quam in cœlo terræque di-

ver-

10. *In quā voluntate sanctificati sumus per oblationem corporis Jesu Christi semel.*

11. *Et omnis quidem sacerdos præstō est quotidie ministrans, & easdem sæpe offerens hostias, quæ nunquam possunt auferre peccata.*

12. *Hic autem unam pro peccatis offerens hostiam, in sempiternum sedet in dexterā Dei,*

13. *De cætero expectans, donec ponantur inimici ejus scabellum pedum ejus.*

14. *Unā enim oblatione, consummarvit in (Mmm)*

*sempiternum sanctificatos.*

15. *Contestatur autem nos & Spiritus Sanctus: Postquam enim dixit:*

16. *Hoc autem testamentum, quod testabor ad istos post dies illos, dicit Dominus: dando leges meas in cordibus eorum, & in mentibus eorum super scribam eas:*

17. *Et peccatorum & iniquitatum eorum jam non recordabor amplius.*

18. *Ubi autem horum remissio: jam non est oblatio pro peccato.*

19. *Habentes itaque fratres fiduciam in introitu sanctorum in sanguine Christi,*

versis modis continuat, in perpetuum omnes, qui ad extremum usque mundi diem nascituri sunt, sanctitatis capaces atque participes reddidit, quotquot gratiæ vocanti excitantique responderent. 15. Quod quidem Spiritus ipse sanctus haud obscurâ & dubiâ testificatione firmavit, posteaquam enim prædixit: 16. se post dies illos, nempe post repudiatam synagogam & legem Mosaicam novum testamentum seu pactum cum populo suo initurum, mox explicat, quale sit istud futurum, nempe quo in cordibus eorum abundantissimæ gratiæ per Christum scaturiant, 17. et peccata ita ex eis eliminantur & aboleantur, ut illorum amplius non recorderetur Deus. 18. Porro ubi plena est peccatorum remissio, necessaria non amplius est, adeoque locum non habet iterata oblatio seu victima, quâ novum rursus pretium illis redimendis comparetur, sed solum est necessaria applicatio pretii semel per mortem Christi comparati. 19. Itaque fratres cum jam per Christi sanguinem veram consecuti simus peccatorum remissionem, atque ita fiduciam libe:amque facultatem introeundi in Sanctum Sancto.



etorum, cœlum videlicet, 20. quam viam veluti novam, nulliusque vestigiis pressam, & ad vitam immortalem rectâ ducentem Christus primus ingressus est, nobisque aperuit per velamen, nempe carnem suam in cruce immolatam (quia sicut velum in passione Christi discissum patefecit Sanctum Sanctorum, ita & caro Christi per mortem discissa patefecit nobis cœlum) 21. Cum insuper magnum pontificem, mediatorem, atque advocatum habemus apud Deum domui suæ nempe Ecclesiæ perpetuò invigilantem atque opitulantem, 22. accedamus mente sincerâ, candidâ, & minimè fucatâ cum plenâ & certissimâ fide divinarum promissionum, conscientiam non tantum ab originali labe per salutarem baptismatis aquam, sed etiam à quibuscunque aliis sordibus per Spiritus Sancti gratiam emundata, 23. spe quoque in Deum egregiè animati, qui promissis suis amplissimis certò stabit, 24. ardente denique charitate tum in ejus obsequio tum inter nos mutuâ accensi conjunctique nos ad omnem vitæ honestatem ac sanctitatem exemplis optimis excitemus dissimulatis fratrum infirmitatibus nos potius secundum ea

con-

20. *Quam initiavit nobis viam novam, & viventem per velamen, id est, carnem suam,*

21. *Et sacerdotem magnum super domum Dei:*

22. *Accedamus cum vero corde in plenitudine fidei, aspersi corda à conscientia malâ & abluti corpus aquâ mundâ.*

23. *Teneamus spei nostræ confessionem indeclinabilem (fidelis enim est, qui repromisit)*

24. *Et consideremus invicem in provocationem charitatis, & bonorum operum:*

(Mmm 2)

25. *Non deserentes  
collectionem nostram, si-  
cut consuetudinis est qui-  
busdam, sed consolantes,  
& tantò magis, quantò vi-  
deritis appropinquantem  
diem.*

26. *Voluntariè enim  
peccantibus nobis post ac-  
ceptam notitiam verita-  
tis, jam non relinquitur  
pro peccatis hostia.*

considerantes, quibus ad benignita-  
tem, & bona opera mutuò præstanda  
provocemur. 25. Non deseramus  
præ fastu & superbiâ cœtus pios, &  
conventus publicos, ut nonnulli fa-  
cere consueverunt, sed cùm conve-  
nerimus, mutuis nos potius adhor-  
tationibus excitemus ad ferenda for-  
titer adversa quæque, cùm jamjam  
malorum terminus, supremus nem-  
pe hujus exilii dies immineat, quo  
cujusque seu constantia seu incon-  
stantia elucescet, & condignam mer-  
cedem accipiet. Quòd in morte  
& sacrificio Christi tam facile atque  
efficax remedium nobis suppetat ad  
obtinendam quorumcunque etiam  
gravissimorum scelerum veniam, non  
idcirco minùs eorum enormitas cu-  
randa, sed tantò magis pertimescen-  
da vobis & detestanda est, quòd vi-  
deamus Deum illa in personâ filii  
sui, utrùt aliena, tam severè punivisse.  
26. Quòd si neglectis omnibus pie-  
tatis stimulis post perceptam verita-  
tis cognitionem & professionem do-  
ctrinæ Evangelicæ, vitæque sanctio-  
ris quis resilire ausit, seque denuo  
prioribus flagitiis contaminare, sciat  
omnino, nisi seriò resipiscat, sibi exi-  
tium sempiternum imminere, neque  
Chri-

Christum, pro relapsu suo denuo  
in cruce immolandum, aut tam  
facilem extremæ hujus perfidiæ fore  
remissionem quàm in baptismo  
jam suscepto, 27. sed horrendam  
potius divini judicii expectationem,  
pœnâque longè atrocissimam ignis  
æterni contra rebelles Dei hostes, qui  
infinîtâ ejus clementiâ abutuntur, ma-  
nere. 28. Si olim enim, qui legem  
Moyſis aliquâ ratione violâſſet, duo-  
rum aut trium testiunî consensione  
convictus capite flagitium luebat, 29.  
quantò graviore supplicio dignum  
putabitis eum, qui abominandâ im-  
pietate ipsum Filium Dei conculca-  
verit ac spreverit, & novi foederis  
sanguinem, cujus vi fuerat expiatus,  
tanquam quid profanum, vile ac for-  
didum contempserit, abjecerit, &  
divinæ gratiæ spiritum in se libera-  
lissimè effusum indignis contumeliis  
affecerit? Deus patiens est, sed &  
justus, vult ut in ejus bonitate ac  
clementiâ fiduciam nostram colloce-  
mus, sed nequiquam ferre potest, ut  
illâ abutamur per summam impie-  
tatem ad multiplicandas & aggra-  
vandas ejus offensas. 30. Novimus  
enim, quisnam, aut quantus sit ille,  
qui dixit aliquando: meum est im-  
pios

27. *Terribilis autem  
quadam expectatio ju-  
dicii, & ignis amulatio,  
qua consumptura est ad-  
versarios.*

28. *Irritam quis fa-  
ciens legem Moyſi, sine  
ullâ miseratione duobus  
vel tribus testibus mori-  
tur:*

29. *Quantò magis  
putatis deteriora mereri  
supplicia, qui filium Dei  
conculcaverit, & sangui-  
nem testamenti pollutum  
duxerit, in quo sanctifi-  
catus est, & spiritui gra-  
tia contumeliam fecerit?*

30. *Scimus enim, qui  
dixit: mibi vindicta, &  
gore retribuam. Et iterum:  
(Mmm 3)*

*quia judicabit Dominus  
populum suum.*

pios ulcisci, ego paria referam, & rursum: dominus judicabit populum suum. Quando homines ulcisci volunt injurias sibi illatas, spem saltem habemus aliquam eos nostrâ submissione placandi, neque enim vires ac potestas semper commensuratur ac responderet dolori inde concepto, & tametsi responderet, vindicta tamen ultra vitæ terminum non porrigitur, at horum nihil in Deo pariter offenso locum habet: non inflectitur nostris lachrymis, si absolutè & fixum stat à nobis condignas poenas exposcere, & quandoquidem semper vivit, æternas quoque peccantibus post mortem poenas servat, & continuat. Quamdiu inter peccatores degebat sub habitu & specie peccatoris, commiseratione tactus peccatores ad se recurrentes ambabus ulnis excipiebat, nunc dum miseriis & infirmitatibus mortalium exemptus vitâ vivit omnino divinâ, sedetque in solio Majestatis divinæ ad judicandos & pro meritis plecten-

*31. Horrendum est  
incidere in manus Dei  
viventis.*

dos peccatores 31. horrendum prorsus est incidere in manus ejus. Ne autem terrore futurorum suppliciorum vos diutius percussos suspendam, quæ præterita sunt, vobis in memoriam revocabo: supplicio-  
rum

rum enim repræsentatio mancipiis  
potius in officio continendis, quàm  
ingenuis filiis convenit. 32. Repetite  
potius mente superiora tempora,  
quibùs. divinâ luce perfusi, & sacro  
baptismo lustrati dura & ardua pro  
Christi nomine certamina invictâ  
animi fortitudine sustinuisistis tum ab  
aliis tyrannis, tum à contribulibus  
vestris. 33. Partim quidem, dum  
probris & insectationibùs atrociter  
vexati quodammodo in theatrum  
producti estis, & spectaculum Deo  
facti dignissimum, partim verò com-  
militonum vestrorum calamitates  
dolenti & afflicto animò, quâsi vobis  
eomunes pertulistis. 34. Nam

& carcere inclusis pio commiseratio-  
nis affectu vitæ necessaria suppeditâ-  
stis, & facultatum bonorùmque  
vestrorum direptionem lætis animis  
suscepistis, quippe qui sciretis apud  
vos, & in vobis ipsis potiores di-  
vicias reliquas esse, nempe cœle-  
stes, & divinas, quæ ab invitis auferri  
neutiquam possunt, sed semper per-  
severant. Satis non est tam benè  
cœpissè, continuanda sunt tam præ-  
clara initia. 35. Nolite itaque de-

generare ac deficere à tam præcel-

32. *Rememoramini au-  
tem prisinos dies, in qui-  
bus illuminati, magnam  
certamen sustinuisistis pas-  
sionum.*

33. *Et in altero qui-  
dem opprobriis & tribu-  
lationibus spectaculum  
facti: in altero autem so-  
cii taliter conversantium  
effecti.*

34. *Nam & vinculis  
compassi estis, & rapinam  
bonorum vestrorum cum  
gaudio suscepistis, cog-  
noscentes vos habere me-  
liorem, & manentem sub-  
stantiam,*

35. *Nolite itaque a-  
mittere confidentiam ve-  
stram, qua magnam ha-  
bet remunerationem.*

meri-

36. *Patientia enim vobis necessaria est: ut voluntatem Dei facientes, reportetis promissionem.*

37. *Adhuc enim modicum aliquantulum, qui venturus est, veniet, & non tardabit.*

38. *Iustus autem meus ex fide vivit: quod si subtraxerit se, non placebit anima mea. Abac. 2.*

39. *Nos autem non sumus subtractionis filii in perditionem, sed fidei in acquisitionem anima,*

merita, thesauros spirituales tot laboribus tot praeliis partos, ex quibus ingentem fiduciam obtinendæ aliquando vitæ æternæ haurire sole-  
tis. 36. Sic enim habetote: Deus quidem promissis suis minimè deerit, patientia tamen ad finem usque vitæ continuata vobis planè necessaria est, & à Deo exigitur, cujus voluntati si morem gesseritis, promissam bonarum actionum remunerationem cumulatissimè accipietis. 37. Adhuc enim tantillum, tantillum, inquam, vobis expectandum erit, & veniet ad iudicium, qui venturus est Christus præmia perseverantibus, pœnas apostatis repensurus. Interea temporis mutuò nos oportet consolari, operamque dare, ut de eorum numero simus, de quibus 38. Dominus dicit: iustus ex fide vitam ducet, & in mediis persecutionibus hoc se scipione fulciet. 39. Quod si quis se subduxerit tolerandis æquo animò pro tuendâ fide huius vitæ ærumnis, illi quoque gratiam meam subtraham, neque iustitiæ præteritæ rationem habebō. At verò benè habet, fratres mei, quod ut spero, non ii simus, qui providæ ejus directioni nos subtrahere velimus in exitium

no-

nostrum, sed qui in fide ac fiducia  
constanter perseveremus ad conse-  
quendam æternam animæ salutem.

# PARAPHRASIS

## CAPITIS XI.

1. **O**bscuro vos, ut nunc attentius consideretis præcellentias *1. Est autem fides sperandarum substantia* dei tantopere nobis necessariæ, ne *rerum, argumentum non* animo deficiamus tot inter adversa, *apparentium.* quibus undique impetimur. Tamen si multa, quæ nobis credenda proponit, necdum extent, & primum eventura sperentur, v.g. æterna præmia, ea tamen menti nostræ quasi præsentia exhibet, dum videlicet adeo certos de iis nos facit, atque si reipsa jam præstita essent ac manibus tenerentur, certiores verò quàm si vel oculis essent conspecta, vel evidenti ratione demonstrata. 2. Ab eâ sanè plurimum commendati sunt majores nostri, à quibus ortum ducimus, quòd Deo placerent, quorum auctoritate atque exemplo par est nos plurimum commoveri. 3. Ac *2. In hac enim testimonium consecuti sunt senes.* *3. Fide intelligimus captata esse sacula verbis* fide (Nnn)

*Dei: ut ex invisibilibus visibilia fierent.*

4. Fide plurimam hostiam Abel, quàm Cain obtulit Deo, per quam testimonium consecutus est esse justus, testimonium perhibente muneribus ejus Deo, & per illam defunctus adhuc loquitur.

5. Fide Enoch translatus est, ne videret mortem, & non inveniebatur, quia transtulit illum Deus: ante translationem enim testimonium habuit placuisse Deo.

6. Sine fide autem impossibile est placere Deo. Credere enim oportet accedentem ad Deum,

fide quidem intelligimus esse omnia Dei verbò condita in principio temporis, ita ut quæ cernuntur universa, non sint ex aliquâ apparenti aut reverà subsistenti materiâ, sed ex nihilo procreata, ordinatâ serie ritè disposita, & sensû nunc perceptibilia, quæ prius illum effugerant.

4. Fides, quæ major & ardentior erat in Abel, quàm in Cain, excitavit eum, ut pinguiorem atque meliorem hostiam Deo offerret, propterea præclarum suæ justitiæ testimonium habuit Deo ipsius munera tantumquam excellentiora comprobante, ejusdem etiam fidei beneficiò tamen si occisus in hominum tamen memoriâ semper vivet, & loqueretur cruore suo coelestem quodammodo ultionem reposcente contra fratrem suum.

5. Fide Enoch insigni, eique conformi vitæ sanctitate translatus est à Deo ex oculis & consortio hominum, ne mortem obiret, quam ob causam, quia Deus eum ad se evocaverat, inter mortales apparere desiit, etenim priusquam abriperetur, divino oraculò patuit ipsum placuisse Deo. 6. Atqui sine fide fieri non potest, ut quis illi placeat, eum enim, qui se divino obsequio mancipare vult, credere ante omnia oportet, esse De-

um,



um, résque humanas per suam providentiam curare ac proin pro sua æquitate illos, qui ipsi religioso cultu servire ac placere student, liberalissimè remunerari. *quia est, & inquirentibus se remunerator sit.*

7. Noë quoque divino oraculò admonitus certiorque redditus de imminente mundo flagitiis corrupto eluvione, cujus tamen necdum indicia apparebant, Deo credidit, & reverentiâ quadam ac pio timore ductus aptavit arcam ad suæ unius familiæ salutem, ejusque constructione reliquum mundum ut incredulum & in sua perversitate obstinatum ac proin exitiò dignum damnavit. Fides cum non tantum incolumem servavit ab universali diluvio & interitu, sed tanquam radix & fundamentum justitiæ eum justum ac hæredem reddidit benedictionum, quæ Patribus ejus promissæ fuerant.

8. Magnus ille Patriarcha Abraham fide excitatus & impulsus, quâ credebatur Dei promissis, obsecutus est ei præcipienti, ut exiret de domo paternâ in eum locum, quem, sicut Deus promiserat, accepturus erat in hæreditatem & possessionem legitimam, exivit autem planè ignorans, quò sibi pergendum aut perveniendum esset. 9. Fide animante in regione illâ tanquam advena in alieno

*7. Fide Noë respon-  
sò accepto de iis, quæ ad-  
huc non videbantur, me-  
tuens aptavit arcam in  
salutem domus sue, per  
quam damnavit mun-  
dum: & justitiæ, quæ per  
fidem est, hæres est insti-  
tutus.*

*8. Fide qui vocatur  
Abraham obedivit in lo-  
cum exire, quem accep-  
turus erat in heredita-  
tem: & exiit nesciens  
quò iret.*

*9. Fide demoratus  
est in terra repromissio.  
(Nnn 2)*

solo

*nis, tanquam in alienâ in  
casulis habitando cum  
Isaac & Jacob coheredi-  
bus repromissionis ejus-  
dem.*

*10. Expectabat enim  
fundamenta habentem ci-  
vitatem: cujus artifex &  
conditor Deus.*

*11. Fide & ipsa Sa-  
ra sterilis. virtutem in  
conceptionem seminis ac-  
cepit, etiam præter tem-  
pus ætatis; quoniam fide-  
lem credidit esse eum,  
qui repromiserat.*

*12. Propter quod &  
ab uno orti sunt (& hoc  
emortuo) tanquam syde-  
ra cæli in multitudinem,  
& sicut arena, quæ est  
ad oram maris, innume-  
rabilis.*

*13. Juxta fidem de-  
functi sunt omnes isti,*

solo commoratus est, ut qui in tento-  
riis habitavit unâ cum Isaac & Jacob,  
qui ejusdem hæreditatis promissæ  
participes futuri erant. Ne autem mi-  
remini, illum nec tædio coarctum,  
nec magnopere fuisse sollicitum de  
comparando sibi domicilio stabili, re-  
busque ad vitæ sustentationem neces-  
sariis. Altiora spirabat generosus il-  
lius animus. 10. Expectabat enim  
civitatem aliam benè & solidè funda-  
tam, firmissimam, immobilem, æter-  
nam, nempe patriam cœlestem, cujus  
artifex & conditor est ipse Deus. Fi-  
des mariti uxori quoque ad miracu-  
lum usque profuit. 11. Sara enim  
cùm sterilis naturâ esset, divinæ pro-  
missioni confisâ vim accepit ad con-  
cipiendum semen, ac præter ætatis  
iuxâ rationem ac naturæ conditionem  
peperit. 12. Quin imò ex uno A-  
brahamo còque jam effæto ac pene  
demortuo tam numerosâ exorta est  
liberorum posteritas, ut æquaret sy-  
derum cœli multitudinem, & innume-  
rabilem arenam, quæ est in litto-  
re maris. 13. Atque hi tres sancti-  
tate non minùs, quàm antiquitate  
venerandi Patriarchæ, de quibus men-  
tionem intuli, fidem, quam semel  
complexi sunt, ad extremum usque  
vitæ spiritum constantissimè retinue-  
runt

runt, cum tamen nondum adepti essent promissâ, sed eminus tantum & per obscurè illa aspexissent & credidissent (quod navigantibus ferè contingere solet, si à longè prospiciant ac læto clamore salutent terram utrum adhuc valde remotam) & cum debita gratiarum actione illa excepissent professi, se hospites esse atque advenas in terrâ, 14. quâ sanè oratione palam testabantur, se nondum ad terram promissâ pervenisse, sed

*non acceptis repromissionibus, sed à longè eas aspicientes, & salutantes, & confitentes, quia peregrini & hospites sunt super terram.*

tanquam exteros & peregrinos patriam adhuc inquirere, non utique illam terrestrem, sed supernam, 15. quod si quam deservierant, patriam mente & cogitatione voluissent, nihil illis facilius ac proclivius erat, quam in eam denuo reverti. 16. Jam verò meliorem procul dubio, hoc est, celestem patriam expectabant, quâ

*14. Qui enim hac dicunt, significant, se patriam inquirere.*

15. *Et si quidem ipsius meminissent, de quâ exierunt, habebant utinam tempus revertendi: quàm in eam denuo reverti.* 16. *Nunc autem meliorem appetunt, id est, celestem. Ideo non confidei devotione tantopere Deo placundi: Deus vocari euerunt, ut oblivione quodammodo præteritis aliis Majestatis divinæ titulis ac prædicatis, cum univerforum esset dominus, eos tamen honore ac favore peculiari dignatus sit, ut Deum Abraham, Isaac & Jacob seipsum nominaret, iisque sanctam illam atque supernam civitatem præpararet, ad quam tanta fide & constantiâ anhelabant,*

*15. Et si quidem ipsius meminissent, de quâ exierunt, habebant utinam tempus revertendi: quàm in eam denuo reverti.* 16. *Nunc autem meliorem appetunt, id est, celestem. Ideo non confidei devotione tantopere Deo placundi: Deus vocari euerunt, ut oblivione quodammodo præteritis aliis Majestatis*

17. Fide obtulit Abraham Isaac, cum tentaretur, & unigenitum offerebat, qui susceperat repromissiones;

18. Ad quem dictum est: quia in Isaac vocabitur tibi semen;

19. Arbitrans, quia & à mortuis suscitare potens est Deus: unde cum & in parabolam accepit.

20. Fide & de futuris benedixit Isaac, Jacob, & Esau.

bant, ut in eâ æternum beati viverent.

17. Fide pariter suadente Abraham, cum Deus ipsum quodammodo ex-  
plorare, ejusque virtutis periculum faceret, obtulit Isaacum in sacrifici-  
um, illum; inquam, unigenitum

sibi divinitus promissum, 18. et præ-  
ter omnem spem humanam concessum, ex quo uno posteritatem nume-  
rosissimam sibi nascituram intelle-

xerat. Probatio hæc satis difficilis,  
& naturali genitoris affectui contra-  
ria videbatur, neque sanè tam inex-  
spectato præcepto adeo promptè ob-  
temperare potuisset Abrahamus, nisi

fidei instinctu atque virtute. 19.  
quæ illi omnino persuaserat, Deum  
vel à mortuis illum facile excitare

posse, quemadmodum etiam illum à  
morte jam destinatâ ereptum, &  
quodammodo redivivum accepit

tanquam typum morituri & resur-  
recturi Christi Domini, qui non so-  
lùm in sacrificium sese obtulit, sed

etiam reipsâ mortem pro nobis ultrò  
subiit, & ab eâ quidem seipsum ad-  
vitam revocavit, ut eam penitus de-

strueret. 20. Fide Jacob filiis suis  
Jacob & Esau benedicens futura bo-  
na dispertit, non aliter ac si præsen-

tia cum pleno dominio possideret.

21. Fide Jacob moriturus singulis filiis Joseph Manasse nempe & Ephraim benè precatus est, & inclinato capite fastigium sceptri illius deveneratus est, tanquam figuram regni Messiae post aliquot sæcula primum exoriturum. 22. Fide Joseph egressionem filiorum Israël ex Ægypto vaticinando prædixit, suâque ossa ex illâ regione asportari præcepit, ut Patribus suis apponerentur. 23. Fide cùm Moyses natus esset, occultatus est à parentibus menses tres, quòd infantuli elegantiam adamâssent, & magna quæque ab eo pro communi populi salute præstanda promitterent, neque imperiosum regis Pharaonis edictum magnopere formidarent. 24. Ut verò is adolevit, comperitque se liberando populo destinatum à Deo, fide impulsus est, ad excutiendam adoptionem filiae regis, & negligendum fictitium generis splendorem ac nominis dignitatem, 25. potius eligens unâ cum populo Dei ærumnis premi, quàm temporariis commodis perfrui, quibus absque piaculo indulgere non potuisset, 26. majores & longè præferendas divitias reputans Christi probra & contumelias, quàm Ægyptiorum

21. Fide Jacob, moriens, singulos filiorum Joseph benedixit; & adoravit fastigium virga eius.

22. Fide Joseph, moriens, de processione filiorum Israel memoratus est, & de ossibus suis mandavit.

23. Fide Moyses, natus, occultatus est mensibus tribus à parentibus suis, sed quòd vidissent elegantem infantem, & non timuerunt regis edictum.

24. Fide Moyses grandis factus negavit se esse filium filiae Pharaonis,

25. Magis eligens affligi cùm populo Dei, quàm temporalis peccati habere jucunditatem,

26. Majores divitias estimans thesaurò Ægyptiorum, improprium Christi

*si: aspiciebat enim in remunerationem.*

27. Fide reliquit Ægyptum, non veritus animositatem regis: invisibilem enim tanquam videns sustinuit.

tiorum thesauros, spiritu enim prophetico atque etiam majorum traditione præsciebat, Christum mundi redemptorem multa opprobria passurum, ut ergo ei similior evaderet, maluit multis probris affici cum Hebræis, quàm honoribùs, opibus, deliciis abundare in aula Pharaonis, primum enim credebat, post afflictiones, quas cum populo Dei tollerabat, secururam populi liberationem, quæ utique futura erat merces quædam patientiæ prioris. Deinde ac potissimum fidei suæ oculos attollebat ad bona cœlestia, quæ Deus cultoribus suis pro mercede ac præmio priorum laborum se redditurum promisit. 27. Fides ejus præterea in migratione ex Ægypto præcipuè eluxit, primo quidem, quòd tantam virorum mulierumque multitudinem in solitudinem eduxit, divinæ sese totum providentiæ committens, nihilque dubitans, eam sibi & populo affuturam. Deinde quia iram & indignationem regis non timuit, quem sibi tamen & populo insensum esse multis argumentis perspicuè cognoverat. Et verò quid timeret hominem visibilem, infirmum, ac mortalem, qui Deum omni-

nipotentem, immortalem & invisi-  
bilem adiutorem & remuneratorem  
constanti fide expectavit sibi tam cer-  
tò assuturum, acsi visibiliter præsen-  
tem illum haberet. 28. Fide quo-  
que celebravit solennitatem pascha-  
lem, ut sanguinis effusione quoHe-  
bræorum postes ædium liniendi  
erant, populum servaret incolumem  
ab eo, qui Ægyptiorum primogeni-  
ta perimebat. 29. Fide parentes  
nostri transiére mare rubrum non a-  
liter, ac si aridam solúmque calca-  
rent, quod cùm Ægyptiî quoque  
facère aggredierentur, Oceani vortici-  
bûs obruti miserandum in modum  
perierunt. 30. Fide Jerichuntina  
mœnia aliàs firmissima conciderunt,  
cùm ad dies septem non sine tuba-  
rum clangore & festo clamore popu-  
li circumdata essent. 31. Fidei debet  
Rahab meretrix illa insignis, quòd  
unà cum cæteris incredulis non peri-  
erit, exploratores enim ad se veni-  
entes benignè ac benevolè recepit,  
iisque assentibus Deum Israelitis  
dominium tradidisse finitimæ regio-  
nis cùm divini Numinis impulsu cre-  
didisset, exitum urbis cum familiâ  
suâ evasisit. 32. Et quid plura ex-  
empla afferam? deficiet me profe-

28. Fide celebravit  
Pascha & sanguinis effu-  
sionem: ne qui vastabat  
primitiva, tangeret eos.

29. Fide transferunt  
mare rubrum tanquam  
per aridam terram: quòd  
experti Ægyptiî, devo-  
rati sunt.

30. Fide muri Jeri-  
cho corruerunt, circui-  
tu dierum septem.

31. Fide Rahab me-  
retrix non periit cùm  
incredulis excipiens ex-  
ploratores cum pace.

32. Et quid adhuc  
dicam? deficiet enim me  
(Ooo).

Atò

*tempus enarrantem de Gedeon, Barac, Samson, Jephthe, David, Samuele & Prophetis:*

33. *Qui per fidem vicerunt regna, operati sunt justitiam, adepti sunt repromissiones, obtulerunt ora leonum.*

34. *Extinxerunt impetum ignis, effugerunt aciem gladii, convalescunt de infirmitate, fortes facti sunt in bello, castra verterunt exterorum:*

35. *Acceperunt mulieres de resurrectione mortuos suos. Alii autem distenti sunt non suscipientes redemptionem, ut meliorem invenirent resurrectionem.*

36. *Alii verò ludibria & verbera experti, insuper & vincula & carceres:*

Etò dies commemorantem de Gedeone, Baracho, Samšone, Jephthe, nec non Davide, ac Samuele ceterisque Prophetis, 33. qui fide, quâ crediderunt Deo ipsos ad bellum excitanti, regna expugnârunt, populo sibi commissio justitiam integre administrârunt absque acceptione & discrimine personarum, ut decebat judices & rectores populi Dei, promissa sibi cœlitus bona, veri crediderunt, ita consecuti sunt, occluserunt ora leonum. 34. Extinxerunt vim atque ardorem ignis, evaserunt hostiles gladios, ex infirmitatibus suis præter omnem expectationem convalescunt, in præliis eximia prudentiæ ac fortitudinis specimina dederunt, debellatis & profligatis non rarò maximis exercitiis. 35. Fide mulieres per prophetas redivos accepere, qui jam mortem obierant, alii verò instar pellium in tympano distenti, fustibus, flagris, ac loris contusi sunt, qui liberationem à tormentis, quam tyranni à fide deficientibus spondebant, acceptare noluerunt, ne æternâ illa ac meliori vitâ privarentur. 36. Alii rursus ludibriis & verberibus excepti vincula insuper & carceres experti sunt. 37.

Lapidi.



Lapidibus nonnulli obruti, in partes disseci & innumeris prope modis vexati, gladiò dehinc cæsi occubuerunt, qui verò hostium persecutioni se subduxerant, per devios montium saltus ac solitudines oberrarunt ovillis & caprinis pellibus operiti, omni penitus humanâ ope destituti. 38. Alii, quorum virtute ac sanctitate clarissimorum convictu ac consuetudine mundus in maligno positus dignus non erat, maluerunt, in silvis desertisque locis, in montibus, ac terræ latibulis miseram vitam ducere. 39. Atque hi omnes, cum fidei tam strenuè propugnata ac pietatis constanter servata beneficiò suâ apud Deum justitiæ testimonium omni exceptione majus accepissent, promissionum tamen fructum non omni ex parte assecuti sunt, unde nec vobis molestum esse debet, si modicum adhuc expectandum sit. 40. Eâ præcipuè de causâ, quòd vobis vestræque utilitati benignè prospiciens Deus noluerit eos prius, sed unâ vobiscum perfectam ac immortalem beatitudinem consequi, coelorum enim referatio adeoque perfecta ac completa tum animæ tum corporis felicitas pendeat ab adventu & resurrectione


37. *Lapidati sunt, sciti sunt, tentati sunt, in occisione gladii mortui sunt: circuierunt in melotis, in pellibus caprinis, egentes, angustii, afflicti:*

38. *Quibus dignus non erat mundus: in solitudinibus errantes, in montibus, & speluncis, & in cavernis terra.*

39. *Et hi omnes testimonio fidei probati, non acceperunt repromissionem.*

40. *Deo pro nobis melius aliquid providente, ut non sine nobis consummarentur.*

tione Messiae, adeoque & a novo Testamento, in quo, uti sperare licet, eadem vobis obveniet, ut proin illi non nisi vobiscum beatificandi ac glorificandi sint, nempe post Christi ascensionem & tempus novi testamenti. Unde plurimum divinae bonitati obstricti estis, quod majores vestri ex ejus dispositione vos praestolari debeant, ex qua ipsa argumentum ac motivum efficacissimum vobis praebetur æquo animo tantisper perferendi & vestras ærumnas, & dilationem perfectæ beatitudinis, ad quam votis omnibus anhelatis, quæque vobis propinquior est, quam tot antecessoribus vestris, qui eam per integra sæcula praestolari sunt. Eorum itaque exemplò vos Hebræi in Christum jam praesentem credite, in ejusque fide, spe, & amore constantet perseverate, ita enim cum priscis illis Patribus consummationem, id est, salutem, ac beatitudinem sempiternam adipiscimini.



PARA-

# PARAPHRASIS

## CAP. XII.

1. **T**Ot tàmque illustria testimo-  
nia satis opinor, superque o-  
stendunt eximiam dignitatem ac vim  
fidei, sequamur strenuè eorum exem-  
pla, & si adversa ac sinistra nobis me-  
tum incutiunt, excutiat illum invic-  
ta tantorum heroum constantia. Ab-  
jiciamus omnes sarcinas & remoras  
quæ cursum virtutis atque profectus  
retardant, ut sunt luxus superfluo-  
rum, anxietas curæ, nimis occupationes, &  
id genus alia impedimenta. Missam  
etiam faciamus, vel saltem refro-  
nemus naturæ corruptæ concupis-  
centiam, quæ instar retis nos undique  
cingit, implicat, & in lubricos casus  
titubantes impellit. Curramus ma-  
gnâ animi contentione, atque con-  
stantiâ in stadio nobis proposito ad  
destinatum victoribus bravium. Si  
diuturnitas atque difficultas agonis  
patientiam nostram infringere vide-  
tur, 2. oculos conjiciamus in  
JESUM

1. *Ideoque & nos  
tantam habentes impossi-  
tam nubem testium, de-  
ponentes omne pondus,  
& circumstantes nos pecca-  
tum, per patientiam cur-  
ramus ad propositum no-  
bis certamen :*

2. *Aspicientes in Au-  
(O o o 3)*

*ctorem fidei & consummatorem Jesum, qui proposito sibi gaudiô sustinuit crucem, confusione contemptâ, atque in dexterâ sedis Dei sedet.*

3. *Recogitate enim eum, qui talem sustinuit à peccatoribus adversum semetipsum contradictio-*

Iesum, qui non solum spectatôr est & præses agonis, sed etiam nos animat, corroborat, & remuneratur, qui fidei scutum nobis largitur & illæsum servat, suâ gratiâ ad vitæ sanctitatem vocat, divinis inspirationibus ad se trahit, sibi que arctissimè unit ad absolvendam & consummandam in nobis ultimam perfectionem, qui denique locô gaudii, quo frui poterat vitam degendo felicem, & omnibus bonis affluentem, acerbissimam crucis necem elegit ac perculit, ignominiâ contempta, & insuper habito dedecore. Cum enim liberum esset Dei Filio in propriâ gloriâ & divinitate manere, maluit incarnari, incarnatus reddere poterat corpus suum immortale, maluit habere mortale, moriturus poterat tranquillâ morte defungi, maluit crucifigi infamiâ probrosi supplicii nullâ ex parte retardatus. Beata mors, honorata confusio, dolores exoptabiles, quibus fortiter toleratis nunc ad dexteram throni divini confidet. Medium sanè opportunius ad retinendam in adversis animi constantiam non occurrit, 3. quàm ut reputetis vobiscum ipsi, quis ille sit, quantâque præditus dignitate, qui  
ab

ab improbis & sceleratis hominibus nem: ut ne fatigemini  
 ralem ac tantam sustinuit adversus se animis vestris deficien-  
 infectionem & calumniam. 4. E-tes.

sto sanè, quòd adversus peccatum 4. Nondum enim us-  
 fatis strenuè à vobis hætenus pugna-que ad sanguinem resti-  
 tum sit, necdum tamen usque ad tistis, adversus peccatum  
 sanguinis effusionem restitistis. repugnantes:

Quare ergò tam væcordes modò  
 estis ac imbecilles? 5. Quo facto men- 5. Et obliti estis con-  
 te vestrà excidit suavis illa admoni- solationis, qua vobis tan-  
 tio, quâ divina sapientia tacitis qui- quam filii loquitur di-  
 busdam vocibûs hortari vos non de- cens: filii mi, noli negli-  
 finit, & tanquam filios charissimos gere disciplinam Domi-  
 his propemodum verbis vos alloqui- ni: neque fatigeris, dum  
 tur: fili mi, ne contempseris ab eo argueris.

correctionem, quâ à Domino tan-  
 quam optimoparente per flagella ab  
 eo seu immissa, seu permissa instrue-  
 ris, exercebis, perficeris, neque de-  
 ficias animò, dum ab eo argueris.  
 Sic enim 6. quem diligit Dominus,  
 studiosè increpat, & castigat, quip- 6. Quem enim dili-  
 pe qui propterea vos in filios adopta- git Dominus, castigat:  
 tos affligit & percutit, ut erudiat, flagellat autem omnem fi-  
 purget, & probet, rejectitios autem lium, quem recipit.  
 quasi desperatos relinquit corruptis Prov. 3.

suis desideriis ac moribus, vel si percu-  
 tit, percutit iratus, non castigat propi-  
 tius. 7. Quando igitur Deus vos castigat, 7. In disciplinâ perse-  
 nolite cogitare, id eum ut severum verate: Tamquam filiis  
 iudicem facere ex subortâ indignatio- vobis offert se Deus:  
 ne,

*quis enim filius, quem  
non corripit pater?*

8. *Quòd si extra  
disciplinam estis, cujus  
participes facti sunt  
omnes: ergò adulteri, &  
non filii estis.*

9. *Deinde patres  
quidem carnis nostræ  
eruditores habuimus, &  
reverebamur eos: non  
multò magis obtempera-  
bimus Patri spirituum  
& vivemus?*

10. *Et illi quidem  
in tempore paucorum  
dierum, secundum volun-  
tatem suam erudiebant  
nos: hic autem ad id,  
quod utile est in recipien-  
do sanctificationem e-  
jus.*

11. *Omnis autem*

ne, sed potius ex amore provido ut  
parentem de filiorum profectu & sa-  
lute sollicitum, quis enim inter vos  
filius, quem non aliquando castigat  
pater, nisi aberret ab officio suo.

8. Quòd si exempti & immunes esse  
vultis ab omni disciplinâ & correp-  
tione, cui Majores vestri fuere ob-  
noxii, ergò adulterini estis, spurii, il-  
legitimi, degeneres. 9. Si verò  
parentum nostrorum, qui nos, quod  
attinet ad corpus, genuerunt, seve-  
riorem disciplinam & sustinimus a-  
liquando, & magnâ veneratione  
coluimus, an non multò magis nos  
convenit subjici conditori animarum  
nostrarum, & ex hac subjectione vi-  
tam spiritualem haurire? nam eas  
ipse solus creavit, corporibus infu-  
dit, justificavit &c. Neque verò casti-

gat nisi in utilitatem nostram, 10.  
ut nimirum nos aliquo modo partici-  
pes redderet suæ sanctitatis & inde  
consecuturæ gloriæ per exactam sua-  
rum legum observantiam, cùm ta-  
men brevis illa nostrorum parentum  
castigatio negotia ut plurimum tem-  
poralia concerneret, & sæpe magis  
ex irritatâ bile & cæco furore prove-  
niret, quàm ex æquitate & ratione.

11. Si naturæ tantum dictamina con-  
sulitis,

fulitis, si præsentia tantum confide- *disciplina, in præsenti*  
 ratis, omnis quidem hujusmodi ca- *quidem videtur non esse*  
 stigatio nunc amara & molesta po- *gaudii sed mæroris: postea*  
 tius, quàm jucunda & optabilis vi- *autem fructum pacatis-*  
 debitur, modò tamen aliquantulum *simi: mæxercitatis per eam*  
 patientiæ habeatis, experiemini, quàm *reddet justitia.*

dulces justitiæ & sanctimonix fructus  
 suis clientibus probè exercitatis pro-  
 ferat, quantam conscientis tran-  
 quillitatem procuret, mentibus lu-  
 cem affundat, cœlestium rerum a-  
 tiorem cordibus inferat.

12. Quapropter tanquam strenui athletæ re- *12. Propter quod*  
 missa ac torpentia brachia, genua so- *remissas manus & soluta*  
 luta, & flaccida membra excusâ ig- *genua erigite.*

naviâ erigite, accendite fervorem  
 pristinum, alacriter rem Dei, & ne-  
 gotium salutis vestræ agite, præpara-  
 te vos seriò ad repellendos inimico-  
 rum vestrorum assultus, ad compri-  
 mendas cupiditates noxias, mun-  
 dùmque ac dæmonem superandum,  
 cùmque ab intentione operum valor  
 dependeat, curate, ut illa recta sit.

13. Neque ad dextram, neque ad sini- *13. Et gressus rectos*  
 stram in obsequio Dei deflectentes, *facite pedibus vestris: ut*  
 rectam videlicet Christianisimam, *non claudicans quis er-*  
 fidem, vitam tenete, unius supremi *ret, magis autem sanc-*  
 Numinis gloriam spectantes, gressû- *tur.*

que minimè titubanti principiis veræ  
 religionis insistentes. Hicce non

con-

(Ppp)

14. *Pacem sequimini cum omnibus & san-  
ctimoniam, sine qua ne-  
mo videbit Deum:*

15. *Contemplantes, ne quis desit gratia Dei: ne qua radix amaritudinis sursum germinans impediatur, & per illam inquinentur multi.*

16. *Ne quis fornicator aut profanus, ut Esau: qui propter unam escam vendidit primitivam suam:*

17. *Scitote enim, quoniam & postea cupiens hereditare benedictionem, reprobatus est: non enim invenit penitentiam locum, quamquam cum lachrymis inquisisset eam.*

contenti proximi quoque curam non negligite, datæque operam, ut si quis in via Domini claudicat, & fallente gressu incedit, ne penitus deflectat, & abducatur, sed effice potius, ut quoad ejus fieri poterit, in priorem veritatis, & justitiæ semitam revocetur.

14. Colite pacem cum omnibus mortalibus, cordis autem munditiā modis omnibus procure, cui Christus Dei conspectum & contemplationem pollicetur: 15. providentes interim, ne quis à Dei gratia benevolentiaque seu virium defectu, seu segnitie retardatus deficiat, item ne qua radix amara seu falsæ doctrinæ vel pravi exempli suppullulans mentem obruret, lætāque messem inquinet.

16. Talis esset scortator, aut rerum sacrarum contemptor, carni aut ventri unice deditus, qualis olim Esau fuisse fertur, qui unico eoque levissimo edulio jus suum primogeniti vendidit.

17. Rejctus idcirco & à Deo & à parente suo Jacobo, ne compos fieret expectatæ benedictionis paternæ: neque enim illi integrum fuit, poenitentia factum infectum reddere, neque præteritam actionem quomodocunque detestari satis erat, ut eam, quam copiosis



copiosis lachrymis exquisivit, benedictionem, ac prioris sententiæ retractationem assequeretur. Fugite ergò non modò fornicationem, sed & gastrimargiæ vitium, & omnem voluptatum intemperantiam, necum profano Esau reprobemini, ne excidatis jure filiorum Dei, & benedictione ac hereditate cœlesti. 18. Non enim accessistis, ut olim ad montem, qui manibùs palpari, humanoque gressu conscendi possit, ignemque accensum ac turbinem, & caliginem & procellam, 19. tubæque sonitum ac vocem humana verba fundentem: quam qui audierunt, nimio terrore perculsi deprecati sunt, ne Deus amplius loqueretur, sed per Moysen interpretem atque internuntium omnia ageret. 20. Quòd nimirum severam illius præcepti interminationem nequaquam ferrent, quopalàm edicebatur, si vel bestia montem attingeret, lapidibus obruendam, aut jaculò configendam. 21. Ipseque adeo Moyses formidabili illà specie propemodum exanimatus pavescit se atque ingenti terrore correptum professus est. Quòd si transgressoribus veteris illius Legis & Ecclesiæ tam gravis poena, infligebatur,

18. *Non enim accessistis ad tractabilem montem, & accensibilem ignem & turbinem, & caliginem, & procellam,*  
19. *Et tuba sonum, & vocem verborum, quam qui audierunt, excusaverunt se, ne eis fieret verbum.*

20. *Non enim portabant, quod dicebatur: etsi bestia tetigerit montem, lapidabitur.*

21. *Et ita terribile erat, quod videbatur. Moyses dixit: exterritus sum & tremebundus.*

22. *Sed accessistis  
ad Sion montem, & civita-  
tem Dei viventis, Jeru-  
salem cœlestem, & mul-  
torum millium Angelo-  
rum frequentiam,*

23. *Et Ecclesiam pri-  
mitivorum, qui conscrip-  
ti sunt in cœlis, & ju-  
dicem omnium Deum, &  
spiritus iustorum per-  
fectorum,*

batur, quantæ poenæ manebunt con-  
temptores legis & Ecclesiæ Christi,  
cujus illa vetus non nisi typus erat,  
& figura? 22. Non accessistis, in-  
quam, ad hunc montem Sina terre-  
num, & terrena bona promittentem  
lacibulum, & speluncam ferarum,  
sed per fidem ac baptismum ad Ec-  
clesiam Christi per montem Sion de-  
signatum, ad civitatem Dei viventis,  
in quâ innumerabilis beatarum men-  
tium cœtus æternâ felicitate fruitor,  
ejusque auctorem Deum ter Opti-  
mum Maximum assiduis laudibus de-  
prædicat, ad Jerusalem cœlestem ci-  
vibus suis cœlestia bona subminist-  
rantem. 23. Ad gloriosum illorum  
regnum, qui præ cæteris mortalibus  
peculiariter à Deo electi, & à vulgo  
separati, & Deo dedicati sunt sicut  
primogeniti filii, ideoque nobilissimi  
& charissimi, qui in cœlesti Beato-  
rum albo jam conscripti sunt tau-  
quam candidati & hæredes æternæ  
beatitudinis. Christus quoque, ad  
quem pari modô accessistis, non est  
blæsus ille & infirmus Moses,  
quem tamen nemo impurè offendit,  
sed est omnipotens atque impiis in-  
exorabilis judex omnium tam An-  
gelorum quàm hominum immorta-  
lis

lis Deus. Ecclesiam quoque Christi, quàm ingressi estis, non constituunt increduli illi, semperque Deo rebelles murmuratores, nil nisi ollas caruium & cepas Ægypti eructantes, sed animæ iustorum perfectorum per fidem & charitatem in hac vitâ, per plenam sanctitatem & gloriam in æt. æ. 24. Ibi invenitis non Moysen antiqui, sed IESUM novi testamenti mediatorem, pontificem & advocatum vestrum, & sanguinem, quo aspergendi, mundandi & sanctificandi sunt fideles melius loquentem, quàm loquatur sanguis Abel, hic enim clamat vindictam, ille misericordiam.

25. At videte, ne cum vos alloquentem aspernemini si enim Israelitæ non effugerunt commeritas poenas, qui Angelum Dei nomine loquentem in terrâ audire recusarunt, multò magis nobis timendum erit, si Christum Deum & hominem nobis de cœlo loquentem per suos Legatos, per miracula, per dona Spiritûs Sancti repellimus & averfamur. 26

Ejus vox concussit aliquando terram, nempe cum legem veterem inter fulgura & tonitrua terrâ contremiscente per Angelum promulgavit,

24. *Et Testamenti novi Mediatorem Iesum, & sanguinis aspersorem, melius loquentem, quàm Abel.*

25. *Videte, ne recusetis loquentem. Si enim illi non effugerunt, recusantes eum, qui super terram loquebatur: multò magis nos, qui de cælis loquentem nobis avertimus.*

26. *Cujus vox movit terram tunc: nunc autem repromittit dicens: adhuc semel, & ego movebo non solum terram, sed etiam cælum. (Ppp 3)*

27. *Quod autem, adhuc semel, dicit: declarat mobilium translationem, tanquam factorum, ut maneant ea, quæ sunt immobilia.*

28. *Itaque, regnum immobile suscipientes habemus gratiam: per quam serviamus placentes Deo, cum metu & reverentiâ.*

29. *Etenim Deus non sicut ignis consumens est.*

nunc autem denunciavit per Prophetam dicens: adhuc semel concutiam non solum terram, sed etiam cœlum. 28. Porro illud *adhuc semel* indicat, fore aliquando, quando nimirum mundus est innovandus, ut quidquid instabile & caducum est, cessare debeat & in aliam faciem transmutari, ut ea, quæ succedent, firma atque stabilia permaneant atque perseverent, nempe novi cœli, nova terra, quam nobis promittit, regnum illud beatorum gloriosum, quod nulli mutationi obnoxium est. 28. Ad hujus regni possessionem vocati sumus, hæc est illa felicitas, cujus certa per spem expectatio nobis pro ingenti solatio esse potest ac debet in quacunque nostrâ calamitate, quâ premimur. Conservemus ergo studiosè gratiam, quam non tantum sufficientem, sed & abundantem accepimus, ejusque adminiculô servire & placere studeamus Deo cum metu & reverentiâ debitâ, tamen si enim sibi illibatâ & constanti fide servientibus admodum propitius sit, respectu tamen improborum minimè stipites est aut truncus, sicut idola gentium, sed instar ignis vehementissimè agentis, & celerrimè eos consumen-

tis

tis, non ita quidem, ut aliquando  
esse desinant, sed ut æternum ar-  
deant.

## PARAPHRASIS

### CAP. XIII.

1. **S**i vindicis Dei indignationem  
pertimescitis, & declinare  
cupitis, mutua inter vos tanquam  
fratres charitas integra semper &  
salva permaneat. Infectiones,  
quas pertulistis, non exulcerent ani-  
mos vestros. Si corpore sejuncti,  
mente saltem & amore conjuncti  
persistite, & quamvis facultatibus ve-  
stris tot inter persecutiones non le-  
viter attenuati sitis, 2. à consuetu-  
tamen hospitalitatis officio nolite  
desistere. Nolo pluribus comme-  
morare & extollere fructus eximie  
huius virtutis: illud dixisse sufficiat,  
factum non semel, ut quidam ex ve-  
stris Majoribus illi præprimis dediti  
sub specie & habitu viatorum laten-  
tes Angelos hospitio exceperint.  
3. Memores quoque estote eorum,  
qui

1. *Charitas fraterni-  
tatis maneat in vobis.*

2. *Et hospitalitatem  
nolite oblivisci, per hanc  
enim latuerunt quidam,  
Angelis hospitio receptis.*

3. *Mementote vindicis*

*rum, tanquam simul vin-  
cti: & laborantium, tan-  
quam & ipsi in corpore  
morantes.*

4. *Honorabile con-  
nubium in omnibus, &  
thorus immaculatus. For-  
nicatores enim & adul-  
teros judicabit Deus.*

5. *Sint mores sine  
avaritiâ, contenti præsen-  
tibus: ipse enim dixit:  
non te deseram, neque de-  
relinquam.*

6. *Ita ut confidenter  
dicamus: Dominus mihi  
adjutor, non timebo, quid  
faciat mihi homo.*

qui pro defensione Dei, quem reli-  
giosè colitis, & odio Christianæ fidei  
in vinculis detinentur, perinde quasi  
unâ cum illis ipsi etiam vincti essetis;  
neque hoc puræ commiserationis af-  
fectu contenti, si quâ aliâ necessita-  
te, aut molestiâ premantur, suble-  
vate eos pro viribus, & omni pietatis  
officio recreate, quippe qui, dum  
vivitis, iisdem malis & incommodis  
obnoxii degitis.

4. Conjugium  
porrò esto apud vos modis omni-  
bus, & rebus eò spectantibus hone-  
stum ac verecundum, & genialis  
thorus prorsus integer ac impollu-  
tus; sic enim habetote, scortatores  
& adulteros ultricem Dei indigna-  
tionem atque poenas atrocissimas ne-  
quaquam effugere posse. 5. Sint  
mores vestri ab avaritiâ, quæ radix  
est malorum omnium, penitus alie-  
ni: contenti præsentibus, de futuris  
non ultra modum solliciti. Si vos  
enim resque vestras divinæ providen-  
tiæ ex integro permiseritis, quæ ne-  
cessaria sunt, nunquam vobis de-  
erunt, habemus enim æternæ veri-  
tatis promissionem dicentis: non te  
deseram, neque derelinquam, 6.  
adeo ut confidenti animò verè dice-  
re possimus, quod olim David affir-  
mavit

mavit: Dominus mihi auxiliator, nec timebo, quidquid in me machinentur & attentent adversarii. Spes tantæ protectionis leviora reddit quæcunque mala etiam imaginatione nostrâ gravissima. Quodd si illa nihilominus adeo infirma & exigua est, ut non sufficiat ad vos confortandos, 7. revocate in memoriam præpositorum vestrorum atque præconum Apostolicorum constantiam, qui vobis aliquando divina dogmata atque præcepta tradiderunt, eaque profuso suo sanguine consignârunt, eorum fidem ac patientiam vobis imitandam proponite spectantes potissimum ipsorum vitæ decursum atque exitum sanctissimum. Neque ad vos excusandos dicatis: Apostolos Christum habuisse præsentem ac vivum fidei virtutumque omnium exemplar, magistrum ac ducem, nam unus idemque 8. Jesus Christus, quem vos adorastis, ipse est, quem illi adorârunt, uti illis per suam providentiam ac divinam protectionem adstitit, ita & vobis aderit æquè potens ac munificus, ipse namque qui olim fuit, idem est in præsentem, semperque idem erit in omnem æternitatem. Cum ergo

7. *Mementote præpositorum vestrorum, qui vobis locuti sunt verbum Dei: quorum intuentes exitum conversationis, imitamini fidem.*

8. *Jesus Christus heri, & hodie: ipse & in sæcula.*

(Qqq)

9. *Doctrinis variis  
& peregrinis nolite ab-  
duci. Optimum est enim  
gratiâ stabilire cor, non  
escis: qua non profuerunt  
ambulantibus in eis.*

10. *Habemus altare,  
de quo edere non habent  
potestatem, qui taberna-  
culo deserviunt.*

go nulli mutationi obnoxius sit, fide quoque atque fiduciâ immutabili vos ei adhærescere convenit, 9. non verò doctrinis variis ab Evangelio Christi deviantibus, atque inter se dissidentibus ac novis & à traditione domesticâ, ecclesiasticâ, Apostolicâ alienis abduci à verâ fide & doctrinâ Christi, vel à vitæ morumque Christianorum integritate atque levium instar arundinum huc illuc agitari & flecti. Optimum siquidem est divinâ gratiâ spiritûque novi Testamenti, cujus Mediatorem habemus Christum Dominum, corda imbueri, & quodammodo fixa atque stabilia reddere, non verò in superstitioso ac Judaico à Mose tradito ciborum delectu atque discrimine, quo nihilo meliores facti sunt, qui in ejusmodi legum ac rituum supervacaneâ observatione toti positi erant, & conseruierant. Qui ergò fieri potest, ut servile Veteris Testamenti jugum cum libertate Evangelii conjungere velitis? Quòd si victimam desideratis, neque illa Christianis deest. 10. Habuerint sanè Patres nostri altare & sacrificium, habemus & nos, sed longè præstantius atque divinius, nempe



nempe Christi JESU, ita tamen, ut istius fructus percipere non valeant, qui Leviticâ adhuc superstitione impliciti tabernaculo abrogato deserviunt. Neque id mirum vobis aut novum videri debet. II. Ut

hujus rei figuram aliquam ante aliquot sæcula haberemus, pontifex illius legis nunquam aliquid de carnibus vituli vel hirci delibabat, cujus sanguinem sacrario inferebat, quando pro peccatis populi habebatur expiatio generalis, & corpora publicarum victimarum extra castra comburebantur. 12. Quapropter ut

typo res ipsa ex æquo responderet, ipse Dominus JESUS, ut proprio sanguine genus humanum expiaret, extra portam urbis Jerusalem mortem obire voluit, extra consortium populi Judaici, ne quid deesset ad figuræ complementum. Tanto favori ac beneficio, ut & nos respondeamus, æquissimum sanè est, ut pro viribus nostris ad ejus imitationem quidpiam præstemus. 13. Exeamus igitur ejus exemplò & nos quodammodo extra castra, videlicet non tantum extra Synagogam, ejusque legales ceremonias jam abolitas, sed etiam extra mundum corruptum,

II. *Quorum enim animalium inferitur sanguis pro peccato in Sancta per pontificem, horum corpora cremantur extracastra.*

12. *Propter quod & JESUS, ut sanctificare per suum sanguinem populum, extra portam passus est.*

13. *Exeamus igitur ad eum extra castra, improprium ejus portantes.*

(Qqq 2)

14. *Non enim habemus hic manentem civitatem, sed futuram inquirimus.*

15. *Per ipsum ergo offeramus hostiam laudis semper Deo, id est, fructum laborum consensuum nomini ejus.*

16. *Beneficentia autem & communionis no-*

ruptum, ejusque consortium curis ac desiderijs rerum terrenarum penitus abjectis, opprobrium crucis sacrosanctæ cum omni animi demissione & patientiâ supportantes, calicem ejus amarum bibamus, quem primus ipse cum facibus gustavit, contemptâ ignominiâ, quæ Christiani nominis confessionem sequitur, gratulemur nobis ex animo, & gaudeamus, quod filii & discipuli sumus Magistri nostri crucifixi. 14. Persuasum enim nobis esse debet, quod in castris & tentorijs hujus mortalis vitæ non habeamus stabile domicilium, sed quoad vivimus, perpetuò peregrinemur, & ad futuram ac coelestem patriam propereamus, unde non est, quod multum turbemur, si vel opprobrijs impetamur à civibus terrenæ Jerusalem, vel rerum temporalium damna patiamur. 15. Christo igitur adhibito deprecatore ac Pontifice nostro offeramus assidue Deo sacrificium laudis (omissis legalibus) & hunc linguæ nostræ uberrimum fructum existimemus, ut divinum ipsius nomen perpetuis præconijs celebremus. 16. Beneficiæ vobis & liberalitatis quæ omnia propemo-

modum omnibus communia facit, *lite oblivisci: talibus en-*  
*nolite, quæso, ullo unquam tempore*  
 oblivisci, his enim profectò victi- *nim hostiis promeretur*  
 mis non oblectatur solùm, sed & *Deus.*

17. Restat aliud sacrificium ipsi offerendum, nempe obedientiæ Superioribus debita. Obtemperate iis, & faciles vos atque ad omnia promptos exhibete, vigi-  
 lant enim ipsi magnâ sollicitudine in commodum vestrum, quippe qui pro animabus vestris sibi commissis rationem se Deo reddituros intelli-  
 gant. Agite ergò, & ita vos gerite ut libenti atque hilari animò id faciant, & non ingemiscant sub onere regiminis ob sôcordiam, inobedientiam, vel irreverentiam vestram. Tamen si enim defectus vestros ex discreta charitate perferant, vestramque emendationem magis peroptent, quàm molestam correptionem, eorum tamen gemitus exaudiet Deus, & severâ ultione in eorum contemp-  
 tores animadvertet, superiorum patrocínio ac defensione in se suscep-  
 tã. 18. Obsecro etiam vos fratres,

ut precibûs me vestris apud communem omnium parentem Deum juvetis. Hanc gratiam mihi à vobis non denegandam prope certò mihi

17. *Obedite præpositis vestris & subjacete eis. Ipsi enim pervigilant, quasi rationem pro animabus vestris reddituri, ut cum gaudio hoc faciant, & non gementes: hoc enim non expedit vobis.*

18. *Orate pro nobis: confidimus enim, quia bonam conscientiam habemus in omnibus bene volentes conversari.*

per- (Qq q 3)

19. *Amplius autem deprecor vos hoc facere, quò celerius restituatur vobis.*

20. *Deus autem patris, qui eduxit de mortuis pastorem magnum ovium, in sanguine testamenti æterni, Dominum nostrum IESum Christum,*

21. *Apetet vos in omni bono, ut faciat ejus voluntatem: faciens in vobis, quod placeat coram se per IESum Christum: cui est gloria in sæcula sæculorum. Amen.*

22. *Rogo autem vos fratres, ut sufferatis verbum solatii. Etenim, per paucis scripsi vobis.*

persuadeo, quippe qui nullius offensus aut scandali vobis præbiti mihi sum conscius, & tenerrimo vos potius amore studioque semper complexus sum. 19. Id eo instantius sollicito, ut eò citius primo quoque tempore omnibus impedimentis sublatis vos revivere possim. 20. Deum autem patris, & omnis boni auctorem ac fautorem, qui magnum ovium suorum pastorem Dominum nostrum IESum Christum jam vitam functum merito mortis, & profusi sanguinis, quo confirmatum est novum & æternum testamentum, nostraque reconciliatio, ad vitam immortalem revocavit, enixe deprecor, 21. ut divinam suam gratiam absolutos vos atque perfectos reddat ad omne opus bonum, inter vos maxime coherentes & connexos, idem plane sentientes, eodemque studio atque diligentia ad optima quæque contendentes, ut divinam ipsius voluntatem perficere atque explere possitis, ipsaque in vobis efficiat, quidquid sibi gratum acceptumque fuerit per IESum Christum, cui sit gloria in sæcula sæculorum. Amen. 22. Precor autem vos fratres, ut licet non tam vester, quam Gentium sum Apostolus, æquo tamen libentique

tique animò admittatis epistolam  
hanc exhortatoriam & consolatoriam,  
quâ per paucis, ne fastidiosâ prolixi-  
tate fatigemini, perscripsi, quod mi-  
hi opportunum, atque his tempori-  
bus accomodatum visum est. 23.

Nostis, opinor, fratrem nostrum Ti-  
motheum liberum ac vinculis solu-  
tum esse, unâ cum illo, si celerius  
ad me venerit, vos revisam. 24

Salutem ex me dicite omnibus Præ-  
positis vestris, omnibusque fidelibus.  
Itali ad Christum traducti vos om-  
nes salvere jubent. 25. Divina por-  
rò gratia sit vobiscum omnibus, vós-  
que perpetuò servet incolumes, Deo

fideles, obsequentes, & in mo-  
rum probitate con-  
stantes,

23. *Cognoscite fra-  
trem nostrum Timothe-  
um dimissum: cum quo,  
(si celerius venerit) vi-  
debo vos.*

24. *Salutate omnes  
præpositos vestros, &  
omnes Sanctos. Salu-  
tant vos de Italiâ fra-  
tres.*

25. *Gratia cum om-  
nibus vobis. Amen.*



10.2.30.

11

005664679